

Macaafui Inni Duraa (Faarfannaa 1-41)

Jireenya Nama Qajeelaa Fi Jireenya Nama Jal'aa

- 1 ¹ Namni akka gorsa warra
jal'ootaatti hin deddeebine,
karaa cubbamooni irra
adeeman irra kan hin
ejenne,
warra ga'isanii wajjinis tarrec
kan hin teenye
gammachuu qaba*!
² Qooda kanaa isa gammadu
kanatti seerri Waaqayyoo
itti in tola,
innoo balkanii fi guyyaa
waa'ee seera Waaqayyoo
in yaada*.
³ Inni akka muka isa bisbaan
yaa'aa qarqara dhaabamec,
yeroo yeroo isaatti ija kennuu,
baalli isaas gogee hin
barcaanee ti;
wanti inni hojjetu hundinuns
wal in qixxaataaf*.
**1 26:4-5; 119:1-3; Fak 4:14; Er 15:17
*2 119:148; Iya 1:8
3 92:13-15; Er 17:8
- ⁴ Warri jal'oonni garuu akka kana
miti;
isaan akka habaqii qilleensi
fuudhee adeemuu ti.
⁵ Egaa warri jal'oonni firdii duratti
hin jabaatan,
cubbamoonnis walga'ii
qajeelotaa keessa hin
dhaabatan.
⁶ Waaqayyoo karaa qajeelotaa
dunkaa bu'ee in beeka,
karaan jal'ootaa garuu gara
badiisaatti in geessa.

Isa Waaqayyoo Dibee Moosise

- 2 ¹ Sabni biyya lafaa maaliif
raafaman?
Namoonnis maaliif
akkasumaan itti koratan*?
² Waaqayyoon, isa inni dibee
moosiseenis mormuudhaaf,
mootonni lafa irraa in ka'u,

- warri biyya seerratanis
walii wajjin
taa'anii in mari'atu*.
³ Isaan, "Kottaa hidhaa isaanii of
irraa in cabsinaa!
Funyoo isaanis of irraa in
darbannaa!" in jedhu*.
⁴ Inni bantiwwan waaqaa
gararraa taa'u
itti in kofa,
gooftichi isaanitti in ga'isa*.
**1 HoE 4:25-26; Mul 11:18
*2 Mul 19:19; Far 48:4
*3 Er 5:5
4 59:8
- ⁵ Kana booddee gooftichi
aarii isaatiin isaanitti in
dubbata,
dheekkamsa isaatiinis isaan in
naasisa*;
⁶ itti fufees, "Ani mootii isa kan
kootii immoo
Xiyyoon tulluu koo isa
qulqulluu irra
teessiseera" in jedha*.
⁷ Ani mooticbi seerrata
Waaqayyoo himuufan jira,
inni anaan, "Ati ilma koo ti,
ani bar'an si dhalche*;
⁸ ana kadhaddu, anis
saba hundumaa kan kee akka
godhattuuf,
laftis bamma andaara isaatti
qabeenya kee akka ta'uuf siif
nan kenna*;
⁹ ati ulee sibiilaatiin isaan in
cabsita,
akka qodaa supbees isaan in
hurreeffata" jedhe*.
**5 Isa 34:2; Mul 6:15-17
*6 110:1-2; Zak 8:3
*7 2Sam 7:14; HoE 13:33; Ibr 1:5; 5:5
*8 72:8-11
9 Mul 2:27; 19:15
- ¹⁰ Kanaaf isin mootota nana qalbii
godhadhaa!
Isin warri biyya lafaa
seerratanis gorfamaa!
¹¹ Sodaadhaan Waaqayyoof
hojjedhaa!
Rom'aanis miilla isaa
dhungadhaa*!

- ¹² Kanaa achi inni in dheekkama,
isiin karaa kanatti baduu
keessan;
dheekkamsi isaa dafee in boba'ao!
Warri isatti kooluu galan baa
gammadan!
**11 Filp 2:12; Ibr 12:28*

Kadhata Ganamaa

(Faarfannaa isa Daawit yeroo ilma isaa
Abiishaalom duraa baqate faarfate)

- 3 ¹ Yaa Waaqayyoo, diinonni koo
attam baay'ee dha!
Baay'een kan ana irratti ka'an
jiru.
² Baay'een waa'ee koo in dubbatu,
"Inni Waaqayyoo biraa gargaarsa
hin qabu" in jedbu.
³ Ati garuu yaa Waaqayyoo,
naannoo kootti gaachana anaaf
in taata;
ati ulfina koo ti,
mataa koos ol ol in qabda*.
⁴ Ani sagalee koo ol fuudheen
Waaqayyoon waammadha,
inni immoo tulluu isaa isa
qulqulluu irraa
deebii anaaf in kenna*.
**3 Bau 15:1-2
4 20:2; Isa 14:32
- ⁵ Ani nan ciisa, nan rafa,
Waaqayyoo waan ol na qabuuf
deebi'ee nan dammaqa*.
⁶ Ani warra kumaatama
ana irratti ka'anii na marsan
hin sodaadhu*.
**5 4:8
6 27:3

- ⁷ Ka'i yaa Waaqayyoo, na gargaari
yaa gooftaa ko!
Ati diinota koo bundumaa
mangaagaa in rukutta,
ilkaan warra jal'ootaas in
caccabsita*.
⁸ Gargaarsi Waaqayyoo bira jira;
eebbi kee saba kee irra haa
jiraatu!
**7 Lak 10:35*

Kadhata Galgalaa

(Geggeessituu warra faarfattootaa; kun
mi'a ribuu qabuun faarfatame;
faarfannaa Daawit)

- 4 ¹ Yaa Waaqayyoo isa dhugaa
anaaf baafuu,
yeroon si waammadhu anaaf
deebisi!
Yeroo ani muddama keessa
turetti,
ati keessaa na baafteetta;
ati araara anatti argisiisi!
Kadhata koos anaaf dhaga'i!
² Yaa jarana, isin hamma yoomiitti
ulfina koo salphiftu?
Hamma yoomiitti dubbii waa'ee
hin baafne jaallattu?
Hamma yoomiittis soba faana
dhooftu?
³ Garuu Waaqayyoo warra kan isaa
ta'an,
addaan akka baafate beekaa!
Waaqayyoo yeroo ani isa
waammadhatti
anaaf in dhaga'a;
⁴ yoo aartan iyyuu, cubbuu hin
hojjetinaa!
Yeroo gab jettanii siree
keessan irra jirtanitti,
kana garaa keessanitti itti
yaadaa*!
⁵ Aarsaa isa qajeelaa dhi'eessaa!
Waaqayyotti amanattaniis isatti
dhiisaa*!
**4 Efe 4:26
5 51:18-19; 1Phe 2:5
- ⁶ Namoonni baay'een, "Eenyutu
waan gaarii
nutti argisiisa?" in jedhu;
yaa Waaqayyoo, ati ifa fuula
keetii nu irratti ol kaasi*!
⁷ Isa warri kaan midhaan isaanii fi
daadhii waynii isaanii baay'ee
irraa argatan caalaatti,
ati gammachuu caalu garaa
koof kenniteetta.
⁸ Yaa Waaqayyoo,
akka ani qoofniitti sodaa malee
jiraadhu situ godha;
kanaafis ani akkuman ciiseen
nagaatti nan rafa*.
**6 Lak 6:25
8 3:5

Geggeeffamun Fi Eegamnu Warra Waaqayyoon Amanatanii

(Geggeessituu warra faarfattootaaf, kun ululleedhaan faarfataame; faarfannaa Daawit)

- 5¹ Yaa Waaqayyo, gurra kee gara dubbii kootti qabi,
isa ani hasaasee sitti himadhus yaadatti anaaf fudhadhu!
2 Ani sin kadhada yaa mootii ko, yaa Waaqayyoo ko, sagalee iyya kootii dhaggeeffadhu!
3 Yaa Waaqayyo, ganama sagaleen koo si biratti in dhaga'ama, ganama ofii koo siif nan qopheessa, gara kees nan ilaala.
- 4 Ati yaa Waaqayyo, isa jal'inni itti tolu miti'o,
hamaanis si bira hin buufatu.
- 5 Warri of jajanis ija kee dura hin dhaabatan,
warra wanta waa'ee hin baafne hojjetan
hundumaas in jibbita.
- 6 Warra soba dubbatan lafa irraa in balleessita,
Waaqayyo warra dhiiga namaa dhangalaasanii fi
warra nama wallaalchisan in ciigga'a.
- 7 Ani garuu gaarummaa kee isa baay'eedhaan
gara mana keetti ol galuun anaaf kennameera;
ulfinaan si sodaachuudhaanis, gara mana qulqullummaa keetti garagalee
kufee siif nan sagada*.
- 8 Yaa Waaqayyo,
sababii warri adeemsa koo caqasan jiraniif,
ati qajeelummaa keetiin na geggeessi!
Karaa kees fuula koo duratti anaaf qajeelchi!
*7 134:2; 138:2
- 9 Afaan warra akkasii keessaa dubbiin dhaabataan hin ba'u,
keessa mar'umaan isaanii badiisatu jira,

afaan isaanitiin gara awwaala banamaatti nama geessu,
arraba dhadhaa dibatanii in dubbatu*.

- 10 Egaa isaan si irratti ka'aniiru, yaa Waaqayyo, yakkitoota ta'uu isaanii beeksisi!
Isaan haa kufan, marcen isaanis lafatti haa hafu!
Baay'ina irra-daddarbaa isaanitiif
bakkeetti isaan gati!

*9 Rom 3:13

- 11 Warri kooluu sitti galan hundinuu garuu haa gammadan,
bara baraanis haa ililchan!
Ati warra maqaa kee jaallatan waan eegduuf,
isaan sitti haa gammadan!
- 12 Yaa Waaqayyo, ati nama qajeelaa in ceebbifatu,
tolli kees karaa hundumaa gaachana in ta'aaf.

Kadhata Gargaarsa Yeroo Rakkinaa

(Geggeessituu warra faarfattootaaf; kun mi'a ribuu qabuun toora saddeettaffaa irratti faarfataame; faarfannaa Daawit)

- 6¹ Yaa Waaqayyo, aarii keetiin ana hin ifatin!
Dheekkamsa keetiinis ana hin adabin*!
- 2 Anaaf gameera, ati anaaf oo'i yaa Waaqayyo!
Namummaan koo guutummaatti roqomeera;
ati na fayyisi yaa Waaqayyo!
- 3 Lubbuun koos immoo baay'ee raafameera,
ati garuu yaa Waaqayyo, hamma yoomiitti turta*?
- *1 Er 10:24
*3 13:1-2
- 4 Yaa Waaqayyo, deebi'i, jireenya koos anaaf oolchi,
gaarummaa keef jedhiitii na gargaari!
- 5 Erga du'ee namni si yaadatu hin jiru,
iddoo lafa jalaa keessaa immoo eenyutu si galateeffata*?
- *5 30:9; 88:10-12; 115:17; Isa 38:18

6 Ani aaduu kootiin dadhabeera, halkanuma dhuftu boo'uu kootiin siree koo nan tortorsa,

- iddoo ciisicha koo irras imimmaan nan lolaasa.
- 7 Iji koo gadda irraa kan ka'e arguu dhabe,
sababii warri na cunqursan hundinuu na gaddisiisanis, dadhabaa in adeema.

- 8 Waaqayyo sagalee boo'icha koo dhaga'eera'o,
isin warri hamaa hojjettan hundinuu ana irraa fagaadhaa!
- 9 Waaqayyo waammata koo dhaga'eera,
Waaqayyo kadhata koo in fudhata;
- 10 diinonni koo hundinuu in yeellaasifamu,
sodaadhaanis baay'ee in raafamu;
isaan of irra in garagalu, achumaanis in yeellaasifamu.

Waaqayyo Abbaa Firdii Qajeelaa Ta'uu Isaa

(Faarfannaa addaa, isa Daawit waa'ee dubbii Kuush namni gosa Beniyaamin dubbateef, Waaqayyoon faarfate)

- 7¹ Yaa Waaqayyo gooftaa ko, ani sitti kooluu nan gala
na gargaari, warra na ari'atan hundumaa jalaa na baasi!
- 2 Lafa inni oolchu na bira hin jirretti,
isaan akka leencaa ana cuffatanii hin kukkutatin!
- 3 Yaa Waaqayyo gooftaa ko, ani wanta akkasii hojjedheera yoon ta'e,
hojii barka koo keessas yakki yoo jiraate,
- 4 nama nagaatti ana wajjin jiraatu hamaa godhee,
nama na cunqurses sababii malee saameera yoon ta'e,
- 5 diinni koo ari'ee ana haa qaqqabu,
jireenya koo dhiidhiitee lafatti haa dabalu,

ulfina koos awwaara keessa haa buusu*.

*4-5 Iyo 31:7-34

- 6 Aarii keetiin ka'i! Yaa Waaqayyo, cunqursituu koo warra aaranii boba'an kana irratti ka'i!
Ati firdiin akka kennamu abboomteetta,
anaaf dammaqi yaa Waaqayyoo ko!

7 Sabni hundinuu naannoo keetti walitti haa qabaman,
ati immoo teessoo kee isaan gararraatti ol kaasii dhaabbadhu!

- 8 Waaqayyo saba hundumaaf firdii in kenna,
akka qajeelummaa koottii fi akka balleessaa malee argamuu kootti,
dhugaa koo anaaf baasi yaa Waaqayyo*!
- 9 Hamminni warra jal'ina hojjetanii haa ga'u,
nama qajeelaa garuu jabeessii dhaabi!

Garaa namaa fi yaada namaa kan qortu,
ati Waaqayyo qajeelaa dha*.

*8 18:21-27

*9 104:35; 139:1; Er 11:20; Mul 2:23

10 Waaqayyo warra yaadni garaa isaanii qajeele in oolcha, gaachanni koos isuma biraa anaaf dhufa.

- 11 Waaqayyo abbaa firdii isa qajeelaa dha,
guyyaa hundumaas dheekkamsa isaa in mul'isa.

12 Namni yaada garaa isaa yoo geddarachuu dhaabaate,
Waaqayyo billaa isaa in qarata, iddaa isaas dabsee, jabeessee, ol in fudhata*;

13 inni mi'a ajjeesu kana ol itti in fudhata,
xiyya boba'aa adeemus itti in qopheeffata.

*12 Kes 32:41

- ¹⁴ Kunoo, namni jal'aan hamaa garaa isaatti in yaada, jal'ina kanas in ciniinsifata, wallaalchisas bakkeetti in baasa.
- ¹⁵ Inni boolla gad fageessec warra kaaniif in qota, ofuma isaatii immoo isa keessa in bu'a*.
- ¹⁶ Hamaan inni gochuuf yaade mataa isaatti gara in gala, wanti inni humnaan nama irratti hojjetes gubbee isaa irratti in bu'a.

*15 Fak 26:27

- ¹⁷ Ani qajeelummaa isaatiif jedhee Waaqayyoo galata nan galcha, maqaa Waaqayyoo aabbaas faarfannaadhaan nan jajadha.

Waa'ee Guddina Waaqayyoo Fi Waa'ee Ol Ka'uu Namaa

(Geggeessituu warra faarfattootaaf; kun kiraara guddaadhaan yookiis akka qooqa faarfannaa kanaan dura beekame tokkootti faarfataame; faarfannaa Daawit)

- 8** ¹ Yaa Waaqayyoo gooftaa keenyaa! Maqaan kee guutummaa biyya lafaatti guddaa guddaa caalu attamii ti! Guddina kee bantiwwan waaqaa irratti diriirsiteetta*.
- ² Warra si irratti ka'an deebisuudhaaf, diinaa fi isa ijaa baafatu gab gochuudhaafis, afaan mncoolii fi daa'imootaatiin, ati humna dhaabbateetta*.

*1 Isa 6:3; Bau 3:13-15

*2 Mat 21:16

- ³ Ani gara bantiwwan waaqa keetii warra harka keetiin hojjetamanii, gara ji'aa fi urjoota warra ati dhaabdee yeroon ilaalu,
- ⁴ "Ati akka isa yaadattuuf namni maali? Ati akka isaaf dhimmituufis ilmi namaa maali?" jedhee nan gaafadha*.
- *4 Iyo 7:17-18; Far 144:3; Ibr 2:6-8

- ⁵ Yaa Waaqayyoo, kana keessaa immoo, xinnoodhuma ofii keetii gad isa goote, gonfoo guddinaa fi ulfinaa mataa isaa irra keesse*;
- ⁶ hojii barka keetii hundumaa irratti isa moosifte, wanta hundumaas miillan isaa jala galchite*;
- ⁷ busbaa'ee fi saawwan hundumaa, bineensota caakkaas akkasuma,
- ⁸ simbirroota qilleensa keessa balali'an, qurxummiwwan galaana keessaas, waa'uuma galaana keessa daandii baafatee deddeebi'us.

*5 Uma 1:26-28

*6 1Qor 15:27; Efe 1:22; Ibr 2:8

- ⁹ Yaa Waaqayyoo gooftaa keenyaa! Maqaan kee guutummaa biyya lafaatti guddaa guddaa caalu attamii ti!

Firdii Qajeelaadbaaf Waaqayyoon Galateeffachuu Isaa

(Geggeessituu warra faarfattootaaf; kun akka qooqa faaruu "Du'a ilmaa" jedhamee beekametti faarfataame; faarfannaa Daawit)

- 9** ¹ Garaa koo guutuudhaan sin galateeffadha yaa Waaqayyoo! Gocha dinqisiisaa ati goote hundumaas nan hima*.
- ² Ani sitti nan gammada, nan burraaqas; maqaa kees faarfannaadhaan nan jajadha, yaa aabba!
- ³ Kunis diinonni koo gara booddee isaanii waan deebi'aniif, kufaniis fuula kee duraa waan balleeffamaniif;
- ⁴ ati dubbii koo ilaaltee anaaf faraddeetta, abbaa firdii isa qajeelsa waan taateef, barcuma firdii irra teessoceta.

*1 44:1

- ⁵ Ati saba lafa irraa hundumaa ifattee,

- warra jal'oatas balleessitee, maqaan isaaniis yeroo hundumaa baruma baraan akka hin yaadatamne in goote.
- ⁶ Diinonni bara baraan caccabanii dhumaniiru, ati mandaroota isaanii iddoodhaa balleessiteetta, seenaan isaaniis badeera*.

*6 34:16

- ⁷ Waaqayyoo immoo bara baraan teessoo isaa irra jira, barcuma firdii isaas jabeessee dhaabbateera.
- ⁸ Inni biyya lafaa qajeelummaadhaan in seerrata, saba hundumaafis firdii qajeelaa in kenna*.
- ⁹ Waaqayyoo, warra gad qabamaniif da'oo ol jedhaa dha, isaan yeroo rakkinaatti da'oo isa in godhatu.

*8 96:13

- ¹⁰ Yaa Waaqayyoo, warri maqaa kee beekan kooluu sitti in galu, ati warra si barbaadan hin ganne'o.
- ¹¹ Waaqayyoon isa Xiyoona irra teessoo isaa dhaabbate faarfannaadhaan jajadhaa! Hojii isaa hundumaas saba lafa irraatti labsaa!
- ¹² Inni dhiiga dhangala'eef gumaa baasu, warra gadadamoo in yaadata, wawwaannaa isaaniis hin irraanfatu*.
- *12 10:14; 35:10; 140:12; 146:7-9; Kes 10:18-19; Far 72:4

- ¹³ Yaa Waaqayyoo anaaf oo'i! Gadadamuun koo isa warra na jibban biraa anatti dhufta ilaali! Afaan boollaa irra yoon ga'ee iyyuu, ati ol na deebisi*!
- ¹⁴ Yommuu ani waanan ittiin si jajadhu hundumaa karra Xiyoona keessatti nan hima, na gargaaruu keetiifis walga'ii ijoollee ishee duratti guddaa nan gammada*.

- ¹⁵ Sabni lafa irraa boolla ofii isaaniitii qotanitti gad in liqimfaman; kiyyoodhuma dhoksaniniis miilli isaanii in qabame*.
- ¹⁶ Waaqayyoo, firdii kennuu isaatiin of beeksise, namni jal'aan waan harka isaatiin hojjeteen in korokkodame. [Sagalee mi'a ribun qabutu gidduutti dhageessifame.]

*13 16:10-11

*14 22:22; 13:5

*15 7:15-16

- ¹⁷ Warri jal'oonni gara iddoo lafa jalaatti gad baa bu'an, lafa irraa warri Waaqayyoon irraanfatanis akkasuma gad haa lixan.
- ¹⁸ Warri wanta barbaachisaa dhaban, irraanfatananii bin hafan, abdiin warra gadadamoos bara baraan bin badu*.
- ¹⁹ Yaa Waaqayyoo, humni namaa harka akka hin fudhannetti, ati ka'ii! Sabni lafa irraa si duratti firdii akka fudhatan godhi*!
- ²⁰ Yaa Waaqayyoo, sabni lafa irraa namootuma foon uffatan duwwaa ta'uu isaanii akka beekaniif, ati pherpheramuu isaanitti fidi!
- *18 22:24; 10:17
- *19 Lak 10:35

Waa'ee Firdii Qajeelaatiif Waaqayyoon Kadbachuu Isaa

- 10** ¹ Yaa Waaqayyoo, ati maaliif achi fagaattee dhaabatta? Yeroo rakkinaattis maaliif of dhoksa*?
- ² Warri jal'oonni of bokoksanii warra rakkatoo sardanii in ari'u; isaan yaada namatti qopheessanii fidaniin ofii isaaniitii haa qabaman.
- ³ Namni jal'aan kajeellaa garaa isaatiin of in jaja, inni bu'aa argachuuf in saama iyyuu dha;

- in abaara, Waaqayyoonis in tuffata.
 *1 Namni jal'aan of koorsuu isaatiin yaada isaa guutuudhaan,
 "Waaqayyo nama hin adabu, Waaqayyo hin jiru" in jedha*.
 *1 22:1
 *4 10:11,13
- *5 Karaan isaa yeroo hundumaatti wal in qixxaataaf, firdiin kee isa irraa ol fagoo dha,
 warra isaan mormanitti immoo tuffiidhaan itti in qummaada*;
 6 inni garaa isaatti, "Ani matumaa bin mittiqu, dhaloota hundumaa keessattis wanti hamaan ana hin argatu" jedhee in yaada.
 *5 Amo 6:3
 *6 73:6-8
- *7 Dubbii afaan isaa keessaa ba'u keessa, abaarsa, wallaalchisa, gad nama qabuutu guute; arraba isaa jala jal'inaa fi hamminatu jira*.
 *8 Gandeem keessa riphee in taa'a, iddoo dhokannaatti immoo warra yakka hin qabne in ajjeesa, ija isaatiinis warra rakkatanii of gargaaruu dadhaban in gaada.
 *9 Inni akka leenca caakkaa gobbuu keessaatti, dhokatee in ceggata; inni nama rakkataa qabaa isaa keessa galfachuudhaaf in ceggata; kiyyoo isaatiin barkisees isa rakkataa sana in qabata.
 *7 Rom 3:14
- *10 Inni rakkatee of gargaaruu dadhabe sunis caccabee walitti in gala, humna harka isa qabe sanaanis in kuffifama.
 *11 Yommuu namni jal'aan sun garaa isaa keessatti, "Waaqayyo isa irraanfateera,

- fuula isaas isa duraa dhokseera, deebi'ees matumaa isa hin argu"
 jedhee in yaada*.
 *11 73:11; 94:7; Isa 29:15
- *12 Ka'i yaa Waaqayyo, yaa gooftaa harka ol fudhadhu!
 Warra rakkatan hin irraanfatin*!
 *13 Inni jal'aan maaliif Waaqayyoon tuffata?
 Maaliifis garaa isaatti, "Ati nama hin adabdu" siin jedha ree?
 *12 Lak 10:35
- *14 Atoe in argita, eyyee, ati rakkinnaa fi gadda in caqasta, waan gochuun ta'us ati harka keetti qabatteetta;
 inni rakkatee of gargaaruu dadhabe kana sitti in kennata; ati gargaaraa warra abbaan irra hin jirree taateetta*.
 15 Ati irree isa jal'aa fi irree isa hamaa godhuu cabsi, jal'ina isaa duukaa bu'ii adabi, deebi'ees akka inni hin argamne godhi!
 *16 Waaqayyo yeroo hundumaa, baruma baraanis mootii dha, sabni warri kan isaa hin ta'in biyya isaa irraa in badu.
 *14 68:5; Bau 22:22
 *15 Iyo 38:15
- *17 Yaa Waaqayyo, ati himata warra gadadamoo in dhageessa, garaa isaanii in jajjabeessita, gurra kees gara isaanii in qabda*;
 *18 kanaanis warri abbaan irra hin jirree fi warri gad qabaman qabaa qajeelaa akka argatan namni lafa kanaa deebi'ce pherpherama akka hin fidne in goota.
 *17 9:18

Waaqayyo Nama Qajeelaa Nama Jal'aas Qoree Ilaaluu Isaa

(Geggeessituu warra faarfattootaaf; faarfannaa Daawit)

- 11** *1 Anoo Waaqayyotti kooluu galeera, isin attamitti, "Akka allaattii tulluu keetti ol baqadhu!"
 anaan jechuu dandeessu ree?
 *2 Kunoo, warri jal'oonni, dukkana keessa warra gara-qajeelotatti gad dhiisuudhaaf, iddaa dabsataniiru, xiyya isaanis ribuufti kaa'ataniiru.
 *3 Wanti gaarii ta'ee namaaf bojjetu hundinuu hundeen isaa yoo diigame, namni qajeelaan maal gochuu danda'a ree?
- *4 Waaqayyo mana qulqullummaa isaa keessa jira, Waaqayyo teessoo isaa waaqa irraa qaba; ija isaatiin ilmaan namaa in arga, agartuun isaas namoota qoree in ilaala*.
 *5 Waaqayyo, nama qajeelaa, nama jal'aas in qora, isa humnaan nama irratti ka'uu jaallatus garaa guutuudhaan in jibba.
 6 Inni barbadaa ibiddaa, dhagaa boba'us jal'oota irratti in roobsa, qoodi isaanis qilleensa gubaa finiinaa dha;
 7 Waaqayyo qajeelaa dha, inni bojjii qajeelaa in jaallata; warri waan qajeelaa bojjetan fuula isaa arguuf jiru.
 *4 Anb 2:20; 1Mot 8:27; Far 33:13-14; 103:19; Isa 66:1
 *6 Uma 19:24
 *7 Mat 5:8

Dubbii Namaa Fi Dubbii Waaqayyoo

(Geggeessituu warra faarfattootaaf; kun toora saddeettaffaa irratti faarfatame; faarfannaa Daawit)

- 12** *1 Yaa Waaqayyo, namni siif of kenne hin jiru,

- ati nu gargaari!
 Warri amanamoon ilmaan namootaa gidduudhaa badaniiru'o*;
 *2 namoonni adduma addaan walii isaanitti soba in dubbatu, afaaniin namatti kuuluudhaaf garaa walaallammiiidhaan in dubbatu;
 *3 hidhii sobaan namatti kuulu hundumaa, arraba jajuu gurguddaa dubbatus, gooftichi baa kukkutu!
 4 Namoonni, "Nuyi arraba keenyaan humna in godhanna, hidhiin keenya nutti jira, cenyutu nu irratti gooftaa ta'a ree?" in jedhu.
 5 Waaqayyo gooftaan immoo, "Warri jara gadadamoo irratti humnaan ka'an waan jiraniif, warri wanta barbaachisaa dhabanis waan aadaniif, amma ani ka'uufan jedha, gargaarsa isaan hawwanis akka argatan nan godhaaf" in jedha.

*1 116:11
 *4 73:8-9; Iyo 21:14-15
 *5 9:12

- *6 Dubbiin Waaqayyoo dubbii qullaa'aa dha, inni akka meetii iddoo ibiddaatti si'a torba baqamee qullaa'ee ti*;
 *7 yaa Waaqayyo, ati nu irra in golgita, dhaloota kanattiis yeroo hundumaa nu cegda.
 *8 Amalli gadheen ilmaan namootaa gidduutti akkuma ol ka'aa adeemu, warri jal'oonni gara hundumaan caqasaa yoo marsan iyyuu, ati nu eegda.
 *6 119:140; Isa 48:10

Gargaarsi Waaqayyoo Yoo Ture Iyyuu Amanachuun Hin Dhlifamu

(Geggeessituu warra faarfattootaaf; faarfannaa Daawit)

13 ¹Hamma yoomiitti raawwattee na irraanfatta, yaa Waaqayyoo?

Hamma yoomiitti fuula kee na duraa dhoksita*?

²Hamma yoomiitti lubbuun koo yaadaan dhiphatti?

Hamma yoomiitti garaan koo guyyaa guutuu gadda?

Hamma yoomiitti diinonni koo ana irra aanu?

*1 6:3; 77:8; 80:4; 89:46; 90:13; *Anb* 1:2; *Mul* 6:10

³Yaa Waaqayyoo gooftaa ko na ilaali, anaaf deebisis;

hirriba du'aa akkan hin rafnetti ija koo anaaf ibsi!

⁴Diinni koo, "Isa mo'eera" hin jedhin,

hamajajjin koos bitintiruu kootti sonaan bin gammadin!

⁵Ani garuu gaarummaa kee amanadheera,

na oolchuu keettis garaa koo guutuudhaan nan gammada.

⁶Wanta gaarii inni anaaf godheef, ani Waaqayyoon nan faarfadha.

Gowwummaa Warra Waaqayyoo Malee Jiraatanli

(Geggeessituu warra faarfattootaaf; faarfannaa Daawit)

(*Far* 5:3)

14 ¹Gowwoonni garaa isaanitti, "Waaqayyoo hin jiru" in jedhu; isaan amalli isaanii manca'aa dha,

wanta ciiggaasisaa in hojjetu, namni waan gaarii godhu tokko illee hin jiru*.

²Ogeessonni Waaqayyoon barbaadan,

yoo jiraatan arguudhaaf, Waaqayyoo bantii waaqaa keessaa, ilmaan namootaa gad in ilaala;

³hundinuu karaa irraa goraniiru, hundinuus wal ga'anii manca'aniiru,

namni gaarii godhu tokko illee hin jiru,

lakkii, tokko iyyuu hin jiru*.

*1 10:4,11; 73:11; 94:7; *Iyo* 22:12-14; *Isa* 29:15; *Er* 5:12; *His* 8:12; 9:9; *Sef* 1:12

*3 *Uma* 6:11-12; *Rom* 3:10-12

⁴Warri hamaa hojjetan hundinuu homaa hin hubatanii ree?

Warri akkuma buddeena

nyaatan saba koo nyaatanis,

Waaqayyoon hin waammatanii ree*?

⁵Kunoo, isaan sun naasuu

guddaatti in kufu,

Waaqayyoo dhaloota qajeelaa wajjin jira'o;

⁶isin akeeka nama gadadamaa isa harkaa in gattu;

inni garuu Waaqayyotti kooluu galeera*.

⁷Xiyoon keessaa Israa'eliif fureen utuma ba'ee!

Yeroo Waaqayyoo saba isaatiif adda kennuuf,

Yaaqoob in burraaqa, Israa'elis in gammada*.

*4 *Mik* 3:2-3

*6 9:13

*7 126:1-2; *Oba* 17

Nama Attamiltu Mana Waaqayyoo Lixa?

(Faarfannaa Daawit)

(*Far* 24:3-6)

15 ¹Yaa Waaqayyoo, godoo kee keessa eenyutu buufata ree?

Tulluu kee isa qulqullaa'aa irras eenyutu jiraata ree*?

²Nama balleessaa malee jiraatu, nama wanta qajeelaa hojjetu,

nama garaa isaatiin dhugaa dubbatu,

³nama arraba qaratee asii fi achi hin labne,

nama nama irratti hamaa hin hojjenne,

nama ollaa isaa hin ceephaane;

⁴namni Waaqayyoon gate gatamee ija isaatti tuffatamaa ta'ee kan ilaalamu;

warra Waaqayyoon sodaataniif immoo ulfina kan kennu,

wanti inni wareege kan isa miidhu yoo ta'e iyyuu,

wareega isaa utuu hin geddarin kan raawwatu;

⁵horii isaa hiiqiitti kan hin kennine,

nama yakka hin qabne irratti gabbarsuu kan hin fudhanne;

kana hundumaattii namni of ceggachaa hojjetu,

yoom iyyuu hin socho'u*.

*1 *Lal* 4:17; *Far* 24:3

*5 *Bau* 22:25; 23:8; *Kes* 23:19-20

Gammachuu Fuula Waaqayyoo Dura Jiraachuu Keessaa Argamu

(Faarfannaa Daawit isa afaan Ibrootaatti "Mikitaam" jedhamuu dha)

16 ¹Yaa Waaqayyoo, ani kooluu sitti galeera,

ati na eegi!

²Ani Waaqayyoon, "Ati gooftaa koo ti,

ati anaaf wanta gaarii hundumaa dha" nan jedha*.

³Warri isaaf qulqullaa'anii biyyicha keessa jiran

ulfina-qaboota,

isaan anaaf guutummaa gammachuu kootii ti.

⁴Warri Waaqayyoon dhiisanii kan biraa fudhatan,

miidhama of irratti in baay'isu, dhibaayyuu dhiigaa isaaniif

dhi'aatu ani hin dhibaafadhu,

afaan kootiinis maqaa isaanii hin dha'u*.

*2 73:25; *Faru* 3:24

*4 *Bau* 23:13,24; *Hos* 2:19; *Zak* 13:2

⁵Yaa Waaqayyoo, ati qooda koo isa anaaf kennamee dha,

ati xooffoo anaaf hixatamee dha,

ga'aan koos si harkaa in dhufa*;

⁶funyoon safaraa iddoo gammachiisaa irra anaaf bu'e,

eyyee, ani dhaala guddaa namatti tolu qaba;

⁷Waaqayyoon isa gorsa anaaf kenne nan jajadha

halkanis immoo yaadni garaa koo isa kana na yaadachiisa;

⁸Waaqayyoo yeroo hundumaa fuula koo dura anaaf jira,

inni mirga koo waan jiruufis ani hin shishu;

⁹kanaafis garaan koo in gammada, lubbuun koo inni

ulfina-qabeessi in ililcha,

namummaan koos immoo sodaa malee in jiraata.

*5 73:26; *Lak* 18:20

¹⁰Ati iddoo lafa jalaatti ana hin laattu, isa siif of kennes

ijaan iyyuu qilee akka argu hin gootu*.

¹¹Ati karaa jircenyatti nama geessu na barsiifta,

guutummaan gammachuu fuula kee dura,

wanti namatti tolu immoo bara hundumaattuu mirga kee jira.

*10 *HoE* 13:35

Waammata Nama Yakka Malee Ari'atamee

(Kadhata Daawit)

17 ¹Yaa Waaqayyoo, dubbii qajeelaa kana dhaga'i,

iyya koo anaaf dhaggeeffadhu, gurra kee gara kadhata kootti

gara isa sobaan hin dubbataminiitti qabi!

²Iji kee wanta qajeelaa in arga, kanaaf mirgi argachuun anaaf ta'u

si biraa anaaf haa dhufu*!

³Garaa koo keessa qortee halkanis dhuftee yoo na ilaalte,

keessa koos garagalchitee yoo fonqolchite,

hamaa yaaduu koo hin argitu;

dubbii afaan kootii keessaas irra-daddarbaan hin argamu*.

⁴Dubbii afaan kee keessaa ba'uun geggeeffamee,

wanta namoonni hojjetan irraa, karaa isaan humnaan nama irratti

ka'an irraas,

of ceggadheera.

⁵Ejjennaan faana kootii karaa kee irratti jabaateera,

mijilli koos bin bitintiru*.

*2 43:1

*3 139:1-4

*4-5 *Iyo* 23:11-12

⁶Ani sin waammadha,

Faarfannaa Mo'ichaa

(Geggeessituu warra faarfattootaaf;
faarfannaa isa Daawit garbichi
Waaqayyoo yeroo Waaqayyoo harka
diinota isaa hundumaa, caalaadhumatti
qabaa Saa'ol isa oolchetti dhageessisee
Waaqayyoon faarfatee dha)

(2Sam 22:2-51)

- 18 Yaa Waaqayyoo aangoo ko,
ani sonaan sin jaalladha;
2 Waaqayyoo kattaa koo, masaraa
koo, oolchaa koo tis;
Waaqayyoo koo da'oo dhagaa
isa ani kooluu itti galuu
dha;
gaachana koo, isa akka gaanfaa
fayyina koof faccisu,
iddoo dhokannaa koo
isa ol jedhaa dhas.
3 Waaqayyoon isa jajamaa nan
waammadha,
inni immoo harka diinota koo
na oolcha*.

*3 31:3; 61:3-4; 71:1,3; 91:2; 144:2

- 4 Hidhaan du'aa na marsan,
dha'aan bishaan badiisaas na
naasise;
5 hidhaan qilee na xaxan,
furgaasaan du'aas na qabate*;
6 rakkina koo keessatti
Waaqayyoon nan
waammadhe,
gargaarsaaf Waaqayyoo koottan
iyyadhe;
inni immoo mana qulqullummaa
isaa keessaa sagalee koo
dhaga'e,
isa duratti gargaarsaaf
iyyuun koos
gurra isaa bira anaaf ga'e*.

*5 116:3

*6 116:4

- 7 Yommuus lafti rom'itee tochootc;
sababii aariin isaa boba'eefis,
hundeen tullootaa immoo
hurgufamanii raafaman*;
8 funyaan isaa keessaa aarri in
yaa'e,
afaan isaa keessaas ibiddi xaph
godhu in ba'e;
barbadaan giimiin isa biraa in
boba'e*.

- 9 Inni bantiwwan waaqaa
gugguufisisee gad bu'e,
duumessi gurraachi
dukkanaa'aan miillan isaa
jala ture.
10 Inni Kiruub irra taa'ee in balali'e,
baalleewwan qilleensaatiinis
shuf jedhee dhufe*;
11 naanna'aa isaa dukkanni akka
golgu godhe,
duumessa dukkanaa'aa bishaan
keessa guutes
godoo isaa in godhate.
12 Calaaqisa fuula isaa dura jiru
keessaa immoo,
dhagoonni cabbii fi harbadaan
ibiddaa,
tarsaasanii duumessicha keessa
in ba'an.

*7 99:1; Abo 5:4-5

*8 Bau 19:18

*10 Bau 25:18-22; Far 104:3

- 13 Waaqayyoo bantiwwan waaqaa
keessaa qaawweessa'e,
aabba inni hundumaa gararraa
jirus
[dhagoota cabbii fi barbadaa
ibiddaatiin] sagalee isaa in
dhageessise;
14 inni xiyya isaa gad dhiisee
diinota bittimse,
halaqqeessa hakakkaatiinis
gara itti goran isaan in
wallaalchise.
15 Dheekkamsa keetiin yaa
Waaqayyoo,
rukuttaa aara funyaan kee
keessaa ba'etiinis,
maniin bishaanotaa in mul'atan,
hundeeewwan hiyya lafaas
qullaatti in baafaman*.

*15 77:16; Isa 51:9-10

- 16 Inni ol gararraadhaa gad hiixatee
na qabe,
bishaan gurguddaa keessaa
harkisee na baase*;
17 inni barka diina koo isa jabaa,
akkasumas harka warra na
jibbanii
humnas na caalanii na oolche.
18 Yeroo rakkinni ana irra ga'etti
isaan ana irratti lafa dha'an,
Waaqayyoo garuu irkoo koo ture;

- 19 inni gara iddoo bal'aatti na
baasee,
waan anatti gammadeef na
oolche.

*16 144:7; 32:6

- 20 Waaqayyoo akka qajeelummaa
kootti kana anaaf godhe,
akka qulqullina harka koottis
dugda anaaf deebise.
21 Ani karaa Waaqayyoo duukaa
bu'eera;
jal'inaanis Waaqayyoo koottii
gargar hin haane.
22 Wanti isa duratti qajeelaa ta'an
hundinuu fuula koo dura turan,
seerrata isaa hundumaas of
irraa hin bunne.
23 Ani balleessaa maleen isaa
wajjin ture
yakka hojjechuuttiis of nan
eeggadhe.
24 Waaqayyoo immoo akka ani
qajeelaa ta'ee mul'adhatti,
akka harki koo ija isaa duratti
qulqulluu ta'ee argamettis,
dugda anaaf in deebise.
25 Nama gaarummaa argisiisutti,
atis gaarummaa in argisiifta;
nama hin halleessinetti,
atis itti hin balleessitu.
26 Isa of qulleessutti,
ati ofii keetii qulqullaa'aa
ta'uu kee in mul'ifta,
nama micciiramaa immoo akka
micciiramummaa isaatti
qabuu kee itti in mul'ifta.
27 Ati saba gad qabamaa in oolchita,
warra mataa irra-keessa
qabatani adeeman immoo,
lafa in ilaalchifta*.
28 Yaa Waaqayyoo, ibsaan koo
haleelee akka ifu in goota,
yaa Waaqayyoo gooftaa ko,
dukkana koo in ibsita*.
29 Eyyee, ani siin kutata loltuu
diinaatti nan bu'a,
Waaqayyoo koottiin gelaa irra
iyyuu nan utaala.
*27 Luq 1:52; Iyo 22:29
*28 36:9
30 Waaqayyoo kun karaan isaa
mudaa hin qabu,

- dubbiin isaa dhugaa ta'uu isaa
amansiiseera;
Waaqayyo warra isatti kooluu
galan
bundumaaf gaachana*.
31 Goofticha malee Waaqayyo
eenyu ree?
Waaqayyo keenya malees
kattaa jabaan eenyu ree*?
32 Waaqayyo kun, isa mudhii koo
humnaan hidhachiisee
isa karaan koo mudaa akka hin
qabaanne godhee dha;
33 miilla koo ariifataa akka miilla
biichee anaaf godhe
kaarra gubbaas ana
dhaabachiise;
34 irreen koo iddaa sibiila diimaa
akka dabsutti,
inni harka koo lola in barsiise.
*30 12:6
*31 Isa 44:8
35 Gargaarsa kee gaachana gootee
anaaf laatte,
harki kee mirgaas ana in hirkise;
anatti gad dhi'aachuun kees na
guddise.
36 Tarkaanfii miilla kootiif
na jalatti iddoo bal'aa anaaf
laatte,
gulubiin koos ana jala gara hin
galle;
37 ani diinota koo ari'ee isaan nan
qaqqabe,
hamma isaan dhumanittis
ani gara booddeetti hin deebine.
38 Akka isaan deebi'anii hin
kaaniitti immoo,
ani rukutee isaan nan caccabse,
isaanis miilla koo jalatti in
kufan.
39 Ati lola sanaaf
mudhii koo humnaan
hidhachiifteetta,
warri ana irratti ka'anis
na jalatti akka gombifaman in
goote.
40 Ati diinonni koo dugda duuba
deebi'anii
akka na baqatan goote,
ani immoo warra na jibban nan
balleesse.
41 Isaan gargaarsaaf iyyan,
garuu tokko ilce kan isaan
gargaaru hin turre,

- gara Waaqayyootti iyyan,
inni garuu isaaniif hin deebifne.
42 Akka awwaara qilleensi
fudhatuutti
ani caccabsee isaan nan
bulleessa,
akka dhoqqees karaa keessatti
isaan nan dhooba.
43 Ati saba wal lolu keessaa na
baaftee,
saba warra kaaniif mataa
akkan ta'u gooteetta;
namoonni saba ani hin beeknees
anaaf in hojjetan.
44 Waa'ee koo gurrumaan
dhaga'uudhaan anaaf
abboomaman,
warri ormaas guguufaa gara
koo in dhufan;
45 ijoolleen ormaa in dadhaban,
rom'aas iddoo cufatanii taa'an
keessaa ba'an*.
*45 Mik 7:17
46 Waaqayyo jiraataa dha! Kattaa
koos jajamaa dha!
Waaqayyo fayyina kootiis ol ol
haa qabamu!
47 Waaqayyo inni ijaa baasuu anaaf
kenne,
saba lafa irraas barka koo jala
galche;
48 harka diinota kootii keessaa
immoo na baase;
eyyee, ati warra ana irratti
ka'an gararraatti
ol na qabdeetta,
namoota bumna
anatti argisiisan harkaas na
butatteetta.
49 Kanaaf yaa Waaqayyo,
ani saba hundumaa keessatti
sin jajadha,
faarfannaa galataatiinis maqaa
kee nan faarfadha*.
50 Mootii isa kan isaatiif fayyina
guddaa isa kennu,
gaarummaa isaa isa ofii isaatii
dibetti,
Daawitiif sanyii isaattis
bara baraan isa argisiisu,
Waaqayyoon faarfachuu koo ti*.
*49 108:3; Rom 15:9
*50 20:6; 2Sam 7:16

Ulfinni Waaqayyoo Karaa Uumamaa Mul'acbuu Isaa

(Geggeessituu warra faarfattootaaf;
faarfannaa Daawit)

- 19 ¹Bantiwwan waaqaa ulfina
Waaqayyoo himaa jiru,
wanti bantii waaqaa jalaan
mul'atus
bojii harka isaa in labsa*.
² Guyyaan guyyaa isatti aanutti
kana in dabarsa,
balkanis halkan isatti aanutti
waa'ee kanaa in beeksisa.
³ Isa kanaaf jechi,
dubbiinis hin jiru,
sagaleen isaaniis hin
dhaga'amu;
⁴ haa ta'u iyyuu malee,
wanti isaan dabarsan
guutummaa biyya lafaatti in
ba'e;
wanti isaan himanis andaara
lafaa in ga'e;
gooftichi achi bantii waaqaa
keessatti
biiftuudhaaf godoo in dhaabe*.
⁵ Isheen akka dhirsa misirroo
diinqa isaatii ba'uutti in baati;
akka nama jagnaattis
adeemsa ishee raawwachuutti
in gammaddi.
⁶ Andaara bantii waaqaa isa gara
tokkootii baatee,
naannoftee andaara isaa isa
gara kaaniitti in lixxi;
ifa ishee isa gubaa duraa kan
dhokatus hin jiru.

*1 Rom 1:20

*4 Rom 10:18

Seerri Waaqayyoo Nama In Gammachiisa

- ⁷ Seerri Waaqayyoo guutuu dha,
lubbuu namatti in deebisa;
wanti seerri Waaqayyoo
dhugaa ba'u amanamaa
dha,
inni wallaalota iyyuu beektota
in godha.
⁸ Ajaji Waaqayyoo qajeelaa dha,
garaa namaa in gammachiisa;
abboommiin Waaqayyoo
qulqulluu dha,
ija namaa in ibsa.
⁹ Waaqayyoon sodaachuun yaada
qullaa'aa dha,

- bara baraan jabaatee in
dhaabata;
akka namni ittiin geggeeffamuuf
wanti Waaqayyoo kennu
dhugaa dha,
guutummaan isaas qajeelaa dha.
¹⁰ Inni Waaqayyoo kennu kun
warqee caalaatti,
warqee baqamee qullaa'e
baay'ee caalaattis,
ilaalamuun kan ta'uu dha;
damma caalaa,
nadhii dhaaba dammaa keessaa
coccophu caalaas in
miyaa'a.
¹¹ Garbichi kee isaan in gorfama;
namni isa cegus
bu'aa guddaa qaba.
¹² Wanta utuu hin beekin irraa kaate
eenyutu hubachuu danda'a ree?
Balleessaa koo isa na duraa
dhokate
kana anatti hin ilaalin*!
*12 Lak 15:22-29; Iyo 42:3-6
¹³ Waan of gad dhiisuudhaan
hojjetan irraas
garbicha kee eegi;
wanti kun ana irratti hin mo'in!
Yoos bir'inni ana irratti hin
argamu;
xurii cubbuu guddaa irraas
nan oola*.
¹⁴ Yaa Waaqayyoo kattaa koo fi
furi ko,
wanti ani si duratti afaan
kootiin dubbadhu,
garaa koottis yaadu fudhatamaa
anaaf haa ta'u!

*13 Fak 1:10-15

Kadhata Dilna Mo'uuf Kadbatamu

(Geggeessituu warra faarfattootaaf;
faarfannaa Daawit)

- 20 ¹Waaqayyoo, guyyaa rakkinaatti
kadhata keef deebii siif haa
kennu!
Waaqayyoo inni kan Yaaqoob,
maqaa isaatiin si haa
eequ*!
² Inni mana qulqullummaa isaa
keessaa
gargaarsa siif haa ergu!
Irkoos Xiyoonii siif haa
kennu*!

³ Inni kennaa kee hundumaa siif
haa yaadatu,
faaraanis gara aarsaa qalma
keetii siif haa ilaalu!

⁴ Waan garaan kee jaallatu siif haa
kennu!

Akeeka kee hundumaas siif
haa raawwatu*!

⁵ Yommuu mo'icha ati argatte
irratti,
guddifnee sagalee gammachuu
in dhageessifna,
maqaa Waaqayyo keenyaatiinis
faajii keenya
ol fuunee in dhaabbanna!
Waaqayyo, bimata kee
hundumaa siif haa
raawwatu!

*1 Fak 18:10

*2 Isa 14:32

*4 21:2

⁶ Amma Waaqayyo mootii isa ofii
dibee moosiseef
mo'icha akka kennu ani beeka;
inni bantii waaqaa isa qulqulluu
kan isaatii keessaa
deebii in deebisaaf;
hojii aangoo harka isaa
mirgaatiin bojjetu sanaanis
mo'icha in kennaaf*.

⁷ Kaan konkolaataadhaan,
kaan immoo fardeenin of jaju;
nuyi garuu maqaa Waaqayyoo
gooftaa keenyaan
of in jajanna*.

⁸ Isaan mudhukaniin in kufu,
nuyi garuu jilba jabaannee
ol qajeellees in dhaabanna.

*6 Bau 15:6

*7 33:16-17; 147:10-11; Kes 20:1;
Isa 31:1-3

⁹ Yaa Waaqayyo mootii, ati
mo'icha kenni!
Guyyaa si waammannuttis ati
nuuf deebisi!

**Galata Mo'icha Booddee
Dhi'eeffamu**

(Geggeessituu warra faarfattootaaf;
faarfannaa Daawit)

21 ¹ Yaa Waaqayyo,
mootiin humna ati argisiiftutti
in gammada,

mo'icha akka inni argatuuf
gargaaruu keetiif
gammachuu guddaa attamii in
qabaata!

² Hawwa garaa isaa isaaf
kenniteetta,
waan inni sitti himates isa hin
dhowwanne*!

³ Ati waan gaariidhaan isa
cebbisuuf
gara isaa dhufteetta,
gonfoo warqee qullaa'aa irraa
hojjetames
mataa isaa irra keesseetta.

*2 20:4; 37:4; 1Mot 3:11-14

⁴ Inni jiraachuudhaaf si kadbate,
atis jireenya in laatteef,
guyyoota jireenya isaas
baraa hamma bara baraatti
dheeressiteef*.

⁵ Mo'icha akka inni argatuuf
gargaaruu keetiin
ulfinni isaa guddaa ta'e;
surraa fi simboos isa irra in
keesse.

⁶ Inni yeroo bundumaaf
eebba akka ta'uuf isa in
dhaabda,
dhageettii gammachuu si duratti
argamuudhaan dhufuunis
isa in gammachiifta.

⁷ Mootichi Waaqayyoon in
amanata,
gaarummaan aabbaas
akka inni hin mittique in godha.

*4 61:6

⁸ Harki kee diinota kee hundumaa
bira in ga'a,
harki kee mirgaas warra si
jibban bira in ga'a.

⁹ Yeroo ofii kee argisiiftutti
gubaa akka iddoo ibiddaa isaan
in goota;

Waaqayyo dheekkamsa isaatiin
isaan in fixa,
ibiddis xaph isaan in godha.

¹⁰ Ati dhala isaanii lafa irraa,
sanyii isaanii ilmaan
namootaa keessaa in
balleessita;

¹¹ hamaa yoo si irratti yaadan, yoo
si irratti koratanis,
fixaan baafachuu hin
danda'an*.

¹² Atoo fuula duraan iddaa kee
isaanitti in qabda,
dugda duuba deebi'anii akka
baqatanis in goota.

*11 Isa 8:10

¹³ Yaa Waaqayyo aangoo keetiin
ka'ii!
Nuyi humna kee in faarfanna,
mi'a garaa garaatiinis
faarfannaa in dhageessifna.

**Dhiqbina Keessatti Iyyuu
Abdii Qabaachuu**

(Geggeessituu warra faarfattootaaf; kun
akka qooqa faarfannaa isa "Biichee
yeroo boruun baqagu" jedhamuutti
faarfataame; faarfannaa Daawit)

22 ¹ Waaqayyo ko, Waaqayyo ko,
maaliif na dhiifte?
Ana gargaarunttii,
dubbii aadnaa koottiis maaliif
fagaatte*?

² Yaa Waaqayyoo ko, guyyaa gara
keetti nan iyya,
ati garuu anaaf hin deebiftu;
halkanis nan iyya, qabbana
immoo hin argadhu.

*1 42:9; Mat 27:46; Mar 15:34

³ Kana keessaa immoo, ati
qulqulluu dha,
teessoo kee irra jirta;
galanni Israa'el faarfannaadhaan
siif dhi'eessus
teessoo kee jala jira.

⁴ Abbootni keenya si amanatan,
isaan in amanatan,
atis isaan in oolchite;

⁵ gara keetti iyyanii, in baraaraman,
si amanatanii, hin
yeellaasifamnes*.

*5 25:2-3

⁶ Ani garuu raammoo dha,
namas miti,
namni na arrabsa,
sabis na tuffata*.

⁷ Warri na argan hundinuu anatti
in ga'isu,

isaan arraba anatti baasanii
mataa anatti raasanii*.

⁸ "Mee inni Waaqayyotti of haa
gatu,
inni immoo mee isa haa oolchu;
isatti in gammada'o,

mee isa haa furu!" anaan
jedhu*.

*6 Iyo 25:6; Isa 41:14

*7 Iyo 16:10

*8 Mat 27:43

⁹ Amma gadameessa haadha kootii
keessaa situ na baase,
harma haadha kootii irrattis
situ nagaatti na eege;

¹⁰ ani dhalachuu kootii jalqabee
sitti of gateera,
erga haati koo na deesses situ
Waaqayyo koo ti;

¹¹ kunoo, rakkiinni dhi'aateera,
tokko illees kan gargaaru
hin jiru,
ati ana irraa hin fagaatin!

¹² Korommiin baay'een na
naanna'an,
korommiin biyya Baashaan
warri jajjaboonnis na marsan;

¹³ akka leenca isa waa cucuffatunf
isa aaduutti,
isaan afaan isaanii bal'isanii
anatti in bannu;

¹⁴ ani akka bisbaanii nan dhangala'c,
lafeen koo hundinuu
wal gad dhiise;

onneen koos akka gagaa ana
keessatti in baqe;
¹⁵ qoonqoon koo gogee na
awwaara'e,
arrabni koos laagaa kootti
qabate;
atis biyyoo du'aa keessa na
ciibsiita*.

*15 Yoh 19:28

¹⁶ Warri akka saree adamsan ana in
naanna'an,
gareen warra hamaa godhaniis
ana in marsan,
harka koo fi miilla koos uranii
in fullaasan*.

¹⁷ Lafeen koo hundinuu
lakkaa'amuu in danda'a,
jarri immoo ana ilaalanii
akkasitti na arguutti in
gammadan.

¹⁸ Isaan uffata koo in hirmaatan,
wayyaa koottis muka in
buufatan*.

*16 Yoh 20:25

*18 Mat 27:35; Yoh 19:23-24

¹⁹ Ati garuu yaa Waaqayyoo ko,
anattii hin fagaatin,
yaa aangoo ko, ana gargaaruuf
ariifadhu!

²⁰ Jireenya koo billaa anaaf oolchi,
lubbuu tokkittii ani qabus
qabaa warra akka sarootaa
kana keessaa baasi!

²¹ Afaan leencaa na oolchi,
akka deebii kadhata koottis
gaanfa gafarsaa jalaa na
baasi*!

*21 Dan 6:22

²² Ani immoo maqaa kee obboloota
kootti nan labsa,
walga'ii keessattis sin jajadha*!

²³ Isin warri Waaqayyoon
sodaattan, isa jajadhaa!
Isin sanyiin Yaaqoob, isaaf
ulfina kennaa!

Isin sanyiin Israa'el, isaaf
safuu buufadhaa!

²⁴ Inni nama gad qabamaa bin
tuffanne,
gad qabamuu isaatiinis maal
dhibdi hin jenne;
yeroo inni gad qabamaan
gara isaatti iyye in dhaga'ee
malce,
inni fuula isaa isa duraa bin
dhoksine*.

*22 40:9-10; 66:16-20; 107:31-32; Ibr 2:12

*24 Ibr 5:7

²⁵ Walga'ii guddaa keessatti si
jajachuun koo
si biraa anaaf in dbufa;
warra isa sodaatan durattis,
ani wareega koo of irraa nan
baasa*.

²⁶ Warri gadadamoonni
nyaatanii in quufu,
warri Waaqayyoon barbaadanis
isa in jajatu;
baruma baraanis garaan
keessan gammadee haa
jiraatu*!

*25 66:13-15

*26 Kes 14:29; Far 69:32

²⁷ Andaarri lafaa hundinuu in
yaadata,
gara Waaqayyoottis in deebi'a;
qomoon saba hundumaas

fuula isaa duratti in sagada.
²⁸ Mootummaan kan Waaqayyoo
waan ta'eef,
inni saba bundumaa in seerrata;
²⁹ Eyyee, warri quufoon lafa kana
irraa hundinuu
isaaf in sagadu,
warri biyyooti gad deebi'an
hundinuu,
inni jireenyatti of hambisuu hin
dandeenyes
isa duratti in guguufu;
³⁰ dhaloonni dhufu isaaf in bojjeta,
namoonni dhaloota dhufutti
waa'ee gooftaa in himu;
³¹ isaanis dhufanii qajeelummaa
isaa isa fayyisu,
saba si'achi dhalatutti in labsu;
kanas isatu godhe.

Waaqayyoo Tiksee Gaarii Dha
(Faarfannaa Daawit)

23 ¹ Waaqayyoo tiksee koo ti,
ani homaa bin dhabu*!
² Inni marga lalisaa keessa akkan
boqodhu in godha,
gara laga itti aara galfataniittis
na geessa*;
³ inni lubbuu anatti in deebisa,
maqaa isaatiif jedhee daandii
qajeelaa irra na geggeessa.
⁴ Ani bowwaa dukkanaa'aa
sodaacbisaa' keessa yoon
adeeme iyyuu,
hamaan anatti dhufa jedhee
hin sodaadhu;
ati anaa wajjin jirta,
uleen keetii fi dhaabanni kee
ana in jajabeessu*.

*1 Uma 48:15; Far 74:1; Isa 40:11;

Yoh 10:11-30

*2 His 34:13-14; Mul 7:17

*4 46:2-3

⁵ Utuma warri na cunqursan
ilaalanii,
ati maaddii anaaf in dhi'eessita
mataa koos dhadhaa ejersaa in
dibda,
xofoon koos guuttee irra in
dhangala'a*;
⁶ Eyyee, bara jireenya koo
hundumaatti

gaarummaan kee fi arjummaan
kee ana duukaa in bu'u;
guyyoota kana hundumaafis
mana Waaqayyoo keessa nan
jiraadha*.

*5 36:8

*6 27:4; 65:4; 84:2-5

Mootichi Guddaan
Ulfinaan Ol Haa Galu
(Faarfannaa Daawit)

24 ¹ Lafichi, wanti laficha guutes
hundinuu kan Waaqayyoo ti,
biyyi lafaa fi warri isa keessa
jiraatanis kan isaa ti*;
² inni galaana irra bundee isaa
kaa'eera,
bishaan irras jabeessee
dhaabeera*.

*1 89:11; Bau 9:29; 1Qor 10:26

*2 136:6; Iyo 38:6

³ Gara tulluu Waaqayyootti ol
ba'uun kan ta'uuf eenyu?
Iddoo isaa isa qulqullaa'aa
keessas
dhaabachuun kan ta'uuf eenyu?
⁴ Isa harki isaa bin xuraa'in,
garaan isaas qullaa'aa ta'e,
isa yaada isaa wanta sobaa
duukaa hin kaafne,
isa sobaan hin kakannee dhas.

⁵ Inni Waaqayyoo biraa ceeba,
gooftaa isaa, fayyisaa isaa
biraas dhugaa in argata*.

⁶ Dhaloonni Waaqayyoon
barbaaddatan
kun warra akkasii ti;
yaa Waaqayyoo isa kan Yaaqoob,
warri fuula kee arguu fedhan
isaanuma kana.

*5 Isa 48:18

⁷ Mootiin ulfinaa kun eenyu inni?
Isin yaa mata-duree balbala
kellootaa, ol banamaa!
Isin yaa balbaloota durii durii,
ol qabamaa*!

⁸ Mootiin ulfinaa kun eenyu inni?
Waaqayyoo isa jabaa
aango-qabeessa,
Waaqayyoo isa duulattis aangoo
qabuu dha.

⁹ Mootiin ulfinaa akka ol galutti,

isin yaa mata-duree balbala
kellootaa, ol banamaa!
Isin yaa balbaloota durii durii,
ol qabamaa!

¹⁰ Mootiin ulfinaa kun eenyu inni?
Inni Waaqayyoo gooftaa maccaa ti,
isa mootiin ulfinaa!

*7 Isa 40:3-4

Kadbata Dblifama Argachuuf
Geggeeffamuufis Kadbataamu
(Kan Daawit)

25 ¹ Yaa Waaqayyoo,
lubbuun koo ol gara kee in
yaaddi!

² Yaa Waaqayyoo ko, ani sin
amanadha,
akka ani hin yeellaasifamne
godhi!

Diinonni koos ana irratti hin
gammadin!

³ Eyyee, warri harka kee eeggatan
hin yeellaasifaman;
warri akkasumaan amanamuu
isaanii dhiisanii
si irraa garagalan garuu in
yeellaasifamu.

⁴ Yaa Waaqayyoo, karaa kee akkan
beeku godhi,
daandii kees na barsiisi*!

⁵ Dbugaa keetiin na geggeessi, na
barsiisis!

Ati Waaqayyoo isa na fayyisu
waan taateef,
ani guyyaa hundumaa sin
eeggadha.

⁶ Yaa Waaqayyoo, gara-laafina kee
fi gaarummaa kee,
warra durii durii jalqabdee
argisiisaa turte yaadadhu!

⁷ Yaa Waaqayyoo, ati gaarii waan
taateef,
gaarummaa keetiin na
yaadadhu malce,

cubbuu ijoollummaa koo fi
irra-daddarbaa koo hin
yaadatin*!

*4 27:11; 86:11; 139:24

*7 Iyo 13:26

⁸ Waaqayyoo gaarii dha,
qajeelaa dhas,
kanaafis cubbamootatti karicha
in argisiisa.

⁹ Inni warra gadadamoo

wanta qajeelaa ta'een in
geggeessa,
karaa isaas isaan in barsiisa*.

*9 9:12

¹⁰ Warra kakuu isaa fi abboommii
isaa eegan hundumaaf,
karaan Waaqayyoo hundinuu
karaa gaarummaatii fi karaa
dhugaa ti;

¹¹ yakki koo baay'ateera,
yaa Waaqayyoo,
maqaa keetiif jedhii yakka koo
anaaf dhiisi*!

*11 Bau 34:6-7; Isa 48:11

¹² Namni Waaqayyoon sodaatu
eenyu?
Karaa fo'achuun isaaf ta'u,
Waaqayyoo isatti in argisiisa*.

¹³ Inni gaariitti in jiraata;
sanyiin isaas lafa in qabaata*.

¹⁴ Waaqayyoo warra isa sodaatanitti,
yaada isaa isa dhokataa iyyuu
in beeksisa;

kakuun isaas warra gad
fageessanii hubatan
isaan in godha.

¹⁵ Waaqayyoo miilla koo kiyyoo
keessaa waan baasuuf,
iji koo yeroo hundumaa gara
isaa in ilaala.

*12 92:12-15; 1:1-6

*13 37:9,29

¹⁶ Fuula kee gara kootti deebisi,
araara anatti argisiisi!
Anoo kophaa koo ti,
gadadamaa dhas.

¹⁷ Garaa kootti nan dhiphadha,
ati na furi!
Muddama ani keessa jiru
keessaas na haasi!

¹⁸ Gadadamuu koo,
rakkachuu koos ilaali,
cubbuu koo hundumaas anaaf
dhiisi!

¹⁹ Diinonni koo attam akka
haay'atan,

hammad akka na jibbanis
ilaali!

²⁰ Ati jireenya koo eegi, ana oolchis;
ani kooluu sitti galeera,
akka ani hin yeellaasifamne
godhi!

²¹ Ani abdiidhaan waanan si
eeggadhuuf,
balleessaa dhabuunii fi waan
qajeelaa hojjechuun
hamaa ana irraa haa eegan;

²² yaa Waaqayyoo, saba Israa'elin
rakkina isaa hundumaattii furi*!

*22 130:8

Guutummaatti Of Keonuu

(Kan Daawit)

26 ¹Ani balleessaa tokko malee
deddeebi'eera,
amanannaa hin raafamnes
Waaqayyoo irra kaa'adheera,
yaa Waaqayyoo, ati dhugaa koo
anaaf baasi*!

² Yaa Waaqayyoo, qorii na ilaali,
yaada koo fi garaa koo ati
fonqolchi*!

*1 59:3-4

*2 139:23

³ Gaarummaan kee
ija koo dura jira,
siif amanamuudhaanis nan
deddeebi'e.

⁴ Ani namoota sobduu wajjin
tarree hin teenye,
warra haxxee wajjinis hidhata
hin taane.

⁵ Ani walga'ii warra hamaa
godhanii nan jibbe,
warra jal'ootaa wajjinis hin
teenye.

⁶ Yakka sababiin hin qabneef,
harka koo nan dhiqadha,
iddoo aarsaa kee nan naanna'a,
yaa Waaqayyoo*!

⁷ Faarfannaa galataa guddisee
faarfachaa,
gochaa kee isa dinqisiisaa
hundumaa nan hima.

⁸ Yaa Waaqayyoo,
mana ati keessa jiraattu,
iddoo ulfinni kee buufatus
ani nan jaalladha*.

*6 Kes 21:6-8; Mat 27:24

*8 23:6; 27:4; 122:1-2

⁹ Lubbuu koo kan warra
cubbamootaa wajjin hin
fuudhin,
warra dhiiga namaa
dhangalaasanii wajjinis
jireenya koo hin balleessin!

¹⁰ Harka warra akkasii keessa
akeeki hamaa hojjechuu
jira,
harka isaanii mirgaa keessa
immoo gabbarsuutu guute.

¹¹ Ani garuu balleessaa malee nan
deddeebi'a,

yaa Waaqayyoo, ati na furi,
anatti araaramis!

¹² Miilli koo lafa wal qixxee irra
qajeelce in dhaabata,
walga'ii keessattis
Waaqayyoon nan jadjadha*!

*12 22:22

Namni Waaqayyoon Amanatu Hin Gatamo

(Kan Daawit)

27 ¹Waaqayyoo ifa koo ti,
fayyina koo tis,
yoos immoo eenyuunan
sodaadha ree?
Waaqayyoo da'oo jireenya kootii
ti,
eenyu durattan pherpherama
ree*?

² Warri hamaa hojjetan
ana nyaachuuf yommuu anatti
dhi'aatan,
warri na cunqursanii fi warri
diina kootii
ana irratti yommuu ka'an,
ofuma isaaniitti gufatanii in
kufu.

*1 36:9; 112:4; Mik 7:8; Far 56:4

³ Duulli na marsee yoo buufate
iyyuu,
garaan koo hin sodaatu;
lolli yoo anatti ka'e iyyuu, ani
hin shakku*.

⁴ Ani Waaqayyoon waan tokkicha
nan kadhada,
isas argachuu nan barbaada;
innis, hara jireenya koo hundumaa
mana Waaqayyoo keessa
jiraachuu,
gaarummaa Waaqayyoo hojjetu
ilaaluu,
mana qulqullummaa isaa
keessattis isa yaadachuu
dha*.

⁵ Inni guyyaa wanti hamaan ana
irra ga'utti
mana isaa keessa na kaa'ata,

suuqa godoo isaa keessa na
dhoksa,
nagaattis kattaatti ol na baasa*.
⁶ Ammas diinota naannoo koo
jiran irratti
mataa koo ol in jedha,
anis sagalee gammachuu
dhageessisaa,
godoo isaa keessatti qalma nan
dhi'essa;
faarfannaadhaan Waaqayyoon
nan faarfadha,
sagalee mi'a faarfannaa garaa
garaas nan dhageessisa.

*3 3:6

*4 26:8; 84:4-5,10

*5 31:20

⁷ Yaa Waaqayyoo,
sagalee ani ittiin si
waammadhu anaaf dhaga'ii!
Araara anatti argisiisi,
kadhata koos anaaf
dhaggeeffadhu!

⁸ Ati, "Fuula koo barbaaddadhu!"
akka jette,
yaadni garaa koo anatti in hima;
ammas ani fuula kee nan
barbaaddadha, yaa
Waaqayyoo*.

⁹ Fuula kee ana duraa hin dhoksin,
garbicha kee dheekkamsaan of
irraa hin deebisin!
Ati gargaarsa anaaf taateetta;
ana hin gatin, ana hin dhiisinis,
yaa Waaqayyoo fayyina ko!

¹⁰ Abbaan koo fi haati koo yommuu
na dhiisan,
Waaqayyoo immoo simee ana in
fudhata.

*8 Kes 4:29; Amo 5:4; Far 105:3

*10 Isa 49:15

¹¹ Karaa kee na barsiisi, yaa
Waaqayyoo!
Sababii warri adeemsa koo
caqasan jiraniif,
ati daandii qajeelaa irra na
geggeessi*!

¹² Warri sobaan dhugaa ba'an
dubbii hamaa afaan isaanii
keessaa gad jijjigsaa
ana irratti waan ka'aniif,
fedha diinota kootiitti ana hin
kennin*!

¹³ Haa ta'u iyyuu malee, biyya
warra jiraatoo sanatti

Waaqayyo gaarii ta'uu isaa
arguuf akkan jiru nan
amanadha.

¹⁴ Waaqayyoon eeggadhu,
jabaadhus!

Laphee jabaadhu,

Waaqayyoonis eeggadhu!

*11 25:4; 86:11; 139:24

*12 35:11

**Waammanni Gargaarsaa
Dhaga'amee Galanni Dhi'eeffamuu**
(Kan Daawit)

28 ¹Yaa Waaqayyo, si kattaa
jabaa kootti nan iyyadha,
ati ana jalaa hin didin!
Akka warra boollatti gad bu'anii
akka ani hin taanetti,
ati ana jalaa calluma hin jedhin!
² Harka koo mana qulqullummaa
kee keessaa
gara iddoo isa hundumaa irra
caalaa qulqulluutti,
yeroon ol kaafadhu
sagalee himata koo
isa ani gargaarsaaf sitti iyyadhu,
anaaf dhaga'i!

³ Warra jal'ootaa wajjin,
warra hamaa godhani wajjinis
ana hin butin!
Isaan garaa isaaniitti hamaa in
yaadu,
afaaniin immoo nagaa namatti
in dubban.

⁴ Ati akka hojii isaaniitti,
akka gocha isaani isa hamaatti
isaaniif kenni!

Akka hojii harka isaaniitti
isaaniif kenni,
amala isaan argisiisaniif waan
ta'u isaanitti deebisi!

⁵ Isaan gocha Waaqayyoo yookiis
isa harki isaa hojjete
waan hin ilaalleef, inni isaan
in diiga malee,
deebi'ee isaan hin ijaaru*.

*5 Isa 5:12-13

⁶ Sagalee himata kootii waan anaaf
dhaga'eef,

Waaqayyoon nan jajadha!

⁷ Waaqayyo aangoo koo ti,
gaachana koo tis,
garaan koo isa in amanata;
ani gargaarsa argadheera,

kanaafis garaan koo in ililcha;
faarfannaa kootiin galata
isaaf nan galcha.

⁸ Waaqayyo aangoo saba isaatii ti,
isa ofii dibee moosisseefis
gargaarsaa fi da'oo dha*.

⁹ Ati saba kee oolchi, warra kan
keetiis eebbisi!

Bara haraan tiksee isaanii ta'iif,
ol fuudhii isaan baadhus!

*8 2:2

**Aangoon Waaqayyoo Qaqawwee
Keessaan Mul'achun Isaa**
(Faarfannaa Daawit)

29 ¹Yaa warra waaqa irraa,
Waaqayyoo ulfina
dhi'eessaa!

Aangoo Waaqayyoo
beeksisaa*!

² Ulfina maqaa isaatiif ta'u
Waaqayyoo dhi'eessaa!
Qulqullummaa akka mi'a
miidhaginaatti
naqadhaatii Waaqayyoo
sagadaa!

*1 103:20-21

³ Sagaleen Waaqayyoo galaana
irraa in dhaga'ama,
Waaqayyo inni ulfina-qabeessi
in qaqawweessa'a;
inni galaana gurguddaa irrattis
waaqayyummaa isaa in
argisiisa.

⁴ Sagaleen Waaqayyoo humnaan in
dhaga'ama;
sagaleen Waaqayyoo
surraadhaan in sochoosa.

⁵ Sagaleen Waaqayyoo muka
gaattiraa in caccabsaa;
Waaqayyo muka gaattiraa
tulloota Libaanon in caccabsaa.

⁶ Inni tulloota Libaanon akka
jabbii,
tullun Siiriyonis
akka dibicha gafarsaa in
burraaqsisaa*.

⁷ Sagaleen Waaqayyoo balaqqeessa
akka ibiddaa in finiinsa;

⁸ sagaleen Waaqayyoo lafa
duwwaa in sochoosa,
Waaqayyo lafa duwwaa isa kan
Qaadash in sochoosa.

⁹ Sagaleen Waaqayyoo qilxuu of
irra in naannessa,
mukkeetii caakkaa irraas
baalaa fi damee in cira;
mana qulqullummaa isaa
keessatti immoo
hundinnu hooqubaa in
dhi'eessu.

*6 114:4,6

¹⁰ Waaqayyo bishaan badiisaa
gararraa iyyuu taa'eera;
Waaqayyo bara baraan mootii
ta'ee teessoo irra in taa'a*.

¹¹ Waaqayyo saba isaatiif jabina
haa kennu;
Waaqayyo saba isaa
nagaadhaan haa cebbisu!

*10 104:3

Galata Furamaa

(Faarfannaa eebba mana qulqullummaa
irratti faarfataame; faarfannaa Daawit)

30 ¹Yaa Waaqayyo, ati na
oolchiteetta,
diinonni koos anatti akka hin
gammanne gooteetta;
ani immoo ulfina kee ol kaasee
sin galateeffadha.
² Yaa Waaqayyo gooftaa ko,
ani gargaarsaaf gara keetti
iyyadheera,
ati immoo ana fayyifteetta*.
³ Yaa Waaqayyo, ati lubbuu koo
iddoo lafa jalaa keessaa ol
baafteetta,
warra boollatti gad bu'an
giddundhaas
jireenyatti na deebifteetta*.

*2 Bau 15:25

*3 56:13; 86:13; 116:8; Yon 2:7

⁴ Isin warri Waaqayyoo of
kennitan
faarfannaadhaan isa jajadhaa,
seenaa qulqullina isaatiifis
galata isaaf galchaa!

⁵ Dheekkamsi isaa hamma liphsuu
ijaatti,
fuulli isaa inni ifaan garun
bara jireenyaatiif in ta'a;
galgala hoo'ichi yoo namatti
dhufe,
ganama immoo ililleen in ta'a*.

*5 Isa 54:7-8

⁶ Ani ofii kootii yeroo anatti toletti,
"Marumaa ani hin mittiqu"
nan jedhe.

⁷ Fuula ifaadhaan na ilaaluu
keetiin yaa Waaqayyo,
tulluun ani irra dhaabadhu
jabaatee akka eegamu
goote;

yeroo ati fuula kee na duraa
dhoksitetti immoo,
naasuutu na qabate.

⁸ Yaa Waaqayyo, ani gara keettan
iyyadha,
faarii gooftaa koo akka anaaf
toluufis nan eeggadha.

⁹ Ani boollatti yoon gad bu'e,
ati du'a koo keessaa maal
argatta?

Biyyoon si jajaa ree?

Yookiis amanamummaa kee in
himaa ree*?

¹⁰ Yaa Waaqayyo na dhaga'i,
araaras anatti argisiisi!
Yaa Waaqayyo, ati gargaaraa
koo anaaf ta'!

*9 6:5

¹¹ Ati boo'icha koo sirbatti anaaf
geddarte,
uffata gaddaas ana irraa hiiktee,
gammachuu ana hidhachiifte*.

¹² Lubbuu koo faarfannaadhaan
akka si jajattuuf,
callumas akka hin jenneef,
yaa Waaqayyo gooftaa ko,
ani bara baraan galata siif nan
galcha!

*11 Isa 61:3

**Gaarummaan Waaqayyoo Warra
Kooluu Isatti Galaniif Baay'ee Dha**
(Geggeessituu warra faarfattoolaaf;
faarfannaa Daawit)

31 ¹Yaa Waaqayyo, ani kooluu
sitti galeera,
ati yoom iyyuu akka ani hin
yeellaasifamne godhi,
ati qajeelaa dha, ana oolchi!

² Gurra kee gara kootti qabi,
ariifadhuu kana jalaa na baasi,
ati kattaa ani itti baqadhee oolu
anaaf ta'i,
ana oolchuufis mana masaraa
jabaa anaaf ta'i*!

*2 102:2; 71:2

³ Ati kattaa, masaraas anaaf taateetta;
maqaa keetiif jedhii karaa irra
ana buusi, ana geggeessis!
⁴ Ati hoofkalchaa koo waan taateef,
kiyyoo anaaf dhoksan keessaa
na baasi*!

⁵ Yaa gooftaa, ati Waaqayyo
amanamaa dha,
ati ana furteetta;
ani immoo hafuura koo harka
keetti nan kennadha*.

*4 140:5

*5 Luq 23:46; HoE 7:59

⁶ Namoota waaqayyolii tolfaman
warra waa'ee bin baafne
safeeffatan,
ani nan jibba,
offii kootii garuu Waaqayyoon
nan amanadha.

⁷ Ati gadadamuu koo argiteetta,
muddama lubbuu koos anaaf
beekteetta;
kanaaf sagalee gammachuu nan
dhageessisa,
gaarummaa keettis nan
gammada*.

⁸ Miilli koo iddoo bal'aa irra
qajeelaa akka dhaabatu in
goote malee,
ati harka diinota kootii
dabarsitee ana hin kennine.

*7 Bau 3:7

⁹ Yaa Waaqayyo, ati araara anatti
argisiisi!

Ani rakkinattan jira,
gadda irraa kan ka'e iji koo
arguu dadhabe,
lubbuun koo, namummaan
koos gad in adeemee.

¹⁰ Barri jireenya koo gaddaan,
waggoonni koos aadnaadhaan
darbaniiru;
humni koo yakka koo irraa kan
ka'e laafeera;

lafeen koos qorqameera;
¹¹ warra na cunqursan duratti
arrabsoodhaaf,
olloota kootiifis muka ga'oo
nan ta'e;

warra ana beekan dhagnatu
suuka'a;
warri karaatti ana argan na
baqatu*.

*12 Ani akka nama du'eetti

yaada namaa keessaa
irraanfataameera,
akka qodaa cabaas ta'eera;

¹³ "Doorsisi karaa hundumaa
isa naanna'ee jira" kan jedhu,
hasaasa diinota baay'ee nan
dhaga'a;

wal ga'anii ana irratti mari'atu,
lubbuu koo baasuufis
anatti in malu*.

*11 38:11; 69:12

*13 Er 20:10

¹⁴ Ani si amanadheera
yaa Waaqayyo,
"Ati Waaqayyo koo ti"
jedheera.

¹⁵ Barri koo hundinuu si harka jira,
harka warra diina anatti
ta'anii fi

warra na ari'atanii na oolchi*!

¹⁶ Fuulli kee garbicha kee irratti
akka ibsu godhi,
gaarummaa keetiin ana
gargaari*!

¹⁷ Yaa Waaqayyo, ani si
waammadheera;
ani akka bin yeellaasifamne
anaaf godhi!

Warri jal'oonni baa
yeellaasifaman,
gara iddoo lafa jalaatti
gad bu'anii,
calluma haa jechisiifaman!

¹⁸ Afaan sobduun kooraa fi
tuffiidhaan
salphisee nama qajeelaa irratti
dubbatu haa bidhamu.

*15 139:15

*16 80:3; Lak 6:25

¹⁹ Wanti gaartiin inni ati warra si
sodaataniif keesse,
gaarummaan inni ati ilmaan
namootaa duratti
warra kooluu sitti galanitti
argisiifte,
attam baay'ee dha!

²⁰ Ati waan namoonni koratanittii
funla kee duratti golbooba
keetiin isaan in eegda;
qoccolloo duraas godoo kee
keessa isaan in dhoksita*.

*20 23:6; 27:5

²¹ Yeroo ani mandara marfame
keessa turetti,

Waaqayyo gaarummaa isaa
isa dinqisiisaa na argisiiseera;
kanaaf maqaan isaa haa
eebbifamu!

²² Ani illee yeroon waanan godhu
wallaale,

"Ani si arguu irraa citeera"
jedheen ture;

ati garuu sagalee himata koo,
isa ani gargaarsaaf sitti iyyadhe
anaaf dhageesseetta*.

*22 Yon 2:5

²³ Isin warri isaaf of kennitan
hundinuu

Waaqayyoon jaalladhaa!
Waaqayyo warra amanamoo in
eega,

koortuudhaaf garuu
isa inni hojjete irra dabarsee in
deebisaaf.

²⁴ Isin warri Waaqayyoon eeggattan
hundinuu,
jabaadhaa, laphee jabaadhaas!

Cubbuu Himachuu Fi Dhiifamuu Cubbuu

(Mararoo Daawit)

32 ¹ Namni irra-daddarbaan isaa
dhiifameef,
cubbuun isaas deebi'ee
akka hin argamne godhameef
haa gammadu!

² Namni Waaqayyo yakka tokko
illee irratti bin lakkoofne,
yaada isaa keessas
haxxummaan hin jirre haa
gammadu*!

*1-2 103:3,8-12; Rom 4:6-8; 1Yoh 1:9

³ Yeroon cubbuu koo himachuu
dhiisetti,

guyyaa guutuu aaduu kootiif
namummaan koo gad dhume;

⁴ guyyaa fi halkan harki kee
waan anatti ulfaateef,
humni koo akka waan ho'i bonaa
rukuteetti

na keessatti in goge.

⁵ Yommu' ani cubbuu koo sitti
nan himadhe,
yakka koos ani hin dhoksine;
ani, "Irta-daddarbaa koo

Waaqayyotti nan himadha"
nan jedhe;

ati immoo yakka cubbuu kootiif
anatti murame
anaaf dhiifte*.

*5 38:18; Fak 28:13; Yaq 5:16; Isa 38:17

⁶ Egaa namni siif of kenne hundinuu,
yeroo rakkinaatti si barbaadee
si haa kadhatu;

yommu bishaan gurguddaan
yeroo isatti huursanitti,
isa bira hin ga'an.

⁷ Ati anaaf golgaa koo ti,
ati rakkina irraa ana in eegda;
furuu keetiinis ililleen akka na
marsu in goota.

⁸ Waaqayyo, "Waan gochuun siif
ta'u sin hubachiisa,
karaa irra adeemuun siif ta'u
sittan argisiisa;
sin gorsa, ija kootiinis sin
to'adha*.

⁹ Ati akka fardaa fi gaangoo
warra waa hin hubannee hin
ta'in!

Luugamaa fi amartii isaatiin
ofitti yoo harkifte malee,
isaan sitti hin dhi'aatan"
in jedha.

*8 25:4

¹⁰ Dhiphiini warra jal'ootaa
baay'ee dha,
gaarummaan Waaqayyoo garuu
nama isa amanatu in marsa.

¹¹ Isin qajeelota nana,
Waaqayyotti gammadaa
ililchaas!
Isin warri gara-qajeelonnis,
gammaduu keessan guddisaa
dhageessisaa!

Guddinaa Fi Gaarummaa Waaqayyoo Jajachuu

33 ¹ Isin qajeelota nana,
Waaqayyotti gammaduu
keessan

guddisaa dhageessisaa!
Waaqayyoon jajachuun warra
qajeelotaaf in ta'a.

² Kiraaraan Waaqayyoon
galateeffadhaa,
mi'a ribuu kudhan qabuun isa
faarfadhaa!

³ Faarfannaa haaraadhaan isa faarfadhaa!
Ribuu mi'ichaa ba'eessa
godhaa bubbutaa,
gammaduu keessan guddisaa dhageessisaa*!

*3 96:1; 98:1; 144:9; 149:1; Isa 42:10; Mul 5:9

⁴ Dubbiin Waaqayyoo qajeelaa dha,
hojiin isaa hundinuu immoo amanamaa dha.

⁵ Inni qajeelummaa fi wanta seeraan eegame in jaallata,
laftis gaarummaa Waaqayyootiin guutuu dha.

⁶ Bantiwwan waaqaa dubbii Waaqayyootiin,
wanti bantiwwan waaqaa keessatti argamanis hafuura afaan isaa keessaa ba'uun hojjetaman*;

⁷ galaana akka tuullaa midhaaniitti walitti in sassaaba,
bishaan baay'ees wanta akka gombisaatti in galcha*.

*6 8:3; Uma 1:6,14

*7 Iyo 38:22

⁸ Biyyi lafaa guutummaatti Waaqayyoon haa sodaatu,
namoonni lafa irra jiraatan hundinuu isaaf safuu haa buufatan!

⁹ Inni in dubbate,
wanti inni dubbates in ta'e;
inni in abboome,
wanti inni abboomes ka'ee dhaabate*.

*9 Uma 1:3,6,9; Isa 48:13

¹⁰ Waaqayyoo maree saba lafa irraa in diiga,
yaadni namoonni qopheessanis hojii irra akka bin oolle in godha*;

¹¹ mareen Waaqayyoo garuu bara baraan in dhaabata,
yaadni garaa isaas dhalootaa bamma dhalootaatti in hojjeta.

¹² Sabni gooftaan kun Waaqayyoo isaa ta'eef,

warri Waaqayyoo ofiif isaan fo'ates haa gammadan*!

*10 Isa 8:10

*12 Bau 19:5; Kes 33:29

¹³ Waaqayyoo bantii waaqaa keessaa gad in ilaala,
ilmaan namootaa hundumaas in arga.

¹⁴ Inni iddoo ofii taa'u sanaa,
warra lafa irra jiraatan hundumaa in ilaala.

¹⁵ Inni guutummaa garaa namootaa tolche,
wanta isaan hojjetan hundumaas gargar baasee in beeka*.

*15 94:9-11

¹⁶ Mootiin humna baay'inaan mo'icha hin argatu,
jagnis humna-jabinaan hin boofkalu.

¹⁷ "Fardi mo'ichaaf nama in gargaara" jechuun gowummaa dha,
humna isaa isa jabaadhaanis nama hin oolchu*.

¹⁸ Kunoo, iji Waaqayyoo warra isa safeeffatan,
warra gaarummaa isaa abdiidhaan eeggatanis in to'ata.

¹⁹ Inni lubbuu isaanii du'a in oolcha,
beela keessattis jireenyatti isaan in eega*.

*17 20:7

*19 1Mot 17:8-16

²⁰ Lubbuun keenya abdiidhaan Waaqayyoon in eeggatti,
inni gargaarsa keenyaa fi gaachana keenya.

²¹ Eyyee, garaan keenya isatti in gammada,
maqaa isaa isa qulqulluus in amananna.

²² Abdiidhaan akkuma si eegganne,
yaa Waaqayyoo, gaarummaan kee nuuf haa ta'u!

Golbooba Waaqayyoo Jajacbuu

(Kun isa Daawit fuula Abiimelek duratti maraatuuf fakkeessaa, Abiimelek isa ariinaan, yeroo achii adeeme faarfatee dha)

34 ¹Ani yeroo hundumaa maqaa Waaqayyoo nan eebbisa,

jajuun isaas takkaa afaan koo keessaa bin bu'u.

² Lubbuun koo Waaqayyoon of in jajji,

warri gadadamanis kana dhaga'anii haa gammadan!

³ Anaa wajjin guddina Waaqayyoo odeessaa,

kottaa walii wajjinis maqaa isaa ol in kaafua!

⁴ Ani Waaqayyoon barbaaddadhe,
innis ana jalaa owwaate,
sodaa koo bundumaa keessaas na baase.

⁵ Gara isaa ilaalaa, fuulli keessanis haa ifu!

Deebitaniis qaaniidhaan lafa hin ilaaltan.

⁶ Namichi gadadamaan kun yommuu iyyate,
Waaqayyoo isaaf dhaga'e,
rakkina isaa hundumaa keessaas isa in oolche.

⁷ Ergamaan Waaqayyoo naannoo warra Waaqayyoon sodaatanii in buufata,
inni isaan in oolchas*.

*7 91:11; Uma 24:7

⁸ Gaarummaan Waaqayyoo attam akka ta'e,
isin miyeeffadhaa ilaalaa!
Namni isatti kooluu gale haa gammadu*!

⁹ Warri Waaqayyoon sodaatan homaa bin dhaban.
kanaaf isin warri isaaf qulqullooftan isa safeeffadhaa!

¹⁰ Leenci saafelli iyyuu in dhaba, in beela'as,

warri Waaqayyoon barbaaddatan garuu waan gaarii tokko illee hin dhaban*.

*8 1Phe 2:3

*10 Luq 1:53

¹¹ Kottaa, yaa ijoollee na dhaggeeffadhaa,
ani immoo Waaqayyoon sodaachuu isin nan barsiisa.

¹² Nama nana, ati jireenya in hawwitaa?
Waan gaariitti gammaduufis

bara dheeraa jiraachuu in jaallattaa?

¹³ Yoos arraba kee hamaattii, afaan kees sossoba

dubbacbuuttii eegi!

¹⁴ Wanta hamaattii fagaadhuu gaariis godhi!

Nagaa barbaadii duukaas bu'il

¹⁵ Iji Waaqayyoo gara warra qajeelotaa in ilaala,
gurri isaas gara iyya isaanii in dhaggeeffata.

¹⁶ Warra hamaa hojjetan garuu seenaa isaanii lafa irraa balleessuudhaaf,
Waaqayyoo nyaara isaanitti in guura*;

¹⁷ yeroo warri qajeelonni gara isaatti iyyan,
Waaqayyoo in dhaga'a;
inni rakkina isaanii hundumaa keessaas isaan in baasa.

¹⁸ Waaqayyoo warra garaan isaanii cabetti dhi'oo dha,
warra yaadni isaanii caccabee bullaa'es in fayyisa*.

*16 Fak 10:7

*18 145:18-19

¹⁹ Wanti hamaan nama qajeelaatti in baay'ata,
Waaqayyoo garuu kana hundumaa keessaa isa in baasa*.

²⁰ Lafee dhagna isaa hundumaa inni in eega,
isaan keessaas tokko illee hin cabu.

²¹ Hamminni nama jal'aa in ajjeesa;
warra nama qajeelaa jibbanittis yakki in murama*.

²² Waaqayyoo lubbuu hojjetoota isaa in fura,
warra isatti kooluu galan keessaas tokkotti illee yakki hin muramu.

*19 2Qor 1:5

*21 37:14-15; 140:9

**Rakkina Karaa Namaa Dhufu
Jalaa Ooluudbaaf Kadbachuu**
(Kan Daawit)

35 ¹Yaa Waaqayyoo!
Ati warra anaan mormaniin mormi,

- warra ana lolanis loli!
² Gaachanaa fi mi'a lolaa ol fudhadhuutti, ana gargaaruudhaaf ka'ii!
³ Warra ana ari'atanitti eeboodhaa fi gajara luqqifadhu, "Anatu si gargaara" jedhii anatti dubbadhu!
⁴ Warri jireenya koo balleessuu barbaadan, haa qaana'an haa salphifamanis! Warri waan hamaa anatti malan, of irra haa deebi'an, haa yeella'anis!
⁵ Akka habaqqii qilleensi fuudhuu haa ta'an, ergamaan Waaqayyoo isaan haa daddarbatu!
⁶ Karaan isaanii dukkanaa fi mucuca haa ta'u, ergamaan Waaqayyoo isaan haa ari'atu!
⁷ Isaan sababii tokko malee kiyyoo anaaf dhoksanii kaa'an, sababii tokko malees boolla anaaf qotan.
⁸ Utuu isaan hin beekin badiisi isaan irratti haa dhufu; kiyyoon isaan dhoksanii kaa'anis isaanuma baa qabu, boolluma qotan keessatti kufanii haa badan*!
^{*8 7:15-16}
⁹ Yommu lubbuun koo Waaqayyotti gammachuu in qabaatti, gargaarsa inni anaaf godhettis in gammaddi;
¹⁰ garaa koo guutuudhaan, "Ati isa gadadamaa nama isa caalaa jabaatu harkaa, isa gad qabamaa fi isa wanta barbaachisaa dhabes, nama isa saamu harkaa in baafu; yaa Waaqayyoo, kan akka keetii eenyu ree?" nan jedha*.
^{*10 9:12}
¹¹ Dhuga-baatonni sobduun jal'inaan anatti ka'anii, gaaffiidhaan wanta ani hin beekne ana irra in kaa'u*.
¹² Isa ani gaarii isaaniiif godheef

- hamaa anaaf in deebisu; kopha-galeessas na godhan.
¹³ Ani garuu yeroo isaan dhukkubsatan, uffata gaddaa nan uffadhe, soomuudhaan namummaa koo gad nan deebise, gara qoma kootti gad jedhees nan kadhadheef*;
¹⁴ akka waan ani fira kootiif yookiis obboleessa kootiif gadduutti, akka nama haadha isaatiif boo'uuttis ani mataa buuseen gaddaa adeeme*.
^{*11 27:12; 1Mot 21:13; Mat 26:59}
^{*13 Iyo 31:29; 2Sam 12:16-17}
^{*14 Rom 12:15}
¹⁵ Yeroo ani gufadhee kufetti gammadanii anatti dacha'an, utuu ani itti hin yaadinis jecha isaaniiin na madeessuuf anatti dacha'an, arrabaan na kukkutachuus gab hin goone;
¹⁶ isaan warra Waaqayyoo malee jiraatanii wajjin nyaataaf taa'anii in ga'isu, ilkaan isaanis anatti in qaratu.
¹⁷ Yaa gooftaa, hamma yoomiitti akkasumatti ilaaltu? Lubbuu tokkitti ani qabu badiisa isaan itti fidan jalaa, qabaa warra akka leenca saafelaa anatti gamu jalaas baasi!
¹⁸ Yommu waldaa guddaa keessatti sin galateeffadha, saba baay'ee keessattis sin jajadha*.
^{*18 22:22}
¹⁹ Warri akkasumaan diina anatti ta'an ana irratti hin gammadin; warri sababii malee na jibbanis ana irratti ijaan wal hin tuqin!
²⁰ Isaanoo nagaan hin dubbatan, warra biyya keessa nagaadhaan jiraatan irrattis dubbii sobaa yaadanii in qopheessu;

- ²¹ isaan, "Baga, baga, iji keenya si arge!" jedhanii laagaa anatti banan.
²² Yaa Waaqayyoo, kana situ arge, calluma hin jedhin! Fagaatte na duraa hin hafin, yaa gooftaa!
²³ Yaa Waaqayyoo gooftaa ko! Dhimma kootiif ka'i, dubbii kootiifis dammaqi!
²⁴ Akka qajeelummaa keetti dhugaa koo anaaf baasi, yaa Waaqayyoo gooftaa ko! Warri diina anatti ta'an kunis ana irratti hin gammadin!
²⁵ Isaan, "Baga, isa garaa keenyaa arganne" hin jechisiisin! "Isa liqimsineerra" akka jedhaniifis karaa hin kenniniif!
²⁶ Warri hamaa anaaf gammadan hundinuu haa yeella'an, haa qaana'anis! Warri anatti of gurguddisanis, yeelloodhaa fi salphina baa uffatan!
²⁷ Warri qajeelaa ta'uun koo itti tolu, haa gammadan, haa ililchanis! Yeroo hundumaas, "Waaqayyoo guddaa dha! Hojjitaan isaa nagaatti jiraachuun isatti in tola" haa jedhan.
²⁸ Yommu arrabni koo qajeelummaa kee, jajamuu kees guyyaa hundumaa in dubbata.
Waa'ee Jal'ina Namaa Fi Waa'ee Gaarummaa Waaqayyoo
 (Geggeessituu warra faarfattootaaf; faarfannaa Daawit garbicha Waaqayyoo)
36 ¹ Cubbuun keessa garaa nama jal'aa isa gad fagootti in dubbata; kanaafis Waaqayyoon sodaachuun yaada namichaa keessa hin jiru*.
² Namichi yakka isaa argee akka hin jibbinetti, akka yaada isaatiitti of gowwoomsuu isaa ti.

- ³ Dubbiin afaan namichaa keessaa ba'u haxxummaa fi gowwoomsaa dha, inni ogummaadhaan hojjechuu, waan gaariis gochuu dhiiseera.
⁴ Yeroo siree isaa irra jiru illee haxxummaa isaatiif mala in qopheessa, karaa gadhee irra bu'eera, hamaa kan ta'e immoo waan tokko hin tuffatu*.

^{*1 Rom 3:18}

^{*4 Mik 2:1}

- ⁵ Yaa Waaqayyoo, gaarummaan kee hamma bantiwwan waaqaa, amanamummaan kees hamma duumessootaa in ga'a*;
⁶ qajeelummaan kee akka tulloota kee jabaatee in dhaabata, firidiin ati kennitus, akka lolaa guddaa ittisa hin qabnee ti; nama, horii, bineensas situ gargaaree oolcha, yaa Waaqayyoo*!

^{*5 108:4}

^{*6 104:27-28}

- ⁷ Yaa Waaqayyoo, gaarummaan kee attam guddaa dha, dinqisiisaa dhas, ijoolleen namootaa gaaddisa bobaa kee jalatti kooluu in galu*;
⁸ isaan wanta mana kee keessa guuteen cidha in godhatu, bishaan laga gammachuu keetiis akka dhugan in goota;
⁹ burqaan jireenya kennu si bira waan jiruuf, ifa keetiin ificha in argina*.

^{*7 17:7}

^{*9 Er 2:13; Yoh 4:14}

- ¹⁰ Gaarummaa kee warra si beekaniif, qajeelummaa kees warra gara-qajeelotaaf ittuma fufi!
¹¹ Miilli warra of bokoksanii ana irra hin ejjetin, harki warra jal'ootaas oofee biyyaa ana hin baasin!

¹² Ilaa! Warri hamaa godhan
gad darbatamanii kufan;
deebi'aniis ka'uu hin
dandeenye.

Warra Jal'ootaaf Jireenyl Tolquu
Warra Qajeelota Hin Wallaalchisiin

(Kan Daawit)

37 ¹Warra waan jal'aa hojjetanitti
hin aarin,

waan isaan hamaa godhanii
argatanittis hin hinaafin*!

² Isaan akka margaatti dafanii in
coolligu;

akka biqiltuu misee goguuttis
in golgolaa'u*.

*1 Fak 24:19

*2 Fak 24:20

³ Waaqayyoon amanadhu, wanta
gaarii ta'es hojjedhu;

biyyuma keessa nagaadhaan
taa'i,

amanamummaas eeggadhu!

⁴ Waaqayyotti gammachuu
qabaadhu!

Inni immoo kadhata garaa kee
siif in kenna*.

⁵ Karaa kee Waaqayyotti
kennadhu, isa amanadhu!

Innis siif in raawwata*.

⁶ Inni qajeelummaa kee akka ifaatti,
dhugaa kees akka aduu saafaatti,
hakkeetti in baasa*.

*4 20:4

*5 55:22

*6 Mik 7:9

⁷ Waaqayyo duratti gab jedhi,
obsaanis isa eeggadhu,

nama karaa isaa wal

qixxeeffatetti,

nama wanta hamaa koratee
fiixaan baafatettis hin aarin!

⁸ Dheekkamu irraa of dhowwi,
banbanuus dhiisi,

inni hamaa hojjechuu duwwaatti
waan si geessuuf hin aarin!

⁹ Warri jal'oonni lafa irraa in
balleeffamu,

warri Waaqayyoon eeggatan
garuu lafa in qabaatu.

¹⁰ Inni jal'aan yeroo xinnoo booddee
achitti hin argamu,

iddoo inni ture hubattee yoo
ilaalte, inni hin jiru.

¹¹ Warri garraamonni garuu
lafa in qabaatu,

isaanis nagaan guututti

jiraachuu isaanitiin

sonaan in gammadu*.

*11 37:9,22,29,34; Mat 5:5

¹² Namni jal'aan nama qajeelaatti
in mala,

ittis in ciniinnata;

¹³ guyyaan namicha jal'aa akka
dhi'aate waan arguuf,

gooftichi namichatti in kolfa.

¹⁴ Warri jal'oonni,

nama gadadamaa fi dhahaa

lafaan dha'uudhaaf,

warra karaa qajeelaa irra jiranis

ajjeesuudhaaf

hillaa isaanii in luqqifatu,

iddaa isaanis in dabsatu.

¹⁵ Billaan isaanii garaadhuma
isaaniitti gala,

iddaan isaanis in caccaba.

¹⁶ Qabeenya guddaa jal'oonni

baay'een qaban irra,

qabeenya xinnaa namni

qajeelaan qabu wayya*.

¹⁷ Irreen jal'ootaa in caccaba,

warra qajeelota garuu

Waaqayyo qabaa isaa keessatti
in cega.

*16 Fak 15:16

¹⁸ Waaqayyo hara jireenya warra

balleessaa hin qabnee

beekee,

yaada jaalalaatiin duukaa in bu'a,

wanti isaan itti darhanii

argachuuf jiranis

kan isaanii ta'ee in hafa*;

¹⁹ bara gadheetti hin yeella'an,
bara heelaattis in quufu*.

*18 Lal 8:12

*19 Fak 10:3

²⁰ Warri jal'oonni garuu

badduu in ha'u;

diinonni Waaqayyoo akka

miidhagina margaa ti,

akkuma aarii badu,

isaanis in badu.

²¹ Namni jal'aan in liqeffata,

danda'ee hin baasus;

namni qajeelaan immoo arjaa
dha, waan kennus qaba.

²² Warri Waaqayyo eebbise

lafa in qabaatu;

warri inni abaare immoo lafa

irraa in balleeffamu.

²³ Ejjennaan namaa inni Waaqayyo
jabeessu

isa biraa in ka'a;

karaa isaa sunis gooftaatti in
tola,

²⁴ Waaqayyo harka isaa qabee waan
isa eeguuf,

inni yoo kufe iyyuu,

lafa hin ga'u*.

*24 Fak 24:16

²⁵ Dargaggummaa argeera, dulluma
biras ga'eera;

garuu namni qajeelaan utuu

gatamuu,

ijoolleen isaas waan nyaatan

dhabanii utuu kadhataani

ani takkaa argee hin beeku*.

²⁶ Inni yoom iyyuu in arjooma, in

liqeessas,

ijoolleen isaas eebbaf in ta'u.

*25 Lal 7:15

²⁷ Wanta hamaa irraa fagaadhu,
wanta gaarii hojjedhu!

Yoos hara baraan nagaatti in

teessa.

²⁸ Waaqayyo waan dhugaa ta'e in
jaallata,

warra isaaf of kennanis hin gatu;

isaan bara baraan in eegamu,

ijoolleen jal'ootaa immoo lafa

irraa in balleeffamu.

²⁹ Warri qajeelonni biyya in

qabaatu,

yeroo hundumaafis keessa in

taa'u*.

*29 Isa 60:21

³⁰ Afaan nama qajeelaa

ogummaadhaan in dubbata,

arrabni isaas waan dhugaa ta'e

in hima;

³¹ seerri Waaqayyo isaatii garaa

isaa keessa jira,

faanni isaas isa irraa hin

mittiqu.

³² Namni jal'aan riphee nama
qajeelaa in eeggata,

isa ajjeesuus in barbaada.

³³ Waaqayyo garuu harka isaatti isa
hin kennu,

yommuu namni itti faraduuf

jedhus

yakka itti hin mursiisu.

³⁴ Waaqayyoon abdiidhaan

eeggadhu,

karaa isaa irraa akka hin

jal'annes eeggadhu!

Biyya akka qabaattuuf ulfina siif

in kenna,

lafa irraa balleeffamuu warra

jal'ootaas

argitee in gammadda.

³⁵ Nama jal'aa humnaan nama

irratti ka'u ani argeera,

inni akka muka lafti itti tolee

dagaagee ta'e;

³⁶ ergasii yeroon achiin darbutti,

ilaalee nan dhahe;

ani isa nan barbaade,

inni immoo hin argamne.

³⁷ Nama bir'ina hin qabne caqasi,

nama yaada qajeelaas ilaali!

Qacceen nama nagaa hin badu.

³⁸ Warri irra-daddarbituun garuu

wal duukaa in duguugamu,

qacceen warra jal'ootaas lafa

irraa in balleeffamu.

³⁹ Fureen qajeelotaa Waaqayyo

biraa in dhufa,

Waaqayyo yeroo rakkinaatti

da'oo isaanii ti;

⁴⁰ Waaqayyo isaan in gargaara,

isaan in oolchas;

waan isaan kooluu isatti galaniif,

inni harka warra jal'ootaa duraa

oolchee isaan in fura*.

*40 Luq 18:7-8

**Dhiphina Keessatti Yakka
Ofii Yaadachuu**

(Faarfannaa Daawit, isa yeroo ixaanni
aarfamutti faarfatamu)

38 ¹Yaa Waaqayyo, aarii keetiin
ana hin ifatin,

dheekkamsa keetiinis ana hin

adabin!

² Xiyyooliin kee gad fageessanii

na waraananiiiru;

harki kees anatti in ulfaate*.

*2 Iyo 6:4

³ Sababii dheekkamsa keetiif foon
koo bututeera,
sababii cubbuu kootiifis
lafceewwan koo fayyaa hin
qaban.

⁴ Irra-daddarbaan koo mataa koo
irra ol darbeera,
mijjanni isaas ba'aa ani
baachun hin dandeenye
ta'ee anatti ulfaateera*.

*4 Faru 1:14

⁵ Sababii ani gowwoomfameef,
madaa koo foolii foolii jedhe,
in mala'es.

⁶ Ani goopha'ee, raawwadhees
walittan cabe,
guyyaa guutuus boo'aa nan
naanna'a.

⁷ Mudhiin koo guutummaan isaa
na guba,
dhagnii koos fayyaa hin qabu.

⁸ Humni koo na bushaa'e,
raawwadhees nan caccabe,
yaadni koo dhiphatee sababiin
aaduufis nan iyya.

⁹ Yaa Waaqayyo,
wanta ani si biraa argachuu
fedhu
hundumaa situ beeka,
hafuura dheeraa baafachuun
koos si duraa hin
dhokanne.

¹⁰ Lapheen koo na dha'ate, humni
koo in laafe,
iji koos arguu in dhabe.

¹¹ Firoonni koo fi olloonni koo
sababii dha'ichi anatti dhufef
ana irraa in haqatu,
aantiin koos ana irraa
fagaatanii in dhaabatu*.

¹² Warri jireenya koo balleessuu
barbaadan
kiyyoo isaanii diriirsan,
warri miidhama koo barbaadanis
na balleessuuf in mari'atu;
guyyuma guutuus karaa sobaa
itti yaadanii in qopheessu.

*11 31:11; 69:8; 88:8,18; Iyo 19:13-19

¹³ Ani garun akka nama duudaan
ta'e,

ani hin dhaga'u;
ani akka nama arraba didaa
isa afaan hin saaqqannee
nan ta'e*.

¹⁴ Ani akka nama gurri isaa hin
dhageenyee,
akka isa deebii namaaf hin
laannee nan ta'e.

*13 39:2

¹⁵ Garun ani abdiidhaan sin
eggadha yaa Waaqayyo,
atoo deebii anaaf in laatta, yaa
Waaqayyo gooftaa kol

¹⁶ Anoo, "Warri yeroo miilli koo
bitintiru
ana irratti of jajan,
akka isaan anatti gammadan
hin godhin!"
jedhee sin kadhada.

¹⁷ Ammas ani kufuu ga'cera,
dhukkubni koo inni na
waraanus
yeroo hundumaa anaa wajjin
jira.

¹⁸ Ani yakka koo nan himadha;
cubbuu waanan hojjedheefis
nan gadda*.

¹⁹ Warri sababii malee diinota
anatti ta'an
humna-qabeeyyii dha,
warri karaa malee na jibbanis
baay'ee dha.

²⁰ Ani isa gaarii duukaa waanan
bu'uuf,
warri qooda gaarii hamaa
anaaf deebisan
hamajaajii koo ti.

*18 32:3-5

²¹ Yaa Waaqayyo, ati ana hin gatin,
yaa gooftaa ko, ati ana irraa
hin fagaatin!

²² Yaa gooftaa ko, fayyisaa ko,
ati ana gargaarundhaaf
ariifadhu!

**Himata Nama Hlikaan
Jireenyaa Dhiphisee**

(Yiduutuun geggeessituu warra
faarfattootaaf; faarfannaa Daawit)

39 Ani, "Arraba kootiin
cubbuu akkan hin dubbannetti,
lafan dhaqu hundumaatti
of nan eggadha;

hamma namni jal'aan ana bira
jirutti,
akka ani hin dubbanne
eggachuufis
afaan koo nan hidhan" jedhe.

² Wanti gaariin ana irraa fagaate;
ani akka nama arrabni isaa
didee nan ta'e,
waan tokkos hin dubbanne;
dhukkubni koo

inni na waraanu garuu
caalaa anatti in dhaga'ame*.

³ Garaan koo na gubate,
yaada koo keessattis ibiddi
anatti in qabate;
kana irratti arrabni koo in
dubbate.

*2 38:13

⁴ "Yaa Waaqayyo,
dhuma jireenya koo
barri jireenya koos hammam
akka ta'e na beeksisi;
attam ariifadhee
darbuuf akkan jirus na
barsiisi*!"

⁵ Kunoo, ati bara koo hamma
taakkuu goote,
barri jireenya koos
fuula kee duratti wayitti hin
galtu;
eyyee, nama ta'ee kan argamu
hundinuu
akkuma qilleensa shuf jedhuu
ti*.

*4 90:12; Iyo 14:5

*5 90:5-6

⁶ Namni akkuma gaaddisaa
in darba,
ofumaas in iyya;
namni wal irra in tuula,
abbaa fudhatus hin beeku*.

⁷ Egaa maalan eggadha
yaa gooftaa?
Abdiin ani qabu si*!

⁸ Warra anatti darban
harkaa na baasi,
warra gowwootaaf muka kolfaa
ana hin godhin!

⁹ Situ akkas akka ta'u godhe,
kanaaf ani hin dubbadhu,
afaan koos hin saaqqadhu;

¹⁰ harka kee isa anatti ulfaatu jalatti
akkan badduu hin baanetti,
dha'icha kee ana irraa fundhi!

¹¹ Sababii yakkaatiif nama ifattee in
adabda,
wanta isa irraa nama
gammachiisus hundumaa,
akkuma ololeen nyaatutti
ijaajjiitti in fixxa;
eyyee, nama ta'ee kan argamu
hundinuu
akkuma qilleensa shuf jedhuu
ti*.

*6 49:16-20; Lal 2:18-21; Luq 12:15-21

*7 42:5

*11 90:6-8

¹² Yaa Waaqayyo, ati kadhata koo
anaaf dhaga'i,
gurra kees gara iyyata kootti
qabi!

Imimmaan koo ilaali malee,
ana jalaa calluma hin jedhin!
Anoo akkuma abboota koo, si
duratti keessummaa dha,
kara-adeemaa dhas*.

¹³ Utuun hin godaanin,
lafa irraas utuun hin dhabamin,
takka fuulli koo akka ifutti,
nyaara guurtee ana hin ilaalin!
*12 119:19; 1Sen 29:15; Lew 25:23; Ibr
11:13; 1Phe 2:11

Galataa Fi Waammata

(Geggeessituu warra faarfattootaaf;
faarfannaa Daawit)

40 Ani abdiin guutuudhaan
Waaqayyoon nan eggadhe,
inni immoo gara kootti jedhe,
iyya koos anaaf in dhaga'e.

² Inni boolla huursaa bishaan
sodaachisaa keessaa,
dhoqqee akka suphee nama
qabatu
keessaas harkisee na baase;
inni miilla koo dhagaa hin
sochoone irra anaaf
dhaabachiise,
ejjennaa koos anaaf in jabeesse.

³ Iuni faarfannaa haaraa,
isa ani ittiin isa jajadhu
afaan koo keessa in kaa'e;
baay'een kana arganii isa in
sodaatu,
waaqayyummaa isaa in
amanatu*.

*3 33:3; 96:1

⁴ Namni Waaqayyoon amanannaa
isaa godhatu,
warra of bokoksanitti,
warra amantii isaanii gananii,
soha duukaa bu'anittis
inni hin gorin haa gammadu*!
⁵ Yaa Waaqayyo gooftaa ko,
gocha kee isa dinqisiisaadhaa fi
yaada gaarii nuuf qabdu nuuf
baay'ifteetta;
tokko illee kan siin qixxaatu
hin jiru;
isaan kana yoon labse,
yoon himes,
isaan wanta lakkaa' amuu danda'u
gararraa in ta'u*.

*4 Ex 17:5-8
*5 139:17-18

⁶ Ati qalmaa fi kennaa midhaaniitti
hin gammadu,
qalma gubamuu fi aarsaa
cubbuus, ati hin barbaanne;
anaaf garuu gurra hanamaa in
kennite*.

⁷ Yommus ani, "Kunoo, ani nan
dhufa,
maraa macaafaa keessatti anaaf
kan ta'u caafameera;
⁸ yaa Waaqayyoo ko, fedha kee
gochuun anatti in tola,
seerri kees garaa koo keessa
jira" nan jedhe.

*6 50:8-13; 51:18; 1Sam 15:22; 1Br 10:5-10

⁹ Ani waldaa guddicha keessatti,
waa'ee dhugaa argatanii
furamuu misraachoo
himeera;
yaa Waaqayyo, akkuma ati
beektu,

kunoo, ani afaan koo kana
labsuuttii hin dhowwine,
¹⁰ waa'ee qajeelummaa kee
ani garaatti qabadhee hin
dhoksine,
ani waa'ee amanamummaa kee fi
waa'ee gargaarsa kee himeera;
ani waldaa isa guddaa sana
keessatti,
gaarummaa kee,
amanamummaa kee.
afaan kootti hin ittifne.

¹¹ Yaa Waaqayyo, ati garaa laafuu
kee

harkatti qabattee na duraa hin
hambisin;
gaarommuun kee fi amanamuun kee
gaaf hundumaa ana haa cegan!

¹² Wanti hamaan lakkoohsa hin
qabne na marsan,
hamma ani wanta biraa arguu
dadhabuttis
irra-daddarbaan koo anatti in
dacha'an;
isaan rifeensa mataa koo
caalaa in baay'atu,
kanaafis onneen koo in laafa.

¹³ Yaa Waaqayyo, ana oolchuun
jaalala kee haa ta'u,
yaa Waaqayyo, na
gargaaruudbaaf ariifadhu!

¹⁴ Warri jireenya koo butachuu
barbaadan,
guutummaatti haa yeella'an,
haa qaana'anis;
warri hamaan ana argachuutti
gammadan,
gara booddee deebi'anii haa
salphifaman!

¹⁵ Warri "Baga, бага" anaan jedhan,
qaanii isaaniitiin na'anii haa
gogan*!

*15 35:21

¹⁶ Warri si barbaadan hundinuu
garuu,
isaanitti haa tolu, sittis haa
gammadan;
warri fayyisuu kee jaallatanis
utuu gargar hin kutin,
"Waaqayyo guddaa dha!" haa
jedhan!

¹⁷ Waa'ee koof yoo ta'e, ani
gadadamaa dha, dhabaa
dhas;
garuu gooftaan koo anaaf in
yaada;
ati gargaarsa koo, furee koo tis,
yaa Waaqayyoo ko, egaa hin
turin*!

*17 9:13

**Kadhata Nama Dhukkuhsatee
Eira Dhahee**

(Geggeessituu warra faarfattootaaf,
faarfannaa Daawit)

41 ¹ Namni isa dadhabaadhaaf
yaadu haa gammadu!

Waaqayyo guyyaa hamaatti isa
in oolcha*;

² Waaqayyo isa in eega, jireenyas
in kennaa;
biyya keessattis

"Isa gammade" in jedhama,
yaa gooftaa ati,
gojomii diinota isaatti
dabarsitee isa hin kennitu.
³ Waaqayyo siree dhukkubaa irratti
ol isa in qaba,
fayyisees siree dhukkubaa irraa
isa in kaasa.

*1 Fak 14:21; Mat 5:7

⁴ Ani immoo, "Yaa Waaqayyo,
anaaf oo'i,
ani si duratti cubbuu
hojjedheera, na fayyisi!"
jedhee kadhadeera.

⁵ Diinonni koo hamaa ana irratti
in dubbatu,
"Iuni yoom du'a,
maqaa isaas yoom lafa irraa
bada?" in jedhu.

⁶ Namni ana ilaalu dhufu,
sohee anaa wajjin in baasa'a,
garaa isaatti immoo dubbii
hamaa kuufatee

karaatti ba'ee isa in odeessa;
⁷ warri ana jibban hundinuu
waa'ee koo walitti in hasaasu,
wanta hamaa yaadanii ana
irratti in qopheessu.

⁸ Isaan, "Dubbii gadheetu
isa irra ga'e,
lafa ciisees deebi'ee hin ka'u"
in jedhu.

⁹ Namni garaa kootii, inni ani
amanadhe,
inni buddeena koo nyaate illee
ana dhiituuf miilla ol fudhate*.

*9 55:12-14; Yoh 13:18; HoE 1:16

¹⁰ Yaa Waaqayyo, ati faara anaaf
toli,
diinota kootiif dugda akkan
baasutti
lafan ciisee ana kaasi!

¹¹ Yeroo diinonni koo sagalee
mo'ichaa
ana irratti dhageessisuu
dadhaban,
anatti gammaduu kee ani
kanaa nan beeka.

¹² Ani balleessaa malee waanan
argamuuf,
ati ol qajeelchitce na qabda,
bara baraanis of dura na
dhaabda.

¹³ Waaqayyo gooftaan Israa'el,
maqaa isa baraa hamma bara
baraatti haa cebbifamu!
Ameen! Ameen*!

*13 72:18; 89:52; 106:48

Macaafni inni Lammaffaan

(Geggeessituu warra faarfattootaaf,
mararoo ilmaan Qoraahi)

(Faarfannaa 42-72)

Waaqayyoon Yaaduu

42 ¹ Borofni akkuma bisbaan
yaa'u argachuu yaadu,
lubbuun koos akkasuma si
yaaddi, yaa Waaqayyo!

² Lubbuun koo Waaqayyoon
immoo, Waaqayyoon isa
jiraataa

akka bishaanii in dheehotti;
yooman dhufa,
Waaqayyo koo durattis yooman
argama*!

³ Namoonni guyyuma guutuu,
"Waaqayyo kee cessa jira?"
anaa in jedhu;
kanaafis guyyaa fi halkan
imimmaan

soora anaaf in ta'e*.

*2 17:15; 63:1; 84:2; 143:6

*3 79:10; 115:1-2

⁴ Ani tuuta sanaa wajjin,
saba ayyaaneffachaa ture
wajjinis,
sagalee gammachuu guddaa fi
faarfannaa galataatiin,

tooraan gara mana
Waaqayyootti
attamitti akkan adeeme, nan
yaadadha;

yeroon kana yaadadhus
lubbuun koo na keessaa in
sokka*.

⁵ Yaa lubbuu ko, maaliif akkas
gadditee dhiphatta?
Maaliifis akkas ana keessatti
gabii dhabda?

Ati Waaqayyoon abdiidhaan
eggadhu!
Anoo deebi'ee gargaarsa isa
biraa anaaf dhufuuf,
Waaqayyo koo ta'uu isaatiifis
isa jajachuufan jira*!
*Lubbuun koo ana keessatti
gadditee dhiphatteetti,
kanaafis ani biyya Yordaanosii
fi Hermoonii,
tulluu Mizaar gubbaadhaas sin
yaadadha.
*Yeroo bishaan kee huursutti,
tuujjubni tuujjuba akka isaatii
in waama;
dha'aan kee fi tuulamee
darbatamuun bishaan kee
ana irra yaa'an*.
*Waaqayyo gaarummaa isaa
guyyaa akka abboomutti,
halkan isa nan faarfadha,
kadhatas gara Waaqayyo
jireenya kootiitti nan
dhi'eessa.

*4 122:1

*5 39:7; 62:1

*7 18:4; 69:1-2; Yon 2:4

*Anis kattaa koo Waaqayyoon,
"Ati maaliif na irraanfatta?
Sababii cunqursaa diina koofis,
maaliifan hoo'aa adeema?"
nan jedha*.
*Warri na cunqursan guyyuma
guutuu,
"Waaqayyo kee eessa jira?"
anaa jechuudhaan,
anatti ga'isanii lafee koo na
cabsan.

*Yaa lubbuu ko, maaliif akkas
gadditee dhiphatta?
Maaliifis akkas ana keessatti
gabii dhabda?

Ati Waaqayyoon abdiidhaan
eggadhu!
Anoo deebi'ee gargaarsa isa
duraa anaaf dhufuuf,
Waaqayyo koo ta'uu isaatiifis
isa jajachuufan jira!

*9 Kes 32:4

Waaqayyoon Yaadanii Kadhachuu

43 *Dhugaa koo anaaf baasi, yaa
Waaqayyo!
Warra kan kee hin ta'inittis
yaa'ii koo anaaf falmi!

Warra arraba gegeddaranii fi
warra waan jal'aa hojjetan
jalaas na baasi!
*Ati Waaqayyo isa ani kooluu itti
galee dha,
maaliif na gatte ree?
Sababii cunqursaa diina koofis
maaliifan boo'aa adeema?

*Ifa kee fi dhugaa kee ergi,
isaan anatti karaa haa
argisiisan;
tulluu kee isa qulqulluutti,
iddoo buufata keettis ana haa
geessan!

*Gara iddoo itti Waaqayyoof
aarsaa dhi'eessanii,
gara Waaqayyoo isa ani itti
gammaduu nan dhaqa;
kiraaraanis sagalee gammachuu
dhageessisee sin jajadha,
yaa Waaqayyo,
yaa Waaqayyoo ko!

*Yaa lubbuu ko maaliif akkas
gadditee dhiphatta?
Maaliifis akkas ana keessatti
gabii dhabda?

Ati Waaqayyoon abdiidhaan
eggadhu!
Anoo deebi'ee gargaarsa isa
duraa anaaf dhufuuf,
Waaqayyo koo ta'uu isaatiifis
isa jajachuufan jira.

Waaqayyottii Fagaachuun
Namatti Dhaga'amuu Isaa

(Geggessiruu warra faarfattootaaf;
mararoo ilmaan Qoraahi)

44 *Yaa Waaqayyo, nuyi gurra
keenyaan dhageenyecerra,
wanta ati bara durii sanatti
goote,
gochaa ati bara isaaniitti isaaniif
raawwattes,
abboonni keenya nutti
himaniiiru*.

*Ati harka keetiin saba warra
kaan ariitee baafte,
isaan kana garuu jabeessitee
in dhaabde;
ati warra kaan in balleessite,
isaan kana garuu in bal'ifte.
*Isaan billaa isaaniitiin laficha bin
qabanne,

yookiis irreen isaanii mo'icha
hin laanneef;
garuu ati waan isaanitti
gammaddeef,
mirgi kee fi irreen kee,
ifni fuula kees kana isaaniif
kenne.

*1 Kes 6:20-25

*Ati mootii koo ti, yaa Waaqayyo,
Yaaqoobiif mo'icha kana kan
abboome si;
*humna keetiin diinota keenya
lafaan in dhoofna,
maqa keetiinis warra nu irratti
ka'an in dhidhiinna.

*Ani iddaa koo hin amanadhu,
billaan koos mo'icha ana hin
argachiisu*.

*Ati garuu harka diinota keenyaa
nu oolchiteetta,
warra nu jibbanis
yeellaasifteetta.

*Nuyi guyyaa hundumaa
si Waaqayyoon of in jajna,
maqa keetiifis bara hundumaa
galata in galchina*.

*6 20:7

*8 Er 9:22-23

*Amma garuu ati of biraa nu
gatte nu salphifteetta,
loltuu keenyaa wajjinis lafa
duulaatti hin baane.

*Diinota duraa gara booddeetti
deebinee
akka baqannu gooteetta;
warri nu jibbanis nu
saamaniiru.

*Ati akka hoolotaa qalamuutti nu
kenniteetta,
saha warra kaan keessattis nu
bittimsiteetta*.

*Ati saba kee
wanta gatiitti hin
lakkaa'amnetti gurgurteetta,
gurgura isaanii keessaas ati
homaa hin buufanne.

*11 His 5:12

*Ati saba ollaa keenya jiraniif
muka ga'oo,
warra biyya naannoo
keenyaafis ceephoo fi
tuffiidhaaf nu goote*.

*Ati sabni warri kaan akka nuyiin
mammaakan,
namoonni lafa irraas
nu tuffatanii mataa akka nutti
raasan goote.

*Salphiinni koo guyyaa guutuu na
dura jira,
yeelloonis ija na fokkisiise.

*Kunis sababii dubbii warri
ga'isanii
nama arrabsan dubbataniif,
diinonnis ijaa baafachuuf nama
ilaalaniif ta'e.

*13 79:4; 1Mot 9:7

*Kun hundinuu nu irra ga'eera,
utuma ta'uu iyyuu nuyi si hin
irraanfanne,
kakuu kee keessattis nuyi
amanamuu hin dhabne.

*Garaan keenya gara booddeetti
hin deebine,
tarkaanfiin keenyas
daandii kee irraa hin jal'anne.

*Haa ta'u iyyuu malee,
ati lafa waangonni jiraatanitti
nu caccabsiteetta,
dukkana sodaachisaas nutti
uffifteetta*.

*19 Faru 5:18

*Maqa kee maqa Waaqayyo
kenyaa
utuu irraanfanneerra ta'ee,
harka keenyas gara
Waaqayyoo ormaatti
utuu bal'ifneerra ta'ee,
*ati dhoksaa garaa namaa waan
beektuuf,
kana bira hin geessu turtee ree?

*22 34:19; Rom 8:36; 1Qor 15:31; 2Qor 4:11

*Ka'i maaliif rafta? Yaa gooftaa,
dammaqi, bara hundumaaf nu
hin gatin*!

*Ati maaliif fuula kee dhoksita?
Gadadamuu keenyaa fi
cunqurfamuu keenyas maaliif
irraanfatta?

*Lubbuun keenya awwaara keessa
gugguufteetti,

dhagni keenyas lafatti
maxxaneera.

²⁶ Ka'i! Nu gargaarudhaaf kottu!
Gaarummaa keef jedhii nu furi!
^{*23 121:4}

Faarfaanaa Cidbaa

(Geggeessituu warra faarfattootaaf; kun akka qooqa faarfannaa isa "Daraaraa" jedhamee beekamee ti; mararoo ilmaan Qoraahi; faarfannaa jaalalaa)

45 ¹Dubbiin gaariin garaa koo guutee irraa in hafa, wanti ani qopheessu kunis mootiidhaaf in ta'a; arrabni koo akka birii nama waa caafuutti beekamee ti.

² Ilmaan namaa keessaa ati miidhaginaa bundumaa irra in caalta; afaan kees namatti in tola; kanaan Waaqayyoo bara baraan si eebbiseera.

³ Ati yaa jagnaa, billaa kee mudbii keetti bidhadhu; ulfina kee fi guddina kee argisiisi!

⁴ Guddina keetiin ba'i, dubbii dhugaa fi garraamummaaf, qajeelinaaf fe'adhuu ka'i! Harki kee mirgaas gocha sodaachisaa sitti in argisiisa!

⁵ Xiyyooliin kee qara-qabeeyyii dha, onnee diinota mooticbaas in waraanu, sabni warri kaan immoo si jalatti in kufu.

⁶ Teessoon kee inni Waaqayyoo siif kenne, yeroo hundumaaf kan bara baraa ti, uleen mootummaa kees ulee qajeelummaa ti;

⁷ ati qajeelina jaallattee jal'ina jibbite, kanaaf Waaqayyoo gooftaan kee dibata gammachuutiin si dibee, hiriyoote kee akka caaltu in godhe*.

⁸ Uffanni kee hundinuu qumbiidhaan, sabiriidhaan,

solloqqee muka urgooftuutiin in gilimbisa; mana mootummaa isa ilka arbaatiin miidhagfame keessaas, sagaleen mi'a ribuu qabuun dhageessifamu

si gammachiisa; ⁹ intaloonni moototaa warra si biratti ulfina argatan keessa jiru; misirroon warqee biyya Ofiir naqattes gara mirga kee in dhaabatti.

^{*6-7 Ibr 1:8-9}

¹⁰ Dhaga'i yaa intalo, as ilaali, gurra kees as qabi, namoota kee, mana abbaa kees irraanfadhu!

¹¹ Mooticbi miidhagummaa keetiif si hawwa,

inni gooftaa kee waan ta'eef, ati ulfina isaaf kenni!

¹² Namoonni Xiirroosii fi soressoonni biyyaa, harka-fuudhaa isaanii fidanii sitti dhi'aacbuu in barbaadu.

¹³ Intalli mootii uffata warqeedbaan kuulame uffattee,

ulfinaan diinqa ishee jirti; ¹⁴ uffata isbee isa kuula baay'ee qabuun

gara mootichaatti in geeffamti, durboonni isbee geggeessanis isbee wajjin gara isaa in dhaqu;

¹⁵ yommu isaan gammachuu fi ililleedhaan geggeeffamanii, mana mootichaatti ol in galu.

¹⁶ Ilmaan kee iddoo abboota kee in bu'u, ati lafa hundumaatti akka isaan biyya mo'an in goota;

¹⁷ dhalootaa bamma dhaloota bundumaatti, maqaan kee galataan akka yaadatamu nan godha; kanaafis namoonni lafa irraa yeroo hundumaa bara baraan si jajatu.

Waaqayyoo Nu Wajjin Jira

(Geggeessituu warra faarfattootaaf; faarfannaa ilmaan Qoraahi; akka sagalee durbootaa isa ol ka'aatti faarfatame)

46 ¹Waaqayyotti nuyi kooluu in galla, inni humna keenya, inni rakkina keessatti gargaaraa ta'uun isaa beekameera.

² Kanaafis lafti yoo diddiiramte iyyuu, tulloonnis hurgufamanii galaana walakkaa yoo buufaman iyyuu,

nuyi bin sodaannu. ³ Bishaanonni isaa huursanii yoo boomachaa'an iyyuu, tulloonnis raafamuu isaatiin yoo roqoman iyyuu, [Waaqayyoo gooftaan maccaa nuu wajjin jira, Waaqayyoo inni kan Yaaqoob da'oo keenya*!]

^{*3 27:1}

⁴ Lagni bishaan isaa mandara Waaqayyoo gammachiisu tokko jira, mandarattiinis iddoo buufata aabbaa

ishee qulqullooftuu dha*.

⁵ Waaqayyoo isbee keessa waan jiruuf hin socbootu, Waaqayyoo ganameeffatee ishee in gargaara.

⁶ Sabni lafa irraa dheekkamani in wacu, mootummoonnis in socho'u; Waaqayyoo sagalee isaa in dhageessisa, laftis in baqxi.

⁷ Waaqayyoo gooftaan maccaa nuu wajjin jira, Waaqayyoo inni kan Yaaqoob da'oo keenya!

^{*4 Isa 33:21-22; His 47:1-12}

⁸ Kottaa, wanta Waaqayyoo hojjetu, badiisa isa sodaachisaa inni lafatti fidus ilaalaa!

⁹ Inni hamma andaara lafaatti duulli akka dhaabatu in godha, iddaa in cabsa, ceboos in hurreessa; inni konkolaataa harkifamu ibiddaan in guba*!

¹⁰ "Dbiisaa, gab jedhaa, ani Waaqayyoo akkan ta'e beekaa!

Ani saba lafa irraa gidduutti ol kaafameera; ani biyya lafaa keessatti ol kaafameera!"

¹¹ Waaqayyoo gonftaan maccaa nuu wajjin jira, Waaqayyoo inni kan Yaaqoob da'oo keenya!

^{*9 Isa 2:4}

Waaqayyoo Guutummaa Biyya Lafaa Irratti Mootii Dha

(Geggeessituu warra faarfattootaaf; faarfannaa ilmaan Qoraahi)

47 ¹Yaa saba garaa garaa hundumti keessan, barka keessan walitti rurrukutaa!

Sagalee keessan ol fuudhaa Waaqayyotti gammaduu keessan dhageessisaa!

² Waaqayyoo inni hundumaa gararraa jiru sodaachisaa dha, inni guutummaa biyya lafaa irratti mootii guddaa dha;

³ inni saba garaa garaa barka keenya jala in galche, namoota hundumaas miilla keenya jala kaa'e*.

⁴ inni biyya dbaala keenyaa nuuf in fo'a, Yaaqoob inni Waaqayyoo jaallatu biyyicbaan in koora*.

^{*3 2:8; Iya 23:3-5}

^{*4 Kes 32:9}

⁵ Waaqayyoo gooftaan sagalee gammachuutiin, sagalee fiinootiinis ol ba'eera;

⁶ Waaqayyoon faarfannaadhaan jajadhaa! Isa faarfadhaa! Mootii keenya faarfannaadhaan jajadhaa! Isa faarfadhaa!

⁷ Waaqayyoo mootii guutummaa biyya lafaa waan ta'eef, isa faarfadhaa, mararoodhaan jajadhaa*!

^{*7 93:1-2}

⁸ Waaqayyoo saba warra kaan irratti in mo'a,

Waaqayyo teessoo isaa isa
qulqulluu irra in taa'a;
9 gurguddoonni saba garaa garaa,
saba Waaqayyo isa kan
Abrahaamitti dabalamanii,
walitti sassaabamanii jiru,
warri biyyaaf gaachana ta'an
kan Waaqayyoo waan ta'aniif,
inni guddaa ol kaafameera.

Xiyoon, Tulluu Isa Mandara Waaqayyoo Keessaa

(Weedduu; faarfannaa ilmaan Qoraahi)

48 1 Waaqayyo guddaa dha,
mandara isaa keessatti tulluu
isaa qulqullaa'aa irrattis
guddisee kan jajamuu dha*!

*1 46:4-5

2 Tulluun Xiyoon inni ol ka'inni
isaa miidhagaan,
guutummaa lafa kanaaf
gammachuu dha;
inni mandara mootii guddichaa
keessaa,
gara bitaatti ol fagaatee jira*.

3 Mana ishee warra jajjaboo
keessatti Waaqayyo ofii
isaatii,
da'oo amanamaa isheedhaaf
ta'uu isaa mul'iseera.

*2 His 28:13-14; Faru 2:15; Mat 5:35

4 Kunoo, mootonni walitti in
qabaman,
wal duukaas itti in adeeman.
5 Akkuma kana arganiin
na'aniin in dinqifatan,
wareeranii baqa keessaa
fudhan.

6 Achitti rom'uun isaanitti dhufe,
akka dubartii da'uuf
ciniinsifatuus
muddamni isaan in qabate.

7 Akka markaboota
gara buufata Tarshiishitti
adeemanii,
warra qilleensa gara
ha'a-biiftuutiin
hurreeffamanii in ta'an.

8 Waaqayyo bara baraan mandara
isaa jaheessee akka dhaabu,
akkuma dhageenye
akkasumas mandara gooftaa
maccaa,

isa kan Waaqayyo keenyaa
irratti argineerra.

9 Yaa Waaqayyo,
mana qulqullummaa kee
keessatti,
nuuyi gaarummaa kee
yaadanneerra.

10 Yaa Waaqayyo, akkuma maqaan
kee fagoo ga'e,
jajuun kees andaara lafaa
in ga'a;

harka kee mirgaa keessa
qajeelinni guuteera*.

11 Firdii dhugaa ati laattuuf
tulluun Xiyoon haa gammadu,
mandaroonni Yihudaas haa
ililchan!

*10 Mii 1:11

12 Mandara Xiyoon naanna'aa,
ishees marsaa,
riqaa dhagaa ishee keessatti
ijaaramanis lakkaa'aa!

13 Dhaloota dhufutti akka himtaniifis
dallaa ishee yaadaan qabaa,
mana ishee warra jajjaboo
keessa adeemaa!

14 Inni kun Waaqayyo akka ta'e,
yeroo hundumaa bara baraan
Waaqayyo keenya,
ammaa hamma du'a garasiittis
geggeessaa keenya
ta'uu isaa himaa*!

*14 Isa 25:9

Badhaadhummaan Lafa Irraa Nama Wallaalchisoo Isaa

(Geggeessinu warra faarfattootaaf;
faarfannaa ilmaan Qoraahi)

49 1 Yaa saba lafa irraa hundumti
keessan kana dhaga'aa,
isin yaa warra lafa irra
jiraattanii.

hundumti keessan gurra
keessan as qabaa!

2 Guddaa fi xinnaa,
soorressaa fi hiyyeessaa,
walli wajjin kana
dhaggeeffadhaa!

3 Afaan koo ogummaa haa dubbatu,
wanti ani garaatti yaadus
hubannaa haa argisiisu!

4 Dubhii yaada gad fagoo
of keessaa qabu
fudhachuudhaaf

gurra kee itti nan qaba,
yeroo ani kiraara rukututtis
hiikaa isaa isa dhokataa nan
mul'isa.

5 Guyyaa wanti hamaan na irra
ga'u,
warri faana na dha'an
hamaa gochuudhaaf yommuu
anatti marsan,
maaliifan sodaadha?

6 Isaan kun qabeenya isaanii in
amanatu,
sooruma isaanii isa
tuullataniinis of in jaju*.

7 Dhuguma iyyuu namni nama furu,
yookiis gatii furee sanaa
Waaqayyoof baasuu danda'u
hin jiru;

8 gatiin furee lubbuu isaanii
sonaan guddaa dha,
bara baraanis utuu hin
baafamin in hafa*.

9 Kanaafis namni bara baraan
nama jiraachisuu,
awwaalamuus isa oolchuu
hin danda'u.

*6 37:16; Er 9:23-24

*7-8 Mat 16:26

10 Ogeessonni iyyuu akka du'an
eenyu iyyuu in arga,
namni gowwaanis, namni
doofaanis,
lafa irraa in badu,
qabeenya isaanis warra kaaniif
in dhiisu*;

11 biyya maqaa isaaniiitiin
waamamu yoo qabaatan
iyyuu,
awwaalonni isaanii bara baraan
mana isaanii ti,
dhalootaa hamma dhalootaattis
lafa boqonnaa isaanii ti.

12 Namni ulfina isaatti jiraachaa
hin hafu,
namni horiitti yookiis
bineensatti fakkeeffamee
waa'een isaa in raawwatama*.

*10 Lal 2:13-16; 6:2

*12 Lal 3:18-21

13 Kunoo, warra gowwummaadhaan
of amanatanitti
kan akkasiitu dhufa,
dhumni warra isaan duukaa

of gurguddisuu isaanitti
gammadaniis akkas.

14 Isaan iddoo lafa jalaatiif
kaa'aman,
duunis akkuma hoolotaa
isaan in tiksa;
bifni isaanii inni akka manaatti
keessa jiraatan,
iddoo lafa jalaatti irraa in
dhuma;
warri waan qajeelaa hojjetan
immoo,

ganamaan isaan irratti
mootummaa in argatu.

15 Waaqayyo garuu humna iddoo
lafa jalaa harkaa na baasa;
inni dhugumaan ofitti na
fudhata*.

*15 Hos 13:14; Far 73:24

16 Namni yommuu sooromu,
ulfinni mana isaas baay'achaa
yommuu adeemu,
waan guddaa sitti hin
fakkaatin*!

17 Namni yeroo du'u waan tokko
iyyuu fudhatee hin dhaqu,
ulfinni isaas isa duukaa hin
dhaqu*;

18 inni bara jireenya isaatti
gammaduu isaa haa himu,
ofii isaatiinis,
"Gaariitti jiraachuu keetiif
namoonni si haa jajan!"
haa jedhu!

19 Garuu inni abboota isaa warra du'an,
warra baraan iyyuu deebi'anii
ifa hin argine.

20 Namni ulfina qabaatee hubannaa
dhabe,
horiitti yookiis bineensatti
fakkeeffamee,
waa'een isaa in raawwatama.

*16 Iyo 21:7-15

*17 Lal 5:15; 1Xim 6:7

Hafuuraan Dhugaadhaanis Waaqayyoof Sagaduu

(Faarfannaa Asaa)

50 1 Waaqayyo gooftaan inni
danda'aan in dubbata,
ba'a-biiftuutii jalqabee hamma
lixa isheettis
biyya lafaa in waama;

- ² tulluu mandara Xiyyoon isa miidhagummaatti guutuu ta'e irraa, Waaqayyo in calaqqisa*.
*2 76:2; Isa 62:1
- ³ Waaqayyo keenya in dhufa, callumas hin jedhu; ibiddi xaph godhu fuula isaa dura, bubbeen humna-qabeessis naannoo isaa jira*.
- ⁴ Ioni saba isaatiif firdii kennuudhaaf, bantiwwan waaqaa warra gara olii jiran, lafas itti in waama*.
- ⁵ "Warra anaaf of kennan, warra aarsaa irratti anaa wajjin kakuutti galan, walitti anaaf qabaa!" in jedha*.
- ⁶ Waaqayyo ofii isaa abbaa firdii waan ta'eef, bantiwwan waaqaa qajeelummaa isaa in labsu.
*3 97:3-4
*4 Kes 32:1; Isa 1:2
*5 Bau 24:4-11
- ⁷ "Ani nan dubbadba ati immoo dhaggeeffadhu, yaa saba ko! Ani Waaqayyo, Waaqayyo kee ti; yaa Israa'el, ani si irratti dhugaa nan ba'a.
- ⁸ Ani 'Aarsaa kee nan dhabe' jedhee si hin komadhu, aarsaan qalma keetii yeroo hundumaa fuula koo dura jira.
- ⁹ Ani dallaa keetii tuntunoo, karra kee keessaas korbeessa hin fudhadhu;
- ¹⁰ bineensi caakkaa keessa jiraatan hundinuu, horiin tulloota kuma irratti bobba'anis kan koo ti.
- ¹¹ Ani simbirroota qilleensa keessa balali'an hundumaa beeka, warri bakkee keessa adeeman hundinuus kan koo ti.

- ¹² "Biyyi lafaa wanti isa keessa guutes kan koo waan ta'eef,

- ani utuun beela'ee iyyuu sitti hin himadbu.
- ¹³ Ani foon korommii nan yaadhaa ree? Yookiis dhiiga korbeeyyii nan dhugaa ree?
- ¹⁴ Waaqayyoof galata aarsaa godhii dhi'eessi, wareega kees aabba isa hundumaa gararraaf baasi*!
- ¹⁵ Guyyaa rakkinaatti na waammadhu, ani isa keessaa butee sin baasa, ati immoo ulfina anaaf in laatta" in jedha*.

*14 Yon 2:10

*15 91:15

- ¹⁶ Isa jal'aadhaan garuu Waaqayyo, "Ati maalummaa keetti seerrata koo tokko tokkoon himta? Kakuu koos maaliif maqaa dhoofta?" in jedha*.
- ¹⁷ Itti fufees, "Ati adaba jibbiteetta, dubbii koos of duubatti gatte.
- ¹⁸ Hattuu yoo argite gammachuudhaan hojii isaa keessaa in qabaatta, ejjitootaa wajjinis hidhata in taata.

*16 Rom 2:21-23; Mat 7:21-23

- ¹⁹ "Afaan kee hamaa akka dubbatuuf gad in dhiifta, arrabni kees gowwoomsaa tarree in galcha.
- ²⁰ Ati gad teessee obboleessa kee irratti in dubbatta, sobaanis maqaa haadhoo keetii in balleessita.
- ²¹ Ati kana gooteetta, ani immoo calluman jedhe; kanaaf ati akkuma ofii kee na seete; amma garuu ani sin ifadha; waan ati gootes ija keetti nan argisiisa.

- ²² "Egaa isin warri ana Waaqayyoon irraanfattan kana hubadhaa! Kanaa achi ani nan tatarsaasa, namni tokko illees kan oolchu hin jiru.

- ²³ Namni galata aarsaa godhee dhi'eessu, ulfina anaaf in kenna; isa karaa isaa qajeelfatuttis, fayyisuu koo nan argisiisa!" in jedha.

Dhiifamuu Cubbuu Fi Haareffamuu Yaadaaf Kadhachuu

(Geggeessituu warra faarfattootaa; faarfannaa Daawit; sababii inni Baat-Sheebaa bira ga'eef Naataan raajichi isa bira dhufee erga itti dubbatee booddee, isa inni faarfatee dha)

- 51** ¹ Yaa Waaqayyo, akka gaarummaa keetti araara anatti argisiisi! Akka oo'a kee isa guddaatti irra-daddarbaa koo haxaa'ii balleessi*!
- ² Yakka koo raawwadhuu ana irraa dhiqi, cubbuu koottiis ana qulleessi*!
- *1 Luq 18:13
*2 51:9

- ³ Anoo irra-daddarbaa koo beeka, cubbuun koos gaafa hundumaa ija koo dura jira*;
- ⁴ ani si yakkeera, si'uma duwwaan yakkes, wanta ija kee duratti hamaa ta'es hojjedheera; ati immoo dubbii ana irratti dubbatteen qajeelaa, firdii faraddeenis qullaa'aa ta'uun kee in beekama*.
- ⁵ Kunoo, haati koo isheen garaatti na baatte iyyuu cubbamtuu turte, anis yakkaa ta'ee nan dhaladhe*.

*3 32:5

*4 Rom 3:4

*5 Yoh 3:6; Rom 7:14

- ⁶ Kunoo, ati keessa namummaa namaatti amanamummaa arguutti in gammadda, iddoo dhokataa sana keessattis ogummaa na hubachiifta!
- ⁷ Hisoophiidhaan cubbuuttii na qulleessi, anis nan qullaa'a;

- na dhiqi cabbii irras nan addaadha*!
- *Sagalee gammacbuu fi ilillee na dhageessisi, lafeen koo warri ati caccabsites haa gammadan*!
- ⁹ Cubbuu koo fuula kee duraa dhoksi, yakka koo hundumaa haxaa'ii ana irraa balleessi!
- *7 Bau 12:22-23; Isa 1:18; Ibr 10:22
*8 32:3-4

- ¹⁰ Garaa qullaa'aa anaaf uumi, yaa Waaqayyo! Hafuura dhaabataas ana keessatti haaressi*!
- ¹¹ Fuula kee duraa ana hin balleessin, hafuura kee isa qulqulluus ana duraa hin fudhatin!
- ¹² Gammachuu isa fayyisuu kee keessaa argamu, iddootti anaaf deebisi, siif abboomamuudhaaf hafuura na gargaaru anaaf kenni!
- ¹³ Yommuu ani warra irra daddarban karaa kee nan barsiisa, cubbamoonnis gara keetti in deebi'u.
- *10 His 36:26-27; Mat 5:8

- ¹⁴ Yaa Waaqayyo, yaa gooftaa na fayyiftuu, dhiiga koo dhangala'uu oolchi! Arrabni koos waa'ee qajeelummaa kee gammachuudhaan guddisee in faarfata.
- ¹⁵ Ati arraba koo hiiki, yaa gooftaa! Afaan koos jajuu kee in hima.
- ¹⁶ Qalmi sitti hin tolu, aarsaa dhi'eessuu koottis ati hin gammaddu*;
- ¹⁷ hafuurri yaada cabaa aarsaa Waaqayyo biratti fudhatamuu dha, yaa Waaqayyo, ati garaa cabaadhaaf bullaa'aa hin tuffattu*!

*16 40:6

*17 34:18; Isa 66:2

- ¹⁸ Akka sitti tolutti Xiyyooniif gaarii godhi,

masaraawwan Yerusaalem
deebisii ijaari*!

¹⁹ Yommu qalma qajeeltootti,
aarsaatti,
qalma guutummaatti
gubamuttis in gammadda;
yommu iddoo aarsaa kee irratti
tuntunoowwan qalmaaf in
dhi'eeffamu.

*18 147:2

Wanta Dhuma Irratti Nama Dira'aa Eggatu

(Geggeessituu warra faarfattootaaf; kun
mararoo Daawit isa yeroo Do'eeg
namichii Edoom dhufee, "Daawit gara
mana Ahiimelek dhufee" jedhee
Saa'olitti hime faarfataamee dha)

52 ¹ Gaarummaan Waaqayyoo
guyyaa hundumaa achuma
jira;

ati immoo yaa nama dira'aa,
hamaa hojjechuu keetiin
maaliif of jajja ree?

² Yaa isa haxxummaadhaan
hojjettuu,

itti yaaddee wanta badiisaa in
qopheessita;

arrabni kee akka qarabaa
qaramaa dha.

³ Ati wanta gaarii caalaa
wanta hamaa,

dhugaa dubbachuu caalaas
soba in jaallatta.

⁴ Yaa arraba haxxummaa dubbattuu,
ati dubbii hadiisaa in jaallatta*.

*4 109:2

⁵ Waaqayyoo garuu yeroo
hundumaaf

gad si cabsuuf jira;
godoo kee keessaa butee si
baasuuf jira;

biyya warra jiraatoo keessaas
hundeedhaan si buqqisa*.

⁶ Warri qajeeloonni kana arganii in
sodaatu,
namichatti garuu kolfaa in
dubbatu,

⁷ "Ilaa namicha isa Waaqayyoon
da'oo isaa hin godhanne,
qooda kanaa baay'ina sooruma
isaa amanatee,
badiisa fiduu isaatiinis jabaa
of se'e" in jedhu*.

*5 1:4-5

*7 49:6-7

⁸ Ani garuu akka muka ejersaa,
isa mana Waaqayyoo keessatti
lalisaa guddatu ti;

yeroo hundumaas bara baraan
gaarummaa Waaqayyoo nan
amanadha*.

⁹ Ati kana waan gooteef,
ani yeroo hundumaa
galateeffachaa sin jajadha;
namoota siif of kennan durattis,
maqaa kee isa gaarii abdiidhaan
nan waammadha.

*8 92:13-15

Gowwummaa Warra Waaqayyoo Malee Jiraatanii

(Geggeessituu warra faarfattootaaf; kun
akka qooqa faarfannaa isa "Mahalaat"
jedhamee beekameetti faarfataame;
mararoo Daawit)

53 ¹ Gowwoonni garaa isaaniitti,
"Waaqayyoo hin jiru" in
jedhu;

isaan amalli isaanii manca'aa dha,
hammina ciiggaasisaa
hojjechaa jiru,
namni waan gaarii godhu
tokko illee hin jiru.

² Ogeessoonni Waaqayyoon
barbaadan,

yoo jiraatan arguudhaaf jedhee,
Waaqayyoo banii waaqaa keessaa,
ilmaan namootaa gad in ilaala;

³ bundinuu dugda itti gataniiru,
hundinuus wal ga'ani
manca'aniiru;
namni gaarii godhu tokko illee
hin jiru,
lakkii, tokko iyyuu hin jiru.

⁴ Warri hamaa hojjetan hundinuu
homaa hin hubatanii?

Warri akkuma buddeena
nyaatan saba koo nyaatanis,
Waaqayyoon hin waammatanii?

⁵ Kunoo, isaan sun naasuu
guddaadhaan,
naasuu takkaa ta'ee hin
beekneenis in liqimfamu;
Waaqayyoo lafee warra marsanii
si qabanii in bittimse,
Waaqayyoo waan isaan gateef,

ati akka isaan yeellaasifaman
in goota.

⁶ Xiyoon keessaa Israa'eliif fureen
utuma ba'ee!

Yeroo Waaqayyoo saha isaatiif
adda kennuuf,

Yaaqoob in burraaqa, Israa'el
in gammada.

Kadhata Nama Rakkina Keessa Jiruu

(Geggeessituu warra faarfattootaaf; mi'a
ribuu qabuun faarfataame; mararoo
Daawit isa yeroo warri Ziif dhaqanii,
"Daawit nu bira dhokatee jira" jedhanii
Saa'olitti himan faarfataamee dha)

54 ¹ Yaa Waaqayyoo, maqaa
keetiin ati na oolchi,
aangoo keetiinis dhugaa anaaf
baasi!

² Kadhata koo dhaga'i,
yaa Waaqayyoo,
dubbii ani afaan kootiin sitti
bimadhus dhaggeeffadhu!

³ Namoonni ormaa ana irratti
ka'aniiru,
warri nama sodaachisanis
jireenya koo balleessuu in
barbaadu;
isaan Waaqayyoon of dura hin
huufanne.

⁴ Kunoo, Waaqayyoo gargaaraa koo ti,
gooftichi irkisa jireenya
kootii ti.

⁵ Wanti hamaan
warra tja diinummaatiin na
ilaalanitti haa deebi'u;
ati amanamaa waan taateef
isaan fixi*!

*5 34:21; Rom 12:17-21

⁶ Ani jaalala kootiin aarsaa siif
nan dhi'eessa,
yaa gooftaa, ani maqaa kee isa
gaariidhaaf
galata nan galcha*!

⁷ Ati rakkina hundumaa keessaa
waan na baafteef,
iji koo gammachuudhaan
diinota koo of jalatti in ilaala.

*6 50:23

Firaan Dlinatti

Daharfamanii Kennamuu

(Geggeessituu warra faarfattootaaf; kun
mi'a ribuu qabuun faarfataame; mararoo
Daawit)

55 ¹ Yaa Waaqayyoo, gurra kee
gara kadhata kontti qabi,
himata koo jalaas hin didin!
² Ati ana dhaggeeffadhuu anaaf
deebisis!

Dhibeen koo na joorsee nagaa
na dhowweera.

³ Diinonni anatti in iyyu,
namoonni jal'oonni
gad na qabu,
isaan badiisa na irratti in fidu,
aarii isaaniitiinis diina anatti
in ta'u.

⁴ Keessa kootti lapheen koo in
sirba;
naasuun du'aas ana irratti lafa
in dha'e.

⁵ Sodaanii fi rom'i na qabatan,
pherpheramnii guutummaatti
na raase.

⁶ Utuu ani akka gugee baallee
qahaadhee,
balali'ee iddoo tokko nan
boqodhan ture.

⁷ Silaa illee jalaa baqadhee achis
fagaadhee,
lafa namni hin jirre nan
bubbulan ture.

⁸ Qilleensa jabaadhaa fi bubbee
jalaas,
gara iddoo baqannaa kootti nan
ariifadhan ture.

⁹ Akka isaan wal hin hubanne
godhi,
afaan isaaniis gargar baasi,
yaa gooftaa!

Humnaan wal irratti ka'uu fi
qoccolloo,
mandarattii keessatti argeera.
¹⁰ Halkanii fi guyyaas masaraa
ishee irra in naanna'u,
hamminni, jal'innis mandarattii
keessa jira;

¹¹ keessa ishee badiisatu jira,
gabaa ishee keessaas
nama gad qabuunii fi
gowwoomsuun hin
mittiqu*.

*9-11 Er 5:1

- ¹² Diinatu ana arrabsa utuu ta'ee,
nan baadhan ture;
isa na jibbutu anatti of
gurguddisa utuu ta'ee,
isa duraa nan sokkan ture.
- ¹³ Amma garuu situ kana godhe,
si isa hiriya kootii,
nama garaa kootii, nama ani
ba'eessa godhee beekus,
- ¹⁴ si isa haasaan keenya walini miyaa'e,
isa wajjin tuuta gidduu buunee
gara mana Waaqayyoo dhaqne.

- ¹⁵ Hamminni garaa isaanii fi mana
isaanii keessa waan
guuteef,

isaan utuu itti hin yaadin du'i
itti haa dhufu!

Jiraatti gara iddoo lafa jalaatti
gad haa bu'an*!

- ¹⁶ Ani garuu Waaqayyoon nan
waammadha,

gooftichis ana in oolcha;

- ¹⁷ galgalaa fi ganama, waareettis,
isatti nan himadha,
isatti nan boo'as,

innis sagalee koo in dhaga'a.

- ¹⁸ Warri ana irratti ka'an waan
baay'ataniif,

lola anatti ka'e keessaa lubbuu
koo nagaatti galchi!

- ¹⁹ Waaqayyoo inni durii durii
jalqabee teessoo isaa irra jiru,
kana in dhaga'a;

sababii isaan yaada garaa isaanii
geddarachuu didanii,
isas sodaachuu dhiisaniif,
gad isaan in deebisa*.

*15 Lak 16:31-33

*19 102:26-27

- ²⁰ Inni hiriya koo ture sun,
warra isaa wajjin nagaatti
jiraatan irratti
harka ol fudhate, kakuu isaas
in cabse.

- ²¹ Haasaan afaan isaatii akkuma
dhadhaa ti,
nama hin quuqu,
garaa isaa keessa immoo lolatu jira;
dubbiin isaas dibata caalaa in laafa,
garuu akka billaa luqqifamee
jiruu ti*.

*21 Er 9:8

- ²² Wanta yaada sitti ta'u
Waaqayyotti gatii dhiisi,
inni akka ati hin kufnetti si irkisa!
Namni qajeelaan raawwatee
akka hin mittiqne in godha*.

- ²³ Warri dhiiga namaa
dhangalaasanii fi,
warri baxxummaadbaan nama
gowwomsan garuu,
boolla gad fagootti akka gad
bu'an in goota;
yaa Waaqayyoo!

Isaan bara jireenya isaanii hin
walakkeessan;

ani garuu sin amanadha.

*22 IPhe 5:7

Waaqayyotti Of Kennachuu

(Geggeessituu warra faarfattootaaf; kun
akka qooqa faarfannaa isa "Gugee muka
fagoo irra cal jettee teessu" jedhameetti
faarfatame; faarfannaa Daawit isa afaan
Ibrootaatti "Mikitaam" jedhamuu dha;
yeroo warri Filiiseem mandara Gaatitii
isa qabatan faarfatame)

- 56** ¹Yaa Waaqayyoo, araara anatti
argisiisi!

Warri na barbaadan ana in
ari'u;

warri na lolanis guyyaa
hundumaa na cunqursu.

- ² Warri guyyaa guutuu na gaadan
barbaadanii na ari'u,

warri ol of qabuudhaan na lolan
lakkoobsa hin qaban;

- ³ ani yeroon sodaadhutti,
amanannaa koo si irra nan
kaa'adha.

- ⁴ Waaqayyoon isa ani sagalee isaa
jajadhu,
Waaqayyoon sodaa malee nan
amanadha;

namni foonii maal na gochuu
danda'a ree*?

*4 27:1; 118:6; Isa 12:2; 51:12; Mat 10:28

- ⁵ Guyyaa hundumaa waan ani
dubbaddhu in micciiru
yaadni isaanii hundinuu
hamaadhaaf ana irratti
ka'uu dha.

- ⁶ Isaan walitti in gamtatu, in
riphus;
jireenya koo balleessuudhaaf in
gaadu,
tarkaanfii koos in caqasu.

- ⁷ Wanta jal'aa hojjetanii hin ba'an,
ati dheekkamsaan
saba akkasii gad deebisi,
yaa Waaqayyoo!

- ⁸ Joora koo ati lakkooftee
keesseetta,
imimmaan koo qodaa safaraa
keetti walitti qabi!
Isaan dhugumaan macaafa kee
keessatti caafamaniiru.

- ⁹ Yeroo ani Waaqayyoon
waammadhutti,
diinonni koo gara booddee in
deebi'u;
yommuu Waaqayyoo gara koo
ta'uu isaa nan beeka.

- ¹⁰ Waaqayyoon amanadhee sagalee
isaa nan jajadha,
goofticha amanadhee sagalee
isaa nan jajadha.

- ¹¹ Sodaa malee Waaqayyoon nan
amanadha,
namni maal na gochuu
danda'a ree?

- ¹² Wanti ani siif wareege ana irra
jira, yaa Waaqayyoo!
Aarsaa galataas siif nan
dhi'eessa*.

- ¹³ Fuula kee dura, yaa Waaqayyoo,
ifa jireenyaa keessas akka ani
deddeebi'utti,
ati lubbuu koo du'a, miilla
koos gufuu oolchiteetta*.

*12 50:15

*13 Iyo 33:30

Rakkina Keessatti Kooluu Argatanii Galateeffachuu

(Geggeessituu warra faarfattootaaf; kun
akka qooqa faarfannaa isa "Hin
balleessin" jedhamuutti faarfatame; kan
Daawit, isa afaan Ibrootaatti "Mikitaam"
jedhamuu dha; Daawit yeroo Saa'ol jalaa
baqatee holqa dhagaatti gale kana
faarfate)

- 57** ¹Araara anatti argisiisi,
yaa Waaqayyoo!
Lubbuun koo kooluu waan sitti
galteef,
araara anatti argisiisi!
Badiisi jabaan hamma darbutti,
ani gaaddisa bobaa kee jalatti
kooluu nan gala*.

- ² Waaqayyoo isa hundumaa
gararraatti,
Waaqayyoo isa dubbii koo anaaf
raawwatutti nan iyyadha.

- ³ Nama arrabsee na ari'u jalaa na
oolchuudhaaf,
inni waaqa irraa in erga;
Waaqayyoo gaarummaa isaa fi
amanamummaa isaa in
erga.

*1 17:8; 91:1-2

- ⁴ Warra akka leencaa nama
nyaachuu kajeelanii
ija isaanii bobeeessan gidduu
nan ciisa;
ilkaan isaanii akka eeboo fi akka
xiyyaa ti,
arrabni isaanis akka billaa
qaramaa ti.

- ⁵ Bantiwwan waaqaa gararraatti
ol ka'i, yaa Waaqayyoo!
Ulfinni kees lafa hundumaa
irratti ol haa jedhu*!

- ⁶ Warri sun miilla koo dura
futtaasaa dhaaban,
lubbuun koos gadditee
gad deebite;
boolla anaaf qotan,
ofuma isaaniitii immoo
walakkaa isaatti kufan*.

*5 8:1

*6 7:15-16

- ⁷ Garaan koo hin shakku,
yaa Waaqayyoo!
Garaan koo hin shakku;
sin faarfadha,
sagalee mi'a garaa garaas nan
dhageessisa.

- ⁸ Yaa lubbuu ko dammaqi,
yaa kiraaraa, yaa maseenqoo,
dammaqaa!

- Ani barii lafaa nan dammaqsa.
⁹ Ani namoota keessatti sin
galateeffadha, yaa gooftaa,
saba lafa irraa keessattis
faarfannaadhaan sin
jajadha;

- ¹⁰ gaarummaan kee hamma bantii
waaqaatti in guddata,
amanamummaan kees hamma
duumessaa in ga'a*.

- ¹¹ Bantiwwan waaqaa gararraatti
ol ka'i, yaa Waaqayyoo!

Ulfinni kees lafa hundumaa
irratti ol haa jedhu!

*10 36:5

Namni Blyya Irratti Dalga Hojjetu Gaafatamuuf Akka Jiru

(Geggeessituu warra faarfattootaaf;
akka qooqa faarfannaa isa "Hin
balleessin" jedhamuutti faarfatame;
kan Daawit isa afaan Ibrootaatti
"Mikitaam" jedhamuu dha)

58 ¹Isin yaa warra aboo qabdanii,
dhuguma wanta qajeelaa ta'e
in dubbattuu ree?

Ilmaan namootaafis qajeeltootti
firdii in laattuu ree?

² Waawuu! Isin garaa keessan
keessatti dabaa in
qopheessin,

biyya keessatti immoo
humnaan nama irratti
ka'uudhaan,

harka keessan itti in ulfaachiftu*.

*1-2 82:2-4; Mik 3:1-4

³ Warri jal'oonni garaa haadha
isaaniitti jalqabanii
karaa irraa in gori,
warri soba dubbatanis dhalachuu
isaaniitti jalqabanii
irraa in kaanu.

⁴ Isaan hadhaa isa akka hadhaa
bofaa of keessaa qabu,
isaan akka mar'ataa duudaa isa
gurra isaa cufuu ti.

⁵ Akkasitti sagalee warra
dawweessanii,
yookiis dubbii namicha isa
wallaalchisee abboomsisuu
hin dhaga'u.

⁶ Yaa Waaqayyo, ilkaan isaanii
afaan keessatti hurreessi,
qarriiffaa warra akka ilmoolee
leencaas

caccabsii baasi, yaa gooftaa!

⁷ Akka bishaan lola'ee darbuu
tamsa'anii haa badan,
isaan iddaa isaanii haa
jabeeffatan,

xiyyi isaanii garuu qarri kan
ittii fuudhame haa ta'u!

⁸ Akka cilalluu gorora ishee
keessatti
bishaan ta'aa adeemtuu,

akka wanta iddoo hin ga'in
dhalatee,
biiftuu hin argin bafuus haa
ta'an!

⁹ Warri akka qoraattii isin
waraan, xobbee yookiis qancara yoo
ta'an iyyuu,
utuu isaan hin beekin,
iini haree isaan in balleessa!

¹⁰ Namni qajeelaan
ijaa baafachuu kana waan
argeef in gammada,
miilla isaas dhiiga nama jal'aa
keessatti in dhiqata*.

¹¹ Yommuus namoonni, "Dhuguma
namni qajeelaan
gatii isaa in argata,
dhugumas Waaqayyo
inni lafa-irratti dhugaa baasu
jira" in jedhu*.

*10 Kes 32:35-36

*11 Mil 2:17; 3:1-5

Harka Dlinotaa Ooluuf Waaqayyotti Boo'uu

(Geggeessituu warra faarfattootaaf;
kun akka qooqa faarfannaa isa "Hin
balleessin" jedhamuutti faarfatame;
kan Daawit, isa afaan Ibrootaatti
"Mikitaam" jedhamuu dha; faarfannaa
kanas yeroo Saa'ol isa ajjeesuudhaaf
namoota ergee mana isaatti isa
eegsise faarfate)

59 ¹Diinota koo jalaa na baasi,
yaa Waaqayyoo ko!
Iddoo warri ana irratti ka'an
ana hin qaqqabnettis na eegi;

² warra jal'ina hojjetan
jalaa na baasi,
warra dhiiga namaa
dhangalaasanis na oolchi!

³ Ilaa isaan lubbuu koo baasuudhaaf
riphanii ana eeggan,
ani immoo namatti hin darbine
yookiis hin yakkiine,
yaa Waaqayyoo!

Warri humna namatti argitiisan
garuu ana irratti wal ga'an.

⁴ Ani balleessaa hin qabu,
isaan immoo anatti fiigani
dhaabannaa in tolfatu;
ka'i, anatti adeemii ana ilaalis!

⁵ Ati yaa Waaqayyo gooftaa maccaa,

Waaqayyo isa kan Israa'el,
saba lafa irraa hundumaatti
ilaaluudhaaf ka'i!
Warra amanamuu didanii
jal'ina hojjetan hundumaatti
araara hin argisiisin!

⁶ Isaan galgala galgala deebi'anii,
akka saree gururi'aa mandaricha
keessa in naanna'u.

⁷ Kunoo, afaan-isaanii keessaa
dubbii hin taane in baasu,
arrabni isaaniis immoo akka
billaa ti;
"Silaa kan nu dhaga'u hin jiru"
jechuun
yaada isaanii keessa fure.

⁸ Ati garuu yaa Waaqayyo,
isaanitti in kolfiti,
saba lafa irraattis in ga'ifta.

⁹ Yaa Waaqayyo aangoo ko, ati
da'oo koo waan taateef,
ani sin eeggadha*.

¹⁰ Waaqayyo koo gaarummaa
isaatiin gara koo in dhufa;
Waaqayyo warra na gaadan
asii gad ilaalee,
akka ani gammadu in godha.

*9 9:9-10

¹¹ Namoonni koo akka hin
irraanfannetti,
tokkichumaan isaan hin
ajjeesin!

Humna keetiin isaan joorsi,
lafatti gad isaan deebisi,
yaa gooftaa, yaa gaachana
keenya!

¹² Warri sun in abaaru,
sobas in dubbani;
dubbiin arraba isaanii,
cubbuu afaan isaanii keessaa
ba'u waan ta'eef,
of gurguddisuu isaaniitiin haa
qabaman;

¹³ dheekkamsa keetiin
badduu isaan baasi,
badduu baasi, akka isaan hin
argamnes godhi!

Waaqayyo, ijoollee Yaaqoob
irratti

hamma andaara lafaattis
mootii ta'uu isaa haa beekan!

¹⁴ Isaan galgala galgala deebi'anii,

akka saree gururi'aa
mandaricha keessa in
naanna'u.

¹⁵ Nyaataaf asii fi achi in jooru,
yoo quufuu dadhaban immoo
of in nyaatu.

¹⁶ Ani garuu waa'ee aangoo kee
nan faarfadha,
gaarummaa keetiifis
ganama ganama
sagalee gammachuu nan
dhageessisa.

Ati anaaf da'oo taateetta,
guyyaa rakkinni ana irra
ga'ettis

iddoo baqannaa anaaf taateetta.

¹⁷ Yaa Waaqayyo aangoo ko,
mi'a garaa garaatiin sin
faarfadha,
ati da'oo koo ti,
Waaqayyo koo isa gaarummaa
anatti argisiisuu dhas!

Waaqayyo Malee Homtuu Hin Tolu

(Geggeessituu warra faarfattootaaf, kun
dhugaa ba'uudhaaf akka qooqa
faarfannaa isa "Daraaraa" jedhameetti
faarfatame; mararoo Daawit isa
barsiisaaf ta'u; isa inni yeroo warra
Aaram biyya bishaan lama gidduu sanaa
fi warra Aaram Xobaa wajjin wal lole,
yeroo Yo'aab immoo deebi'ee dachaa
soogiddaa keessatti namoota Edoom
kuma kudha lama rukute faarfate)

60 ¹Yaa Waaqayyo ati nu gattee,
humna keenya cabsitee,
nutti dheekkamteetta,
amma deebi'ii gara keenya goril!
² Ati laficha sochoofteetta,
tatarsaaftees afaan bansiifteetta,
cabaa isaa ati suphi,
kanaa achi iddoo isaatiin in
sigigaata!

³ Sabni kee rakkina cimaa akka
argu gooteetta,
wanta mataa nama naannessus
akka daadhii wayniitti nu
obaafteetta*.

*3 75:8

⁴ Iddaa jalaa gara isaatti akka
baqataniif,
ati warra si sodaataniif faajjii
ol kaafteetta*.

⁵ Michoonni kee akka oolfamaniif immoo,
ati harka kee mirgaadhaan gargaari,
nuufis deebii deebisi!

*4 Bau 17:15

⁶ Waaqayyo iddoo isaa isa qulqullaa'aa keessaa dubbatee,
"Ani guddisee itti nan gammada, Sheekem kutaa biyyaa nan hira, dachaa Suukootis safaree gargar nan hira.

⁷ Biyyi Giil'aad kan koo ti, biyyi Minaasees kan koo ti; biyyi Efreem gonfoo sibiilaa isa ani mataa koo ittiin ceggachuuf kaa'adhuu dha; biyyi Yihudaa siiqqee mootummaa kootii ti*.

⁸ Biyyi Mo'aab caabii dhiqannaa kootii ti,

biyyi Edoom kan koo ta'uu isaa argisiisuudhaaf, kophee koo isa irra nan buusa; biyyi Filisxiyaa isa irratti mo'uu koo guddisee haa dhageessisu!" jedhe*.

*7 Uma 49:8,10

*8 Rut 4:7-8

⁹ Gara mandara naannoon isaa dallaa dhagaatiin marfametti, eenyutu na fida ree? Eenyutus gara Edoomitti na geessa ree?

¹⁰ Ati garuu nu gatteetta mitii, yaa Waaqayyo? Ati yaa Waaqayyo, loftun keenyaa wajjinis lafa duulaatti hin baatu.

¹¹ Warra nu cunqursan jalaa ba'uuf, gargaarsi namaa homaa waa'ec hin baasu waan ta'ecf, ati gargaarsa nuuf kenni*!

¹² Waaqayyoo wajjin uuyi humna in godhanna, warra nu cunqursan gad kan dhidhiitu isa.

*11 118:8-9

Mana Waaqayyoo Keessa Jiraacbundhaaf Hawwanii Kadhachuu

(Geggeessituu warra faarfattootaaf; kun mi'a ribuu qabuun faarfataame; kan Daawit)

61 ¹ Waammata koo dhaga'i, yaa Waaqayyo! Kadhata koos yaadaan qabi!

² Erga garaan koo citee andaara lafaatii sin waammadha, kattaa ol ka'aa

ani bira ga'uu hin dandeenyeen na ga'i*!

³ Ati anaaf iddoo kooluu itti galanii dha, diina duratti ati riqaa dhagaa isa jabaa dha*.

*2 18:2

*3 71:3; Fak 18:10

⁴ Bara hundumaaf godoo kee keessa utuun buufadhee! Gaaddisa bobaa kee jalattis utuun kooluu galee*!

⁵ Yaa Waaqayyo, ati wareega koo dhageesseetta, isa warri maqaa kee sodaatan argatanis anaaf kenniteetta.

*4 23:6; 17:8

⁶ Bara jireenya mootichaatti bara dabali, waggoonni isaas dhalootaa gara dhalootaatti baa darban*!

⁷ Bara hundumaas fuula Waaqayyoo dura teessoo irra haa taa'u! Gaarummaanii fi amanamummaan akka isa eeganiif abboomi*!

*6 21:5

*7 2Sam 7:16

⁸ Guyyaa guyyaatti wareega koo of irraa baasuuf, yeroo hundumaa mi'a garaa garaatiin maqaa kee nan faarfadha!

Waaqayyoon Duwwaa Abdachon (Geggeessituu warra faarfattootaaf; akka Yiduutun faarfattetti; faarfannaa Daawit)

62 ¹ Lubbuun koo gab jettee Waaqayyoon duwwaa in ceggatti, gargaarsi koo isa biraa in dhufa*.

² Inni kophaa isaa kattaa koo, gargaarsa koo, da'oo koo tis, egaa ani guddisee iddoo kootii hin mittiqu*!

*1 37:7; Isa 30:15

*2 18:2

³ Hamma yoomiitti nama tokko loluudhaaf itti fiigdu ree?

Hamma yoomiittis isin hundumti keessan,

akka keenyan duufeetti, akka dallaa sekera'ee raafamuuttis,

isa lafaan dha'uu yaaddu ree?

⁴ Isaan iddoo isaa isa ulfinaatii, gad isa darbachuu duwwaa in akeekkatu;

wanti sobaa isaanitti in tola, afaan isaanitiin in eebbisu, keessa garaa isaanitiin garuu in abaaru.

⁵ Lubbuun koo gab jettee Waaqayyoon duwwaa in ceggatti, abdii koo isa irra nan kaa'adha.

⁶ Inni kophaa isaa kattaa koo, gargaarsa koo, da'oo koo tis, egaa ani iddoo kootii hin mittiqu!

⁷ Waa'een oolfamuu kootii fi ulfina kootii,

Waaqayyo harka jira; kattaan koo inni aango-qabeessi, iddoo ani kooluu itti galus Waaqayyo bira jira.

⁸ Isin yaa warra saba isaa taatanii, yeroo hundumaa isa amanadhaa!

Wanta garaa keessanitti yaaddan isa duratti dhangalaasaa! Waaqayyo isa uuyi kooluu itti galluu dha.

⁹ Namni xiunaan qilleensa, homaas miti, namni guddaan soba, dhugaas miti; miijana irratti ol in ka'u, walumatti qabaan isaanii immoo qilleensa caalaa in salphatu*.

¹⁰ Wanta doorsisaan argamu hin amanatinaa, wanti saamichaana argamus akka qilleensaa ta'uu isaa beekaa, qabeenyi yoo guddates garaa keessan isa irra bin-kaa'atinaa*!

*9 39:5-6; Isa 40:15

*10 Mat 6:19-21; Luq 12:15-21;

1Xim 6:9,17

¹¹ Waaqayyo takkaa dubbateera, aangoon kan isaa akka ta'e, lammaffaas dubbateera, anis kana dhaga'eera.

¹² Gaarummaan kan kee ti, yaa gooftaa!

Ati namaaf akka hojii isaatti, gatii isaa in deebifta*!

*12 Rom 2:6-11

Waaqayyoon Yaadanii Eeggachuu

(Faarfannaa Daawit, isa inni yeroo lafa onaa biyya Yihudaa keessa ture faarfatee dha)

63 ¹ Yaa Waaqayyo, ati Waaqayyo koo ti, ani sin barbaada; lubbuun koo akkuma bishaanii si dheebotti, akka lafti bishaan dhahee, gogee dhama of keessaa fixus, foon koo si yaadee in gaggaba*;

² kana irraa kan ka'es aangoo kee fi ulfina kee arguudhaaf iddoo kee isa qulqullaa'aa keessa ijaan sin barbaaddadhe.

³ Gaarummaa kee argachuun, jireenya ani amma jiraadhu irra in wayya, kanaafis arrabni koo si jajata*;

⁴ ani hamman jirutti sin galateeffadha, harka koo ol qabees maqaa kee nan waammadha.

*1 42:1-2; 143:6

*3 73:26

⁵ Lubbuun koo akka waan ani
coomaa fi dhuka nyaadheetti in
quufti,
afaan koo arraba ililleetiin si
jajata.

⁶ Lafa ciisicha kootti sin yaadadha,
yeroon ilaalaa bulus waa'ee
kee nan yaada*;

⁷ ati gargaarsa anaaf taateetta,
gaaddisa bobaa kee jalattis
sagalee gammachuu nan
dhageessisa*;

⁸ lubbuun koo sitti in maxxana,
harki kee mirgaas qajeelchee
ol na qaba.

*6 119:55; Isa 26:9

*7 17:8

⁹ Warri jireenya koo balleessuu
barbaadan garuu,
boolla lafa jalaa isa gad fagoo
keessa lixuuf jiru.

¹⁰ Billaa afaan in bu'u,
irbaata waangoos in ta'u.

¹¹ Mootichi garuu Waaqayyotti in
gammada,
namni maqaa Waaqayyootiin
kakatu hundinuu
of in jaja;
afaan warra sobduu immoo
in cuqqaalama.

Adaba Warra Haxxootaa

(Geggeessituu warra faarfattootaaf;
faarfannaa Daawit)

64 ¹Yaa Waaqayyo, rakkina koo
kana keessatti

sagalee koo anaaf dhaga'i;
jireenya koos sodaachisa
diinaattii anaaf eegi!

² Wanta warri jal'oonni wal
ga'anii anatti malan,
isa warri hamaa godhan
tuqa anatti kaasan duraas,
ana dhoksi!

³ Isaan arraba isaanii akka billaa
in qaratu,
dubbii hadhaa'aas akka xiyyaa
iddaatti kaa'atu.

⁴ Iddoo riphani jirani nama
balleessaa hin qabnetti,
yeroo inni itti hin yaadinitti,
sodaa malee isatti gad in dhiisu.

⁵ Isaan hamaa gochuudhaaf isa
yaadanitti in jabaatu,
waa'ee dhoksanii kiyyoo
kaa'uus in dubbatu,
yaada isaaniittis,

"Eenyu nu arguu danda'a?"
in jedhu*.

⁶ Keessi yaada garaa namaa
gad fagoo waan ta'ee,
isaan waan jal'aa
hojjechuudhaaf in yaadu,
"Kora korannee
qophoofneerra" in jedhu.

*5 73:11; 94:7

⁷ Waaqayyo garuu xiyya isaa
isaanitti gad in dhiisa,
yommu isaan utuu itti hin
yaadin in madaa'u.

⁸ Dubbiin arraba isaanii isaan in
gufachiisa
warri isaan argan hundinuus in
baqatu*.

*8 34:21

⁹ Yommu namoonni hundinuu in
sodaatu,
wanta Waaqayyo godhe in
himu,

hojii isaas yaadanii in hubatu.

¹⁰ Namni qajeelaan Waaqayyotti in
gammada,
isattis kooluu in gala,
gara-qajeelonni hundinuus isa
in jaju.

Waaqayyoon Kennaa Isaa Hundumaaf Jajachuu

(Geggeessituu warra faarfattootaaf;
faarfannaa Daawit; weedduu)

65 ¹Yaa Waaqayyo,
Xiyoon irratti faarfannaadhaan
si jajachuun in ta'a,
warcegnis siif in baafama.

² Yaa isa kadhata namaa
dhageessuu!
Namni foon uffate hundinuu,
cubbuu isaa wajjin gara kee in
dhufa.

³ Irra-daddarbaan keenya humna
nu caaleera,
ati garuu yakka keenya
nuuf in dhiifta.

⁴ Namni ati fo'atte

oohdii mana kee keessa akka
buufatuufis
inni ati ofitti buttu haa gammadu!
Wanta gaarii isa mana kee
mana qulqullummaa keessatti
argamuun in quufna*.

⁵ Yaa Waaqayyo ati nu oolchita,
hojii isa guddaa
sodaachisaadhaan
qajeelummaadhaan deebii nuuf
kennita;

andaara lafaa hundumaaf
galaanota fagoo jiraniifis ati
amanannaa isaanii ti.

⁶ Ati mi'a jabinaa hidhattee,
humna keetiin tulloota dhaabde;
⁷ huursaa galaanaa fi huursaa
dha'aa isaa,

waca namoota lafa irraas gab
jehisiifta.

⁸ Warri andaara lafaa jiraatan,
milikkita argisiisuu kee irraa
kan ka'e in sodaatu,
lafa ganama biiftuun baatee
galgala biiftuun fixutti,
sagaleen gammachuu akka
dhaga'amu in goota.

*4 23:6; 63:2-3; 84:2-5; Kes 4:7

⁹ Ati laficha in ilaalta,
waan hundumaa irraa hafa in
laattaaf,
guddiftees isa in badhaafta;
lagni ati kenniteef bishaan
guutuu qaba,
namootas midhaan in
argachiifta;

akkas gootee qopheessiteetta.

¹⁰ Bo'oo lafichaa bishaan haay'ee
in obaafa,
bungulluu isaas in bulleessita;
tiifuudhaan isa in laafta,
biqila isaas in barakachiifta.

¹¹ Waggicha wanta gaarii si biraa
dhufeen in gonfita,
gara ati adeemattis faauni kee
cooma in rooba;
¹² lafti qoddiin coomee margi isaa
in labbeessa'a,

gaaronnis akka waan mudhii
isaaniitti hidhataniitti,
sagaleen gammachuu naannoo
isaaniitti in dhaga'ama.

¹³ Hoolonni bakkee isaa
uffisaniiru,

dachaa keessattis midhaan
lafa dhokseera,
hundumti isaanis
sagalee gammachuu
dhageessisanii in faarfatu*.
*9-13 67:6; 104:10-15

Gochaan Waaqayyoo Dinqisilaa Ta'uu Isaa

(Geggeessituu warra faarfattootaaf;
weedduu, faarfannaa)

66 ¹Yaa guutummaa biyya lafaa,
Waaqayyotti gammaduu kee
sagalee guddaadhaan
dhageessisi!

² Isin warri isa keessa jiraattan,
ulfina maqaa isaa faarfadhaa,
jajuu ulfina argisiisuunis isa
jajadhaa!

³ Waaqayyoon, "Gochaan kee maal
maal sodaachisaa dha,
dinqisiisaa dhas!
Aangoon kee guddaa dha,
diinonni kees siif in
gugguufu!

⁴ Guutummaan biyya lafaa
gombifamee siif in sagada,
warri isa keessa jiraatan si
faarfatu,
maqaa kees jajachuudhaan in
faarfatu" jedhaa!

⁵ Kottaa, wanta Waaqayyo godhe
ilaalaa!
Inni hojii isaa isa namoota
irratti mul'atuun
in sodaatama.

⁶ Inni galaanicha lafa gogaatti
deebise,
namoonnis miilla isaaniitiin
lagicha keessa ce'an;
kanaaf nuyi achitti isatti in
gammanne*.

⁷ Inni jabina isaatiin
bara haraan in mo'a,
warri mormanii irratti ka'an
akka ol of hin qabnetti,
iji isaa saba lafa irraa in eega.

*6 Bau 14:21-29; Iya 3:16-17

⁸ Isin saba nana maqaa Waaqayyo
keenya eebbisaa,
sagaleen ittiin isa jajattan
akka dhaga'amu godhaa!
⁹ Inni jireenyatti nu eegera,

miilli keenyas akka hin
bitintirre godheera.

¹⁰ Yaa Waaqayyo, ati nu qorteetta,
akka meetiin qoramee
ilaalamus nu ilaalteetta*.

¹¹ Ati gara kiyyoo sanaatti nu
geessitee,
wanta gad nu qabus dugda
keenya irra keesse.

¹² Ati namoonni mataa keenya irra
akka adeeman goote,
ibiddaa fi bisbaan keessa
darbine;

utuma ta'uu iyyuu ati bal'inatti
nu baafteetta*.

*10 Fak 17:3

*12 Isa 43:2

¹³ Ani qalma gubatu fudhadhee
gara mana keetti ol nan gala,
wareega koos siif nan baasa*.

¹⁴ Innis isa yeroo ani rakkina
keessa ture,
arrabni koo tuqe, afaan koos
dubbatee dha;

¹⁵ horii coccoomoos
qalma gubatu fi
aarsaa korbeessa boolaas
siif nan dhi'eessa;
tuntunoo fi korbeessa re'ootaa
aarsaa nan godha.

*13 Yon 2:10

¹⁶ Isin warri Waaqayyoon sodaattan
hundinnu
kottaa, dhaggeeffadhaa!
Ani wanta inni anaaf godbe
nan hima.

¹⁷ Ani guddisee gara isaatti nan
iyyadbe;
arrabni koos isa jajuuf in
qophaa'e.

¹⁸ Ani hamaa gochuu garaa kootti
utuun yaadeera ta'ee,
gooftichi matumaa ana hin
dhaggeeffatu ture*.

¹⁹ Waaqayyo garuu dhuguma ana
dhaga'eera,
sagalee kadhata kootiis
yaadaan anaaf qabeera.

²⁰ Kadhata koo waan of irraa hin
deebisiniif,
gaarummaa isaas ana irraa
waan hin fudhatiniif,
maqaan Waaqayyoo haa
eebbifamu!

*18 Fak 28:9

Waaqayyoon Barakata Isaatiif Jajuu

(Geggeessinu warra faarfattootaaf;
faarfannaa mi'a ribuu qabuun
faarfatame; weedduu)

67 ¹Waaqayyo araara nutti haa
argisiisu,
nu haa eebbisu!
Fuula ifaadhaanis nu haa
ilaalu*!

*1 Lak 6:24-25; Far 31:16

² Kanaanis yaa Waaqayyo,
karaan ati hojjettu, lafa irratti,
fayyisuun kees saba lafa irraa
keessatti haa beekamu!

³ Namoonni galata siif haa
galchan, yaa Waaqayyo!
Namoonni walitti qabaan isaanii
galata siif haa galchan!

⁴ Ati qajeeltootti namoota waan
bulchituuf,
saba hundumaas lafa irratti
waan geggeessituuf,
sabni lafa irraa haa gammadu,
gammadu irraa kan ka'es baa
faarfatu!

⁵ Namoonni galata siif haa
galchan, yaa Waaqayyo!
Namoonni walitti qabaan isaanii
galata siif haa galchan!

⁶ Lafti midhaan baaseera,
Waaqayyo gooftaan keenya nu
eebbiseera*;

⁷ Waaqayyo nu eebbiseera,
andaara lafaa keessa kan jiran
hundinnu isa haa sodaatan!

*6 65:9

Fuula Deebi'uu Waaqayyoo

(Geggeessinu warra faarfattootaaf;
faarfannaa Daawit; weedduu)

68 ¹Waaqayyo ol in ka'a,
diinonni isaas in
bittimmaa'u,
warri isa jibbanis fuula isaa
duraa in baqatu*!

² Akkuma qilleensi aara oofu,
akkasuma atis isaas in oofta;
akkuma gagaan ibidda duratti
baqu,

warri jal'oonni fuula
Waaqayyoo duraa in badu.

*1 Lak 10:35

³ Warri qajeelonni garuu in
gammadu,
isaan Waaqayyo duratti
gammadu isaanii in mul'isu,
gammachuudhaanis warra itti
tole in ta'u!

⁴ Waaqayyoof weeddisaa,
mi'a garaa garaatiinis maqaa
isaa faarfadhaa,
isa lafa duwwaa gararraa adeemus
ol kaasaa, faarfadhaa!
Maqaan isaa "Isa jiru" jedhama,
fuula isaa duratti gammadu
keessan mul'isaa*!

*4 Isa 57:15; Kes 33:26

⁵ Waaqayyo iddoo isaa isa
qulqullaa'aa keessa jira;
warra abbaa hin qabneef
abbaan,
haadhotii hiyyeessaafis
falmaan, isa*.

⁶ Waaqayyo warra kophaa
jiraataniif maatii in
kennaaf,
warra bidhamanis gara jircenya
gaariitti in baasa;
warri mormanii isa irratti ka'an
garuu
biyya qoqoree keessa in
jiraatu.

*5 10:14

⁷ Yaa Waaqayyo, yeroo ati saba
kee dura buutee kaate,
lafa duwwaa sana kuttee
adeemte*;

⁸ tulluu Siinaatti akkuma ta'e,
fuula Waaqayyoo duratti,
fuula Waaqayyoo isa kan
Israa'el duratti
lafichi in socho'e,
bantiin waaqaas bokkaa
coccophse*.

⁹ Bokkaa baay'ees
biyya isa dhuunfaa kee
godhatte irratti roobsite,
yaa Waaqayyo,
yeroo inni jiidha dhabee
laabba'ettis
lubbuu itti deebifte.

¹⁰ Yommuu warri kan kee ta'an
achi keessatti iddoo jireenyaa
in argatan;

yaa Waaqayyo, ati gaarummaa
keetiin

warra waan barbaachisu
dhabaniif

isa in qopheessite.

*7 Bau 13:21

*8 Bau 19:16-18; Abo 5:4-5

¹¹ Waaqayyo dubbii isaa in
dhageessisa,
dubartoonni warri misraacboo
himan sun
macca guddaa turan;
¹² "Mootonni fi loltoonni in baqatu;
isaanoo in baqatu!"
Dubartiin manaa boojuu in
hirti.

¹³ Yeroo wanti akka qoochota
gugee meetiidhaan,
baalleewwan isaanis
warqee bifa margaatiin
uffifamanitti
isin immoo karra hoolotaa
gidduu in caiftuu ree?

¹⁴ Yommuu inni hundumaa
danda'u
mootota acbiitti bittimse,
akka waan cabbii:
tulluu Zaalmon irratti bu'e in
ta'e.

¹⁵ Tulluun Baasbaan tulluu
Waaqayyoo ti;
tulluun Baashaan roggee
baay'ee qaba.

¹⁶ Yaa tulloota roggee baay'ee
qabdanii,
gara tulluu isa Waaqayyo
iddoo buufata isaa
godhacbuu fedhee,
isa Waaqayyo bara baraan irra
jiraatuu,
maaliif ija hinaaffaatiin
ilaaltu*?

*16 132:13

¹⁷ Konkolaattonni macca
Waaqayyoo kumaatama
baay'ee dha,
kumaatama kumaatamaa irras
in caalu;
gooftichi isaaniiin tulluu Siinaatii
gara iddoo qulqulluu dhufee,
saba isaa gidduu jira.
¹⁸ Ati Waaqayyo gooftaan, achi
jiraachuudhaaf,

warra booji'aman fudhattee,
iddoo ol jedhaa sanatti baateetta;
namoota giddundhaa,
warra mormanii si irratti ka'an
irraa iyyuu
kennaa fudhatteetta*.
*18 Efe 4:8-9

*19 Gooftichi inni guyyuma guyyaatti
ba'aa keenya nuuf baatu,
Waaqayyo inni nu oolchu,
maqaan isaa baa eebbifamu*!
*20 Waaqayyo keenya Waaqayyo isa
fayyisu dha,
Waaqayyo gooftaan du'a jalaa
baasuufis karaa qaba.
*21 Waaqayyo garuu mataa diinota
isaatii,
gubbee nama akkuma yakketti
deddeebi'uus in burreessa.
*22 Gooftichi,
"Ani biyya Baashaanii
deebisee isaan nan fida,
ani tuujjuba galaanaa keessaa
deebisee isaan nan fida;
*23 ati immoo miilla keetiin dhiiga
in borcita,
arrabni saroota keetiis
dhiiga diinotaa in arraabu"
jedhe.

*19 Isa 46:3-4

*24 Yaa Waaqayyo, toora ati ittiin
adeemuutti jirtu,
toora Waaqayyo koo, mootiin
koo gara iddoo
qulqullaa'aatti
ittiin galaa jiru, isaan hundinuu
arganiiru*.
*25 Warri faarfatan fuula duraan,
warri mi'a faarfannaa
dhageessisan
booddeedhaan,
durboonni warri dibbee rukutan
gidduudbaan turan*.
*26 Walga'ii keessan hundumaa
keessatti
maqaa Waaqayyoo eebbisaa,
warri burqituu Israa'el keessaa
baatanis
goofticha jajadhaa!
*27 Beniyaamin inni isaan keessaa
xinnaan
toora isaan galche,
gurguddoonni Yihudaa tuuta
isaanii keessa,

gurguddoonni Zebuloon,
gurguddoonni Niftaalemis achi
turan.

*24 24:7-10; 2Sam 6:13-15

*25 Bau 15:20

*28 Yaa Waaqayyo, aangoo kee
abboomi,
yaa Waaqayyo, aangoon kee
inni ati
nuuf jettee hojii irra oolchite
ittuma baa jabaatu!
*29 Sababii mana qulqullummaa
kee
isa Yerusaaalem keessaa gara
olii jiruuf,
mootonni kennaa siif in fidu*.
*30 Saba akka bineensaa jajjabatti
galu kana,
tuuta korommii sabaa, warra
akka jabbii wajjin ifadhu!
Warra meetiidhaan gabbarsiisan,
saba lolatti gammadus
biitimsi*!
*31 Soorissonni biyya Gibxiitii in
dhufu,
Itoopbiyaan ariifatee harka
ishee
gara Waaqayyoofti in
biixatti*!

*29 72:10

*30 His 29:3

*31 Isa 18:7; 19:21; 45:14; HoE 8:27

*32 Isin mootummoonni lafaa,
Waaqayyoofti weeddisaa,
goofticha faarfannaadhaan
jajadhaa!
*33 Isa bantiwwan waaqaa irra,
bantiwwan waaqaa
warra durii durii keessa
adeemu faarfadhaa!
Kunoo, inni sagalee isaa,
sagalee qaqawwee isaa
isa aango-qabeessa in
dhageessisa*.
*34 Aangoo Waaqayyoo isa surraan
isaa Israa'el irra,
jabinni isaas waaqa keessa jiru
jajadhaa!
*35 Waaqayyo, sodaatamaa fi
dinqisiisaa ta'uun isaa,
mana qulqullummaa isaa irraa
in argama;
inni Waaqayyo isa kan Israa'el,
inni humnaa fi jabina saba
isaatiif in kenna;

maqaan Waaqayyoo haa
eebbifamu!
*33 29:3

haadha koottis alagaa nan ta'e*.
*7 44:22
*8 38:11

Yeroo Rakkinaatti Waaqayyoon Kadhacbuu

(Geggeessituu warra faarfattootaaf; kun
akka qooqa isa faarfannaa "Daraaraa"
jedhamee beekamee ti; kan Daawit)

69 *1 Ati ana oolchi,
yaa Waaqayyo!
Bisbaan morma na ga'e;
*2 ani dhaqdhaqii keessatti
nan liqimfame,
miilli koos waan irra dhaabatu
in dhabe;
bisbaan gad fagoo keessa nan
lixee,
humni bisbaanii na fudhatee
sokke.
*3 Amma immoo wawwaachuu
iyyuu nan dadhabe,
laagaanis na babbaaqe;
ija qisee Waaqayyoon eeggachuu
irraa kan ka'es,
iji koo arguu dadhabe;
*4 warri sababii malee ana jibban,
rifeensa mataa kootii irra in
baay'atu;
diinonni koo warri sobduun
warri ana balleessuu
barbaadan, baay'ee dha;
wanta ani hin saamin
"Iddoo isaatti deebisi!"
naa jedhu*.
*4 109:2-3; Yoh 15:24-25

*5 Yaa Waaqayyo, ati gowwummaa
koo in beekta,
wanti ani balleesses
tokko illee si duraa hin
dbokanne.

*6 Yaa Waaqayyo gooftaa
maccaa,
warri si abdatan
sababii koof jedhanii hin
yeellaasifamin!
Yaa Waaqayyo isa kan Israa'el,
warri si barbaadan
sababii koof jedhanii hin
qaaneffamin!

*7 Ani siif jedhee arrabsoo
baadheera,
yeelloonis ana irra
buufameera*;
*8 ani obboloota kootii orma,

*9 Mana keetiif hinaafuun na gube,
arrabsoon ittiin si arrabaanis
ana irra bu'e*;
*10 soomnuun koo, lubbuun koos
dhiphisuun koo
arrabsoodhaaf anaaf ta'e.
*11 Uffata gaddaa nan uffadhe,
isaaniif garuu nama
mammaaksaa nan ta'e.
*12 Warri karra mandarichaa dura
taa'an
waa'ee koo in dubbatu,
warri machooftuunis waa'ee
koo in weeddisu*.
*9 119:139; Yoh 2:17; Rom 15:3
*12 31:11; Iyo 30:9
*13 Ani garuu yaa Waaqayyo,
yeroo si biratti fudhatamaa
ta'etti,
kadhata koo sittan dhi'eeffadha;
yaa Waaqayyo, akka gaarummaa
kee isa guddaatti
gargaarsa kee isa
amanamaadhaan anaaf
deebisi*!
*14 Ani akka bin liqimfamnetti
dhoqqee keessaa na baasi,
warra na jibban jalaa,
bishaan gad fagoo keessaas
akkan ba'u godhi!
*15 Humni bishaanii na fudhatee
hin sokkin,
tunjubni ana hin nyaatin!
Boollii na liqimsee
afaan isaa ana irratti hin
cufamin!
*13 Isa 49:8
*16 Arjummaa kee isa gaariidhaan,
deebii anaaf deebisi,
yaa Waaqayyo!
Gara-laafummaa kee isa
baay'eedhaanis na ilaali!
*17 Fuula kee garbicha kee duraa bin
dhoksin;
ani rakkina keessa waanan
jiruuf,
ariifadhuu deebii anaaf kenni!
*18 Anatti dhi'aadhuu na furi,
dhiibbi diinota kootii jedhii
na oolchi!

- ¹⁹ Arrabsamuu koo,
yeellaasifamnu koo,
salphifamuu koos ati in beekta;
warri ana cunqursan hundinuu
si dura jiru.
- ²⁰ Arrabsoon garaa koo rukuteera,
anis miidhameera;
namni anaaf oo'a jedheen abdadhe,
garuu nan dhabe;
na jajjabeessu jedhees nan
eeggadhe,
garuu hin arganne.
- ²¹ Hadhaa akkan nyaadhuuf anaaf
kennen,
dhugaatii dhangaggaa'es
dheebuuf akka ani dhuguuf
anatti hiixatan*.

*21 Mat 27:48

- ²² Buddeenni maaddii isaanii irraa
isaan haa qabu,
warri nagaadhaan walii wajjin
taa'anis
kiyyootti haa galan!
- ²³ Akka isaan hin arginetti iji
isaanii haa jaamu;
yeroo hundumaa mudhiin
isaanii
akka hin jabaanne godhi*!
- ²⁴ Dheckkamsa kee isaan irratti
roobsi,
aatiin kee inni boba'aanis
isaan haa qaqqabu!
- ²⁵ Buufanni isaanii haa onu,
godoo isaanii keessas namni
hin jiraatin*!
- ²⁶ Isaanoo isa ati reebde in ari'atu,
waa'ee dhiphina namicha ati
madeessitees in haasa'u.
- ²⁷ Yakka isaanii irratti yakka akka
dabalatanjif isaan dhiisi,
gara qajeelummaa keetti isaan
hin fidin!
- ²⁸ Macaafa warri jiraatoon itti
caafaman keessaa
maqaan isaanii haa balleeffamu,
isaan warra qajeelotaa wajjin
hin caafamin*!

*22-23 Rom 11:9-10

*25 HoE 1:20

*28 Bau 32:32-33; Dan 12:1; Mil 3:16;
Luq 10:20; Filp 4:3

- ²⁹ Ani garuu gadadamaa dha,
dhiphataa dhas,
gargaarsi kee ol ana haa qabu,
yaa Waaqayyo!

- ³⁰ Weedduudhaan maqaa
Waaqayyoo nan jajadha,
galataanis guddina isaa
nan hima.
- ³¹ Kun korma yookiis tuntunoo
isa gaanfaa fi kotte qabu
dhi'eessuu caalaa,
Waaqayyotti in tola*.
- ³² Warri gad qabaman kana arganii
haa gammadan,
isin warri Waaqayyoon
barbaaddattan,
garaan keessan haa
bayyaannatu*!
- ³³ Waaqayyo warra dhabaniif in
dhaga'a,
saba isaa warra hidhamanis
hin tuffatu*.

*31 50:8-13

*32 22:26

*33 9:12

- ³⁴ Bantiin waaqaa, lafti, galaanni
gurguddaan,
wanti isaan keessaa
munyuuqan hundinuus
isa haa jajan!
- ³⁵ Waaqayyo mandara Xiyyoon in
fayyisa,
mandaroota Yihudaas deebisee
in ijaara;
hojjetoonni isaas isa keessa in
jiraatu,
biyyichas in qabaatu;
- ³⁶ sanyiin isaanis isa in dhaala,
warri maqaa isaa jaallatanis isa
keessa in jiraatu.

Waammata Birmataa

(Geggeessituu warra faarfattootaaf; kan
Daawit; isa yeroo isaanni aarfamutti
faarfatamu)

(Far 40:13-17)

- 70** ¹Yaa Waaqayyo, daffi na
oolchi,
yaa Waaqayyo, na
gargaaruudhaaf ariifadhu!
- ² Warri jireenya koo balleessuu
barbaadan,
haa yeella'an, haa qaana'anis!
Warri hamaan ana argachuutti
gammadan,
gara booddee deebi'anii haa
salphifaman!
- ³ Warri "Baga, бага" anaan jedhan,

qaana'anii gara hooddeetti haa
deebi'an!

- ⁴ Warri si barbaadan hundinuu
garuu,
isaanitti haa tolu, sittis haa
gammadan!
- Warri fayyisuu kee jaallatanis
utuu gargar hin kutin,
"Waaqayyo guddaa dha!"
haa jedhan!
- ⁵ Waa'ee koof yoo ta'e garuu,
ani gadadamaa dha,
dhabaa dhas,
ariifadhuu na bira ga'i,
yaa Waaqayyo!
ati gargaarsa koo ti,
furii koo tis,
yaa Waaqayyo, egaa hin turin!

Gnutummaa Bara Jireenya Ofiitti Gargaarsa Waaqayyootti Of Kennuu

- 71** ¹Yaa Waaqayyo, ani kooluu
sitti galeera,
ati yoom iyyuu akka ani hin
yeellaasifamne godhi!
- ² Ati qajeelummaa keettiin kana
jalaa na baasi,
na oolchis!
Gurra kee gara kootti qabi, na
gargaaris!
- ³ Yeroo hundumaa akkan itti
deddeehi'utti,
ati kattaa ani itti galee jiraadhu
anaaf ta'ii!
- Ati kattaa koo fi masaraa koo
waan anaaf taateef,
ana fayyisuudhaaf
abboomteetta*.

*3 31:2-3

- ⁴ Yaa Waaqayyoo ko, harka nama
jal'aa keessaa,
qahaa nama dalgifamaa,
nama humnaan nama irratti
hojjetuu keessaas ana
baasi!
- ⁵ Yaa Waaqayyo gooftaa ko,
ati abdii koo ti,
ati mucummaa kootii jalqabdee
amanannaa koo ti!
- ⁶ Garaa haadha koo keessaa situ na
baase,
dhalachuu kootii jalqabee sitti
irkadheera;

- yeroo hundumaas sin jajadha*.
- ⁷ Ani namoota baay'eedhaaf
nama dinqiin kee irratti
mul'atun ta'e;
ati immoo isa humna-qabeessa
ani kooluu itti galuu dha.
- ⁸ Ani afaan guutee sin jaja,
guyyaa guutuus ulfina kee nan
hima.

*6 22:9-10

- ⁹ Bara dullumaatti ana hin gatin,
yeroo humni koo dhumus ana
hin dhiisin*!
- ¹⁰ Diinonni koo waa'ee koo in
dubbata,
warri riphani jireenya koo
balleessuu barbaadanis,
walii wajjin anatti in koratu;
- ¹¹ isaan, "Waaqayyo isa dhiiseera,
kan isa oolchu hin jiru,
duukaa bu'aa qabaa" in jedhu*.

*9 Isa 46:3-4

*11 3:2

- ¹² Yaa Waaqayyo, ana irraa hin
fagaatin,
yaa Waaqayyoo ko, ana
gargaaruudhaaf ariifadhu!
- ¹³ Warri diina anatti ta'an haa
yeellaasifaman, haa
dhumanis,
warri miidhama koo
barbaadanis
arrabsoodhaaf salphina haa
uffatan!
- ¹⁴ Ani garuu ittuma fufeen
si eeggadha,
isa ani ittiin si jajadhu
hundumaas
ittan caalchisa.
- ¹⁵ Afaan koo qajeelummaa kee in
dubbata,
lakkooobsa gochaa kee yoon
hubachuu dhaabaadhe
iyyuu,
fayyisuu kee guyyaa guutuu
nan hima.
- ¹⁶ Yaa Waaqayyo gooftaa,
hojii aangoo kee ol
fuudhuudhaaf nan dhufa;
qajeelummaa isa kan keetii
duwwaas
jajuudhaan nan yaadadha.

- ¹⁷ Yaa Waaqayyo, mucummaa
kootii jalqabdee
ati ana barsiifteetta;
ani immoo amma iyyuu
gocha kee isa dinqisiisaa nan
labsa;
¹⁸ irree kee dhaloota amma jirutti,
aangoo kees dhaloota dhufu
hundumaatti
hamman himutti,
dulloomee mataan koo harrii
yoo ta'e illee,
ati ana hin dhiisin,
yaa Waaqayyo*!
¹⁹ Qajeelummaan kee baay'isee
ol ka'aa dha,
yaa Waaqayyo!
Ati wanta gurguddaa hojjettee,
yaa Waaqayyo, kan akka keetii
eenyu ree?
²⁰ Ati dhiphina baay'ee fi hammina
anatti argisiifteetta,
deebitees ana in jiraachifta;
boolla lafaa isa gad fagoo
keessaas
deebiftee ol na fidda*.
²¹ Ati baay'ee ana in guddifta,
deebitees ana in jabeessita.

*18 22:30-31; Isa 46:4

*20 30:3; 1Sam 6:6

- ²² Anis immoo amanamummaa keef
kiraaraan sin galateeffadha,
yaa Waaqayyo kol!
Maseenqoodhaanis sin faarfadha,
yaa qulqulluu isa kan Israa'el!
²³ Yeroo ani faarfannaadhaan si
jajadhu,
afaan koo, lubbuun koo isheen
ati furtes,
sagalee gammachuu haa
dhageessisan!
²⁴ Warri miidhama koo barbaadan
yeella'anii waan qaana'aniif,
arrabni koos immoo guyyaa
guutuu
waa'ee qajeelummaa kee haa
dubbatu!

Mootii Nagaa Fi Mootummaa Isaa
(Kan Solomoon)

- 72** ¹Yaa Waaqayyo, wanta ati
qajeelaa dha jetteen
geggeeffamee faraduu
mootiidhaaf kenni,

- qajeelina kees ilma mootii
argachiisi!
² Inni qajeelinaan saba keef firdii
haa kennu,
warra gadadamoofis madaaliitti
firdii haa cegu!
³ Tulloonni nagaa guutuu,
gaaronnis qajeelummaa sabaaf
haa kennan!
⁴ Mootichi saba sana keessaa
warra gadadamoof haa
faradu,
warra dhaban haa gargaaru,
warra cunqursituu haa
caccabsu*!
⁵ Hamma biiftuu fi ji'i jiraatanii
ibsanitti,
inni dhalootaa hamma
dhalootaatti haa jiraatu*!
⁶ Inni akka bokkaa lafa margi irraa
haamame irratti bu'uu,
akka tiiftuu deddeebi'ee lafa
jiisuus haa ta'u!
⁷ Bara isaatti qajeelummaan haa
lalisu,
hamma ji'i deebitee argamuu
dhabduttis
nagaan haa baay'atu!

*4 9:12

*5 72:17; 89:3-4

- ⁸ Galaanaa hamma galaanaatti
laga [Efraaxiisii] hamma
andaara lafaatti haa mo'u*!
⁹ Warri lafa duwwaa keessa jiraatan
isa duratti haa gugguufan,
diinonni isaas biyyoo haa
arraaban*!
¹⁰ Mootonni Tarshiish, kan biyya
galaana keessaas
kennaa isaaf haa fidan;
mootonni Sheebaa kan Saabaas
isaaf gibira haa dhi'eessan*!
¹¹ Mootonni hundinuu isa duratti
haa gombifaman,
sabni lafa irraas isaaf haa
hojjetan!

*8 Zak 9:10

*9 Isa 49:23

*10 Isa 60:9; 1Mot 10:1-2

- ¹² Inni nama dabee isatti iyyatu,
gadadamaa
nama isa gargaaru hin qabnes
in oolcha*.
¹³ Inni isa dadhabaadhaa fi

Macaafni inni Sadaffaan

(Faarfannaa Asaaf)

(Faarfannaa 73-89)

Waaqayyoon Qabaachuun Waan Hundumaa Irra Caalun Isaa Bira Ga'uu

73 ¹Waaqayyo saba Israa'eliif,
warra garaan isaani qullaa'aa
ta'eef dhugume gaarii dha!

- ² Waa'ee kootiif yoo ta'e garuu,
miilli koo bitintiree kufuu
ga'eera,
ejjennaan koos mucucaachuuf
xinnootu hafe.
³ Warri jal'oonni nagaatti
jiraachuu isaanii yeroon
arge,
warra of jajan kanatti
weenna'een ture*.

*3 Iyo 21:7

- ⁴ Isaan dhiphina hin qaban,
dhagni isaanii fayyaa dha,
gabbataa dhas;
⁵ rakinni nama irra ga'u isaan
irra hin geenye,
akka namoota biraas dha'ichi
isaanitti hin buune.
⁶ Kanaaf of koorsuu
akka naqata mormaatti in
kaa'atu,
humnaan nama irratti ka'uus
akka wayyaatti in uffatu;
⁷ ija isaanii coomatu bobbokokse,
inni isaan garaatti yaadan
guutee irra dhangala'e;
⁸ isaan in ga'isu
humnaan waa'ee nama
cunqursuu in dubbatu,
nama gararraa goraniis achii
gad in dubbatu*.
⁹ Afaaniin bantii waaqaa
bira in ga'u,
arrabni isaaniis biyya lafaa
waliin in ga'a;
¹⁰ kanaaf sabni Waaqayyoo illee
isaanitti in gora,
waanuma isaan jedhanis
safara malee akka bishaanii in
dhuga.
¹¹ Isaan immoo, "Waaqayyo
attamitti beekuu danda'a ree?
Isa hundumaa gararraa biras

- isa wanta barbaachisu dhabeef
in oo'a;
jireenya warra wanta barbaachisu
dhabaniis inni in oolcha.
¹⁴ Lubbuu isaanii cunqurfamuu,
humnaan irratti ka'uu jalaas in
fura,
dhiigni isaanis isa duratti
gati-jabeessa!
*12 Iyo 36:15

- ¹⁵ Mootichi bara dheeraa haa jiraatu,
warqeen biyya Sheebaa isaaf
haa kennamu,
kadhanni isaaf yeroo hundumaa
haa godhamu;
eebbis guyyaa guutuu gad isaaf
haa roobsifamu!
¹⁶ Biyyicha keessa midhaan
baay'atee irraa haa hafu,
hamma bantii tullootaattis
gobbatee haa biqilu;
iji inni kennus akka kan
Libaanon haa bargaagu;
namoonnis mandara keessaa,
akka marga lafaa haa daraaran!
¹⁷ Hammuma biiftuun jabaattee
dhaabattutti,
maqaan isaa bara baraan haa
jiraatu!
Maqaan isaa haa guddatus!
Sabni lafa irraa guutummaatti
maqaa isaatiin of haa eebbisan,
"Inni eebbifamaa dha"
ittiin haa jedhan*!
*17 Uma 12:3; 22:18

- ¹⁸ Maqaan Waaqayyo gooftaa,
Waaqayyo isa kan Israa'el,
inni kophaa isaa wanta
dinqisiisaa hojjetu,
haa eebbifamu*!
¹⁹ Maqaan isaa inni ulfina-qabeessi
bara baraan haa eebbifamu!
Guutummaan biyya lafaas ulfina
isaatiin haa guutamtu!
Ameen, ammas ameen*!

*18 41:13

*19 Isa 6:3

- ²⁰ Kadhanni Daawit ilma lseyi
kana irratti raawwatamun
isaanii ti.

waa beekuun jiraa ree?"
in jedhu*.

*8 12:4; 109:2

*11 10:11; 14:1

¹² Ilaa! Jal'oonni warra akkasij ti,
yeroo hundumaa of irraa
bu'anii in jiraatu,
jabaachaas in adeemu.
¹³ Yoos immoo ani ofumaan
garaa koo qulqullinatti
eeggachuuf dhama'ee ree?

Yakka akkan hin qabne
argisiisuufis
ofumaan harka koo
dhiqadhee ree*?

¹⁴ Guyyaa guyyaatti dha'ichi anatti
bu'eera,
ganama ganamas adabamuun
na eeggata ture.

¹⁵ Utuun, "Akkuma isaanii nan
dubbada"
jedheera ta'ee,
dhaloota ijoolleen kee keessa
jiran biratti
amanamu dhahee,
isaanis akka garaggalan nan
godhan ture.

¹⁶ Yeroo ani kana hubachuuf jedhee
itti yaade immoo,
rakkisaa ta'ee anatti argame.

¹⁷ Hamma ani mana qulqullummaa
Waaqayyooitti galee,
jarri sun gara dhumaatti maal
akka ta'an
hubachuu bira ga'etti,
na rakkise.

*13 Mil 3:14-15

¹⁸ Dhuguma iyyuu ati lafa
mucucaatu irra
isaan in dhaabachiifta,
kukkufanii akka caccabanis in
goota.

¹⁹ Attamitti battalatti
badiisi sodaachisaan
isaan irra ga'e,
attamittis dhidhimanii naasuu
guddaadhaan xaph jedhan!

²⁰ Akka wanti abjuudhaan argan
yeroo dammaqan dhabamu,
akkasumas yaa gooftaa, ati
yommuu kaatu,
bifa isaanii akka waan hin
jirreetti in ilaalta.

²¹ Yommuu jireenyi anatti hadhaa'e,

yeroo onnee na tumates,
²² ani nama gowwaa,
nama waa hubachuu hin
dandeenye ta'ee,
si duratti akkuma horii marga
dheeduun ture.

²³ Haa ta'u iyyuu malee,
ani yeroo hundumaa si biratti
nan hafa,
atis harka koo mirgaa in
qabda*.

²⁴ ati gorsa keetiin ana in
geggeessita,
kana booddees ulfinatti ana in
fudhatta*.

²⁵ Waaqa irratti si malee cenyuun
nan qabaadha ree?
Lafa irrattis si malee maalan
eeggadha ree?

²⁶ Foon koo, keessi namummaa
koos yoo gad dhuman
iyyuu,
Waaqayyo garaa koo in
jajjabeessa,
bara baraanis qooda anaaf in
ta'a*.

*23 Rom 8:35-39

*24 49:15

*26 16:5

²⁷ Kunoo, warri si irraa fagaatan in
balleeffamu,
warra amanamuu dhiisanii kan
biraatti goranis
ati in fixxa.

²⁸ Waa'ee koof yoo ta'e garuu,
Waaqayyotti dhi'aachuun anaaf
gaarii dha;
yaa Waaqayyo gooftaa, hojii kee
hundumaa himuudhaaf,
ani da'oo si godhadheera.

**Boo'icha Dligamun
Mana Qulqullummaa**
(Mararoo Asaaf)

74 ¹Yaa Waaqayyo, ati maaliif
raawwattee nu gatta?
Hoolota tika kee jala jiran
irrattis,
dheekkamsi kee maaliif
hoba'a*?

² Waldaa kee isa durii durii
jalqabdee
kan kee godhatte,

isa gosa dhuunfaa kee
godhachuudhaaf furte,
tulluu Xiyyoon isa iddoo
buufata kee godhattes
yaadadhu*!

³ Diinuni waanuma mana
qulqullummaa keessa jiru
balleesseera,
faana kee gara isa diigamee
akkasitti hafe kanaatti
qajeelfadhu*!

*1 79:13; 100:3; 23:1

*2 76:2

*3 2Mot 25:9

⁴ Warri si irratti ka'an
iddoo walga'ii
isa kan keetii keessa lixanii
bookkisaniiru,
milikkita ofii lttiin beekamanis
dhaabbataniiru;

⁵ akka namoota qottoowwan isaanii
mukkeetii gobbuu irratti ol
fudhatanii,
isaanis ofii isaaniitii kanaan in
beekaman.

⁶ Achumaanis muka isaa
isa bifa qiqqirixamaan argisiisu,
walitti qabaa isaa qottoodhaa fi
burruusaan

kukkutanii in caccabsan.
⁷ Iddoo kee isa qulqullaa'aatti
ibidda naqan,

iddoo buufata maqaa kees
lafatti dabalani xureessan*.

⁸ Garaa isaaniittis,
"Walitti qabaa isaanii lafa
irraa in balleessina"
jedhan;
hiyya sana keessaa iddoo
itti wal ga'an
isa kan Waaqayyoo hundumaa
in guban.

*7 2Mot 25:9

⁹ Nuyi milikkitoota garaa garaa
achi nuuf kaa'aman hin arginu,
raajiin tokko illees hin jiru,
kun hamma yoomiitti
akka turu immoo,
nu keessaa namni beeku hin
jiru.

¹⁰ Hamajajjiin hamma yoomiitti
arrabsa, yaa Waaqayyo,

diinni hamma bara baraatti
maqaa kee baa tuffatuu
ree?

¹¹ Ati maaliif harka kee deebifatta?
Harka kee mirgaa hiikkadhuu
lafa irraa isaan balleessii!

¹² Haa ta'u iyyuu malee,
Waaqayyo mootiin koo
kan durii durii ti,
irra lafaa keessattis
gocha fayyisuu isaa hundumaa
in raawwata.

¹³ Ati aangoo keetiin galaana
gargar birtee,
mataa bineensota akka jawwee
galaanatti galaniis.

¹⁴ Ati mataa baay'ee
isa kan lewaataan bineensicha
guddichaa in hurreessite,
isas bineensota lafa onaa keessa
jiraataniif

nyaata gootee in laateef.
¹⁵ Ati burqituu fi yaatuun akka
bubbisan in goote,
laga takkaa hin gognes in
gogsite.

¹⁶ Guyyaan kan kee ti, halkanis
immoo kan kee ti,
bilftuu fi ibsaa warra kaanis
situ cimsee dhaabe*.

¹⁷ Daarii lafaa hundumaa situ
dhaabe,
bonaa fi gannas situ uume.

*13 89:10; 104:6-8; Bau 14:21-22; Isa 27:1

*16 104:19

¹⁸ Yaa Waaqayyo, diinni attam
akka si arrabsu,
sabni gowwaanis
maqaa kee attam akka tuffatu
yaadadhu!

¹⁹ Lubbuu warra kan keetii warra
akka gugee,
bineensa caakkaatti hin kennin;
jirenya warra gadadamoo kan
keetiis,

bara baraan hin irraanfatin!
²⁰ Biyyicha keessaa iddoowwan
dhokannaa warri
dukkanaa'oon,
humnaan nama irratti
ka'uudhaan waan guutaniif,
ati immoo kakuu kee yaadadhu!

²¹ Warri gadadamoonni qaana'anii

akka deebi'an hin godhin!
Warri gad deebi'anii fi warri
dhaban
maqaa kee haa jajatan!

- ²² Ka'i, yaa Waaqayyo dubbii kee
falmadhu,
warri gowwaan guyyaa guutuu
akka si arrabsan yaadadhu!
²³ Ati iyyuu hamajajii keetii,
caraanuu warra si irratti ka'anii
isa yeroo bundumaa gara keetti
ol ka'u hin irraanfatin!

Abbaa Firdii Qajeelaa Ta'uu Isaatiif Waaqayyoon Galateeffachuu

(Geggeessituu warra faarfattootaaf; kun
akka qooqa faarfannaa isa "Hin
balleessin" jedhamuutti faarfataame;
faarfannaa Asaaf; weedduu)

- 75** ¹ Nuyi si galateeffanna, yaa
Waaqayyo, nuyi si
galateeffanna!
Ati maqaa kee isa
beekamaadhaan
warra gocha kee isa dinqisiisaa
himanitti dhi'oo dha*.
^{*1 Isa 46:13}

- ² Waaqayyo, "Yeroon murtoo
godhee dhaabe sanatti,
firdii qajeelaa nan kenna;
³ lafti, warri lafa irra jiraatan
hundinuu
iddoo isaanii yommuu
gad dhiisan,
utuboota lafichaa jabeessee kan
eegu ana" in jedha.

- ⁴ Warra of jajaniin,
"Of hin jajinaa!"
Warra jal'ootaanis,
"Gaanfa mataa keessanii
irra-keessa hin qabatinaa!"
⁵ Gaanfa mataa keessanii ol hin
qabatinaa!
Morma yaafachuudhaanis hin
dubbatinaa!" nan jedha.

- ⁶ Nama ol qabuun ba'a-biiftuutii,
Iixa-biiftuutii,
lafa duwwaatiis hin dhufu;
⁷ firdii kan kennu immoo
Waaqayyoo dha,
isa tokko gad in deebisa,
isa kaanis ol in qaba*.

⁸ Waaqayyo xooffoo daadhii waynii
makaa qabu
isa hoomachaa'u of harkaa
qaba;
inni daadhii waynichaa
isa firdiif kennamu irraa in
buusa,
jal'oonni lafa irra jiran bundinuu
isa in dhugu,
siicoo isaa wajjinis isa in
xururfatu*.

<sup>*7 147:6; 146:7-9; 1Sam 2:7; Iyo 5:11;
Fak 29:23; Isa 2:11-16; His 17:24
*8 Er 25:15-16</sup>

- ⁹ Ani garuu bara baraan
kana nan labba,
Waaqayyoon isa kan Yaaqoob
faarfannaadhaan nan jajadha;
¹⁰ inni mataa jal'ootaa hundumaa
irraa gaanfa in cira,
gaanfi mataa warra qajeelotaa
garuu ol in qabama.

Waaqayyo Mo'ichaan Beekamuu Isaa

(Geggeessituu warra faarfattootaaf;
faarfannaa Asaaf, isa mi'a ribuu qabuun
faarfatamu; weedduu)

- 76** ¹ Waaqayyo biyya Yibudaatti
beekamaa dha,
maqaa isaas biyya Israa'elitti
guddaa dha;
² godoon isaa mandara Saalem
keessa,
iddoon buufata isaas Xiyyoon
keessa in dhaabate*.
³ Inni achitti xiyya phal phal
jechoo adeemu,
gaachana, billaa, mi'a lolaas in
cabse*.
<sup>*2 9:11; 48:1-2; 132:13-14; Isa 2:3; Oba 17
*3 46:9</sup>

- ⁴ Ifni si irraa in finiina,
tuloota "Tulluu boojuu"
jedhamanii beekaman
caalaattis ati surra-qabeessa!
⁵ Warri onneen isaanii guutuu
iyyuu mi'i isaanii
saamamec,
hirriba bin kaane in rafaan;
namoonni loltuun hundinuu,
harka isaaniitiin waa hojjechuu
hin dandeenye.
⁶ Yaa Waaqayyo isa kan Yaaqoob!

Ifata keetiin abbaan fardaa,
fardi isaas of wallaalanii in
ciciisu.

- ⁷ Ati garuu guddaa sodaachisaa
dha,
yeroo dheekkamsi kee ka'u,
eenyu si dura dhaabachuu
danda'a ree?

- ⁸ Yeroo ati bantiwwan waaqaa
keessaa firdii dhageessifte,
lafti immoo sodaattee calluma
jette*;

- ⁹ Waaqayyo warra biyya lafaa
kana irratti
cunqurfaman oolchuudhaaf,
firdii jabeessee dhaabuuf in
ka'a.

^{*8 Anb 2:20}

- ¹⁰ Dheekkamsi namootaa iyyuu
ati caalaa akka jajamtu in
godha,
dheekkamsa isa irraa hafus
akka mi'a miidhaginaatti ofitti
in bidhatta.

- ¹¹ Wareega gooftaadhaaf wareegaa,
isa wareegdanis Waaqayyo
keessaniif baasaa!
Warri naannoo isaa jiraatan
hundinuu kennaa isaaf,
isa sodaatamu sanaaf haa
fidan*!

- ¹² Inni hafuura isa warra
gurguddoota keessaa ka'u
gad in deebisa,
inni mootota lafa irraas guddaa
in sodaachisa.

^{*11 66:13-15}

Hojii Waaqayyoo Isa Dinqisiisaa Yaadachuudhaan Jajjabaachuu

(Geggeessituu warra faarfattootaaf; akka
Yidutuun faarfattetti; faarfannaa Asaaf)

- 77** ¹ Ani sagalee koo
gara Waaqayyootti
ol nan kaafadha,
nan iyyadhas;
ani sagalee koo
gara Waaqayyootti
ol nan kaafadha;
innis ana in dhaga'a!
² Ani guyyaa rakkina kootti
gooticha nan barbaaddadhe;
lubbuun koos jajjabaachuu
dinnaan,

balkan guutuu barki koo in
diriifame; hin dadhabnes!

- ³ Waa'ee Waaqayyoo nan
yaadadha,
hafuura dheeraas nan baafadha;
gad fageessee itti yaaduu koo
irraa kan ka'es
hafuurri koo in xinnaate.

- ⁴ Baalleen ija kootti akka walitti
hin qabanne goote,
yaadni koo in goolame,
dubbachuus nan dadhabe.

- ⁵ Waa'ee wanta guyyoota bara
duriitti,
wanta waggoota durii duriitti
ta'ees nan yaadadha*.

^{*5 143:5}

- ⁶ Isa ani dur mi'a ribuu qabuun
faarfachaa ture
halkan nan yaadadha;
garaan koo in gadda, hafuurri
koos kana in qorata.

- ⁷ "Gooftichi bara baraan in gataa
ree?

- Deebi'ees faara hin toluu ree?
⁸ Gaarummaan isaa dhume
baraan iyyuu akka hin argamne
ta'ee ree?

- Wanti inni dubbii isaatiin
abdachiise,
dhalootaa hamma dhalootaatti
citee hafee ree?

- ⁹ Waaqayyo araara-qabeessa ta'uu
in irraanfatee ree?
Oo'a isaa akka hin argisiifneef
dheekkamsaan karaa cufee
ree?"

^{*7-9 74:1; Faru 5:1-5, 19-22}

- ¹⁰ Yommuu ani,
"Gochi harka mirgaa isa
hundumaa gararraa jiruu;
geddaramuun isaa yaada koo
dhiphise" nan jedhe.

- ¹¹ Yaa gooftaa, gocha kee isa
dinqisiisaa durii,
wanta ati hojjettes nan
yaadadha.

- ¹² Hojiin kee hundinuu yaada koo
keessa jira,
waa'ee wanta ati hojjettes nan
yaada.

- ¹³ Yaa Waaqayyo,

karaan ati hojjetu karaa
qulqullummaa ti;
waaqayyolii keessaa guddaan
akka Waaqayyo keenyaa
eenyu*?
14 Ati Waaqayyo isa hojii
dinqisiisaa hojjetuu dha,
aangoon kee saba lafaatti akka
beekamu in goote.
15 Ati saba kee ijoollee
Yaaqoobii fi Yoseef
irree keetiin furteetta.
*13 Bau 15:11

16 Yaa Waaqayyo, bishaanonni si
argan,
si arganiis in hunkuraman;
tuujjubni galaanaa immoo in
raafame.
17 Duumessoonni bishaan in
roobsan,
duumessa keessaas qaqawween
in qaqawweessa'e;
xiyyi bakakkaa kee immoo
kara-karaa in bu'an.
18 Sagaleen qaqawwee kee in
adeeme,
balaqqeessi bakakkaas biyya
lafaa in ibse,
lafichi raafamee in socbo'e.
19 Karaan kee galaana keessa,
daandiin kee bishaan
gurguddaa keessa darbe,
ejennaan faana kee garuu
hin argamne.
20 Ati harka Musee fi Aaroniin
akka nama hoolota tiksuutti,
saba kee in geggeessite*.
*19-20 Bau 14:21-29

Seenaan Saba Israa'el Of
Eeggachiisuu Isaa
(Mararoo Asaaf)

78 1 Yaa saba ko, gurra keetiin
barsiisa koo dhaggeeffadhu,
gurra kee gara dubbii afaan
koo keessaa ba'uutti qabi!
2 Ani jecha ogummaatiin afaan koo
nan saaqqadha,
jecha dhokataa duri duriis
hakkeetti nan baasa*.
*2 Mat 13:35

3 Dubbii nuyi dhageenyee, beekuu
bira geenyes,

isa abboonni keenya nutti
himan,
4 gooba gooftichaa isa jajamaa fi
aangoo isaa,
dinqii inni hojjetes,
nuyi dhaloota dhufutti in himna
malee,
ijoollee isaanii jalaa hin
dhoksinu*!
5 Inni abboonni isaaf dhugaa ba'u
Yaaqoob keessatti jabeesse,
seera isaas Israa'el keessatti
dhaabateera;
isaan kanas ijoollee isaanii akka
barsiisaniif,
inni abboota keenya in ajaje.
6 Egaa, dhaloonni itti aanu
isaan kana akka beekutti,
warri amma illee hin dhalatin
ka'anii,
dabarsanii ijoollee isaaniiitti
haa himan!
7 Isaanis immoo amanannaa isaanii
Waaqayyo irra akka kaa'ataniif,
abboommota isaas haa eegan
malee,
hojii Waaqayyoo hin
irraanfatin,
8 akkasumas akka abaabilii isaanii,
warra boqqu-jabeeyyii, warra
isa irratti ka'anis,
warra yaadni isaanii waan
tokkotti jabaatee hin
dhaabanne,
hafuurri isaanii Waaqayyo
isaaniif
kan hin amanamne hin ta'in*!
*4 Kes 4:9-10
*8 Kes 32:5-6

9 Ilmaan Efreem warri iddaa fi
xiyya baatan,
guyyaa lolaatti gara booddee
isaanii deebi'an;
10 isaan kakuu Waaqayyoo hin eegne,
akka seera isaattis deddeebi'uu
in didan.
11 Isaan wanta inni hojjetes,
dinqii inni isaan argisiises in
irraanfatan.
12 Biyya Gibxiitti, bakkee Zo'aanitti,
fuula abboota isaanii duratti
Waaqayyo hojii dinqisiisaa in
hojjetes;
13 inni galaana gargar hiree,
gidduu isaan dabarse,

bishaanis akka tuullaatti akka
dhaabatu godhe*.
14 Guyyaa duumessaan,
halkan guutuu immoo
ihssaa ibiddaatiin isaan in
geggeesse*.
15 Inni lafa onaa keessatti kattaa
dhoosee,
bishaan baay'ee akka galaanaa
kenneefii isaan obaase;
16 kattaa keessaa bishaan in yaase,
akka lagaatti isa keessaa akka
lola'u in godhe*.
*13 Bau 14:21-22
*14 Bau 13:21-22
*15-16 Bau 17:6; Lak 20:7-11
17 Isaan garuu ittuma dabalani isaa
in yakkani,
lafa onaattis aabha guddicha
irratti in ka'an;
18 nyaata dharra'an sana "Fidi"
jechuu isaaniitiin,
Waaqayyoon garaa isaaniitti in
qoran.
19 Isaan Waaqayyo irratti in
dubbatan,
"Waaqayyo lafa duwwaatti
maaddii dhi'eessuu
danda'aa ree?
20 Eyyee, inni akka bishaan keessaa
futta'utti kattaa rukuteera;
lagoonni bishaan keessaa
yaa'anis argamaniiru;
amma immoo inni buddeena
kennuu in danda'aa ree?
Saba isaatiifis foon in argaafii
ree?" jedhan*.
*17-20 Bau 16:3; Lak 11:4

21 Kanaafis Waaqayyo kana dhaga'ee
dheekkamsi isaa in boba'e,
ibiddi Yaaqoobitti in qabate,
aariin isaas Israa'el irratti in
jabaate*.
22 Isaan Waaqayyotti hin amanne,
gargaarsa isaas hin amananne.
23 Utuma ta'uu iyyuu
inni ol gararraadhaa
duumessoota ajajee,
balbaloota waaqaas in bane;
24 Maannaa akka nyaataniif gad
isaaniif in roobse,
midhaan waaqa irraas isaaniif
in kenne*.

25 Inni nyaata isaan quufsu isaaniif
in erge;
namnis buddeena ergamoota
warra waaqa irraa in nyaate.
26 Inni qilleensi ba'a-biiftuu
waaqa keessa akka qilleensa'u
godhe,
humna isaatiinis qilleensa gara
mirgaa gad in baase.
27 Inni foon akka biyyoo lafaa,
simbirrootas akka ciiracha
galaanaa
isaan irratti gad roobse.
28 Isaan kun safara isaanii keessatti,
naannoo lafa buufata isaaniittis
akka bu'an godhe.
29 Inni wanta isaan dharra'an
waan isaaniif kenneef,
isaanis nyaatanii ba'eessa
godhanii in quufan*.
30 Garuu sassatti isaanii utuu irraa
hin galin,
nyaatichis amma iyyuu afaan
isaanii keessa utuu jiruu,
31 dheekkamsi Waaqayyoo isaan
irratti ka'ee,
isaan keessaa warra jajjaboo in
ajjeese;
Israa'el keessaas dargaggoota
in kukuffise*.
*21 Lak 11:1
*24 Bau 16:4; Yoh 6:31
*26-29 Bau 16:13; Lak 11:31-32
*31 Lak 16:31-35

32 Kana bundumaa keessaa immoo
isaan ammas cubbuu hojjetan,
dinqii inni argisiises hin
amananne.
33 Kanaaf guyyoonni isaanii akka
qilleensa shuf jedhuu ti,
waggoonni isaanii wanta itti
hin yaadamiin
akka dhuman in godhe.
34 Yeroo inni isaan keessaa ajjeesetti
isa in iyyaafatan,
gara isaatti deebi'anii
dhimmanii isa in
harbaadan.
35 Isaan kattaan isaanii Waaqayyo
akka ta'e,
Waaqayyo inni bundumaa
gararraa jirus
furee isaanii akka ta'e in
yaadatan.
36 Isaan garuu afaan isaaniitiin
isatti kuulan,

- arraba isaaniitiinis soba itti dubbatan.
- ³⁷ Garaa isaaniitiin garuu isaaf cimoo hin turre, kakuu isaafis hin amanamne.
- ³⁸ Inni garuu oo'a-qabeessa waan ta'ee, yakka isaanii isaaniif in dhiise, lafa irraas isaan hin balleessine; inni yeroo baay'ee aarii isaa gad ittise, dheekkamsa isaa hundumaas ol hin kaafue.
- ³⁹ Inni namoota foonii duwwaa ta'uu isaanii, yookiis akka qilleensa darbuu malee deebi'ee hin dhufne ta'uu isaanii in yaadate*.
- ³⁹ 103:12-16; Iyo 7:7; 14:2-4
- ⁴⁰ Isaan lafa duwwaa keessatti si'a meeqa isa irratti ka'an, si'a meeqas lafa onaa keessatti isa gaddisiisan!
- ⁴¹ Isaan deddeebi'anii isa in qoran, isa qulqulluu kan Israa'elis in aarsan.
- ⁴² Isaan jabina irree isaa, isa gaafa inni qabaa hamajaajii keessaa isaan fure yaadatti hin qabanne.
- ⁴³ Yeroo inni Gibxitti milikkitoota, argisiisee, dinqii isaas bakkee Zo'aanitti hojjete,
- ⁴⁴ inni bishaan laga isaanii dhiigatti diddiire, isaan yaatuu keessaas dhuguu hin dandeenye*.
- ⁴⁵ inni gurmuu qarxaasaa isa isaan nyaate, fattees isa biyya isaanii balleesse isaanitti erge*.
- ⁴⁶ Inni midhaan isaanii korophisaaf, ija waan itti dadhabaniis hawaannisaaf kenne*.
- ⁴⁷ muka waynii isaanii cabbiidhaan, harbuu isaanis qorra itti buusee in balleesse*.
- ⁴⁸ saawwan isaanii cabbiitti, karra horii isaanis bakakkaatti in kenne;
- ⁴⁹ inni garee ergamoota balleessanii, aarii isaa isa finiinaa, dheekkamsa, komee,

- rakkinas biikee isaanitti gad dhiise.
- ⁵⁰ Aarii isaatiif karaa banee gad dhiise, jireenya isaanii dha'icha sanatti kenne malee, inni lubbuu isaanii du'a hin oolchine*.
- ⁵¹ Inni biyya Gibxii keessatti, angafa ta'ee kan dhalate hundumaa, humna isaanii isa jalqabaas godoo ijoollee Kaam sana keessatti rukute*.
- ⁵² Saba isaa immoo akka hoolootaatti achi keessaa baase; akka karra horiittis lafa onaa keessa karaa isaan argisiise*.
- ⁵³ Inni nagaadhaan isaan in geesse, isaanis hin sodaanne, diinota isaanii garuu galaanatu irra garagale*.
- ⁵⁴ gara biyya isaa isa qulqullaa'aatti, gara tulluu harki isaa mirgaa qabateettis isaan in fide*.
- ⁵⁵ Inni saba warra kaan fuula isaanii duraa oofee baase, lafas dhaala isaanii godhee muka buusuudhaan isaanii in hire; gosa Israa'elis godoo isaanii keessa buufachiise*.
- ⁵⁶ Isaan garuu Waaqayyo isa hundumaa gararraa jiru qorarii isa irrattis in ka'an; abboommii isa isaaf dhugaa ba'us hin eegne*.
- ⁵⁷ Isaan irraa garagalanii akka abboota isaanii haxxummaa hojjetan, akka iddaa qajeeltootti xiyya hin darbannee, isaanis dalga in goran.
- ⁵⁸ Iddooowwan ol ka'oo irratti sagadaniin.

⁴⁴ Bau 7:17-21
⁴⁵ Bau 8:1-6, 20-24
⁴⁶ Bau 10:12-15
⁴⁷ Bau 9:25
⁵⁰ Bau 9:8-12
⁵¹ Bau 12:29
⁵² 77:20
⁵³ Bau 14:26-28
⁵⁴ Bau 15:17
⁵⁵ Iya 24:8-13; 23:3-4

- tuttuqanii isa in aarsan, waaqayyolii tolfamoo isaaniitiinis isa in hinaafsisan*.
- ⁵⁹ Waaqayyo kana dhaga'e, dheekkamsi isaa in boba'e, Israa'elinis raawwatee in tuffate.
- ⁶⁰ Iddoo taa'umsa isaa isa Shiiloo, godoo isa namoota gidduutti keessa buufates in dhiise*.
- ⁶¹ Inni sanduuqa kakuu isa humna isaa argisiisu boojuutti, isa guddina isaa argisiisus harka diinaatti in kenne*.
- ⁶² Inni saba isaa billaatti dabarsee kenne, warra dhuunfaa isaa irratti dheekkamsa isaa in bobeesse.
- ⁶³ Dargaggoota isaanii ibiddatu fixe, durboota isaaniifis weedduun gaa'elaa hin weeddifamneef.
- ⁶⁴ Luboonni isaanii billaadhaan in dhuman, haadhonni hiyyeessaa isaanis isaaniif boo'uu hin dandeenye*.
- ⁶⁵ Yommuu gooftichi akka waan birribaa dammaquutti, akka lolnuu jabaa daadhii waynii quufee dhaadatuuttis in ka'e.
- ⁶⁶ Inni hamajaajii isaa rukutee gara booddeetti isaan deebise, hamma bara baraattis yeellootti isaan kenne*.
- ⁶⁷ Inni godoo Yoseef in niffate, qomoo Efreemis hin fo'anne;
- ⁶⁸ qomoo Yihudaa garuu, tulluu Xiyyoon isa jaallate sanas in fo'ate.
- ⁶⁹ Mana qulqullummaa isaa akka iddoowwan ol ka'ootti in ijaare, akka lafaattis bara baraan hundee isaa jabeessesse in dhaabe.
- ⁷⁰ Inni Daawitin hojjetaa isaa in fo'ate, karra hoolotaa keessaas isa in baafate.

⁵⁶ Abo 2:11-15
⁵⁸ Kes 32:21
⁶⁰ Iya 18:1; Er 7:12; ISam 4:11
⁶¹ ISam 4:4-22
⁶⁴ ISam 4:17-20

- ⁷¹ Haadhotii hoolaa ilmoolee qaban tiksu biraas, Yaaqoobin saba isaa, Israa'elinis dhuunfaa isaa akka tiksuuf isa fide*.
- ⁷² Kanaaf Daawit garaa qajeelaadhaan isaan tiksee, harka-tolinaanis isaan in geggeesse.

⁶⁶ ISam 5:6-11
⁷⁰⁻⁷¹ ISam 16:11-12; 2Sam 7:8; ISen 17:7

Badiisa Biyya Irra Ga'eef Boo'anii Kadhachuu (Faarfannaa Asaaf)

- 79** ¹Yaa Waaqayyo, warri saba kee hin ta'in, isa ati dhuunfaa kee godhattetti galaniiru; mana qulqullummaa kee xureessaniiru; Yerusaleeminis lafatti dabalaniiru*.
- ² isaan, allaattiin qilleensa keessa balali'an reeffa hojjetoota kee, bineensi lafaas foon warra siif of kennanii, akka nyaataniif kennaniiruuf*.
- ³ Naannoo mandara Yerusaleemitti, dhiiga isaanii akkuma bishaanii dhangalaasan, namni awwaalus hin argamne;
- ⁴ nuyi saba ollaa keenya jiraniif muka ga'oo, warra biyya naannoo keenyaafis ceephoo fi tuffiidhaaf taaneerra*.
- ⁵ Yaa Waaqayyo, kun hamma yoomiitti akkas ta'a? Baruma hundumaa in aartaa ree? Hinaaftee dheekkamuun kees ituma fufee akka ibiddaa in gubaa ree*?
- ⁶ Saba lafa irraa warra si hin beekne irratti, mootummoota maqaa kee hin waammanne irrattis dheekkamsa kee dhangalaasi*!
- ⁷ Isaanoo ijoollee Yaaqoob fixaniiru; qe'ee isaas onsaniiru*.

¹ 74:1-8; 2Mot 25:8-10
² Er 7:33
⁴ 44:13

* Yakka abboota keenya warra durii nutti hin yaadatin!
Nuyi mataa buufneerra,
oo'a keetiin dafii nutti adeemi*!

*5 13:1-2
*6 Er 10:25
*7 2Mot 25:8-12
*8 His 18:1-4,20

* Yaa Waaqayyo isa fayyina nuuf laattuu,
ulfina maqaa keetiif jedhii nu gargaari,
maqaa keetiif jedhii nu oolchi, cubbuu keenyas nuuf dhiisi!
10 Sabni lafa irraa,
“Waaqayyo isaanii eessa jira?”
jechuudhaaf maaliif karaa argafu?

Dhiiga hojjetoota kee isa dhangalaafameef,
ija keenya duratti gumaa baasuun kee,
warra saba kee hin ta'in irratti haa beekamu*!

11 Aadnaan warra hidhamanii si bira haa ga'u,
irree kee isa cimaadhaan warra du'i itti faradame ati hambisi!

*10 115:2; Yoe 2:17

12 Yaa gooftaa, arrabsoo sabni ollaa keenyaa
ittiin si arrabsan,
harka torba godhii mataa isaaniiitti deebisi*!

13 Nuyi namoonni kee, warri tika kee jala jirru garuu,
bara baraan si galateeffanna, dhalootaa hamma dhalootaattis jajuu kee in himna*!

*12 137:7-9
*13 74:1

Kadbata Deebitee Dhaabamuu Israa'el

(Geggeessituu warra faarfattootaaf; kun dhugaa ba'uudhaaf akka qooqa faarfannaa isa “Daraaraa” jedhametti faarfataame; faarfannaa Asaaf)

80 * Yaa tiksee Israa'el,
ati inni Yoseefin akka hoolotaa geggeessite,
dhaggeeffadhu!

Ati inni teessoo kee isa Kiruubel baatan irra jirtu,
ifa kee keessaan mul'adhu*!

2 Efreem, Beniyaaminii fi Minaasee duratti,
jabina keetiin ka'i, nu gargaaruudhaafis kottu!

3 Deebisii nu dhaabi,
yaa Waaqayyo!
Nuyi akka fayyinuttis fuulli kee nuuf haa ibsu*!

*1 18:10; 2Sam 6:2; Far 74:1
*3 31:16

4 Yaa Waaqayyo gooftaa maccaa, hamma yoomiitti kadhata saba keetti aarta*?

5 Ati buddeena imimmaanii isaan nyaachifte,
imimmaanis qodaa guddaatti akka dhugan in goote.
6 Sabni ollaa keenyaa nu irratti akka wal qoccolan goote,
diinonni keenyas nutti in ga'isu*.

7 Yaa Waaqayyo isa kan maccaa, deebisii nu dhaabi!
Nuyi akka fayyinuttis fuulli kee nuuf haa ibsu!

*4 13:1-2
*6 44:13-14

8 Ati muka waynii biyya Gibxiitii buqqiftee fiddee,
saba warra kaan isa duraa ooftee baaftée,
isa immoo in dhaabde*.

9 Ati lafa isaa cirtee qulleessiteef, innis hidda gad fageeffatee biyyicha in guute.

10 Gaadiddun isaa tulloota golge, damoonni isaas mukkeetii gaattiraa gurguddaa gaaddiseessaniiru.

11 Damoota isaa hamma galaanaatti, lataa isaas hamma laga Efraaxiisitti in diriirfate*.

12 Yoos immoo maaliif dallaa naannoo isaa ture diigdee, namni amma karaa sana darbu hundinuu

mukicha irraa akka ciratu goote ree?
13 Bortoleen caakkaa keessaa ba'ee isa in balleessa,

bineensi bakkee sana keessa adeemu hundinuu
isa in nyaata.

*8 Kes 26:8-9; Isa 5:1-7; Er 2:21
*11 Hos 10:1

14 Yaa Waaqayyo isa kan maccaa, amma as garagali,
waaqa irraa gad ilaali,
ijaanis qabi!

Muka waynii kanaaf dhimmi!

15 Muka harki kee mirgaa dhaabe kana,
biqiltuu isa ofii keetiif guddifatte kanas eegi!

16 Ibbidaan isa gubaniiru, isa muraniiru;
isaan immoo ifata fuula keetiin haa badan*!

17 Namicha isa harki kee mirgaa jiraachise,
ilma namaa isa ofii keetii guddifatte,
harka irra qabi!

18 Yommus nuyi matumaa si irraa gara hin gallu;
nuyis maqaa kee in waammanna,
ati jireenya nuuf kenni!

19 Yaa Waaqayyo gooftaa maccaa, deebisii nu dhaabi,
nuyi akka fayyinuttis fuulli kee nuuf haa ibsu!

*16 His 15:2-4

Waaqayyo Nama Isaaf Dhaga'u Barbaaduu Isaa

(Geggeessituu warra faarfattootaaf; kun kiraara guddaadhaan yookis akka qooqa faarfannaa kanaan dura beekame tokkootti faarfataame; kan Asaaf)

81 * Waaqayyo aangoo keenya waan ta'eef, illeebaa!
Waaqayyo isa kan Yaaqoobitti gammaduu keessan dhageessisaa!

2 Faarfannaa jalqabaa, dubbisa rukutaa,

maseenqoo namatti toluu fi kiraara dhageessisaa!

3 Baatii ji'aatti, goobana ji'aatti, guyyaa ayyaana keenyaattis fiinoo afunfaa*!

4 Inni kun Israa'eliif seerrata, Waaqayyo isa kan Yaaqoob birattis,

wanta qajeelaa ta'ee fudhatamee dha.

5 Yeroo biyya Gibxii rukutuuf ba'e, inni abboommii isaaf dhugaa ba'u

ijoollee Yoseef gidduu dhaabe; anis sagalee dur hin beekne tokko nan dhaga'e.

*3 Lew 23:24; Lak 10:10

6 Innis, “Gatiittii isaa ba'aa jalaa nan baase,
harka isaas guuboo baachuru nan dhiisise*.”

7 Ati yeroo rakkinaatti in waammatte,
ani immoo keessaa sin baase, golgaa duumessa qaqawwee qabu keessaa siif dhaga'eera;
bishaan morkii sana biratti si qoreera*.

8 Dhaggeeffadhu yaa saba ko, ani waanan si gorsu qaba;
yaa Israa'el, utuu anaaf dhageessee, attam gaarii dha!

9 Waaqayyolii warra ormaa keessaa tokko illee si keessatti hin argamin,
waaqayyolii warra kaaniifis hin sagadin*!

10 Ani Waaqayyo gooftaa kee ti, anatu biyya Gibxiitii si baase; afaan kee as qabadhu, ani immoo siif nan guuta.

*6 Bau 6:6; Isa 9:3-4

*7 Bau 19:16; 17:7; Lak 20:13

*9 Bau 20:2-3; Kes 5:6-7

11 “Sabni koo garuu sagalee koo dhaggeeffachuu in dide,
Israa'el yaada kootti galuu hin barbaanne*.”

12 Isaan mata-jabeeyyii akka ta'aniif nan dhiise;
yaada isaanii isa qopheessan duukaas in bu'an.

13 Sabni koo utuu anaaf dhaga'ee, Israa'el utuu karaa koo irra adeemee,

14 silaa ani immoo diinota isaa salphaatti nan gugguufsisaa,
hamajaajii isaa irrattis harka koo nan garagaladha.

15 Warri Waaqayyoon jibban isaaf in gugguufu,

yeroon isaaniis hamma
bara baraatti
kanumaan dhumuu isaa ti.
16 Ani immoo qamadii isa caaluun
sin soora,
damma holqa kattaa keessaa
ba'uunis sin quufsa" jedhe*.

*11 Er 7:24-26

*16 Kes 32:13

Waaqayyo Abbaa Firdii Isa
Hundumaa Gararraa Ta'uu Isaa
(Faarfannaa Asaaf)

82 1 Waaqayyo walga'ii waaqaa
keessa in dhaabata,
waaqayyolii gidduutis inni
firdii in dabarsa*.
2 Inni, "Isin hamma yoomiitti
jal'inaan faraddu?
Hamma yoomiittis warra
jal'ootaaf loogdu*?
3 Warra dadhaboo fi
warra abbaan irra hin jirreef
dhugaa baasaaf,
warra gadadamoo fi warra homaa
hin qabne
qajeeltootti ilaalaa*!
4 Warra dadhaboo fi
warra waan barbaachisaa
dhaban furaa,
harka warra jal'ootaa keessaas
isaan oolchaa!" in jedha.

*1 89:6-8; 1Mot 22:19

*2 Kes 1:17

*3 Isa 1:17

5 Isaan beekumsa yookiis hubannaa
hin qaban,
dukkana keessa in deddeebi'u;
hundeen lafaa bundinuu
raafamaa dha!
6 Ani illee, "Isin waaqayyolii dha,
isin hundumti keessan
ilmaan isa hundumaa gararraa
jiruu ti?
jedhee dubbadheera*.
7 Haa ta'u jyyuu malee, isin akka
namootaa in duutu,
warra gurguddoota keessaa
akkuma isa tokkoos in kufu"
jedhe.

*6 Iyo 1:6; Yoh 10:34

8 Saba hundumaa kan kee waan
godhatteef,

ka'i yaa Waaqayyo,
biyya lafaaf firdii kenni!

Diina Karaa Hundumaa Nama
Marsu Ooluuf Kadhachuu
(Weedduu; faarfannaa Asaaf)

83 1 Yaa Waaqayyo, gab hin
jedhin, calluma bin jedhin,
akkasumattis nu hin ilaalin,
yaa Waaqayyo!
2 Kunoo, diinonni kee
dheekkamanii in wacu,
warri si jibbanis mataa isaani
ol qabataniiru;
3 Isaan saba kee irratti mala
qopheessan,
warra golgaa kee jala jiran
irrattis in mari'atan*;
4 isaan, "Deebi'anii saba akka hin
taanetti,
kottaa lafa irraa isaan in
haxoofnaa!
Maqaan Israa'el
deebi'ee hin yaadatamin!"
jedhan.

*3 2:2; 35:20

5 Isaanoo yaada tokkoon waliif
galan,
si irratti ka'uufis waliif kakatan;
6 godoowwan Edoom, warri
Ishmaa'el,
warri Mo'aabii fi Aggaar,
7 warri Gebaalii fi Amoon,
Amaaleqis, biyyi
Filisxiyaa,
warra mandara Xiitrosii wajjin
ka'an.
8 Warri Asoris immoo
ilmaan Looxiif irree cimaa
ta'anii,
isaan sanatti dabalaman.

9 Warra Miidiyaan akkuma goote,
laga Qiisonitti Siisaaraa fi
Yaabiinin akkuma goote,
isaan kanas akkasuma godhi*!
10 Isaan kun mandara Endooritti
balleeffamanii,
reeffi isaaniis tortoree lafaaf
xaa'oo ta'e;
11 gurguddoota isaanii akka Oreebii
fi, akka Ze'eeb,
angafoota isaaniis akka Zeehaa
akka Xaalmunaas godhi*!

12 Isaan warra, "Kottaa,
biyya Waaqayyo
iddoo buufata isaa godhate,
ofii keenyaaf in fudhannaa"
jedhanii dha.

*9 Abo 7:14-15; 4:2; Isa 9:3-4

*11 Abo 7:25; 8:18-21

13 Yaa Waaqayyoo ko, akka
awwaara bubbeen
garagaggalchuu,
akka habaqqii qilleensi fuudhee
adeemuus isaan godhi!
14 Akkuma ibiddi caakkaa gubu,
akkuma boba'aan tulluu
arraabec darbu,
15 atis akkasuma
bubhee keettiin isaan duukaa
bu'ii ari'adhu,
qilleensa kee isa jabaadhaan
isaan naasisi!
16 Hamma isaan maqaa kec
waammachuu bira ga'anitti,
lafa isaan ilaalchisi,
yaa Waaqayyo!
17 Haa yeellaasifaman, bara baraan
lafa lixan haa dhaban!
Qaana'aniis haa balleeffaman!
18 Maqaan kee "Isa Jiraataa" akka ta'e,
ati kophaa kee guutummaa
biyya lafaa irratti
gootaa isa hundumaa gararraa jiru
ta'uu kees haa beekan!

Gara Mana Waaqayyoo Yaaduu

(Geggeessituu warra faarfattootaaf;
kun kiraara guddaadhaan yookiis akka
qooqa faarfannaa kanaan dura
beekame tokkootti faarfataame;
faarfannaa ilmaan Qoraahi)

84 1 Yaa Waaqayyo gooftaa
maccaa,
iddoon buufata kee maal maal
namatti tolaa!
2 Lubbuun koo oobdii mana
Waaqayyoo yaaddee in
gaggabdi!
Lubbuun koo fi foon koo
Waaqayyo isa jiraataatti
gammadanii in ililchu*.

*2 42:1-2

3 Yaa Waaqayyo gooftaa maccaa,
mootii ko Waaqayyo kos,
iddoo aarsaa keetti dinbiitiin
illee mana,

girrifnis man'ee
cuucota ishee keessa kaa'attu
argatte;

4 warri mana kee keessa jiraatanii,
yeroo hundumaas jajuu kee
faarfatan haa gammadan*!

*4 84:10; 23:6; 65:4

5 Namoonni gara mana keetti
adeemuu
garaa keessaa qabaatanii
si biraa humna argatan, haa
gammadan*!
6 Isaan yeroo dachaa gogec nama
boossisu keessa adeeman,
iddoo sana lafa bishaan burqu
in godhatu;
bokkaan inni dura roobus
eebba isa irra in diriirsa*.
7 Isaan caalaa humna godhachaa in
adeemu,
tulluu Xiyyoon gubbaatti
fuula Waaqayyoo duratti in
argamu.

*5 122:1

*6 Isa 41:17-20

8 Yaa Waaqayyo gooftaa maccaa,
kadhata koo anaaf dhaga'i,
yaa Waaqayyo isa kan
Yaaqoob, gurra kee as qabi!
9 Yaa Waaqayyo, gara gaachana
keenya ilaali,
fuula isa dibdee moosiftees ilaali*!

*9 2:6

10 Iddoo biraa guyyaa kuma tokko
ooluu irra,
oobdii kee keessa guyyaa
tokko ooluu wayya;
godoota jal'inaa keessa taa'uu
koo irra,
balbala mana Waaqayyo koo
dura ijaajjuu nan fo'adha*.
11 Waaqayyo gooftaan biiftuu dha,
gaachanas;
inni ayyaana, ulfinas in kennu;
gooftichi wanta gaarii ta'e
warra balleessaa malee
deddeebi'an duraa hin
hambisu*.

12 Yaa Waaqayyo gooftaa maccaa,
namni si amanatu gammachuu
attamii qaba!

*10 27:4

*11 97:11; Isa 60:19

Jireenyi Akka Iddootti Deebifamuuf Kadbachuu

(Geggeessituu warra faarfattootaaf; faarfannaa ilmaan Qoraahi)

- 85** ¹Takka biyya keetti faara tolteetta, yaa Waaqayyo! Yaaqoobiif adda kenniteetta; ²saba keef yakka isaa dhiifteettaaf, cubbuun isaanii hundinuus deebi'ee akka hin mul'anne gooteetta. ³Finiina dheekkamsa kee hundumaa irraa deebifteetta, aarii kee isa boba'us dhiifteetta.

⁴Yaa Waaqayyo isa fayyina nuuf laattu, iddootti nu deebisi; nutti gadduun kee baa hafu!

⁵Ati bara baraan nutti dheekkamtaa ree?

Aaruu kees dhalootaa bamma dhalootaatti itti fuftaa ree?

⁶Sabni kee akka sitti gammadutti, deebitee lubbuu nutti hin deebiftuu ree?

⁷Gaarummaa kee nu argisiisi, yaa Waaqayyo, gargaarsa kee isa fayyisu nuuf kenni!

⁸Wanta Waaqayyo dubbatu dbaggeeffachuu nan barbaada;

sabni isaa warri isaaf of kennan, gara gowwummaatti hin deebi'in malee, gooftichi nagaa isaanitti in dubbata*.

⁹Dhuguma iyyuu fayyisuun isaa warra isa sodaatanii dhi'oo dha; kanaaf ulfinni biyya keenya keessa in buufata.

*8 Er 29:11

¹⁰Gaarummaan fi amanamummaan wal in argu, qajeelummaa fi nagaan wal in dhungatu.

¹¹Amanamummaan lafa keessaa in biqila,

qajeelummaan waaqa keessaa gad in ilaala*;

¹²dhugumaan Waaqayyo waan gaarii in kenna, lafti keenyas midhaan in baasa*;

¹³qajeelummaan fuula gooftichaa dura in adeema, faanni isaas isa duukaa in qajeela*.

*11 Isa 45:8

*12 Yoe 2:12-14

*13 58:8

Rakkinaan Qoramanii Keessaa Ba'nuf Karaa Kadbachuu

(Kadhata Daawit)

86 ¹Yaa Waaqayyo, ani gadadamaa dha dhabaa dhas, gurra kee gara kootti qabi, na jalaa owwaadhus!

²Ani siif of kenneera ati lubbuu koo baraari, garbicha kee isa si amanatu ati gargaari! Ati Waaqayyo koo ti!

³Ani guyyaa guutuu gara keetti nan iyya, ati araara anatti argisiisi, yaa gooftaa!

⁴Ani hawwa lubbuu koo gara keetti ol nan kaafadha, yaa gooftaa, ati lubbuu garbicha kee gammachiisi!

⁵Yaa gooftaa, ati gaarii dha, jaalala keetiinis namaaf cubbuu isaa in dhiifta, warra si waammatan hundumaafis gaarummaan kee in baay'ata*.

⁶Yaa Waaqayyo, kadhata koo gurratti fudhadhu, isa ani sitti himachuuf iyyus yaadaan anaaf qabi!

⁷Ati waan anaaf owwaattuuf, ani guyyaa rakkina kootti sin waammadha*.

*5 103:3

*7 50:15

⁸Waaqayyolii keessa kan akka kee tokko illee hin jiru, yaa gooftaa!

Waan hojjetame keessaas kan akka boji kee bin jiru*.

⁹Sabni ati uumte hundinuu in dhufu, fuula kee durattis in gombifamu, yaa gooftaa! Maqaa keetiifis ulfina in kennu*.

¹⁰Ati guddaa dha, bojiin kees dinqisiisaa dha, si'uma duwwaatu Waaqayyo!

*8 135:5; Bau 15:11

*9 96:7-10; Mul 15:4

¹¹Ani siif amanamee akkan deddeebi'utti, yaa Waaqayyo, karaa kee na barsiisi, maqaa kee safeeffachuufis nama garaa tokkichaa na godhi*!

¹²Yaa Waaqayyo gooftaa ko, ani garaa koo guutuudhaan sin galateeffadha, bara baraanis maqaa keetiif ulfina nan kenna.

¹³Gaarummaan ati ana argisiifte guddaa dha, ati lubbuu koo boolla lafa jalaa isa gad fagoo keessaa baafteetta*.

*11 25:4; Yoh 14:6

*13 30:3

¹⁴Yaa Waaqayyo, warri gad-dbiisatti jiraatan ana irratti ka'an, gareen warra nama sodaachisaniis jireenya koo balleessuu in barbaadu; isaan kun of dura si hin buufanne.

¹⁵Ati garuu yaa gooftaa, Waaqayyo oo'a-qabeessaa fi araara-qabeessa; aariitti suuta jetta,

gaarummaan kee fi amanamummaan kee immoo guddaa dha*.

¹⁶Gara kootti garagali, araara anatti argisiisi, humna kee garbicha keetiif kenni,

ilma garbitti keetiis oolchi!

¹⁷Milikkinni gaarummaa kee ana irratti akka argamu godhi,

yaa Waaqayyo, akka ati na gargaarte, akka ati na jajjabeessites, warri ana jibban arganii haa yeella'an.

*15 103:8; Bau 34:6

Jajata Yerusaalem

(Faarfannaa ilmaan Qoraahi; weedduu)

87 ¹Mandarri Waaqayyo hundee isbee kaa'e, tulloota qulqullaa'oo gubbaa in dhaabatti;

²Waaqayyo iddoo buufata Yaaqoob hundumaa caalaa mandara Xiyoona karra isbee wajjin in jaallata.

³Yaa mandara Waaqayyoo, wanti ulfina-qabeessi waa'ee keef in dubbatama;

⁴"Rahaab-Gibxii fi Baabilonin warra ana beekanitti nan lakkaa'a,

ilaa, warri Filisixiyaa, warri Xiirraas, warri Itoophiyaas akka warra achitti dhalataniitti fudhataman" in jedhama.

⁵Waa'ee Xiyooniifis, "Namni kun, namni sunis, ishec keessatti in dhalate, aabba inni hundumaa gararraa jirus jabeesse ishee dhaabeera" in jedhama.

⁶Waaqayyo maqaa saba lafa irraa yeroo caafus, "Warri kun achitti dhalatan" in jedha.

⁷Warri faarfatanii fi warri weeddisaa naanna'an, "Wanti hundinuu si biraa anaaf in burqa" jedhanii wal jalaa in qabu*.

*7 36:9

Boo'icha Nama Baay'ee Rakkatee

(Weedduu; faarfannaa ilmaan Qoraahi geggeessituu warra faarfattootaaf; akka qooqa faarfannaa isa "Mahalaat" jedhamee beekameetti faarfatame; mararoo Hemaan nama Ezraahaa)

88 ¹Yaa Waaqayyo gooftaa ana fayyiftuu, guyyaa gara keetti nan iyyadha,

- halkanis fuula kee duratti nan wawwaadha.
² Kadhanni koo si bira anaaf haa ga'u,
 ati immoo gurra kee gara boo'icha kootti qabil
³ Lubbuun koo rakkina quufteetti, jireenyi koos boolla lafa jalaa isa gad fagootti dhi'aateera.
⁴ Ani warra gara boollichaa dhaqanitti nan lakkaa'ame, akka nama bumna hin qabnees nan ta'e;
⁵ ani akka nama warra du'an keessatti gatamee, akka isa waraanamee awwaala keessa ciisun, akka warra ati deebitee hin yaadanee nan ta'e;
 eegumsi harka kee isaan kana irraa citeera*.
⁶ Ati boollicha gara jalaa keessa, iddoo dukkanaa'aa fi gad fagoo keessa na bunfte.
⁷ Dheekkamsi kee ulfaattee ana irra in ciisa,
 dha'aa kee hundumaas ana irra danbaliisifte*.
^{*5 His 32:19-20}
^{*7 42:7}
⁸ Firoonni koo akka ana dhi'eessan, ani immoo isaanitti wanta nama jibbisiisu akkan ta'u gooteetta;
 akka ani jalaa hin baanettis balballi anatti cufameera*.
⁹ Gadduu koo irraa kan ka'e iji koo dadhabaa in adeema, guyyuma guyyaatti ani sin waammadha,
 yaa Waaqayyoo!
 Harka koo gara keetti nan diriirsa.
^{*8 38:11}
¹⁰ Ati warra du'aniif dinqii hojjettaa ree?
 Yookiis ekeraan si jajuuf in ka'uu ree?
¹¹ Awwaala keessatti gaarummaan kee,
 lafa badiisaattis amanamummaan kee in himamaa ree?

- ¹² Hojiin kee inni dinqisiisaan dukkana keessatti,
 yookiis qajeelummaan kee biyya wanti bundinuu itti irraanfataame sanatti in beekamaa ree*?
^{*10-12 6:5; Isa 38:18}
¹³ Ani garuu yaa Waaqayyoo, gargaarsaaf gara keetti nan iyyadha,
 ganamas kadhanni koo si duratti in dhi'aata.
¹⁴ Yaa Waaqayyoo, maaliif of irraa na fageessita?
 Fuula kees maaliif ana duraa dhoksita?
¹⁵ Ijoollummaa kootii jalqabee gadadamaa, du'attis kanan dhi'aadhee dha,
 naasisuu kee baadhee, waanan godhu wallaalera.
¹⁶ Dheekkamsi kee inni boba'aan na irra bu'eera,
 naasisuun kees badduu na baaseera.
¹⁷ Isaan guyyaa guutuu akka lolaa na marsan,
 gara hundumaanis naanna'anii karaa anatti in eufan.
¹⁸ Jaalalleen koo fi firoonni koo akka ana irraa fagaatan in goote,
 ammas dukkana duwwaatu buriyaa koo ti!
Abdila Waaqayyoo
Utuu Hin Raawwatamin
Hafuu Danda'aa Ree?
 (Mararoo Etaa nama Ezrahaa)
89 ¹ Yaa Waaqayyoo, yeroo hundumaa waa'ee gaarummaa kee isa baay'ee nan faarfadha,
 amanamummaa kee dhaloota hundumaatti afaan kootiin nan labba.
² Ani, "Gaarummaan kee bara baraan jabaatee dhaabate,
 amanamummaa kees akka bantiwwan waaqaa jabeessiteetta"
 jedhee nan dubbadha*.
³ Ati immoo, "Isa ani fo'adheef kakuu galeera,

- Daawit garbicha kootiif kakadbeera*;
⁴ 'Sanyii kee bara baraan nan jabeessa,
 dhalootaa hamma dhalootaattis teessoo kee nan dhaaba"
 jetteetta*.
^{*2 36:5-6}
^{*3 132:11; Isa 55:3}
^{*4 2Sam 7:16; 1Sen 17:11-14; Far 132:11; HoE 2:30}
⁵ Bantiwwan waaqaa hojii kee isa dinqisiisaa,
 walga'iin qulqullootaas amanamummaa kee in jajatu,
 yaa Waaqayyoo*!
⁶ Waaqayyoon kan qixxaatu duumessa gararraa eenyutu jira?
 Warra bantii waaqaa irra jiran keessaas
 kan akka Waaqayyoo eenyu ree*?
⁷ Waaqayyoo walga'ii qulqullootaa keessatti
 guddaa sodaatamaa dha,
 warra naannoo isaa jiran hundumaa gararraa jira,
 guddaa sodaachisaa dhas.
^{*5 19:1}
^{*6 82:1}
⁸ Yaa Waaqayyoo gooftaa maccaa,
 kan akka keetii eenyu ree?
 Yaa gooftaa, ati aango-qabeessa,
 amanamummaan kees si naanna'ec jira.
⁹ Bokoka galaanaa irratti sin gooftummaa qaba,
 dha'aan isaa yommuu ol ka'us situ gab godha*;
¹⁰ Rahaab jawwee galaanaa sana,
 akka wanta qalameetti lafatti tumte;
 aangoo irree keetiin diinota kee bittimsite*.
¹¹ Waaqichi kan kee ti, lafichis immoo kan kee ti,
 biyya lafaa, wanta isa keessa guutes situ achi kaa'e*.
¹² Gara bitaa fi gara mirgaa situ uume,
 tulluun Taaborii fi tulluun Hermoon
 maqaa keetti in ililchu.
¹³ Irreen jabina qabu kan kee ti,
 harki kee jabaa dha,
 harki kee mirgaa ol kaafamaa dha;
¹⁴ teessoon kee qajeelummaa fi dhugaa irra dhaabate,
 gaarummaanii fi amanamummaan si dura in adeemu*.
^{*9 107:29; 65:7; Mat 8:26; Iyo 38:8-11}
^{*10 Iyo 9:13; 26:12; Isa 51:9-10}
^{*11 24:1}
^{*14 97:2; 85:13}
¹⁵ Sabni sagalee gammachuu dhageessisee beeku haa gammadu!
 Isaan ifa fuula kee irraa ifu keessa in deddeebi'u, yaa gooftaa!
¹⁶ Isaan guyyaa hundumaa maqaa keetti gammaduu isaanii in dhageessisu,
 qajeelummaa keetiin ol in kaafamu.
¹⁷ Ati guddina jabina isaanii ti,
 tole nuun jechuu keetiin gaanfa mataa keenyaa ol in qabda.
¹⁸ Gaachanni keenya kan Waaqayyoo ti,
 mootiin keenyas kan qulqulluu Israa'el*.
^{*18 84:9; 2:6}
Daawltiif Abdii Kennuu Isaa
 (2Sam 7:8-16; Isa 55:3-5)
¹⁹ Baras isa siif of kennetti mul'atatti itti dubbattee,
 "Ani gargaarsa koo isa jagna tokkotti kenneera,
 isa saba keessaa fo'ame tokkos ol qabeera;
²⁰ Daawit garbicha koo argadhee,
 dibata koo isa qulqulluudhaan isa dibeera.
²¹ Harki koo cimsee isaa wajjin jira,
 irreen koo immoo isa in jabeessa;
²² diinni isa gabbarsiisuu hin danda'u,
 namni jal'aanis gad isa hin qabu;
²³ warra isa cunqursan fuula isaa duratti nan caccabsa,
 warra isa jibbanis lafaan nan dha'a;

- ²⁴ amanamummaan koo fi gaarummaan koo isaa wajjin jiru, maqaa kootiin isaa ol in ka'a.
- ²⁵ Galaana harka isaa jala, lagootas harka isaa mirgaa jala nan galcha.
- ²⁶ Inni, 'Ati abbaa koo ti, Waaqayyo koo ti, ati kattaa isa ani itti baqadhee ooluu dha' jedhee ana in waammata.
- ²⁷ Ani immoo angafa, isa mootota lafa irraa caalu, isa nan godha.
- ²⁸ Gaarummaan koo bara baraan isa bira akka jiraatuuf nan eega, kakuun ani kakadhe isaaf amanamee in jiraata.
- ²⁹ Sanyii isaa bara baraan, teessoo isaas hamma bantiwwan waaqaa jiranitti jabeessee nan dhaaba.
- ³⁰ "Ijoolleen isaa garuu seera koo yoo dhiisan, akka isa ani qajeelchee dhaabeetti yoo jiraachuu dhaabaatan,
- ³¹ seerrata koo yoo xureessan, ahboommii koos yoo eeguu dhaabaatan,
- ³² irra-daddarbaa isaanii ulcedhaan nan adaba, yakka isaaniitiif isaan nan dhaana.
- ³³ Garuu gaarummaa koo isa irraa hin deebisu, amanamummaan koos kan sobaa hin ta'u.
- ³⁴ Kakuu koo hin cabsu, dubbii afaan koo keessaa ba'es hin diddiiru.
- ³⁵ Ani takkaa qulqullummaa kootiin kakadheera, matumaa Daawitin hin sossobu.
- ³⁶ 'Sanyiin isaa, bara baraan in jiraata, teessoon isaas hamma biiftuun fuula koo dura jirtutti in tura;
- ³⁷ inni akka ji'a ishee dhuga-baatu amanamtuu duumessa keessaa,

bara baraan jabaatee in dhaabata" in jette.

- ³⁸ Amma garuu isa dibdee moosiftetti in dheekkamte, isa in tuffatte, in gattes;
- ³⁹ kakuu isa garbicha keef dhaabde in diigde, gonfoo isaa lafatti darbattee, duraa xureessite.
- ⁴⁰ Masaraa mandara isaa hundumaa in jigsite, marsaa isaas in diigde;
- ⁴¹ warri achiin darban hundinuu isa in saamu, olloota isaafis muka ga'oo in ta'a.
- ⁴² Warri isa cunqursan akka harka fudhatan goote, diinota isaa hundumaas in gammachiifte.
- ⁴³ Arfii billaa isaa in garagalchite, adda lolaa akka inni hin dhaabannes in goote;
- ⁴⁴ surraa isaa isa irraa fixxe, teessoo isaas lafatti darbatte;
- ⁴⁵ bara dargaggummaa isaa duraa gabaabsite, yeelloos itti uffifte*.
- ³⁸⁻⁴⁵ 2Mot 25:5-10
- ⁴⁶ Kun hamma yoomiitti ta'a, yaa Waaqayyo? Ati raawwattee of dhoksitaa ree? Dheekkamsi kees akka ibiddaa haa boba'uu ree*?
- ⁴⁷ Barri jireenya koo gabaabaa ta'uu isaa yaadadhu, ilmaan namaa kan akkasumaanji gootee qumte!
- ⁴⁸ Nama ta'ee jiraatee, utuu hin du'in kan hafu eenyu? Qabaa iddoo lafa jalaa keessaas, eenyutu lubbuu isaa oolfachuu danda'a?
- ⁴⁶ 13:1-2
- ⁴⁹ Baay'inni gaarummaa kee durii, inni ati amanamummaa keetiin Daawitiif kakatte, meerree ree yaa gooftaa?
- ⁵⁰ Ani garbichi kee muka ga'oo ta'uu koo,

- isa ani saba baay'ee kana hundumaaf danda'es yaadadhu, yaa gooftaa!
- ⁵¹ Ga'oo diinota kee yaa gooftaa, isa ati dibdee moosiftettis, lafa inni dhaqutti itti baacuu isaanii yaadadhu!
- ⁵² Maqaan Waaqayyoo bara baraan haa eebbifamu! Ameen! Ameen*!
- ⁵² 41:13
- Macaafni inni Afuraffaan**
(Kadhata Musee Nama Waaqayyoo)
(Faarfannaa 90-106)
- Waaqayyo Danda'aa Bara Baraa Ta'uu Isaa**
- 90** ¹Yaa gooftaa, ati dhalootaa hamma dhalootaatti, iddoo kooluu itti gallu nuuf taateetta.
- ² Tulloonna utuu iddoo isaaniiitti hin dhalatin lafti, guutummaan biyya lafaas utuu hin argamin, bara baraa jalqabee hamma bara baraatti ati Waaqayyoo dha.

- ³ Ati, "Yaa ijoollee namootaa, achitti deebi'aa" in jetta, namas deebiftee biyyoo isa in goota*.
- ⁴ Waggaan kumni tokko, siif akkuma guyyaa kaleessa darbee ti, akkuma darabee dammaqa halkanii tis*.
- ⁵ Ati namoota hartee in dabarsita, isaan akka hirriba ganama nama irraa darbuu ti; isaan akka marga iddoo isaatii baduu ti;
- ⁶ Margi ganama lalisee in daraara, galgala mataa buusee in coollaga*.
- ³ Uma 3:19; Far 146:4
- ⁴ 2Phe 3:8
- ⁵⁻⁶ 103:15-16; Isa 40:6-7; Iyo 14:2; 1Phe 1:24-25

- ⁷ Nuyi dheekkamsa keetiin naasifamnee, aarii keetiinis dhumneerra.

- ⁸ Ati irra-daddarbaa keenya of dura, cubhuu keenya isa dhoksaatti hojjennes ifa fuula kee dura keesseetta*.
- ⁹ Guyyoonni keenya hundinuu nuyi dheekkamsa kee jala utuu jirruu darban, akkuma isa yeroo hafuura dheeraa baafannuuttis, waggoota keenya in fixna.
- ¹⁰ Barri jireenya keenyaa waggaa torbaatama, yoo baay'ates waggaa saddeettama; wanti isaan keessaa guddaatti lakkaa'amus dadhabbi fi rakkina, isaan dafanii in darbu nuyis baallee baafnee in sokkina.

⁸ 19:12

- ¹¹ Humni aarii keetii eenyutti dhaga'ama? Akka ulfina guddaa isa siif ta'untti, dheekkamsa kee isa guddaa eenyutu hubata ree?
- ¹² Nuyi ogummaa garaatti akka gaffannutti, ati guyyoota jireenya keenyaa lakkaa'uu nu barsiisi*!
- ¹² 39:4-6
- ¹³ Hamma yoomiitti dheekkamta? Deebi'i, yaa gooftaa! Garboota keetiif oo'i*!
- ¹⁴ Bara keenya guutuu gammannee akka ililchiinutti, ati ganama gaarummaa keetiin nu quufsi!
- ¹⁵ Akkuma guyyoota baay'ee nu gaddisiifte, akkuma waggoota baay'ee itti hamaa argines, amma immoo nu gammachiisi!
- ¹⁶ Hojiin kee garboota keetti, guddinni kee ijoollee isaaniiitti akka mul'atu godhi!
- ¹⁷ Waaqayyo keenya gooftichi faara nutti haa tolu, inni hojii harka keenyaas cimsee nuuf haa dhaabu! Byyee hojii harka keenyaa cimsii dhaabi!

¹³ 13:1-2

Eegumsa Waaqayyoo Jala Jiraacbuu

- 91** ¹Namni golgaa isa hundumaa gararraa jiru keessa jiraatu, gaaddisa isa hundumaa danda'uu jala in buufata;
- ²Waaqayyoon, "Ani sitti kooluu galeera, ati masaraa koo ti; ati Waaqayyoo koo isa ani amanadhuu dha" in jedha*.

*2 18:2

- ³Waaqayyoo, kiyyoo namni siif kaa'e, dha'icha nama balleessu irraas si oolcha;
- ⁴harka isaatiin si golbooba, bobaa isaa jalatti kooluu in galta, amanamummaan isaa gaachanaa fi marsaa siif in ta'a*.
- ⁵Wanti halkan nama sodaachisu, xiyyi guyyaa namatti gad dhiifamuu si hin sodaachisin!
- ⁶Dha'icha dukkanaa namatti dhufu, dhukkuba adeemaa saafaa nama balleessu hin sodaatin!
- ⁷Kummi tokko si bukkeetti kummi kudhanis gara mirga keetti yoo kufan iyyuu, wanti namatti dhufu kun sitti hin dhi'aatu;
- ⁸ati garuu ija keetiin ilaaltee, gatii warra jal'ootaaf baafamu in argita.

*4 17:8

- ⁹Ati, "Yaa Waaqayyoo, ati isa ani kooluu itti galuu dha" jetteetta; isa hundumaa gararraa jirus iddoo kooluu itti galuu godhatteetta.
- ¹⁰Wanti bamaan sitti hin bu'u, dha'ichis mana keetti hin dhi'aatu.
- ¹¹Karaa ati adeemtu hundumaatti, akka si eeganiif ergamoota isaa siif in abbooma;
- ¹²miilli kee dhagaatti akka hin buuneef, isaan harka irratti si baatu*.

- ¹³Ati leencaa fi mar'ataa irra in ejjetta, leencaa saafelaa fi jawwee in dhidhiitta*.

*11-12 Mat 4:6

*13 Luq 10:19

- ¹⁴Waaqayyoo immoo, "Sababii inni na jaallatee anatti maxxanuuf, ani isa nan oolcha; waan inni maqaa koo beekuufis, eegumsaan ol isa nan qaba.
- ¹⁵Inni ana in waammata, anis deebii nan kennaaf, yeroo rakkinaatti isaa wajjin nan jiraadha, achi keessaa isa nan baasa, ulfina akka inni argatus nan godha*.
- ¹⁶Bara dheeraadhaan isa nan quufsa, akka ani fayyisus isa nan argisiisa" in jedha.

*15 50:15

Waaqayyoon Qajeelummaa Hojii Isaatiif Jajanli Beeksisu

(Faarfannaa; weedduu, guyyaa Sanbataaf)

- 92** ¹Waaqayyoo galata galchuun, yaa isa hundumaa gararraa jirtuu, maqaa kee jajatanii faarfachuun maal maal gaarii dha*!
- ²Ganama gaarummaa kee, halkanis amanamummaa kee himuun,
- ³sagalee mi'a ribuu kudhan qabuu fi kan kiraaraatiin, sagalee maseenqootiin dhageessisuun gaarii dha.
- ⁴Ati yaa gooftaa, gocha keetiin na gammachiifteetta, hojii barka keetti gammadee nan faarfadha!
- ⁵Hojiin kee attam guddaa dha, yaa Waaqayyoo, yaadni kees maal maal gad fagoo dha*!

*1 147:1

*5 104:24; Isa 55:9

- ⁶Wallaalaan kana hin beeku, gowwaanis kana hin hubatu.

- ⁷Warri jal'oonni akka margaa biqila yoo tolan iyyuu, warri hamaa godhan hundinuus yoo daraaran iyyuu, isaan raawwatanii balleeffamuuf jiru*.
- ⁸Ati garuu, yaa gooftaa! Bara baraan hundumaa gararraa dha.
- ⁹Ilaa kaa, diinota kee yaa gooftaa! Ilaa diinonni kee lafa irraa in badu, warri hamaa godhan hundinuus in bittimfamu!

*7 Fak 24:19-20

- ¹⁰Ati garuu gaanfa mataa kootii, akka gaanfa gafarsaatti ol anaaf kaafte, dibata ho'aas na dibde*.
- ¹¹Iji koo gad deebii diinota koo in arga, gurri koos waca warra hamoota ana irratti ka'anii in dhaga'a.

*10 23:5

- ¹²Namni qajeelaan akka muka meexxii biqila in tola, akka gaattiraa Libaanosis ol in guddata.
- ¹³Isaan akka biqiltuu mana Waaqayyoo keessa dhaabamanii, oobdii gooftaa keenyaa keessatti in lalisu.
- ¹⁴Dulluma keessa iyyuu ija in godhatu, isaan yeroo hundumaa jiidha qabu, in lalisu*.
- ¹⁵Kun qajeelina Waaqayyoo in bima; inni katta koo ti, isa bira immoo jal'inni hin jiru*.

*12-14 1:3; 52:8

*15 Kes 32:4

Guddina Waaqayyoo Mootichaa

- 93** ¹Waaqayyoo mootii dha, inni surraa uffate, aangoos uffatee akka hidhannaattis isa hidhate; biyyi lafaa jabaatee in dhaabata, iddoo isaatiis hin butatu*.
- ²Teessoon kee durii durii jalqabec jabaatee in dhaabata;

ati bara durii durii jalqabdee jirta.

*1 47:5-9; 96:10; 97:1; 99:1; Bau 15:18

- ³Bishaanonni yaa'an ol ka'aniiru, yaa Waaqayyoo, bishaanonni yaa'an huursaa isaanii ol kaasaniiru, bishaanonni yaa'an bubbisuu isaanii ol kaasaniiru.
- ⁴Huursaa bishaan baay'ee surraa qabu caalaa, dha'aa galaanaa isa humnaan wal rukutu caalaas, Waaqayyoo inni hundumaa gararraa jiru surra-qabeessa*!
- ⁵Abboommiin siif dhugaa ba'u, guddaa amanamaa dha, manni kee guyyaa hundumaa qulqullumaatti eegamuun in ta'a, yaa Waaqayyoo!

*3-4 Iyo 38:8-11; Far 65:7

Dhugaan Iddoo Isaatti Deebi'uu

- 94** ¹Yaa Waaqayyoo, gooftaa gumaa baafuu, ati Waaqayyoo, inni gumaa baafuu, ifa kee keessaan mul'adhu*!
- ²Yaa abbaa firdii lafa kanaa ka'ji! Warra hamaa hojjetanii ittiin of jajan, hojii isaanii mataa isaanii deebisi*!
- ³Yaa Waaqayyoo, jal'oonni hamma yoomiitti akkasitti turu? Jal'oonni hamma yoomiitti gammaduun isaanii argisiisu*?
- ⁴Dubbii salphinaa gad in jijjigsu, warri hamaa godhan hundinuus of in gurguddisu.

*1 Kes 32:35

*2 Uma 18:25

*3 13:1-2

- ⁵Yaa Waaqayyoo, isaan saba kee in caccabsu, warra dhuunfaa keetiis gad in qabu.
- ⁶Isaan haadha hiyyeessaa, galaas in gorra'u, warra abbaan irra hin jirres in ajjeesu.
- ⁷Isaan, "Gooftichi hin argu,

Waaqayyo inni kan Yaaqoob
yaadaan bin qabu"
in jedhu*.

*7 10:11

*8 Saba keessaa warri wallaaloo
taatan hubadhaa!

Isin warri gowwoonni yoom
ogeeyyii taatu?

*9 Inni gurra namaaf dhaabe ofii
isaatii hin dhaga'uu ree?

Inni ija tolche ofii isaatii bin
arguu ree*?

*10 Inni saba lafa irraa gorse
deebisu,

inni beekumsa nama barsiisu,
ofii isaatii hin adabuu ree?

*11 Gooftichi wanta namni yaadu,
namni akka qilleensa shuf
jedhuu

duwwaa ta'uu isaas in beeka*.

*9 Bau 4:11

*11 1Qor 3:20

*12 Yaa Waaqayyo, namni ati
gorsitee deebiftu,
inni ati seera kee barsiiftus
gammacbuu qaba*!

*13 Hamaa nama jal'aadhaaf boolli
qotamutti,
barsiisuu keetiin guyyaa
rakinaatti

ati boqonnaa isaaf in laatta.

*14 Waaqayyo saba isaa bin buusu,
warra dhuunfaa isaa ta'ani bin
dhiisu!

*15 Firdiin gara qajeelummaatti in
deebi'a,

gara-qajeelonni hundinuu isa
duukaa in bu'u.

*12 Iyo 5:17

*16 Eenyutu ka'ee anaaf jedhee
warra jal'ootaan morma?

Eenyutus warra hamaa
hojjetaniin mormuudhaaf

gara koo dhaabata?

*17 Waaqayyo utuu ana hin gargaarre
ta'ee,

silaa yowwana lubbuun koo
biyya warra cal jedhanii keessa
buufatteetti*!

*18 Yeroo ani, "Miilli koo in
sigigaate" jedhetti,
gaarummaan kee qabee na
oolche, yaa Waaqayyol

*19 Yeroo yaaddoon garaa kootti
baay'atu,
ati na jajjabeessitee lubbuu koo
in gammachiifta*.

*17 124:1-5

*19 2Qor 1:4-5

*20 Namni badiisa namatti fiduudhaaf
barcuma firdii irra taa'u,

inni seera jal'isee

wanta hamaa nama irratti

qopheessu,

sii wajjin walitti hidhacbuu in

danda'aa ree?

*21 Isaan jireenya nama qajeelaa
irratti in gamtatu,

dhiiga nama balleessaa hin

qabneetti

dhangala'uu in muru.

*22 Waaqayyo garuu da'oo anaaf
ta'cera,

Waaqayyo kattaa ani kooluu
itti galuu dha.

*23 Inni yakka isaani mataa
isaaniitti in deebisa,

jal'ina isaaniitiifis lafa irraa

isaan in balleessa,

Waaqayyo keenya gooftichi

lafa irraa isaan in

balleessa.

**Waaqayyoof Abboomamanii
Isa Jajachuu**

95 *1 Kottaa Waaqayyoon in
faarfannaa!

Kattaa isa itti baqannee oollutti
gammaduu keenyas in
dhageessifna.

*2 Galataan fuula isaa duratti in
dhi'aanna,

isatti gammaduu keenya

faarfannaadhaan in

dhageessifna.

*3 Waaqayyo gooftaa isa guddaa
waan ta'ee,

waaqayyolii hundumaa irrattis

inni mootii guddaa dha*;

*4 lafa jalaa iddoon gad fagoon
harka isaa keessa jira,

bantiin tullootaas kan isaa ti;

*5 galaanonni kan isaa ti, isatu

isaan hojjete,

lafti gogaanis kan isaa ti

harka isaatu isa tolche.

*3 Bau 15:11

*6 Kottaa in sagannaa gadis in
jenna,
Waaqayyo uumaa keenya
durattis in jilbeenfannaa!

*7 Innoo Waaqayyo keenya,
nuyi saba barka isaa jala

jirruu dha,

hoolota inni tiksuu dhas

har'a sagalee isaa utuu

dhaggeeffattanii attam

gaarii dha*!

*7 74:1; 100:3; Yoh 10:27-28

*8 Akkuma Mariibaa iddoo morkii
sanatti,

akka gaafa Maasaa iddoo

qoramaa isa lafa onaa

keessaatti

isin mata-jabeeyyii hin

ta'inaa*!

*9 Abaabiliin keessan achitti na
qoran;

wanta ani godhe utuma arganii
qorarii na ilaalan*.

*10 Waggaa afurtamaaf
dhaloota akkasii arguu na

jibbisiise,

ani, "Isaan saba garaan isaa

karaa irraa kaatuu dha,

karaa koos beekuu hin

barbaadan;

*11 Kanaafan aaree,

"Matumaa biyya boqonnaa isa

ani qopheessetti

hin galan" jedhee kakadhe"

jedhe*.

*8 Ibr 3:7-8

*9 Bau 17:2,7

*11 Lak 14:21-23; Ibr 4:3

**Waaqayyo Guutummaa Biyya
Lafaatti Mootii Ta'uu Isaa**
(1Sen 16:23-33)

96 *1 Faarfannaa haaraadhaan
Waaqayyoon faarfadhaa,
guutummaan biyya lafaas
Waaqayyoon faarfadhaa*!

*2 Waaqayyoon faarfadhaa, maqaa
isaas eebbisaa,

fayyisuu isaas guyyuma

guyyaatti labsaa!

*3 Saba lafa irraa keessatti

guddina isaa,

saba hundumaa keessattis

gocha isaa isa dinqisiisaa

beeksisaa!

*1 33:3; 40:3; 98:1; Isa 42:10; Mul 5:9; 14:3

*4 Waaqayyo guddaa dha, guddisee
jajamuun in ta'aaf,
waaqayyolii hundumaa
gararraattis

sodaatamuun isaaf in ta'a.

*5 Waaqayyoliin saba warra kaanii
hundinuu

kan dhimma bin baafnee dha,

Waaqayyo garuu bantiwwan

waaqaa in hojjete*.

*6 Surraan, simboonis fuula isaa
dura,

aangoon, miidhagummaan

mana qulqullummaa isaa

keessa jiru.

*5 115:3-6; Isa 40:18-26

*7 Isin qomoon saba bundaa

Waaqayyoof ulfina dhi'eesaa!

Aangoo Waaqayyos beeksisaa!

*8 Ulfina maqaa isaatiif ta'u

Waaqayyoof dhi'eesaa!

Keenaa fidaatii gara oobdii

isaa kottaa!

*9 Qulqullummaa akka mi'a

miidhaginaatti

naqadhaatii Waaqayyoof

sagadaa,

yaa guutummaa lafaa, isa

duratti rom'ii!

*10 Saba lafa irraa keessatti,

"Waaqayyo mootii dha!

Eyyee, inni biyya lafaa jabeessee

dhaabeera,

iddoo isaatiis akka inni hin

butanne godheera;

qajeeltoodhaanis

saba hundumaaf firdii in

kenna" jedhaa*!

*11 Bantiwwan waaqaa haa

gammadan,

laftis gammachuu haa qabaatu,

galaanni wanti isa keessa

guutes haa huursu!

*12 Bakkeen, wanti isa keessa jiru

hundinuus haa gammadan

eyyee, mukkeetiin caakkaa

hundinuu

sagalee gammachuu haa

dhageessisan!

*13 Kun fuula Waaqayyoo duratti

in ta'a,

inni in dhufa,

eyyee, inni lafaaf firdii

kennuudhaaf in dhufa;

guutummaa biyya lafaaf
qajeelummaadhaan
saba hundumaafis
amanamummaadhaan
firdii in kenna*.

*10 93:1

*13 9:8; 82:8; HoE 17:31...

Waaqayyo Mootii Ta'uu Isaatti Gammaduu

97 'Waaqayyo mootii dha! Lafti
gammachuu haa qabaattu!
Biyyi bisbaan keessaa warri
baay'een haa gammadan*!

2 Duumessi ifaan, duumessi
gurraachi dukkanaa'aanis
isatti naanna'anii jiru,
teessoon isaas qajeelummaa fi
dhugaa irra dhaabate.

3 Ibiddi fuula isaa dura in adeema,
diinota isaa naannoo isaatii
nyaatee in fixa;

4 balaqqeessi isaa biyya lafaa
in ibsa,

lafti isa in arga, in rom'as*;

5 fuula Waaqayyoo duraa, fuula
gooftaa guummaa lafaa
duraa,

tulloonni akka gagaa in baqu*.

6 Bantiwwan waaqaa qajeelummaa
isaa in labsu,
sabni hundinuus ulfina isaa
in argu*.

*1 93:1

*3-4 Anb 3:3-4

*5 Iya 3:13

*6 47:4-6; 50:4,6

7 Warri bifa fakkeenya
dhaabbatanii hojjetaniif
hundinuu,

waaqayyolii tolfamaniinis
warri of jajan in yeellaasifamu;
waaqayyoliin hundinuu
goofrichaaf in sagadu*.

* Warri Xiyyoon kana dhaga'anii in
gammadu,
ijoolleen Yihudaas firdii
kennuu keetiif
in ililchu; yaa Waaqayyo!

* Yaa Waaqayyo, ati guummaa
lafaa hundumaa gararraa
jirta,
waaqayyolii hundumaa
gararraattis
ol ol in jetta*.

*7 Isa 41:21-24; Er 46:25; Ibr 1:6

*9 Bau 15:11

10 Isin warri Waaqayyoon jaallattan
wanta hamaa jibbaa!
Inni lubbuu warra isaaf of
kennanii in eega,
harka jal'ootaas isaan in oolcha.

11 Nama qajeelaaf ifni,
warra gara-qajeelotaafis
gammachuun in ba'a;

12 qajeelota nana, Waaqayyotti
gammadaa,
seenaa qulqullina isaatiifis
galata isaaf galcbaa!

Faarfannaa Haaraadhaan Waaqayyoon Faarfachuu (Faarfannaa)

98 'Hojii guddaa dinqisiisaa
waan hojjeteeff,
faarfannaa baaraadhaan
Waaqayyoon faarfadhaa!

Harki isaa inni mirgaa,
irreen isaa inni qulqullunnis,
mo'icba isa argachiisaniiru*.

2 Waaqayyo mo'uu isaatiin
fayyisuu isaa beeksiseera,
saba lafa irraa durattis
gocha isaa isa qajeelaa
mul'iseera.

3 inni gaarummaa isaa fi
amanamummaa isaa,
mana Israa'eliif yaadateera;
warri andaara lafaa jiran hundinuu
fayyisuu Waaqayyo keenyaa
arganiiru*.

*1 33:3; 96:1-2; Isa 63:5

*3 Isa 52:10

4 Yaa guummaa lafaa,
Waaqayyotti gammaduu kee
guddisii dhageessisi,
weedduu gammachuu guddisii
dhageessisi,
ililleedhaanis faarfadhu!

5 Sagalee kiraara guddaatiin,
kiraaraa fi sagalee
faarfannaatiin
Waaqayyoon jajadhaa!

6 Fiingee fi fiinoo afuufaa,
Waaqayyo mooticha durattis
gammaduu keessan guddisaa
dhageessisaa!

7 Galaanni, wanti isa keessa gunte,

biyyi lafaa,
warri isa keessa jiraatanis haa
huursan*!

* Lagoonni barka isaanii walitti
haa rukutan,
tulloonni walii wajjin haa
ililchan!

* Waaqayyo lafaaf firdii kennunf
waan dhufuuf,
fuula isaa duratti kana haa
dhageessisan!
inni qajeelummaadhaan biyya
lafaa firdii in kenna,
saba bundumaas
qajeeltootti firdii in
dhageessisa*.

*7 96:11-12

*9 96:13

Guddina Waaqayyoo Ol Ol Kaasuu

99 'Waaqayyo mootii dha,
sababii kanaaf sabni hundinuu
in rom'a!

Inni teessoo isaa isa Kiruubel
baatan irra jira,

sababii kanaaf lafti in socho'a*!

2 Waaqayyo Xiyyoonitti guddaa dha,
inni saba hundumaa irratti ol
jedhaa dha.

3 Maqaa kee isa guddaadhaa fi isa
sodaatamaadhaafis
galata haa galchan!
Inni dhuguma qulqulluu dha!
*1 93:1; 18:10; 2Sam 6:2

4 Aangoon mootichaa,
wanta dhugaa ta'e in jaallata;
ati wanta qajeelaa ta'e
jabeessitee dhaabdeetta,
dhugaan, qajeelummaan
Yaaqoob keessatti
akka argamu gooteetta.

5 Waaqayyoon gooftaa keenya
ulfinaan ol kaasaa,
ejjeta miilla isaa jalatti isaaf
sagadaa!
Inni dhuguma qulqulluu dha*!
*5 132:7-8; 1Sen 28:2; Faru 2:1

6 Muscenii fi Aaron luboota isaa
keessa turan;
Saamu'elis immoo
warra maqaa isaa waammatan
keessaa tokko ture;
isaan Waaqayyoon waammatan,

innis isaaniif deebise.

* Inni utubaa duumessaa keessaa
isaanitti dubbate,
isaan immoo abboommii isaaf
dhugaa ba'u,
seerrata inni isaaniif kennes
ceganiiru*.

*7 Bau 33:9

* Yaa Waaqayyo gooftaa keenyaa,
ati deebii isaaniif kennite;
Waaqayyo isa isaaniif dhiisu,
hojii isaanii irrattis isa haala
isaanitti ba'u taateettaaf*.

* Waaqayyoon gooftaa keenya
ulfinaan ol kaasaa,
Waaqayyo gooftaan keenya
qulqulluu dha;
nilluu isaa isa qulqullaa'aa
irratti isaaf sagadaa!

*8 Bau 34:7; Dan 9:15-16

Waaqayyoon Jajachuutti Waamamuu

(Faarfannaa, isa yeroo galata akka
aarsaatti dhi'eessan faarfatanu)

100 'Yaa guutummaa biyya
lafaa,

Waaqayyotti gammaduu kee
guddisii dhageessisi!

2 Waaqayyoof gammachuudhaan
bojjedhaa,
ililleedhaanis gara fuula isaa
dura kottaa!

3 Goofticbi Waaqayyo akka ta'e
beekaa!

Isam nu uume, nuyi immoo
kan isaa ti;

nuyi saba isaa ti, hoolota tika
isaa jala jirruu dha*!

*3 95:7; Bau 19:5; Far 74:1

4 Galata galchundhaan gara balbala
kellaa isaatti,
jajuudhaanis gara oobdii isaatti
ol galaa!

Isaaf galata galcbaa, maqaa
isaas cebbisaa!

5 Waaqayyo gaarii dha'o,
gaarummaan isaa bara baraan,
amanamummaan isaas dhalootaa
hamma dhalootaatti
achuma jira*.

*5 118:1; 106:1; 136:1; Er 33:11

Wanta Qajeelaa Jaallachuu, Wanta Hamaamoo Jibbuu

(Faarfannaa Daawit)

101 ¹Waa'ee gaarummaa, waa'ee firdii dhugaa nan weeddisa,

sagalee mi'aa dhageessisuudhaanis sin faarfadha, yaa Waaqayyo.

²Ati yoom gara koo dhufta? Waa'ee jireenya balleessaa hin qabnee nan yaada,

mana koo keessas garaa balleessaa hin qabneen nan jiraadha;

³wanta gadhee ija koo dura kaa'ee hin taa'u,

irra-daddarbaa nan jibba, akka maxxannee anatti hin qabatu.

⁴Yaadni micciiramaan garaa koottii haa fagaatu, waa'ee wanta hamaa beekuu isaa iyyuu hin barbaadu.

⁵Dhoksaatti nama kan hamatu, lammaffaa akka hin dubbanne nan godha; nama waan guddaatti of ilaaluuf, nama of bokoksuufis ani obsuu hin danda'u.

⁶Iji koo gara warra Waaqayyoof amanamanii biyya keessa taa'anii jira, isaan anaa wajjin haa jiraatan; namni karaa waa balleessaa hin qabnee irra deddeebi'u, anaaf haa hojjetu!

⁷Namni haxxummaadhaan hojjetu, mana koo keessa hin jiraatu, namni soba dubbatu ija koo dura hin dhaabatu.

⁸Namoota hamaa hojjetan hundumaa mandara Waaqayyoo keessaa balleessuudhaaf, ganama ganama jal'oota biyya keessa jiran hundumaa lammaffaa akka hin dubbanne nan godha*.

*1-8 72:1-4, 12-14; Fak 20:8, 28

Nama Utuma Rakkatee Boo'uu Xiyoonlif Waan Gaarii Abdatu

(Kadhata nama gad deebi'e tokkoo, isa yeroo inni gaggabee fuula Waaqayyoo duratti dhibee isaa dhangalaasu)

102 ¹Yaa Waaqayyoo, kadhata koo anaaf dhaga'i, iyyati koos si bira anaaf haa ga'u!

²Guyyaa rakkina kootti, ati fuula kee achi ana irraa hin qabatin!

Gurra kee gara kootti qabi, yeroo ani si waammadhuttis, dafii anaaf deebisi*!

*2 31:2; 69:17; 143:7

³Barri koo akka aaraatti in darba, lafeen koos akkuma iddoo ibiddaa in guba;

⁴garaan koo madaa'ee akka margaa waan coollageef, buddeena koo nyaachuu nan dadbaba.

⁵Sababii ani guddisee aaduuf, foon koo lafee kootti goge.

⁶Ani haadha-gaayyee ishee lafa onaa keessaa nan fakkaadhe,

akka hurunguu lafa waa diigamees nan ta'e.

⁷Akkuman ilaaletti nan bula, ani akka simbira kopha-galeettii ishee bantii manaa irra jirtuu ti.

⁸Diinonni koo guyyaa hundumaa anatti ga'isan, warri na doorsisanis maqaa koo maqaa abaarsaa godhatan.

⁹Ani daaraa akka buddeenaatti nan nyaadhe, imimmaanis waanan dhugutti nan makadhe.

¹⁰Aarii kee fi dheekkamsa kee irraa kan ka'e, ati ol fuutee gad na darbatteetta.

¹¹Guyyoonni koo akka gaadidduu gabaabbachaa adeemnu ti, anis akka margaa nan coollaga.

¹²Ati garuu yaa Waaqayyoo, bara baraan teessoo kee irra jirta, seenaan kees dhalootaa hamma dhalootaatti in yaadatama.

¹³Ati in kaata, Xiyooniifis garaa in laafta, yeroon dhaaba sanaa waan ga'eef, yeroon kun

yeroo ati araara isheetti argisiiftuu dha.

¹⁴Garboota keetiif dhagoonni ishee iyyuu gatii qabu, hurraa'aan isaas garaa isaanii in moogessa.

¹⁵Yommus sabni lafa irraa maqaa Waaqayyoo, mootonni lafaa hundinuus, ulfina kee in sodaatu.

¹⁶Waaqayyoo Xiyoonin deebisee yommuu ijaaru, ulfina isaatiin in mul'ata*.

¹⁷Inni gara kadhata warra harka duwwaa hambifamaniitti in garagala, himata isaaniis hin tuffatu*.

*16 96:7-10

*17 147:2

¹⁸Sabni amma illee hin dhalatin jiru goofticha akka jajattuti, kun dhaloota dhufuuf haa caafamu.

¹⁹Waaqayyoo iddoo isaa isa qulqulluu ol gararraa sanaatii gad in ilaala, bantii waaqaa keessaas gara lafaa in ilaala.

²⁰Inni aadnaa warra hidhamanii dhaga'uu, warra du'i itti murames gad dhiisuu in barbaada*.

²¹Namoonni maqaa Waaqayyoo Xiyoon keessatti, jajuu isaas Yersaalem keessatti in labsu.

*20 14:2

²²Kunis yeroo sabni hundinuus walitti qabaman, mootummoonnis Waaqayyoof hojjechuudhaaf wal ga'anii dha*.

*22 Isa 60:3-10; Luq 13:29-30

²³Utuu ani iddoo hin ga'in, inni humna koo cabseera; bara koos gabaabseera.

²⁴Ani immoo, "Yaa Waaqayyoo ko, yaa isa waggoonni kee dhalootaa

gara dhalootaatti darbanii, walakkaa bara kootiitti ana hin fudhatin!" nan jedhe*.

*24 55:23

²⁵Bara duriitti ati hundee lafaa in keesse,

bantiwwan waaqaas hojii harka keetii ti.

²⁶Isaan baduuf jiru, ati garuu haftee in jiraatta; isaan hundinuus akka uffataa in ciccitu,

ati akka uffataatti baaftee isaan in gatta, isaanis in dhidhimu!

²⁷Ati garuu isuma sana, waggoonni kees dhuma hin qaban*.

²⁸Ijoollaan garboota keetii mana godhatanii in taa'u, sanyiin isaaniis fuula kee duratti

jabaatanii in dhaabamu.

*25-27 Ibr 1:10-12; Far 90:2; Isa 51:6

Waan Waaqayyoo Namaaf Godhe Hundumaaf Galata Galchuu

(Kan Daawit)

103 ¹Waaqayyoon ulfinaan jajadhu, yaa lubbuu ko, keessi namummaa koo guutummaatti maqaa isaa isa qulqulluu haa eebbisu!

²Waaqayyoon ulfinaan jajadhu, yaa lubbuu ko, wanta gaarii inni godhe hundumaas hin irraanfatin*!

³Inni yakka kee siif in dhiisa, dhukkuba kee hundumaattiis si fayyisa*;

⁴Jireenya kee awwaalamuu in oolcha, gaarummaa fi oo'a si gonfa*;

⁵inni jireenya kee waan gaariidhaan in quufsa, dargaggummaan kees haara'ee akka joobiraa in taata*.

*2 Kes 4:9

*3 32:1-2; 38:4-6

*4 30:3

*5 Isa 40:31

*6 Waaqayyoo qajeelummaa in hojjeta,

- warra cunqurfamaniifis
firdii qajeelaa in baasa.
*7 Inni karaa bojjii isaa Museetti,
gocha isaas ijoollee Israa'elitti
in beeksise*.
*8 Waaqayyoo oo'a-qabeessaa fi
araara-qabeessa,
aariitti suuta in jedha,
gaarummaan isaas guddaa dha*.
*9 Inni si'a hundumaa dubbii gad
hin kota'u,
bara baraanis akka
dheekkametti bin hafu*!
*10 Akka cubbuu keenyaatti nu irratti
hin hojjetu,
akka yakka keenyaattis nutti
hin deebisu.
*11 Bantiwwan waaqaa
lafa irraa fagaachuun isaanii
guddaa akka ta'e,
gaarummaan Waaqayyoo akkasuma
warra isa sodaataniif guddaa
jabaa dha*.
*12 Ba'i-biiftuu lixa-biiftuutii akka
fagaatu,
innis irra-daddarbaa keenya
nuttii in fageessa;
*13 abbaan ijoollee isaatiif akka
garaa laafu,
Waaqayyos akkasuma
warra isa sodaataniif garaa in
laafa*.
*14 Akka nuyi itti hojjetamne
inni in beeka,
biyyoo ta'uu keenyas in
yaadata*.
*7 Bau 3:7-10; 33:13
*8 Bau 34:6; Far 86:15
*9 Isa 57:16
*11 36:5; Isa 55:8-9
*13 Luq 15:11-24
*14 90:3; Uma 2:7; 3:9
*15 Barri namaa akkuma margaa ti,
akka daraaraa bakkees in
daraara;
*16 yeroo qilleensi itti qilleensa'u,
inni achii in dhabama;
iddoon isaas deebi'ee hin
beekamu.
*17 Gaarummaan Waaqayyoo garuu
baraa hamma bara baraatti,
warra isa sodaataniif,
qajeelummaan isaas
ijoollee ijoollee isaanitiif
itti in fufa*;
*18 warra kakuu isaa eeganii,

- abboommii isaa
raawwachundhaaf
yaadataniifis in ta'a.
*17 Luq 1:50
*19 Waaqayyoo teessoo isaa
bantiwwan waaqaa keessa
dhaabbateera,
mootummaan isaas waan
bundumaa irratti
gooftummaa qaba.
*20 Isin ergamoonni isaa
warri waaqa irraa,
isin jagnoonni jajjaboonni
warri sagalee dubbii isaa
dhaggeeffatanii,
ajaja isaa raawwatan,
Waaqayyoon ulfinaan jajadhaa!
*21 Isin macci isaa hundinuu,
isin hojjetoonni isaa warri
fedha isaa gootan,
Waaqayyoon ulfinaan jajadhaa!
*22 Wanti inni uume hundinuu,
mootummaa isaa keessaa iddoo
hundumaatti,
Waaqayyoon ulfinaan jajadhaa!
Waaqayyoon ulfinaan jajadhu,
yaa lubbuu ko!
Uumamni Ulfina
Waaqayyoo Mul'isuu Isaa
104 *1 Yaa lubbuu ko,
Waaqayyoon ulfinaan
jajadhu!
Yaa Waaqayyoo gooftaa ko, ati
maal maal guddaa dha!
Ati surraa fi simboo uffatteetta.
*2 Ati ifa akka uffataatti ofitti marte,
bantiwwan waaqaas
akka dunkaanaatti
diriirsiteetta*.
*3 Ati utubaa mana kee bishaan
gubbaa in dhaabde,
duumessoota konkolaataa kee
godhatte,
qoochota qilleensaatiinis in
adeemte*.
*4 Ati qilleensota warra ergaa kee
adeeman,
balaqqeessa ibiddaas warra siif
hojjetan godhatte*.
*2 Isa 40:22; 1Xim 6:16
*3 18:10-12
*4 1br 1:7
*5 Ati lafa hundee isaa irra dhaabde,

- innis yeroo hundumaa
baruma baraan
iddoo isaatii hin butatu*.
*6 Callabboo durii durii akkuma
wayyaatti isa irra in
diriirsite,
bisbaanonni tulloota gararraa
darbanii in dhaabatan.
*7 Yommuu ati ifatte in baqatan,
sagalee qaqawwee kee
yommuu dhaga'anis
na'anii in fiigan.
*8 Isaan tullootatti ol ba'anii kan
turan,
dachaatti gad deebi'anii,
gara iddoo ati isaaniif keessees
in dhaqan.
*9 Ati daarii isaaniif dhaabde,
isaanis isa irra hin darban,
lafa irra diriiruutis hin
deebi'an*.
*5 75:3; Iyo 38:6
*9 Uma 1:9; Iyo 38:8-11; Fak 8:29
*10 Yaa'onni dachaa keessaa akka
ba'an goote,
isaanis tulloota gidduu in yaa'u.
*11 Bineensonni caakkaa hundinuu
isaan in dhugu,
harronni diidaas isaanitti
dheebuu in ba'u;
*12 simbirroonni qilleensa keessa
balali'anis,
isaan biratti mann'ee isaanii in
ijaarratu,
damee mukkeetii gidduudhaas
sagalee isaanii in
dhageessisu.
*13 Iddoo buufata kee isa
gararraa sanaa,
tulloota bishaan in obaafu,
ija hojii kee kanaanis lafti in
quufti.
*14 Horiidhaaf margi akka biqilu in
goota;
namnis ittiin baa hojjetuuf,
lafa irraas midhaan akka argatuuf
biqila in laattaaf.
*15 Wayniin garaa namaa akka
gammachiisuuf,
fuulli dhadhaadhaan akka
calaqqisuuf,
buddeennis namaaf humna
akka ta'uuf in goota.

- *16 Mukkeetiin Waaqayyoo
mukkeetiin gaattiraa
Libaanou,
warri inni dhaabbate bishaan
baay'ee in argatu
*17 simbirroonni isaan keessatti
mann'ee in ijaarratu,
allaattiin hawaannisaas birbirsaa
irratti in galu.
*18 Tulloonni dhedheeroon
kan qelejje ti,
bolqi dhagaas lafa osoleen
kooluu itti galtuu dha.
*19 Ji'a gargar baasuuf baatii situ
nume,
biiftuunis yeroo lixa ishee
in beekti*.
*20 Ati dukkanaaf yeroo in laatto,
innis halkan;
yeroo sanattis bineensonni
caakkaa hundinuu
lo'anii in ba'u.
*21 Leencoliin saafelli
wanta adamsaniif in aadu,
yommuu nyaata isaanii
Waaqayyoo biraa fedhuu
isaanii ti*.
*22 Yeroo biiftuun baatu immoo
isaan iddoo isaaniitti in deebi'u,
mann'ee isaanii keessas in
ciciisu.
*23 Namni immoo gara jiruu isaatti
in ba'a,
hamma galgalaattis hojii isaatti
in dadhaba.
*19 74:16
*21 Iyo 38:39
*24 Yaa Waaqayyoo, wanti ati hojjette
maal maal baay'ee dha!
Wanti ati numte laficha guuteera;
isaan kana hundumaas ati
ogummaadhaan hojjette*.
*25 Kunoo, galaanni guddaanii fi
bal'aan achi jira,
bineensonni xinnaa fi guddaan,
wanti lakkoobsa hin qabne
isa keessa in munyuuqa.
*26 Isa keessa markaboonni in
adeemu,
lewaataan bineensi akka jawwee
inni ati achi keessa
haa taphatuuf tolchite
achi jira*.

*24 Uma 1:31

*26 Iyo 41:1-5

27 Soora isaanii yeroo ta'utti akka isaaniif laattunf, isaan kun hundinuu si biraa in eeggatu.

28 Yeroo ati isaaniif laattu, isaan walitti in qabatu; yeroo ati harka kee diriirsituuf, isaan wanta gaarii in quufu*.

29 Yeroo ati isaan irraa achi garagaltu, isaan na'anii abdii in kutatu; yeroo ati hafuura isaan baafatan keessaa fuutu, isaan in du'u, deebi'aniis biyyoo in ta'u*.

30 Yeroo ati hafuura kee itti ergitu immoo, isaan in uumamu; ati immoo irra-lafaa in haarsesita*.

*27-28 145:15-16; 147:9

*29 30:7; Uma 3:19

*30 Uma 2:7; His 37:9-10

31 Ulfinni Waaqayyoo bara baraan haa jiraatu, Waaqayyoo waan hojjetetti haa gammadu!

32 Inni ilaalchaan lafa in rom'isiisa, tuquu isaatiinis tulloota keessaa aarri in ba'a.

33 Ani jireenya koo guutuu Waaqayyoof nan weeddisa, hamman jiruttiis sagalee mi'aa dhageessisee,

Waaqayyoon nan faarfadha. 34 Gad fageessee itti yaaduun koo isatti kan tolu haa ta'u!

Ani Waaqayyotti nan gammada. 35 Cubbamoonni lafa irraa haa dhuman, jal'oonnis si'achi hin argamin! Yaa lubbuu ko Waaqayyoon ulfinaan jajadhu! Waaqayyoon jajadhaa!

Wanta Dinqisiisaa Waaqayyoo Saba Isaatiif Godhe (1Sen 16:8-22)

105 1 Waaqayyoon galateeffadhaa, maqaa isaa waammadhaa,

gocha isaas saba hundumaa keessatti beeksisaa*!

2 Isa faarfadhaa, sagalee mi'aa faarfannaatiin isa jajadhaa, waa'ee hojii isaa isa dinqisiisaa hundumaas himaa!

3 Maqaa isaa isa qulqullundhaan of jajaa, garaan warra Waaqayyoon barbaadanii haa gammadu!

4 Waaqayyoon, aangoo isaas qoradhaa, yeroo hundumaa fuula isaa barbaaddadhaa*!

5 Hojii dinqisiisaa inni hojjete, milikkita inni argisiisees, firdii inni kennes yaadadhaa!

6 Isin sanyitiin hojjetaa isaa Abrahaan, isin ilmaan Yaaqoob warri isaaf fo'amtan kana yaadadhaa!

*1 96:3

*4 27:8

7 Inni Waaqayyoo gooftaa keenya, firdiin isaa lafa hundumaa in qaqqaba.

8 Inni kakuu isaa bara baraan, dubbii abboommii isaas hamma dhaloota kumaatti in yaadata*;

9 kakuu Abrahaamiif kakate, isa Yisihaqiif wareeges in yaadata*;

10 kun Yaaqoobiif seerrata, Israa'eliif kakuu bara baraa akka ta'uuf cimsee in dhaabe;

11 Waaqayyoo, "Ga'aa dhaala sanyii keetii akka ta'uuf, biyya Kana'aan siif nan kenna" jedhe*.

*8 Kes 7:9; Bau 20:6

*9 Uma 15:18; 26:3

*10-11 Uma 28:13-14

12 Yeroo sana lakkoobsi namoota isaanii hin baay'anne, isaan muraasa, orma biyya sanatti galanii dhas.

13 Saba tokko keessaa gara saba kaaniitti, mootummaa tokko keessaas

gara warra kaaniitti in daddarbu turan.

14 Waaqayyoo, namni tokko illee akka isaan cunqursu hin goone, inni isaaniif jedhee mootota iyyuu ifatee*.

15 "Warra ani dihee moosise hin tuqinaa, raajota koo irrattis hamaa hin hojjetinaa!" jedhe.

*14 Lak 23:7-10

16 Inni biyyicha irratti heela buuse, godaa isaaniis hundumaa cabse, buddeena isaan dhabsiise.

17 Garuu fuula isaanii dura nama tokko ergeera, iunis Yoseef isa garbicha ta'ee gurguramee dha*;

18 miilla isaa fynyoo sibiilaatiin miidhaniiru, ofii isaatiis hidhaa sibiilaatti gale;

19 hidhamuun isaas wanti inni jedhe hamma raawwatamutti, dubbiin Waaqayyoos hamma dhugaa baasuufitti ture.

20 Mootichi ergee gad isa in dhiisise, inni saba baay'ee irratti mo'es akka inni hiikamu in godhe;

21 mana isaa irratti gooftaa, qabeenya isaa hundumaa irrattis abboomaa isa godbate;

22 gurguddoota biyya isaa akkuma yaadetti haa gorsuuf, maanguddoota biyya isaas ogummaa haa barsiisuuf isa dhaabe.

*17 Uma 37:28

23 Israa'el biyya Gibxii dhaqe, Yaaqoob biyya Kaamitti galaa ta'e*.

24 Waaqayyoo immoo sabni isaa baay'isee akka wal horu, diinota isaa caalaas akka jabaatu in godhe*.

25 Warri Gibxii saba isaa akka jibhaniif, hojjetoota isaas haxxummaadhaan akka qabaniif, inni yaada isaanii in geddare.

*23 Uma 47:5-7; 46:7

*24 Bau 1:7,12

26 Yommuu Waaqayyoo, Musee hojjetaa isaa,

Aaron isa fo'ates in erge*; 27 isaan namoota keessatti milikkita isaa,

biyya Kaamittis dinqii isaa in argisiisan.

28 Inni dukkana itti ergee, lafa dukkaneesse, isaan garuu dubbii isaatiin in morman.

29 Bishaan laga isaanii hundumaa dhiigatti diddiiree, qurxummiin isaanii hundinuus akka du'an godhe;

30 fatteen lakkoobsa bin qabne biyya isaanii irra yaa'e, lafa bultii mootii isaanii iyyuu in ga'e.

31 Inni dubbannaan gurmuun qarxaasaa, bookeenis lafa isaanii irratti in dhufe;

32 inni qooda bokkaa cabbii kenne, ibidda hoba'aas biyya isaaniitti in bobeesse.

33 Waynii isaaniitti fi harhuu isaanii in halleesse, muka biyya isaaniis in caccabse;

34 inni dubbannaan hawaannisi, korophisi lakkoobsa hin qabnes in ba'an;

35 biqiltuu lafa isaanii hundumaa in nyaatan, wanta qotiisa isaanii irraa argamus in fixan.

36 Biyya isaanii keessaa angafa hundumaa, humna isaanii isa jalqabaa hundumaas in rukute*.

*26 Bau 3:10; 4:14-16

*27-36 Bau 7:1-11:10

37 Warri Israa'el immoo meetiidhaa fi warqee fudhatanii akka ba'an godhe; gosa isaanii keessaas namni tokko illee laafee hin kufne*.

38 Warri Gibxii baay'isanii waan isaan sodaataniif, ba'anii adeemuu warra Israa'elitti in gammadan.

- waan isaan hojjetanis
hojjechuu in baran.
- ³⁶ Waaqayyolii tolfamoo isaanii fi
hojjetan,
kunis kiyyoo isaanitti ta'e*.
- ³⁷ Isaan ilmaan isaanii,
intaloota isaanis aarsaa
godhanii,
hafuurota hamootaaf in
dhi'eessan*.
- ³⁸ Dhiiga ilmaan isaanii fi
intaloota isaanii,
waaqayyolii tolfamoo warra
Kana'aaniif aarsan,
dhiiga warra balleessaa hin
qabnee in dhangalaasan;
biyyichis dhiigaan in
xureeffame*.
- ³⁹ Akkasitti hojii isaanitiin
xuraa'oo ta'an,
gocha isaanitiinis
amanamummaa in dhaban.
- ³² Lak 20:2-13
³⁴⁻³⁶ Kes 7:1-5; 12:2-3; Abo 1:28; 2:23-3:6
³⁷ 2Mot 17:17
³⁸ Lak 35:33
- ⁴⁰ Yommuus dheekkamsi Waaqayyoo
saba isaa irratti in boba'e,
warra dhuunfaa isaatiis ijaan
ilaaluu isa jibbiise.
- ⁴¹ Warri isaan jibban isaan irratti
akka mo'anitti,
inni harka saba lafa irraatti
dabarsee isaan in kenne.
- ⁴² Diinonni isaanii isaan in
cunqursan,
harka isaanii jalas in galfaman.
- ⁴³ Inni yeroo baay'ee isaan oolche,
isaan garuu marce isaatiin
mormanii,
yakka isaanii keessas gad in
fagaatan.
- ⁴⁴ Haa ta'u iyyuu malee, yeroo iyya
isaanii dhaga'etti,
inni rakkina isaanii in ilaale.
- ⁴⁵ Inni kakuu isaa isaanii in
yaadate,
akka baay'ina gaarummaa
isaattis isaanii in gadde.
- ⁴⁶ Warri isaan booji'an iyyuu,
akka isaanii oo'an in
godhe*.
- ⁴⁰⁻⁴⁶ Abo 2:10-19
- ⁴⁷ Nuyi maqaa kee isa qulqulluu
akka galateffannuuf,

- warra si jajatan ta'uu
keenyaafis
akka of himnuuf,
yaa Waaqayyoo gooftaa keenyaa,
ati nu oolchi,
saba lafa irraa keessaas walitti
nu sassaabi*!
- ⁴⁷ Kes 30:1-3
- ⁴⁸ Waaqayyoo gooftaan inni kan Israa'el,
bara baraa hamma bara baraatti
ulfinaan haa jajamu!
Namoonni hundinuus "Ameen!"
haa jedhan!
Waaqayyoon jajadhaa!

Macaafni Inni Shanaffaan (Faarfannaa 107-150)

Warri Furaman Waaqayyoo Galata Galchu

- 107** ¹Waaqayyoo gaarii waan
ta'eef,
gaarummaan isaa bara baraan
waan jiraatuuf,
isaaf galata galchaa*!
- ² Warri Waaqayyoo fure,
warri inni harka diinaa keessaa
fure,
- ³ warri inni biyya garaa garaatii,
ba'a-biiftuutii, lixa-biiftuutii,
gara bitaatii, gara mirgaatiis
walitti sassaabe,
galata isaa haa himan*!
- ¹ 106:1; 118:1; 136:1
³ Isa 43:5-6
- ⁴ Warri lafa duwwaa homtuu
keessa hin jirretti
karaa irraa badanii jooran,
mandara namni keessa jiraatutti
karaa isaan geessu argachuu
hin dandeenye;
- ⁵ in beela'an, in dheebotanis,
jireenya isaanii iyyuu abdii
kutatan.
- ⁶ Rakkina isaanii keessatti gara
Waaqayyootti iyyatan,
yommuus inni muddama isaanii
keessaa isaan in baase;
- ⁷ gara mandara namni keessa
jiraatuu akka dhaqaniif,
inni karaa qajeelaa irra isaan
buuse;
- ⁸ egaa gaarummaa isaa fi wanta
dinqisiisaa

- inni ilmaan namootaaf
godheefis,
isaan kun Waaqayyooof galata
haa galchan!
- ⁹ Innoo isa dheebotaa dheebuu in
baasa,
isa beela'aas waan gaariidhaan
in quufsa*.
- ⁹ Luq 1:53
- ¹⁰ Warri gadadamoonni sibiilaan
hidhaman,
guyyaan itti dukkanaa'ee
dukkana keessa in jiraatan;
- ¹¹ isaanoo abboommii
Waaqayyootiin in morman,
gorra aabbaas in tuffatan.
- ¹² Yaadni isaanii hojii
dadhabsiisaadhaan gad
qabame,
isaan gufatanii in kufan,
kan gargaarus hin argamne.
- ¹³ Rakkina isaanii keessatti gara
Waaqayyootti iyyatan,
yommuus inni muddama isaanii
keessatti isaan in gargaare;
- ¹⁴ isa guyyaan itti dukkanaa'e,
dukkannatti jiraatan keessaa
isaan baase,
hidhaa isaanis in caccabse.
- ¹⁵ Egaa gaarummaa isaa fi wanta
dinqisiisaa
inni ilmaan namootaaf
godheefis,
isaan kun Waaqayyooof galata
haa galchan.
- ¹⁶ Innoo balbaloota sibiila boorrajii
in caccabse,
danqaraa sibiilaas in qirixe.
- ¹⁷ Isaan karaa cubbuu irra waan
goraniif gowwooman,
sababii yakka isaanii fiis in
dhiphatan;
- ¹⁸ nyaata hundumaa ciigga'anii,
afaan boollaa irras ga'an.
- ¹⁹ Rakkina isaanii keessatti gara
Waaqayyootti iyyatan,
yommuus inni muddama isaanii
keessatti isaan in gargaare.
- ²⁰ Dubbii isaa ergee isaan fayyise,
boolla du'aa keessaas isaan
baase.
- ²¹ Egaa gaarummaa isaa fi wanta
dinqisiisaa
- inni ilmaan namootaaf
godheefis,
isaan kun Waaqayyooof galata
haa galchan!
- ²² Aarsaa galataa haa dhi'eessan,
ililleedhaanis gocha isaa
hundumaa haa himan*!
- ²² 107:31-32
- ²³ Warri markabootaan galaana
guddaa irra adeemanii,
bishaan bal'aa irratti bitanii
gurguran,
- ²⁴ isaan kun gocha Waaqayyoo fi
hojii isaa isa dinqisiisaa
tuujjuba keessatti argan.
- ²⁵ Inni in abboome,
qilleensa jabaa dha'aa galaanaa
ol fuudhus in kaase*.
- ²⁶ Kana irratti jarri
[markaba isaanii wajjin]
gara bantii waaqaatti ol ka'an,
tuujjubatti gad deebi'an;
rakkina keessattis abdii in
kutatan;
- ²⁷ akka nama machaa'ee
daddarbatamanii in gatantaran,
malli isaanii harkaa in dhume.
- ²⁸ Rakkina isaanii keessatti gara
Waaqayyootti iyyatan,
yommuus inni muddama isaanii
keessaa isaan in baase.
- ²⁹ Qilleensa jabaa sanas gab godhe,
dha'aan galaanaas calluma
jedhe*.
- ³⁰ Waan inni gab jedhcef in
gammadan,
gooftichis gara buufata
markabaa
isa isaan bira ga'uuf hawwanitti
isaan in geesse.
- ³¹ Egaa gaarummaa isaa fi wanta
dinqisiisaa
inni ilmaan namootaaf
godheefis,
isaan kun Waaqayyooof galata
haa galchan!
- ³² Waldaa sabaa keessatti
ulfinaan ol isa haa kaasan!
Yaa'ii maanguddootaa
keessattis isa haa jajatan*!
- ²⁵ Yon 1:4
²⁹ 89:9
³¹⁻³² 22:22

³³ Inni laga bishaan yaa'u,
lafa duwwaa,
burqituu bishaaniis lafa gogaa
godhe*;

³⁴ Jal'ina warra biyyicha keessa
jiraatan irraa kan ka'e,
lafa midhaan baasu
akka bakkee soogiddaa isa
midhaan hin baafnee
godhe*.

³⁵ Inni lafa duwwaa, lafa kuufama
bishaanii,

lafa gogaas iddoo bishaan
keessaa burqu godhe*.

³⁶ Warra beela'an achi jiraachise,
isaan immoo mandara keessa
jiraatan in ijaarratan.

³⁷ Maasii isaanitti midhaan in
facaafatan,
wayniis in dhaabbatan,
ija isaas baay'ee in
sassaabbatan.

³⁸ Inni isaan in eebbise,
isaanis guddaa in baay'atan,
lakkoobsi horii isaanii
yarachaa hin adeemne.

*33 Isa 50:2

*34 Uma 19:24-25

*35 Isa 41:18

³⁹ Garuu wanti hamaan, gaddis,
gara booddeetti isaan deebisuu
irraa kan ka'e

gad qabamanii gad deebi'an.

⁴⁰ Inni gurguddootatti salphina
baay'ee in fide;
lafa onaa karaa hin qabne
keessas

akka jooran godhe*.

⁴¹ Nama wanta barbaachisaa dhabe
garuu
gad-deebii keessaa ol fuudhe,
maatiin isaas akka karra
hooolotaa akka baay'am
godhe.

⁴² Warri yaada qajeelaa qaban kana
arganii in gammadu,
warri dubbii jal'aa dubbatan
hundinnu garuu
afaan in qabatu*!

⁴³ Egaa ogeessi cenyu ree?
Inni kana haa eegu,
gaarummaa Waaqayyoo
yaadaan haa qabu!

*40 Iyo 12:21

*42 Iyo 22:19-20

Waaqayyoo Wajjin Humna Godhachuu Namaa

(Far 57:7-11; 60:5-12)

(Weedduu, faarfannaa Daawit)

108 ¹ Garaan koo hin shakku,
yaa Waaqayyo!

Sin faarfadha,
sagalee mi'a garaa garaas nan
dhageessisa;
yaa lubbuu ko, yaa ulfaattuu
ko ka'i!

² Yaa kiraaraa, yaa maseenqoo
dammaqaa!

Ani barii lafaa nan dammaqsa!

³ Ani namoota keessatti sin
galateeffadha, yaa
Waaqayyo,

saba lafa irraa keessattis
faarfannaadhaan sin
jajadha!

⁴ Gaarummaan kee
hamma bantii waaqaa
gararraatti in guddata,
amanamummaan kees hamma
duumessaa in ga'a.

⁵ Bantiwwan waaqaa gararraatti
ol ka'i, yaa Waaqayyo!
Ulfinni kees lafa hundumaa
irratti ol haa jedhu*!

⁶ Micboonni kee akka oolfamaniif
immoo,
harka kee mirgaadhaan
gargaari,
anaafis deebii deebisi!

*5 36:5; 103:11-12

⁷ Waaqayyo iddoo isaa isa
qulqullaa'aa keessaa
dubbatee,

"Ani guddisee itti nan
gammada,

Shekem kutaa biyyaa nan hira,
dachaa Suukootis safaree
gargar nan hira.

⁸ Biyyi Giil'aad kan koo ti, biyyi
Minaasees kan koo ti;
biyyi Efreem gonfoo sibiilaa
isa ani mataa koo ittiin
eeggachuuf kaa'adhuu dha;

biyyi Yihudaa siqqee
moonmmaa kootii ti.

⁹ Biyyi Mo'aab caabii dhiqannaa
kootii ti,
biyyi Edoom kan koo ta'uu
isaa argisiisuudhaaf,

kophee koo isa irra nan buusa;
biyya Filisxiyaa irratti
mo'uu koo
guddisee nan dhageessisa" jedhe.

¹⁰ Gara mandara naannoon isaa
dallaa dhagaatiin marfameetti,
eenyutu na fida ree?

Eenyutus gara Edoomitti na
geessa ree?

¹¹ Yaa Waaqayyo, nu gatteetta
mitii?

Ati yaa Waaqayyo,
loltuu keenyaa wajjinis lafa
duulaatti hin baatu.

¹² gargaarsi namaa homaa waa'ee
waan hin baafneef,
rakkina jalaa ba'uuf,
ati gargaarsa nuuf kenni!

¹³ Waaqayyoo wajjin, nuyi humna
in godhanna,
diinota keenya gad kan
dhidhiitu isa.

Iyyata Nama Dilani Marsee

(Geggeessituu warra faarfattootaaf;
faarfannaa Daawit)

109 ¹ Yaa Waaqayyo isa ani
jajadhuu,
ati calluma hin jedhin!

² Namni jal'aan,
gowwoomsaanis afaan ana
irratti banatan,
arraba sobduudhaan anatti
dubbatan*;

³ ana naanna'anii dubbii jibbaa
dubbatan,
sababii malees na lolan.

⁴ Isa ani isaan jaalladheef, diina
anatti ta'an;
ani garuu isaaniif nan
kadhadha*.

⁵ Qooda gaarii, hamaa,
qooda jaalalaa jibba anaaf in
deebisan.

*2 62:4; 69:4; 27:12

*4 Er 15:11

⁶ Nama jal'aa isa irratti kaasi,
mirga isaas hamajaajjin haa
dhaabatu*!

⁷ Yaa'ii firdii keessaas yakkaa
ta'ee gad haa ba'u,
kadhanni isaa illee cubbuu
isatti haa ta'u!

* Barri isaa haa gabaabbatu,

hojii inni irra dhaabames kan
biraa haa fudham!

⁹ Ijoolléen isaa abbaan kan irra hin
jirre haa ta'an,
haati manaa isaas haadha
hiyyeessaa haa taatu;

¹⁰ ijoolléen isaa asii fi achi labanii
haa kadhatan,
mana isaanii isa diigamaa
keessaa ba'anii
waa haa barbaaddatan!

¹¹ Abbaan gatii
wanta inni qabu hundumaa haa
qabatu,

wanta inni itti dadhabee argates
warri ormaa haa saaman!

¹² Namni tokko illee gaarummaa
isatti hin argisiisin,
ijoollee isaa warra inni irraa
du'eefis

namni garaa bin laafin!
¹³ Ijoolléen ijoollee isaatii lafa irraa
haa dhumman,

maqaan isaanii dhaloota itti
aanu keessaa

haxaa'amee haa balleeffamu!

¹⁴ Yakki abboota isaatii Waaqayyo
duratti haa yaadatamu!
Cubbuun haadha isaas
haxaa'amee hin
balleeffamin!

¹⁵ Wanta kana keessaa tokko illee
yeroo hundumaa
Waaqayyo duraa hin dhabamin;
seenaan namichaa garuu lafa
irraa haa balleeffamu!

*6 94:20

¹⁶ Namichoo isa gadadamaa, isa
dhabaa ari'ee,
isa garaan isaa na'ee abdi
kutates

ajjeesuu barbaade malee,
gaarummaa itti argisiisuu hin
yaadne.

¹⁷ Inni abaaru jaallate, abaarsi isa
irra haa ga'u!

Eebbatti hin gammanne, innis
isattii haa fagaatu!

¹⁸ Inni abaarsa akka wayyaatti
uffate,
abaarsichi akka bishaanii
namummaa isaatti,
akka dibataas lafee isaatti haa
galu*!

¹⁹ Abaarsichi akka uffata inni ofitti maruu,
akka sabbata inni yeroo hundumaa ittiin bidhatuu isatti haa ta'u!

*18 Lak 5:17-28

²⁰ Kun hundinuu gatii Waaqayyo biraa

warra hamajaajii koo ta'aniif, warra jireenya koo irratti hamaa dubbataniifis

kennamu haa ta'u!

²¹ Ati garuu yaa Waaqayyo gooftaa ko,
maqaa keetiif akka ta'utti anaaf godhi,
arjummoo kee isa gaariidhaan ana oolchi*!

²² Anoo gadadamaa dha,
dhabaa dhas,
quuqaan keessa garaa kootii na madeesse;

²³ akka gaadidduu gabaabbachaa adeemuutti darbuuttan jira,
akka hawaannisaatti of irraa ana hurgufan;

²⁴ soomuu irraa kan ka'e jilbi koo in hollate,
foon ana irraa dhumee nan huqqadhe;

²⁵ namootaaf muka ga'oo nan ta'e,
yeroo ana arganis mataa anatti raasu.

*21 143:11; 115:1

²⁶ Yaa Waaqayyo gooftaa ko,
ana gargaari,
akka gaarummaa keetti ana oolchi!

²⁷ Kun hojii barka kee ta'uu isaa, yaa Waaqayyo, ati kana gochuu kees haa beekan!

²⁸ Isaan haa abaaran, ati garuu in eebbifta;
warri ana irratti ka'an in yeellaasifamu;
garbichi kee immoo in gammada*!

²⁹ Warri hamajaajii koo ta'an salphina baa uffatan,
yeelloo isaaniis akka wayyaatti ofitti haa maran!

*28 Luq 6:27-28

³⁰ Afaan kootiin guddisee Waaqayyoof galata nan galcha,

namoota baay'ee keessatti isa nan jajadha.

³¹ Innoo harka warra lubbuu isaatti faradanii

isa oolchuudhaaf,
mirga nama dhabaa in dhaabata.

Isa Mootummaadbaa Fi Lubummaadhaaf Qophaa'e

(Faarfannaa Daawit)

110 ¹Waaqayyo gooftaa kootiin,

"Diinota kee ejjeta miilla kee hamman siif godhutti,
ati gara mirga koo taa'ii!" jedhe*.

² Waaqayyo ulce mootummaa isa aangoo kee mul'isu
Xiyoonii kaasee in erga,
"Diinota kee gidduutti mo'ii!" in jedhaanis.

³ Guyyaa ati macca kee geggeessitutti,
namoonni kee jaalala isaaniitiin of in dhi'essu;
dargaggoonni kees akka fixeensa barii ganamaatti
simboo qulqulluudhaan siif in ba'u.

*1 2:6; Mat 22:44; HoE 2:34-35;
Ibr 1:13; 10:12-13; Filp 2:8-11

⁴ Waaqayyo, "Akkuma lubummaa Malkiisedeqitti,
ati luba bara baraa ti" jedhee kakateera;
inni kana hin gaabbu*.

⁵ Gooftichi mirga kee jira,
guyyaa dheekkamsa isaattis mootota in caccabsa*!

⁶ Inni saba lafa irraa keessatti firdii in baasa,
reeffas isaan keessa in guuta;
bulchitoota lafa irraas in caccabsa*.

⁷ Karaattis mootichi burqituu keessaa in dhuga,
kanaafis mataa isaa ol in qabata.

*4 Uma 14:18-20; Ibr 5:6,10

*5 2:2,5,9

*6 Dan 2:44

Hojiin Waaqayyoo Inni Dinqisiisaan Bara Baraan Yaadatamuu

111 ¹Waaqayyoon jajadhaa!
Walga'ii gara-qajeelotaa keessatti,

waldicha keessattis
Waaqayyoon garaa guutuudhaan nan galateeffadha*!

² Wanti Waaqayyo hojjete hundinuu guddaa dha,
warra itti gammadan hundumaaf kan qoramee bira ga'amee dha.

³ Gochaan isaa surra-qabeessaa fi miidhagaa dha,
qajeelummaan isaas yeroo hundumaaf jabaatee in dhaabata.

*1 22:22

⁴ Hojiin isaa inni dinqisiisaan akka yaadatamu godhe,
Waaqayyo araara-qabeessa, oo'a-qabeessas*.

⁵ Inni warra isa sodaataniif soora in kennaaf,
kakuu isaas bara baraan in yaadata*.

⁶ Wanta dhuunfaa saba lafa irraa ta'e isaaniif kennuudhaan,
hojii aangoo isaa namoota isaatti mul'iseera*.

⁷ Hojiin harka isaa hundinuu amanamaa dha,
dhugaa dha,
abboommiin isaa hundinuus amansiisaa dha;

⁸ isaan amanamummaa fi qajeelummaadhaan hojjetaman,
yeroo hundumaaf baruma baraana jabaatanii in dhaabatu.

*4 78:5-6; Bau 12:1-23

*5 105:40; 145:15

*6 105:44

⁹ Inni furii saba isaatiif erge,
kakuun isaa bara baraan akka cegamu abboomeera,
maqaa isaa immoo qulqulluu dha, sodaachisaa dhas!

¹⁰ Waaqayyoon sodaachuun jalqaba ogummaa ti,

warri isa duukaa bu'anii hojjetan
hubannaa gaarii qabu;
Waaqayyoon jajachuunis yeroo hundumaaf jabaatee in dhaabata*.

*10 Fak 1:7

Eebba Soda Waaqayyoo Keessaa Argamu

112 ¹Waaqayyoon jajadhaa!
Namni Waaqayyoon sodaatu,

inni abboommiin isaa guddaa itti tolus haa gammadu!

² Sanyiin isaa biyyicha keessatti guddaa in ta'a,
dhaloonni warra gara-qajeelotaa in eebbifama.

³ Badhaadhummaa fi soorumni mana isaa keessa jira,
qajeelummaan isaas yeroo hundumaaf jabaatee in dhaabata.

⁴ Inni araara-qabeessa, oo'a-qabeessa, qajeelaas waan ta'ee,
warra gara-qajeelotaaf ifni dukkana keessatti in ba'aaf*.

*4 Mik 7:8

⁵ Namni araara argisiisuu fi namni liqeessu gaarii dha,
inni jiruu isaa qajeeltootti in geggeeffata*!

⁶ Inni yoom iyyuu hin mitriq, namni qajeelaanoo bara baraan in yaadatama.

⁷ Oduu hamaa dhaga'uu hin sodaatu,

Waaqayyoon waan amanatuuf garaan isaa hin shakku.

⁸ Hamaa warra isa cunqursan irratti
wanta dhufu argee gammadutti, garaan isaa cimsee amanateera, hin sodaatu*.

⁹ Inni arjummaadhaan warra dhabaniif in kenna,
qajeelummaan isaa yeroo hundumaaf jabaatee in dhaabata;
gaanfi mataa isaa ulfinaan ol in qabama*.

*5 Kes 15:7-8

*8 91:8

*9 2Qor 9:9

- ¹⁰ Namni jal'aan kana argee in aara,
ilkaan isaa walitti in qara,
ofii isaatiis gad in dbuma;
fedhi warra jal'ootaa
waan tokkotti kan hin galle
in ta'a.

**Waaqayyo Inni Oi Jedhaan Warra
Gad Deebi'an Yaadacbuu**

- 113** ¹Waaqayyoon jajadhaa!
Isin yaa hojjetoota
Waaqayyoo, jajadhaa,
maqaa Waaqayyoo jajadhaa!
² Ammaa jalqabee hamma
bara baraatti,
maqaan Waaqayyoo
eebbifamaa baa ta'u!
³ Ba'a-biiftuutii jalqabee hamma
lixa isheetti,
maqaan Waaqayyoo jajamaa
haa ta'u*!
⁴ Waaqayyoo saba lafa irraa
hundumaa gararraa dha;
ulfinni isaas bantiwwan
waaqaa bira
ol in darba!
*3 50:1

- ⁵ Kan akka Waaqayyoo gooftaa
keenya eenyu?
Inni ol gararraa teessoo isaa
irra in taa'a;
⁶ gara bantiwwan waaqaatti,
gara lafaattis gad fageessee in
ilaala*.
⁷ Isa gad-deebi'aa awwaara
keessaa ol in kaasa,
isa dhabaa kosii keessaa ol in
fuudha;
⁸ warra gurguddootaa wajjin,
gurguddoota saba isaa wajjinis
akka taa'u in godha*.
⁹ Isheen dhabduun haadha ijoollee
taatee gammaddee,
mana keessa akka jiraattu inni
in godha.
Waaqayyoon jajadhaa*!

*5-6 Bau 15:11; Isa 57:15

*7-8 1Sam 2:8; Luq 1:48; Uma 41:40-41

*9 Uma 21:2; 1Sam 1:20; Luq 1:57-58

**Dinqii Waaqayyoo
Yaadatanii Faarfacbuu**

- 114** ¹Yeroo sabni Israa'el Gibxi
keessaa,
manni Yaaqoob
saba afaan ormaa dubbatu
keessaa ba'e*.
² Yihudaan mana qulqullummaa
isaa,
Israa'elis lafa mootummaa isaa
ta'e*.

*1 Bau 12:41

*2 Bau 19:6

- ³ Galaanni argee in baqate,
lagni Yordaanosis gara
booddeetti in deebi'c*.
⁴ Tullooni akka korbeeyyii boolaa,
gaaronnis akka ilmoolee in
qurupbisan*.
⁵ Yaa galaana nana, maal taatee
baqatte?
Yaa laga Yordaanos, maaliif
gara booddeetti deebite*?
⁶ Yaa tullootaa, maaliif akka
korbeeyyii hoolaa,
yaa gaarotaa, maaliif akka
ilmoolee quruphiitan?
⁷ Yaa lafaa, fuula gooftaa duratti,
fuula Waaqayyoo isa kan
Yaaqoob duratti holladhu*!
⁸ Inni kattaa kuufama bishaaniitti,
dhagaa qarsaas burqituu
bishaaniitti isa diddiiruu
dha*.

*7 Bau 19:18

*8 78:15-16; Bau 17:6

**Waaqayyoo Isa Jiraataaf
Ulfina Kennuu**

- 115** ¹Nuyiif miti, yaa
Waaqayyoo, nuyiif miti,
gaarummaa kee fi
amanamummaa keef jedhii,
maqaan kee ulfina akka argatu
godhi!
² Sabni lafa irraa, "Waaqayyoo
isaanii eessa jira?"
jechuudhaaf maaliif karaa
argatu*?

*2 42:3; 79:9-10; Yoe 2:17; Mik 7:10;
Isa 48:11

- ³ Waaqayyoo keenya waaqa irra jira,
waanuma isatti tolu in hojjeta.
⁴ Waaqayyoliin isaanii warri
toffaman
meetii dha, warqee dha,
harka namaatiin hojjetamanis;
⁵ afaan itti jira, garuu dubbachuu
hin danda'an;
iji itti jira, garuu arguu
hin danda'an;
⁶ gurri itti jira, garuu dhaga'uu
hin danda'an;
funyaan itti jira,
garuu fuunfachuu hin danda'an.
⁷ Harka isaaniitiin qaqqabacbuu
hin danda'an;
miilla isaaniitiinis adeemuu
hin danda'an,
laagaa isaaniitiinis sagalee
hin dhageessisan.
⁸ Warri isaan tolchan,
warri isaan amanatanis
hundinuu akkuma isaanii ti*.
*4-8 135:15-18; Mul 9:20

- ⁹ Yaa warra Israa'el, Waaqayyoon
amanadhaa!
Inni gargaarsa keessan,
gaachana keessanis.
¹⁰ Yaa mana Aaron, Waaqayyoon
amanadhaa!
Inni gargaarsa keessan,
gaachana keessanis.
¹¹ Isin warri Waaqayyoon sodaattan
Waaqayyoon amanadhaa!
Inni gargaarsa keessan,
gaachana keessanis*.
*9-11 135:19-20

- ¹² Waaqayyoo nu yaadateera,
inni nu eebbisa;
inni mana Israa'el in eebbisa,
inni mana Aaron in eebbisa;
¹³ inni warra Waaqayyoon sodaatan,
warra xixinnaa, warra
gurguddaas in eebbisa*;
¹⁴ Waaqayyoo isin haa baay'isu,
isin, ijoollee keessanis mana
haa guuchisu*!
¹⁵ Waaqayyoo isa waaqaa fi lafa
uumeef,
kan eebbifamtan in taatu*!
*13 Mul 11:18; 19:5
*14 127:3
*15 134:3

- ¹⁶ Bantiwwan waaqaa kan
Waaqayyoo ti,
lafa garuu ilmaan namaatiif
kenne*.
¹⁷ Warri du'oon,
iddoo warra calluma jedhaniitti
kan gad bu'an,
Waaqayyoon jajacbuu hin
danda'an*.
¹⁸ Nuyi garuu ammaa jalqabnee
haroma bara baraatti,
maqaa Waaqayyoo in eebbifna.
Waaqayyoon jajadhaa!
*16 8:6; Uma 1:28
*17 6:5; Isa 38:18

**Galata Nama Afaan
Boollaa Ga'ee Deebi'ee**

- 116** ¹Waaqayyoo sagalee koo fi
himata koo waan
dhaga'eef,
ani isa nan jaalladha.
² Inni gurra isaa gara kootti
qabeera,
kanaafis haman jirutti isa nan
waammadha.
³ Futtaasaan du'aa anatti marama,
waa'ce iddoo lafa jalaas
yaadee dhiphinni ana irra
ga'e;
ani muddamaa fi gadda keessa
nan lixe.
⁴ Yommuu, "Yaa Waaqayyoo,
ani sin kadhadha,
lubbuu koo oolchi!" jedhee,
maqaa Waaqayyoo nan
waammadhe.
⁵ Waaqayyoo araara-qabeessaa fi
qajeelaa dha,
Waaqayyoo keenya
oo'a-qabeessas*.
⁶ Waaqayyoo warra garraamota in
eega,
yeroo ani mataa buusetti inni
na gargaare.
⁷ Waaqayyoo wanta gaarii
waan siif godheef,
yaa lubbuu ko, aara-galfannaa
keetti deebi'i*!
*5 Bau 34:6
*7 42:5
⁸ Ati immoo yaa gooftaa,
lubbuu koo du'a,
ija koo imimmaan,

miilla koos gufachuu
oolchiteetta*.

⁹ Biyya warra jiraatoo keessa,
ani fuula Waaqayyoo dura nan
deddeebi'a*.

¹⁰ Yeroo, "Ani guddisee
rakkadheera" jedhetti
iyyuu,
ani amantii koo nan eeggadhe.
¹¹ Na'ee dinqifachuu koo keessatti
immoo,
"Namni hundinuu sobaa dha"
nan jedhe*.

*8 30:3

*9 142:5

*11 Rom 3:4

¹² Wanta gaarii inni anaaf godhe
hundumaaf,
ani Waaqayyoof maalan
deebisa?

¹³ Ani xooffoo fayyinaaf kenname
ol nan fuudha,
maqaa Waaqayyooos nan
waammadha.

¹⁴ Fuula saba isaa hundumaa duratti
immoo,
ani wareega koo Waaqayyoof
nan baasa.

¹⁵ Warri isaaf qulqullaa'an du'uun,
ija Waaqayyoo duratti
ulfaataa dha*.

¹⁶ Yaa Waaqayyoo, kunoo, ani
garbicha kee ti;
ani garbicha kee, ilma garbittii
keetii ti,
ati hidhaa koo hiikteetta.

¹⁷ Ani aarsaa galataa siif nan
dhi'eessa,
maqaa Waaqayyooos nan
waammadha.

¹⁸ Fuula saba isaa hundumaa
duratti immoo,
ani wareega koo Waaqayyoof
nan baasa*.

¹⁹ Kanas oobdii mana Waaqayyoo
keessatti,
si keessatti yaa Yerusaalem
nan baasa.
Waaqayyoon jajadhaa!

*15 72:14

*17-18 Yon 2:10

Sabni Hundinuu Waaqayyoon Jajachuu

117 ¹ Namoonni lafa irraa
hundinuu Waaqayyoon
jajadhaa!

Sabni hundinuu isa faarfadhaa*!
² Gaarummaan iuni nuuf qabu
guddaa jabaa dha,
amanamummaan isaas bara
baraan in jiraata.
Waaqayyoon jajadhaa*!

*1 Rom 15:11,21

*2 Bau 34:6

Gocha Isaa Hundumaa Yaadatanii Waaqayyoon Galateeffachuu

118 ¹ Waaqayyoo gaarii waan
ta'eef,
gaarummaan isaas bara baraana
waan jiraatuuf,
isaaf galata galchaa*!

² Sabni Israa'el,
"Gaarummaan isaa bara baraana
in jiraata" haa jedhu!

³ Manni Aaron,
"Gaarummaan isaa bara baraana
in jiraata" haa jedhu!

⁴ Warri Waaqayyoon sodaatan,
"Gaarummaan isaa bara baraana
in jiraata" haa jedhan!

*1 106:1; 107:1; 136:1-26; 1 Sen 16:34

⁵ Ani rakkina koo keessatti
Waaqayyoon nan
waammadhe,
inni immoo in owwaate, iddoo
bal'aattis na baase.

⁶ Waaqayyoo gara koo erga ta'ee
ani hin sodaadhu,
namni maal na gochuu
danda'a*?

⁷ Waaqayyoo na gargaaruudhaaf
gara koo erga ta'ee,
ani gammachundhaan
warra na jibban of jalatti nan
ilaala.

⁸ Nama amanachuu irra
Waaqayyotti koolun galun
wayya*.

⁹ Warra gurguddoota amanachuu
irra,
Waaqayyotti kooluu galuu
wayya*.

*6 56:4; Rom 8:31; 1br 13:6

*8 Er 17:5-8

*9 146:3

¹⁰ Sabni lafa irraa hundinuu na
marsan,
ani garuu maqaa Waaqayyootiin
of irraa isaan nan kuta.

¹¹ Isaan ana naanna'anii na marsan,
ani garuu maqaa Waaqayyootiin
of irraa isaan nan kuta.

¹² Isaan akka gurmoo kanniisaa
anatti tuuta'an,
akka ibidda qoraattii kosorruus
boba'anii in dhaamu;
ani garuu maqaa Waaqayyootiin
of irraa isaan nan kuta.

¹³ Darbatamuu illee, akkan kufutti
darbatameen ture;
Waaqayyoo garuu na gargaare.

¹⁴ Waaqayyoo humna kootii fi
faarfannaa koo ti,
inni fayyina koo anaaf ta'eera*.

*14 Bau 15:2; Isa 12:2

¹⁵ Sagaleen gammachuu, kan
mo'ichaas,
godoo warra qajeelotaa
keessatti in dhaga'ama;
"Harki Waaqayyoo inni mirgaan
aangoodhaan in hojjeta.

¹⁶ Harki Waaqayyoo inni mirgaan
ol in kaafama,
harki Waaqayyoo inni mirgaan
aangoodhaan in hojjeta".

¹⁷ Anoo hin du'u nan jiraadha;
gocha Waaqayyooos tokko
tokkoon nan hima.

¹⁸ Waaqayyoo jabeessee na adabeera,
garuu du'atti dabarsee ana hin
kennine*.

*18 2Qor 6:9

¹⁹ Isaan keessa ol galee
Waaqayyoof galata akkan
galchutti,
isiin balbala kelloota
qajeelummaa anaaf banaa!

²⁰ Kun balbala kellaa Waaqayyoo ti,
qajeelonni ittiin ol in galu*.

²¹ Ati waan na jalaa owwaatteef,
fayyina koos waan anaaf
taateef sin galateeffadha.

*20 Isa 26:2

²² Dhagaan inni warri ijaartuun
tuffatan,
isa mataa golee qajeelchu ta'e.

²³ Kun Waaqayyoo biraa ta'e,

inni immoo ija keenya duratti
dingisiisaa dha*.

²⁴ Guyyaan Waaqayyoo dhaabe isa
kana,
kottaa isatti in gammannaa,
itti gammaduu keenyas in
dhageessifnaa!

²⁵ Hadaraa yaa Waaqayyoo,
nu oolchi,
hadaraa yaa Waaqayyoo,
wal nuuf qixixxeessi!

*22-23 118:13; Isa 28:16; Mat 21:42;
HoE 4:11; 1Phe 2:4-7

²⁶ Maqaa Waaqayyootiin inni dhnfu
eebbifamaa haa ta'u!
Nuyi mana Waaqayyoo keessaa
isiin in eebbifna*.

²⁷ Gooftichi Waaqayyoo dha,
inni ifa nuuf in ta'a;
toora cidhichaas damee baala
qabuun,
hamma gubbaa gaanfa iddoo
arsaatti wal qabachiisaa!

*26 Mat 21:9; 23:39

²⁸ Ati Waaqayyoo koo ti, ani galata
siif nan galcha,
yaa Waaqayyoo ko, ani
ulfinaan ol sin kaasa.

²⁹ Waaqayyoo gaarii waan ta'eef,
gaarummaan isaas bara baraana
waan jiraatuuf,
isaaf galata galchaa!

Dubbii Waaqayyoo Isa Ulfina-Qabeessatti, Abboommii Isaattis Gammaduu

119 ¹ Warri balleessaa malee
deddeebi'an,
warri akka seera Waaqayyooti
jiraatan baa gammadan!

² Warri abboommii isaaf dhugaa
ba'u eegan,
warri garaa guutundhaan
Waaqayyoon barbaadan,
³ warri jal'ina bin hojjenuu,
warri karaa isaa irra
deddeebi'an baa
gammadan*!

⁴ Ajaji kee ba'eesa ta'ee akka
eegamu

ati abbootteetta.

⁵ Karaa ani seerrata kee eegu
irratti,

- jabaadhee utiun dhaabadhee
attaman jaalladha!
- ⁶ Ija koo abboommii kee
hundumaa irraa yoon
buqqifachuu dhiise,
ani hin yeellaasifamu.
- ⁷ Firdii ati qajeelummaadhaan
laattu
yommirun baru,
ani yaada qajeelaadhaan galata
siif nan galcha.
- ⁸ Ani seerrata kee nan eega,
ati raawwattee ana hin dhiisin!
- *1-3 1:1-2; 112:1-2*
- ⁹ Dargaggeessi maaliin adeemsa
isaa qullaa'ummaatti
eeguu danda'a?
Akka dubbii keetti adeemsa
isaa qajeelfachuudhaan
eggachuu in danda'a.
- ¹⁰ Garaa koo guutuu sin
barbaaddadha,
abboommii kee irraa akkan
kaadhu hin godhin!
- ¹¹ Akkan si hin yakkineef
waan ati jette garaa koo keessa
kaa'adheera.
- ¹² Yaa Waaqayyo, ati jajamaa dha,
seerrata kee na barsiisi!
- ¹³ Wanta qajeelaa ta'ee afaan
keetiin dubbatame,
ani arraba kootiin tokko
tokkoon nan hima.
- ¹⁴ Akkuma ani sooruma
hundumaatti gammadu,
wanta abboommiin kee
dhugaa ba'u
duukaa bu'uutti nan gammada.
- ¹⁵ Ajaja kee irra-deddeebi'ee itti
nan yaada,
karaa kee irraa ija hin
buqqifadhu.
- ¹⁶ Seerranni kee garaa na ciibsa,
dubbii kees hin irraanfadh.
- ¹⁷ Garbicha keef wanta gaarii godhi!
Ani nan jiraadha, dubbii kees
nan eega.
- ¹⁸ Wanta dinqisiisaa seera kee
keessaa akkan argutti,
ati ija koo anaaf bani!
- ¹⁹ Ani biyya lafaa irratti orma,
abboommii kee ana duraa hin
dhoksin*!

- ²⁰ Wanta qajeelaa ta'ee si duratti
fudhatame,
yeroo hundumaa yaaduu irraa
kan ka'e
lubbuun koo in bututti.
- ²¹ Warra gad-dhiisatti jiraatan
ati in ifatta,
warri abboommii kee irraa
kaatanis abaaramoo dha*!
- ²² Ani abboommii siif dhugaa ba'u
eegeera;
ati ga'oo fi tuffii ana irraa
fundhi!
- ²³ Gurguddoonni taa'anii ana irratti
yoo dubbatan iyyuu,
garbichi kee seerrata kee
irra-deddeebi'ee itti in yaada.
- ²⁴ Abboommonni siif dhugaa ba'an
garaa na ciibsu,
isaan gorsituu koo ti.
- *19 39:12*
**21 Kes 27:26; Gal 3:10*
- ²⁵ Ani lafatti nan maxxanfame,
ati akka dubbii keetti lubbuun
anatti deebisi!
- ²⁶ Ani jireenya koo keessatti
waanana ta'e sitti himadheera
atis deebii anaaf kenniteetta;
seerrata kee immoo na barsiisi!
- ²⁷ Karaa ati ajajje na hubachiisi,
yommuu ani hojii kee isa
dinqisiisaa
irra-deddeebi'ee itti nan yaada.
- ²⁸ Ani gadda irraa kan ka'e taa'ee
nan boo'a,
ati akka dubbii keetti
ol na kaasi!
- ²⁹ Karaa sobaa irra akka ani hin
adeemneef na eegi,
seera keetiinis araara na
argachiisi!
- ³⁰ Ani karaa dhugaa fo'adheera,
wanta qajeelaa ta'ee si duratti
fudhatame
of dura kaa'adheera.
- ³¹ Wanta abboommiin kee dhugaa
ba'utti maxxanee
nan jiraadha, yaa Waaqayyo,
akka ani yeellaasifamu hin
godhin!
- ³² Ati garaan koo gammadee akka
hubatu goote,
anis karaa ati abboomte irra
nan kaadha*!
- *32 25:4*

- ³³ Karaa seerranni kee irra nama
buusu
na barsiisi yaa Waaqayyo!
Inni bu'aa waan qabuuf,
hamma dhumaatti isa nan eega.
- ³⁴ Seera kee akkan yaadaan qabuuf,
garaa koo guutuudhaanis akkan
isa eeguuf,
hubannaa anaaf kenni!
- ³⁵ Daandii ati abboomte irra akkan
adeemu godhi,
innoo anatti in tola.
- ³⁶ Bu'aa dalgaa fi sassatuu irraa,
garaa koo gara wanta
abboommiin kee
dhugaa ba'uufitti qabi!
- ³⁷ Ija koo wanta waa'ee hin baafne
ilaaluu irraa jal'isi,
karaa kee irrattis lubbuun anatti
deebisi!
- ³⁸ Garbichi kee akka si sodaatuuf,
wanta abdachiifte isaaf
raawwadhu!
- ³⁹ Wanti qajeelaa ta'ee si duratti
fudhatame
gaarii waan ta'eef,
ga'oo isa ani sodaadhu ana
irraa deebisi!
- ⁴⁰ Kunoo, ani ajaja kee hawwaan
nan eeggadha,
qajeelummaa keetiin lubbuun
anatti deebisi!
- ⁴¹ Yaa Waaqayyo, akka ati jettetti,
gaarummaan kee,
gargaarsi kee inni fayyisus
anaaf haa dhufu,
- ⁴² yoos isa anatti ga'isuuf deebii
ga'u nan kenna,
anoo dubbii kee nan amanadha.
- ⁴³ Dubbii dhugaa matumaa ana
duraa hin fudhatin!
Anoo wanta qajeelaa ta'ee si
duratti fudhatame
abdiidhaan nan eeggadha.
- ⁴⁴ Ani itti fufee,
yeroo hundumaaf bara baraan
seera kee nan eega.
- ⁴⁵ Ani ajaja kee argachuudhaaf
waanana barbaaddadheef,
iddoo bal'aa keessa nan
deddeebi'a.
- ⁴⁶ Abboommii isa siif dhugaa ba'us,
mootota duratti nan dubbadha,
hin yeella'us*.
- ⁴⁷ Abboommiin kee inni ani
jaalladhu,
garaa na ciibsa.
- ⁴⁸ Abboommii kee isa ani
jaalladhutti
harka koo nan hiixadha,
seerrata kees irra-deddeebi'ee
itti nan yaada*.
- *46 Mat 10:18*
**47-48 119:77,97; Nah 8:10*
- ⁴⁹ Dubbii kee isa abdiidhaan akka
ani ceggadhu goote,
ana garbicha keetiif yaadadhu.
- ⁵⁰ Wanti ati jette lubbuun anatti in
deebisa,
kunis yeroon gad deebi'utti
jajjabina koo ti.
- ⁵¹ Warri gad-dhiisatti jiraatan
baay'isanii anatti in qoosu,
ani garuu seera kee irraa hin
jal'anne.
- ⁵² Wanta durii durii jalqabee
si duratti qajeelaa ta'ee
fudhatame yommuun
yaadadhu,
jajjabina nan argadha,
yaa Waaqayyo!
- ⁵³ Jal'oonni seera kee waan
dhiisaniiif,
aarii guddaatu na qabe.
- ⁵⁴ Mana isa ani
akka kara-adeemaatti itti galu
keessatti,
seerranni kee faarfannaa anaaf
ta'e.
- ⁵⁵ Halkan maqaa kee nan yaadadha,
yaa Waaqayyo;
seera kees nan eega*.
- ⁵⁶ Ani ajaja kee akkan eeguuf,
carraan anaaf kennameera.
- *55 119:62,148; 42:8; 63:6*
- ⁵⁷ Ani dubbii kee eeguudhaaf,
"Waaqayyo qooda koo ti"
jedheera.
- ⁵⁸ Fuula ifaadhaan akka na ilaaltuuf,
garaa guutuudhaan sin
kadbada;
akka dubbii keetti araara anatti
argisiisi!
- ⁵⁹ Waa'ee karaa isa ani irra
adeemuu nan yaade,
miilla koos gara abboommii isa
siif dhugaa ba'uutti
nan qajeelfadhe.

- ⁶⁰ Ani abboommii kee irraa hin seesu,
isa eeguuf nan ariifadha.
⁶¹ Jal'oonni funyoo yoo anatti xaxan iyyuu,
ani seera kee hin irraanfadh.
- ⁶² Waa'ee firdii kee isa qajeelaa sanaaf,
galata siif galchuudhaaf,
ani halkan walakkaa nan ka'a*.
⁶³ Ani warra si sodaatan hundumaaf,
warra ajaja kee eeganiifis hidhata.
⁶⁴ Gaarummaan kee lafa in guuta,
yaa Waaqayyo,
seerrata kee na barsiisi*!
- *62 42:8
*64 33:5; 65:9-13
- ⁶⁵ Yaa Waaqayyo, akkuma ofii keetii dubbatte,
ati garbicha keetiif gaarii gooteetta.
⁶⁶ Anoo abboommii kee amanadheera,
hubannaa gaarii anaaf kenni,
waa beekuus na barsiisi!
⁶⁷ Utuu ani hin rakkifamin dura karaa irraa goreen ture,
amma garuu wanta ati jette nan eega.
⁶⁸ Ati gaarii dha, wanta gaariis in hojjetta,
seerrata kee na barsiisi!
⁶⁹ Warri gad-dhiisatti jiraatan,
sobanti waa ana irra in kaa'an;
ani garuu garaa koo guutuudhaan ajaja kee nan eega.
⁷⁰ Coonni garaa isaanii hadoodcheera,
ana garuu seerri kee garaa in ciibsa.
⁷¹ Seerrata kee akkan barutti,
rakkifamuun anaaf gaarii dba.
⁷² Seerri inni afaan kee keessaa ba'e,
warqee fi meetii guroo kumaatama irra anaaf wayya.
⁷³ Harki kee na tolcheera, cimsees na dhaabeera,
abboomota kee akkan barutti hubannaa anaaf kenni!
⁷⁴ Dubbii kee abdiidhaan waanan eeggadhuuf,
warri si sodaatan na arganii in gammadu.
- ⁷⁵ Firdiin kee qajeelaa akka ta'e ani beeka, yaa Waaqayyo,
amanamaa waan taateef gad na deebifte.
⁷⁶ Akkuma ofii keetii garbicha keetii dubbattetti,
gaarummaan kee ana haa jajjabeessu!
⁷⁷ Seerri kee waan garaa na ciibsuuf,
lubbuun akka anatti deebi'uuf,
araarri kee anaaf haa dhufu*!
⁷⁸ Warri gad-dhiisatti jiraatan sobanii dhugaa koo waan balleessaniif,
haa yeellaasifaman!
Ani garuu ajaja kee irra-deddeebi'ee itti nan yaada.
⁷⁹ Warri si sodaatan,
warri abboommii siif dhugaa ba'u beekan
gara koo haa goran!
⁸⁰ Akka ani hin yeellaasifamnetti,
garaan koo balleessaa malee seerrata keetti qabamee haa jiraatu!
- *77 119:47,92,143,162,174
- ⁸¹ Lubbuun koo fayyisuu kee yaaddee in gaggabdi,
dubbii kees abdiidhaan nan eeggadha.
⁸² Iji koo isa ati abdachiifte eeggachuu irraa kan ka'e in dadhabe;
"Yoom na jajjabeessita?" jedhee nan gaafadha.
⁸³ Ani akka qalqalloo aara jalatti shuntuuree ta'u illee,
seerrata kee hin irraanfadh.
- ⁸⁴ Garbichi kee si'achi bara hammamii jiraata?
Warra na ari'atanittis ati yoom faradda*?
⁸⁵ Warri gad-dhiisatti jiraatan,
warri seera kee wajjin walii hin galle
boolla anaaf qotaniiru.
⁸⁶ Abboommiin kee hundinuu dhugaa dha;
yeroo namoonni dubbii sobaatiin na ari'atan,
ati na gargaari!
⁸⁷ Isaan hamma xinnoof malee lafa irraa na balleessanii oolan,

- ani garuu wanta ati ajajje hin dhiifne.
⁸⁸ Akka gaarummaa keetti lubbuu anatti deebisi!
Yommus ani abboommii siif dhugaa ba'u
isa afaan kee dubbatte nan eega.
*84 13:1-2
- ⁸⁹ Dubbiin kee yaa Waaqayyo,
bara baraan,
bantiwwan waaqaa keessatti jabaatee dhaabateera*.
⁹⁰ Amanamummaan kee dhalootaa hamma dhalootaatti bafee in jiraata,
lafa cimsitee dhaabdeetta,
innis jabaatee in dhaabata.
⁹¹ Wanti hundinuu siif waan hojjetuuf,
inni akka seera ati dhaabdeeffitti,
hamma har'aatti iyyuu jabaatee in dhaabata.
⁹² Seerri kee utuu garaa ana hin ciibsine ta'ee,
ani rakkifamuu kootiin nan balleeffaman ture*.
⁹³ Isaaniin lubbuu waan anatti deebifteef,
ani bara baraan ajaja kee hin irraanfadh.
- ⁹⁴ Anoo ajaja kee argachuudhaaf barbaaddadheera,
ani kan kee ti, ati na oolchi!
⁹⁵ Jal'oonni na balleessuudhaaf riphaniin na eeggatu,
ani garuu abboommii isa siif dhugaa ba'u
yaadaan nan qaba.
⁹⁶ Wanti fixaan ba'e hundinuu dhuma akka qabu argeera,
bal'inni abboommii keetii garuu daarii hin qabu.
- *89 Isa 40:8
*92 Er 15:16
- ⁹⁷ Ani seera kee attam nan jaalladha!
Ani guyyaa guutuu irra-deddeebi'ee itti nan yaada*.
⁹⁸ Abboommiin kee bara baraan ana bira jira,
diinota koo caalaas ogeessa na godha.
- ⁹⁹ Wanti ani irra-deddeebi'ee itti yaadu
abboommii siif dhugaa ba'u waan ta'eef,
ani barsiisota koo hundumaa caalaa nan qalbifadha.
¹⁰⁰ Ani ajaja kee waanan eegeef,
maanguddoota caalaa nan hubadha.
¹⁰¹ Ani dubbii kee eeguudhaaf,
miilla koo karaa hamaa hundumaa irraa nan ittise.
¹⁰² Wanta qajeelaa ta'ee si duratti fudhatame irraa hin jal'anne,
ati ofii keetii ana barsiifteetta.
¹⁰³ Wanti ati jette attam anatti miyaa'a!
Isa dammi afaan kootii miyaa'u caalaa
anatti in miyaa'a.
¹⁰⁴ Ajaja kee keessaa hubannaa nan argadha;
kanaafis karaa sobaa hundumaa nan jibba.
- *97 1:2
- ¹⁰⁵ Dubbiin kee miilla kootiif ibsaa dha,
daandii koo irrattis in ifa*.
¹⁰⁶ Seera kee isa qajeelaa eeguudhaaf nan kakadhe, isattis nan jabaadha.
¹⁰⁷ Ani baay'ee dhiphadheera,
yaa Waaqayyo,
akka dubbii keetti lubbuu anatti deebisi!
¹⁰⁸ Yaa Waaqayyo, galata ani akka aarsaatti
afaan kootiin jaalladhee siif dhi'eessu
fudbachuun sitti haa tolu!
Wanta qajeelaa ta'ee si duratti fudhatames na barsiisi*!
¹⁰⁹ Lubbuun koo yeroo hundumaa fittee irra jirti,
haa ta'u iyyuu malee, ani seera kee hin irraanfadh.
- ¹¹⁰ Jal'oonni futtaasaa ana dura kaa'an,
ani garuu ajaja kee irraa hin jal'anne.
¹¹¹ Abboommonni siif dhugaa ba'an gammachuu garaa kootii waan ta'aniif,

- isaan bara baraan ga'aa koo ta'aniiru.
- 112 Seerranni kee bara baraan bu'aa waan qabuuf, hojii irra isa oolchuudhaaf garaan koo isa duukaa jal'atcera.
- *105 2Phe 1:19; Yoh 8:12
*108 19:14; 50:23
- 113 Nama yaada walaallammii nan jibbe, seera kee immoo nan jaalladhe*.
- 114 Ati anaaf golgaa koo ti, gaachana koo tis, ani dubbii kee abdiidhaan nan eeggadha.
- 115 Ani abboommii Waaqayyo koo akkan eegutti, isin warri bamaa gootan, ana irraa fagaadhaa!
- 116 Ati akka abdachiiftetti qabii na oolchi, lubbuunis anatti in deebiti; abdii koo dhabe akkan yeella'u hin godhin!
- 117 Akkan oolutti ati na qabi, ani yeroo hundumaa ija gammachuuttiin seerrata kee nan ilaala.
- 118 Ati warra seerrata kee irraa jal'atan hundumaa in tuffatta, isaan in sobu, in gowwoomsus.
- 119 Jal'oota lafa irraa hundumaa ati akka udaan sibiilaatti in gatte, kanaafis ani abboommii siif dhugaa ba'u nan jaalladhe*.
- 120 Na naasisuu kee irraa kan ka'e namummaan koo in rifata, firdii kees nan sodaadha.
- *113 31:6; 1Mot 18:21
*119 Isa 1:25
- 121 Ani wanta dhugaa, wanta qajeelaas hojjedheera; ati immoo warra na cunqursanitti ana hin dhiisin!
- 122 Garbichi kee wanta gaarii akka argatuuf, amansiisa keunniif, namoonni gad-dhiisatti jiraatan ana hin cunqursin!
- 123 Iji koo fayyisuu kee, wanta ati qajeelummaa keetiin abdachiiftes utuma eeggatuu in dadhabe.
- 124 Akka gaarummaa keetiitti garbicha kee qabaa gaariidhaan qabi, seerrata kees na barsiisi!
- 125 Ani garbicha kee ti; abboommii siif dhugaa ba'u akkan beekuuf, hubannaa anaaf kenni!
- 126 Namoonni seera kee cabsaniiru, waa gochuun yowwana kaa, yaa Waaqayyo!
- 127 Ani garuu abboommii kee warqee irra, warqee baqamee qullaa'e irra caalaa nan jaalladha.
- 128 Kanaafis ajaji kee hundinuu qajeelaa ta'uu isaa ani nan fudhadha, karaa sobaa hundumaas nan jibba.
- 129 Abboommiiin siif dhugaa ba'u dinqisiisaa dha, kanaafis ani lubbuudhumaaf isa nan eega.
- 130 Saaqamuun dubbii keetii ifa in kenna, wallaalota iyyuu in hubachiisa.
- 131 Ani abboommii kee waanan yaaduuf, afaan banee hawwaan nan eeggadha.
- 132 Akka isa warra maqaa kee jaallataniif ta'u sanaatti, as anatti garagali, araaras anatti argisiisi!
- 133 Ejjennaa koo dubbii keetiin jabeessi, yakki tokko illee humna ana irratti hin godhatin!
- 134 Ajaja kee hundumaa akkan eegutti, cunqursaa namaa jalaa na furi!
- 135 Garbicha kee fuula ifaadhaan ilaali, seerrata kee immoo na barsiisi*!
- 136 Namoonni seera kee waan dhiisaniif, imimmaan ija koo keessaa baay'isee in lola'a.
- *135 31:16
- 137 Yaa Waaqayyo, ati qajeelaa dha,

- firdiin ati kennitus hin jal'atu.
- 138 Ati qajeelummaadhaan, amanamummaa guutuudhaanis, abboommii siif dhugaa ba'u baafteetta.
- 139 Hamajaajjiwwan koo dubbii kee waan irraanfataniiif, hinaafuun koo badduu na baase*.
- 140 Dubbiin kee dhugaa ta'uun isaa baay'ee amansiisaa dha, garbichi kees isa in jaallata*.
- 141 Ani nama xinnaa dha, tuffatamaa dhas; ajaja kee garuu hin irraanfadhu.
- 142 Qajeelummaan kee qajeelummaa bara baraa ti, seerri kees dhugaa dha.
- 143 Rakkinnii fi dhiphinni na argatan, abboommiiin kee garuu garaa na ciibsa.
- 144 Abboommiiin siif dhugaa ba'u bara baraan qajeelaa dha, ati hubannaa anaaf kenni, lubbuunis anatti in deebiti.
- *139 69:9
*140 12:6
- 145 Ani garaa guutuudhaan nan waammadba, ati ana jalaa owwaadhu, yaa Waaqayyo! Ani seerrata kee nan eega.
- 146 Ani sin waammadha, ati ana oolchi! Ani immoo abboommii siif dhugaa ba'u nan eega.
- 147 Utuu lafti hin bari'in dhufee, gargaarsaaf gara keetti nan iyyadha; ani dubbii kee abdiidhaan nan eeggadha.
- 148 Wanta ati jette irra-deddeebi'ee itti yaaduudhaaf, yeroon itti dammaqa halkaniif ka'an utuu hin ga'in hirribni ija koo irraa bade*.
- 149 Akka gaarummaa keetti sagalee koo dhaga'i, yaa Waaqayyo! Araara keetiin lubbuu anatti deebisi!
- 150 Warri akeeka hamaa baafatanii na ari'atan anatti dhi'aataniiru,
- isaan seera keettii immoo fagaataniiru.
- 151 Ati garuu dhi'oo dha, yaa Waaqayyo, abboommiiin kee hundinuu dhugaa dha.
- 152 Isaan bara baraan akka jiraataniif dhaabuu kee, ani duraan dursee seera siif dhugaa ba'u sanaan beekeera.
- *148 119:55
- 153 Ani seera kee hin irraanfanne, ati dhiphina koo ilaalii na oolchi!
- 154 Dubbii koo anaaf falmi, na furis, akka abdii keetiitti ati lubbuu anatti deebisi!
- 155 Jal'oonni seerrata kee waan hin barbaaddanneef, fayyinni isaan irraa fagoo dha.
- 156 Oo'i kee guddaa dha, yaa Waaqayyo, araara keetiin lubbuu anatti deebisi!
- 157 Warri na ari'atan, warri diina anatti ta'anis baay'ee dha, ani garuu wanta seerri kee dhugaa ba'u irraa hin jal'anne.
- 158 Warra garagaggalan arguun ana in jibbisiise, isaan wanta ati jette hin eegan.
- 159 Ajaja kee attam akkan jaalladhu ilaali! Akka gaarummaa keetti lubbuu anatti deebisi, yaa Waaqayyo!
- 160 Dubbiin kee walumattiin isaa dhugaa dha, firdiin kee inni qajeelaan hundinuu, bara baraan in jiraata*.
- *160 Yoh 17:17
- 161 Gurguddoonni sababii malee na ari'atu, ani garuu garaadhuma guutuun dubbii kee sodaadba.
- 162 Akka nama boojuu guddaa argatee, ani wanta ati jettutti nan gammada.
- 163 Soba nan jibba, nan ciigga'as;

seera kee garuu nan jaalladha.
 164 Firdii kee isa qajeelaa sanaaf,
 guyyaatti si'a torba sin jajadha.
 165 Warri seera kee jaallatan sun
 nagaa guddaa qabu,
 wanti isaan gufachiisus hin jiru.
 166 Fayyisuu kee abdiidhaan nan
 ceggadha, yaa Waaqayyo!
 Abboommii kees nan
 raawwadha.
 167 Ani abboommii siif dhugaa ba'u
 lubbuudhumaaf nan eega,
 baay'isees isa nan jaalladha.
 168 Karaan koo hundinuu si dura
 waan jiruuf,
 ajaja kee,
 wanta seerri kee siif dhugaa
 ba'us nan eega.

169 Iyyati koo si bira anaaf haa ga'u,
 yaa Waaqayyo,
 akka dubbii keetti hubannaa
 anaaf kenni!
 170 Himati koo si bira anaaf haa
 dhufu,
 akka abdachiiftetti na oolchi!
 171 Ati seerrata kee waan na
 barsiiftuuf,
 afaan koo jajata gad jijjigsa.
 172 Abboommiiin kee hundinuu
 qajeelaa waan ta'eef,
 arraba kootiin waa'ee dubbii
 kee nan faarfadha.
 173 Harki kee na gargaaruudhaaf
 qophaa'aa haa ta'u!
 Anoo ajaja kee fo'adheera.
 174 Yaa Waaqayyo, gargaarsa kee isa
 fayyisu

hawwaan nan eeggadha,
 seerri kee immoo garaa na
 ciibsa.
 175 Lubbuun koo akka jiraattu godhi,
 isheenis si haa jajattu!
 Wanti qajeelaa ta'ee si duratti
 fudhatames
 ana haa gargaaru!
 176 Ani akka hoolaa badde karaa
 irraa nan kaadhe,
 abboommii kee garuu hin
 irraanfanne;
 kanaafis ati garbicha kee
 barbaadi*.

*176 Isa 53:6

Nagaadhaaf Dhama'uu

(Weedduu ittiin ol ba'an)

120 1 Rakkina koo keessatti
 ani gara Waaqayyootti
 nan iyya,
 inni immoo na jalaa in
 owwaata.
 2 Afaan sobuu fi arraba
 gowwoomsu jalaa,
 ati na oolchi, yaa Waaqayyo*!
 *2 109:2

3 Yaa arraba gowwoomsituu,
 maal sitti fida laata?
 Maal sitti dabalas?
 4 Xiyyoolii jagnaa warra
 qara-qabeeyyii,
 barbadaa ibidda dhandhansaa
 wajjin sitti in fida.
 5 Ana isa akka nama
 warra Mesheek keessatti galaa
 ta'eef,
 akka isa goddoowwan
 warra Qadaar
 keessa jiraatuufis wayyoo!
 6 Warra nagaa jibban gidduu,
 ani yeroo dheeraa taa'eera*.
 7 Ani nagaa nan barbaada,
 yeroo ani waa'ee isaa
 dubbadhu garuu,
 isaan lolaaf in ka'u*.

*6 35:20

*7 Rom 2:18

**Gargaarsi Waaqayyo
Biraa Dhufuu Isaa**

(Weedduu ittiin ol ba'an)

121 1 Iji koo gara gaarotaatti ol
 in ilaala,
 gargaarsi koo cessaa dhufa?
 2 Gargaarsi koo Waaqayyo biraa in
 dhufa;
 inni immoo isa bantiwwan
 waaqaa, lafas uumee dha.
 3 Inni miilli kee akka sigigaatu hin
 godhu,
 inni si eegus hin mugu.
 4 Kunoo, inni Israa'elin eegu,
 matumaa hin mugu, hin rafus*.
 5 Waaqayyo si eega,
 Waaqayyo gaaddisa kee ti, inni
 gara mirga kee jira.
 6 Guyyaa aduun si hin rukutu,
 halkanis ji'i si hin miidhu.

*4 1Mot 18:27; Bau 34:24

7 Waaqayyo hamaa hundumaattii
 si eega,
 inni jireenya kee in eega.
 8 Waaqayyo gad ba'uu kee, ol
 galuu kees
 ammaa jalqabee hamma bara
 baraatti in eega*.
 *8 Kes 28:6

Jajuu Yerusaaalem

(Weedduu jitiin ol ba'an; kan Daawit)

122 1 "Gara mana Waaqayyoo
 dhaqna!"
 yeroo anaan jedhanitti, ani nan
 gammade*.
 2 Ammas miilli keenya,
 balbaloota kellaa kee keessa in
 dhaabata,
 yaa Yerusaaalem!
 *1 26:8; 42:4; Isa 2:3

3 Yaa Yerusaaalem,
 ishee mandaraaf akka ta'utti
 ijaaramtee,
 ishee tokkummaadhaan walitti
 hidhamtee*!
 4 Achitti gosoonni ol in ba'u;
 gosoota Waaqayyoo ta'anii,
 Israa'eliif akkuma abboomametti,
 maqaa Waaqayyoof galata in
 galchu*.
 5 Achitti teessooowwan firdii,
 teessooowwan mana Daawit
 dhaabamaniiru*.

*3 48:12-13

*4 Kes 16:16

*5 1Mot 7:7

6 Nagaa Yerusaaalemiif kadhadaa!
 Warri si jaallatan itti tolee
 gabiitti haa jiraatan*!
 7 Nagaan masaraa kee keessa,
 gabiinis mana mootummaa kee
 keessa haa jiraatu!
 8 Sababii obboloota koo fi
 hiriyoota koof,
 "Nagaan si keessa haa
 jiraatu!" nan jedha.
 9 Sababii mana Waaqayyoo
 gooftaa keenyaaf,
 wanta gaarii argachuu kee nan
 barbaada!

*6 Zak 4:7

Harka Waaqayyoo Eeggachuu

(Weedduu ittiin ol ba'an)

123 1 Ati bantiwwan waaqaa
 keessa
 teessoo kee irra waan jirtuuf,
 iji koo ol gara kee in ilaala*.
 2 Iji hojjetootaa,
 harka isa isaan hojjechiifatu,
 iji hojjetuu, harka ishee
 ishee hojjechiifattuu in eeggata;
 akkasuma immoo hamma
 Waaqayyo gooftaan keenya
 araara nutti argisiisutti,
 iji keenya gara isaa in ilaala.
 *1 1Mot 8:27,29-30

3 Araara nutti argisiisi,
 yaa Waaqayyo,
 araara nutti argisiisi!
 Nu'oo salphina quufnee nu
 irraa hafeera.
 4 Namummaan keenya ceephoo
 warra quufoo,
 isa warri of gurguddisan nu
 salphisaniis
 baay'isee quufeera.

**Gargaarsa Waaqayyoo
Yaadatani Galateeffachuu**

(Weedduu ittiin ol ba'an; kan Daawit)

124 1 "Inni gara keenya gore
 Waaqayyo utuu ta'uu
 dhaabaatee"
 haa jedhu sabni Israa'el!
 2 Yeroo namoonni nu irratti ka'an,
 "Inni gara keenya gore
 Waaqayyo utuu ta'uu
 dhaabaatee"
 3 silaa yeroo aariin isaanii nu
 irratti boba'e sana,
 isaan fayyaatti nu in liqimsu
 turan*.
 4 Silaa lolaan nu fudhatee in sokka,
 bishaan bubbisus mataa keenya
 irra in yaa'a ture.
 5 Silaa huursaan bishaanii,
 mataa keenya irra in yaa'a
 ture*.

*1-3 83:4-5

*4-5 42:7

6 Waaqayyo inni afaan isaanii
 keessa nu hin buusin,
 ulfinaan haa jajamu!

- ⁷ Akka simbirroonni kiyyoo
adamsituu jalaa baatu,
nuyis isaan jalaa in baane
kiyyichi in ciccite, nuyis jalaa
in baane.
⁸ Maqaa Waaqayyoo isa waaqaa fi
lafa uumeen,
nuyi gargaarsa arganne.

**Waaqayyoo Saha Isaattif
Gaarii Gochuu Isaa**

(Weedduu ittiin ol ba'an)

- 125** ¹ Warri Waaqayyoon
amanatan,
akka tulluu Xiyyoon isa hin
mittiqnee,
isa bara baraan dhaabatuu ti.
² Akkuma tullooni Yerusaalemin
naanna'anii jiran
akkasuma immoo Waaqayyoo
ammaa jalqabec
hamma bara baraatti,
karaa hundumaa naannoo saba
isaatii jira.
³ Uleen mootummaa jal'inaa,
biyya ga'aa warra qajeelotaa
irra dhaabatee hin hafu,
kanaa achi warri qajeelonni
dabaa hojjechuudhaaf
harka isaanii ol in fudhatu.
⁴ Yaa Waaqayyoo, warra gaarii
ta'aniif,
warra gara-qajeelotaafis gaarii
godhi!
⁵ Warra karaa micciiramaa irra
goran garuu,
Waaqayyoo warra hamaa
godhanii wajjin haa
adeemsisu!
Nagaan Israa'eliif haa ta'u*!
⁵ 128:6; Gal 6:16

**Boo'ichi Gammachuutti
Didduramuu Isaa**

(Weedduu ittiin ol ba'an)

- 126** ¹ Yeroo Waaqayyoo warra
Xiyyoonitti galan deebisee
fide,
nuyi akka warra abjuu
abju'atanii taane.
² Yommus nuyi kofa duwwaa
taane,
arrabni keenyas sagalee
gammachuu guddisee
dhageessise;

- saba lafa irraa keessatti immoo,
"Waaqayyoo waan guddaa
isaaniif bojjatee argisiise"
jedhamee in dubbatama.
³ Waaqayyoo waan guddaa nuuf
hojjatee argisiiseera;
nuyi warra gammachuu in
taane*!

*1-3 Iz 1:1-3

- ⁴ Akkuma biyya gara mirgaatii
manii bishaanii isa goge
deebiftee guuttu,
yaa Waaqayyoo, iddootti nu
deebisi!
⁵ Warri imimmaan dhangalaasaa
sanyii facaasan,
sagalee gammachuu
dhageessisaa in
haammatu*.
⁶ Inni sanyii facaafamuu baatee
boo'aa adeemu,
bissii isaa baadhatee, sagalee
gammachuu dhageessisaa
deebi'ee in gala*.

*5 Mat 5:4

*6 Isa 35:10; Yoh 16:20; Mul 21:4

**Wanti Eebha Waaqayyoo Qahu
Jabaatee Hafuu Isaa**

(Weedduu ittiin ol ba'an; kan Solomoon)

- 127** ¹ Waaqayyoo mana namaa
yoo ijaaruu dhaabaate,
warri isa ijaaran akkasumaan
itti dadhabu;
Waaqayyoo mandara tokko yoo
eeguu dhaabaate,
namni isa eegu akkasumaan
cega bula.
² Isin hariidhaan kaatanii utuu gad
hin taa'in
hamma waariitti warri hojjettan,
buddeena nyaataniifis warri
dadhabdan
akkasumaan in rakkattu;
inni michoota isaatiif hirriba
keessatti iyyuu
akkuma kana in kennaaf*.
² Fak 10:22; Kes 8:17-18; Mat 6:25-34
³ Ilaa ijoolleen kennaa Waaqayyoo ti,
dhala godhachunnis bu'aa inni
namaaf kennuu dha*.
⁴ Ilmaan dargaggummaadhaan
godhatan,

- akka xiyya harka jagnaa keessa
jiruu ti.
⁵ Namni warra akka xiyyaa kana
mana guuttate, baa gammadu!
Isaan lafa yaa'iitti diinota isaanii
wajjin,
yeroo walitti falman hin
yeellaasifaman.
³ 128:3; Uma 30:2; 33:5

**Eebha Nama Waaqayyoo
Of Kennee**

(Weedduu ittiin ol ba'an)

- 128** ¹ Namni Waaqayyoon
sodaatu hundinuu,
inni karaa isaa irra adcemus
gammachuu qaba!
² Wanta harka keetiin
itti dadhabdee argatte in
nyaatta,
ati in gammadda, gaariittis in
jiraatta.
³ Haati manaa kee mana kee
keessatti
akka muka waynii ija godhatuu
in taati;
ijoolleen kees naannoo maaddii
keetti
akka lataa muka ejersaa in ta'u.
⁴ Kunoo, namni Waaqayyoon
sodaatu,
akka kanatti in cebbifama*.
¹⁻⁴ 25:12-13; 127:3
⁵ Waaqayyoo tulluu Xiyyoon irraa si
haa eebbisu,
hara jireenya kee guutuuttis,
Yerusaalem bal'inatti jiraachuu
ishee argii gammadi*!
⁶ Ijoollee ijoollee keetiis argi!
Nagaan Israa'eliif haa ta'u*!
⁵ 134:3
⁶ 125:5

**Yeellaasifamuu Warra Xiyyoonitti
Diina Ta'anii**

(Weedduu ittiin ol ba'an)

- 129** ¹ Israa'el, "Mucummaa
kootii jalqabanii,
haay'ee diina anatti ta'an"
haa jedhu!
² "Mucummaa kootii jalqabanii
haay'ee diina anatti ta'an,
haa ta'u iyyuu malee, humna
ana hin caalle.
³ Akkuma nama qotiisa qotuu

- dugda koo in tattaraaran,
akka isa bo'oo dhedheeraa baasuus
madaa isaa tarree galchan*.
⁴ Waaqayyoo garuu qajeelaa dha,
inni funyoo jal'ootaa kuteera"
haa jedhu!

*3 Isa 51:23

- ⁵ Warri Xiyyoonin jibban hundinuu
haa yeellaasifaman,
gara hooddee isaaniis haa
deebi'an!
⁶ Akka marga bantii manaa irratti
biqilee,
utuu namni hin buqqisin goguu
haa ta'an!
⁷ Margi sun qabaa nama isa haamuu,
kaasuu isa bissii hidhuus hin
guutu.
⁸ Warri achiin darban,
"Eebbi Waaqayyoo isiniif haa ta'u"
isaaniin hin jedhan!
Nuyi garuu maqaa
Waaqayyootiin isin in
eebbifna*!

*8 Rut 2:4

**Iddoo Gad Fagoo Keessaa
Ba'uuf Kadhachuu**

(Weedduu ittiin ol ba'an)

- 130** ¹ Iddoo gad fagoo keessaa,
ani sin waammadha, yaa
Waaqayyoo!
² Yaa gooftaa, sagalee koo anaaf
dhaga'ii!
Gurri kees sagalee himata koo
haa dhaggeeffatu!
³ Yaa Waaqayyoo,
utuu ati irra-daddarbaa namatti
lakkooftet,
silaa eenyutu si dura dhaabata,
yaa gooftaa*?
⁴ Garuu ati akka sodaatamtutti,
cubbnu namaaf dhiisuun si bira
jira*.
³ 143:2; Iyo 4:17; Rom 3:10,19
⁴ Isa 55:7; Rom 6:1-2

- ⁵ Ani Waaqayyoon abdadhee nan
eeggadha,
lubbuun koo in eeggatti,
dubbii isaas abdiidhaan nan
eeggadha!
⁶ Eegduu barii ganamaa eeggatan
caalaa,

eegduu barii ganamaa ceggatan
caalaa,
lubbuun koo, gooftaa
abdiidhaan in ceggatti*.

*6 119:81

⁷ Gaarummaan Waaqayyo bira
waan jiruuf,
fureen guutuunis isuma biratti
waan argamuuf,
yaa Israa'el, Waaqayyoon
abdiidhaan eeggadhu!

⁸ Inni Israa'elin
irra-daddarbaa isaa
hundumaattii in fura*.

*8 Mat 1:21

Gad Of Deebisanii Waaqayyotti Of Kennachuu

(Weedduu ittiin ol ba'an; kan Daawit)

131 ¹Yaa Waaqayyo,
garaan koo waan
guddaatti of hin ilaalu,
mataa irra-keessa qabadhee bin
adeemu;
wanta anatti guddatee,
humna koo gararraattis
dinqisiisaa ta'e keessa hin lixu.
² Ani lubbuu koo ururse'e cal
jechisiiseera;
akkuma mucaan erga harma
gu'ee iyyuu
haadba isaa yommuu argatu
calluma jedhu,
lubbuun koos isa argattetti
calluma in jetti*.

*2 62:1

³ Yaa Israa'el, ammaa jalqabee
hamma bara baraatti,
Waaqayyoon abdiidhaan
eeggadhu!

**Abdii Sanyii Daawitil Fi Mana
Qulqullummaa Xiyooniif Kenname**
(Weedduu ittiin ol ba'an)

132 ¹Yaa Waaqayyo, Daawitin,
wanta inni itti dadhabe
hundumaas yaadadhu!
² Waaqayyoof attam akka kakate,
aango-qabeessa isa kan
Yaaqoobiif
attam akka wareege,
³ "Ani matumaa
godoo isa ani keessa jiraadhutti
hin galu,

siree ani irra ciisuttis ol hin
ba'u;

⁴ ani birriba ija kootti hin fidu,
mugaatiifis baallee ija koo
wal irra bin buusu.

⁵ Hamma ani Waaqayyoof iddoo,
aango-qabeessa isa kan
Yaaqoobiif
buufata arguutti hin boqodhu"
jedhe*.

*1-5 2Sam 7:1-2; HoE 7:46

⁶ Efraataatti waa'ee sanduqa
kakuu dhageenye,
bakkee Yaa'arittis isa argine*;
⁷ kottaa gara iddoo buufata isaa in
dhaqnaa,
ejjeta miilla isaa jalattis isaa
in sagannaal

⁸ Yaa Waaqayyo, ati gara iddoo
boqonnaa keetti ka'ii!
Sanduuqi kakuu inni aangoo
kee mul'isus
sii wajjin baa dhaqu*!

⁹ Luboonni kee qajeelummaa baa
uffatan,
warri siif of kennanis
sagalee gammachuu baa
dhageessisan!

*6 2Sam 6:1-3; 1Sam 7:1
*8 Lak 10:35; 2Sen 6:41; Far 78:61

¹⁰ Sababii garbicha kee Daawitiif
jedhii,
fuula isa dibdee moosiftee of
irraa hin deebisin!

¹¹ Waaqayyo dhugaadhaan
Daawitiif kakateera,
kakaa isaa irraas hin garagalu;
"Warra si irraa dhalatan
keessaa nama tokko,
teessoo kee irra nan kaa'a*.

¹² Ilmaan kee kakuu koo yoo eegan,
abboommii dhugaa anaaf ba'u
isa ani isaan barsiisus yoo eegan,
ilmaan isaanis immoo bara
hundumaaf,
teessoo kee irra in taa'u"
jedheera.

*11 89:3-4; 1Br 6:17

¹³ Waaqayyo Xiyoonin fo'ateera,
lafa taa'umsa isaa ishee
godhachuuf fedheera*.

¹⁴ "Kun bara hundumaaf iddoo
boqonnaa koo ti;

kanas waanan fedbeef, ani
addana nan buufadha*.
¹⁵ Waan namoonni isbee nyaataaf
argatan
baay'ee nan cebbisa,
hiyyeessota ishees buddeena
nan quufsa.

¹⁶ Luboota isheetti fayyina nan
uffisa,
ishee keessaa warri
Waaqayyoof of kennanis
sagalee gammachuu guddisanii
in dhageessisu.

¹⁷ Achitti Daawitiif gaanfi humna
argisiisu
akka biqiluuf nan godha,
isan ofii dibee moosisseef
ani ibsaa qopheesseera*.

¹⁸ Diinota isaatti yelloo nan uffisa,
isa irraa garuu
gonfoon isaa tall' tall' in jedha"
jedheera.

*13 76:2

*14 1Mot 8:13

*17 1Sam 2:10; 1Mot 11:36

Walii Wajjin Jiraachuun Obboloottaa Jaallatamuu Isaa

(Weedduu ittiin ol ba'an; kan Daawit)

133 ¹Ilaa, obbaloanni walii
wajjin jiraachuun,
attam gaarii dha,
attam namatti tolas!
² Inni akka dibata gati-jabeessa
isa mataa irraa areedatti gad
yaa'uu ti;
akka isa areeda Aaron irra
morma wayyaa isaa irra gad
dhangala'uu ti*;
³ inni akka sanyii fixeensa tulluu
Hermoon,
isa tulluu Xiyoon irra bu'uu ti;
eebbi jireenya bin darbinee
achi irratti akka argamu
Waaqayyo abboomeera.
*2 Bau 29:7; 30:23-30

Waaqayyoon Jajabuutti Wal Waamuu

(Weedduu ittiin ol ba'an)

134 ¹Amma isin hojjetoonni
Waaqayyoo bundinuu,
warri halkan mana Waaqayyoo
keessa dhaabattan,
kottaa Waaqayyoon ulfinaan
jajadhaa*!

² Gara iddoo qulqullaa'aa sanatti
harka keessan ol kaasaa,
Waaqayyoon ulfinaan
jajadhaa*!

³ Waaqayyo inni waaqaa fi lafa
nume,
Xiyoon keessaa si haa
cebbisu*!

*1 Isa 30:29

*2 5:7

*3 115:15

Gocha Waaqayyo Isa Jiraataa Jajachuun

135 ¹Waaqayyoon jajadhaa,
maqaa Waaqayyoo
jajadhaa!
Isin yaa bojjetoota Waaqayyoo,
jajadhaa!

² Mana Waaqayyoo keessa,
oobdii mana Waaqayyoo
keenya keessas
warri dhaabattan, jajadhaa!

³ Waaqayyo gaarii waan ta'ee, isa
jajadhaa!
Maqaa isaa isa namatti tolu
faarfadhaa!

⁴ Waaqayyo Yaaqoobin fo'ateera,
Israa'elin dhuunfaa isaa
godhateera*.

*4 Bau 19:5-6

⁵ Waaqayyo guddaa akka ta'e,
goftaan keenyas waaqayyolii
hundumaa akka caalu
anoo beeka*.

⁶ Bantii waaqaa irratti, lafa irrattis,
galaanotaa fi tuujjuba
bundumaa keessatti,
Waaqayyo waanuma isatti tole
in hojjeta.

⁷ Inni duumessoota andaara lafaatii
ol in kaasa,
bokkaa duukaa balaqqeessa
in fida,
qilleensas gombisaa isaa
keessaa in baasa*.

*5 86:8; 115:3-4

*7 Er 10:13

⁸ Inni nama yookiis horii angafa
ta'ee
warra Gibxiif dhalate in dha'e*.
⁹ Yaa biyya Gibxi, inni si keessatti
Fara'oonii fi hojjetoota isaa
bundumaa irratti

milikkita argisiisee dinqii
hojjeteera*.

- ¹⁰ Inni saba baay'ee rukute,
mootota jajjaboo ajjeese;
¹¹ Sihoonin mootii Amoorotaa,
Oogin mootii biyya Baashaan,
mootummoota Kana'aan
hundumaas isatu balleesse;
¹² inni biyya isaanii akka dhaalaatti,
saba isaa Israa'eliif dhuunfaa
godhee kenneef*.

*8 Bau 12:29

*9 78:42-52

*10-12 Iya 11:23-12:24

- ¹³ Yaa Waaqayyo, maqaan kee
kan bara baraa ti;
seenaan kees yaa Waaqayyo,
dhalootaa hamma dhalootaatti
in yaadatama*.
¹⁴ Waaqayyo saba isaatiif dhugaa in
baasa,
hojjetoota isaatiifis in oo'a*.

*13 102:12

*14 Kes 32:36

- ¹⁵ Waaqayyoliin saba lafa irraa
meetii dha, warqee dha,
harka namaatiin hojjetamanis;
¹⁶ afaan itti jira, garun dubbachuu
hin danda'an,
iji itti jira, garuu arguu
hin danda'an;
¹⁷ gurri itti jira, garun ittiin
hin dbaga'an,
afaan itti jira, garuu hafuuri
isaan keessa hin jiru.
¹⁸ Warri isaan tolchan,
warri isaan amanatanis
hundinum akkuma isaanii ti*.
*15-18 96:5; 115:4-8

- ¹⁹ Yaa mana Israa'el, Waaqayyoon
ulfinaan jajadhaa!
Yaa mana Aaron, Waaqayyoon
ulfinaan jajadhaa!
²⁰ Yaa mana Lewwii, Waaqayyoon
ulfinaan jajadhaa!
Isin warri Waaqayyoon
sodaattan,
Waaqayyoon ulfinaan jajadhaa!
²¹ Waaqayyo inni Yersaaleem
jiraatu,
Xiyoon keessatti ulfinaan haa
jajamu!
Waaqayyoon jajadbaa*!

*21 73:2

Gaarummaa Waaqayyoo Isa
Hin Sochoone Jajuu

136 ¹ Waaqayyo gaarii waan
ta'ee, isaaf galata galchaa!

Gaarummaan isaa bara baraan
in jiraata*!

² Waaqayyo isa waaqayyolii
caalunf galata galchaa!
Gaarummaan isaa bara baraan
in jiraata.

³ Isaaf galata galchaa!
Gooftaa gooftotaaf galata
galchaa!
Gaarummaan isaa bara baraan
in jiraata.

*1 106:1; 118:1

⁴ Inni kophaa isaa dinqii
gurguddaa hojjete;
gaarummaan isaa bara baraan
in jiraata.

⁵ Inni hubannaadhaan bantiwwan
waaqaa nume;
gaarummaan isaa bara baraan
in jiraata*.

⁶ Inni lafa bishaan irra diriirise;
gaarummaan isaa bara baraan
in jiraata*.

⁷ Inni ifa gurguddaa hojjete;
gaarummaan isaa bara baraan
in jiraata.

⁸ Biiftuun guyyaa aboo akka
godhatuuf kaa'e;
gaarummaan isaa bara baraan
in jiraata.

⁹ Ji'i, urjoonnis
halkan aboo akka godhataniif
kaa'e;
gaarummaan isaa bara baraan
in jiraata*.

*5 Uma 1:6-8

*6 24:2

*7-9 Uma 1:14-18

¹⁰ Inni angafa ta'anii
warra Gibxiif kan dhalatan in
dha'e;
gaarummaan isaa bara baraan
in jiraata.

¹¹ Israa'elin immoo isaan
giddundhaa in baase;
gaarummaan isaa bara baraan
in jiraata.

¹² Harka aango-qabeessaan,
irree isaa isa ol fudhateen in
baase;

gaarummaan isaa bara baraan
in jiraata*.

¹³ Inni galaana diimaa iddoo lamatti
gargar hire;

gaarummaan isaa bara baraan
in jiraata.

¹⁴ Sabni Israa'el gidduu isaa akka
darban godhe;
gaarummaan isaa bara baraan
in jiraata.

¹⁵ Fara'oonii fi macca isaa immoo
galaana diimaa keessatti in
darbate;
gaarummaan isaa bara baraan
in jiraata*.

*11-12 Bau 12:29-33,51

*13-15 Bau 14:21-31

¹⁶ Inni saba isaa lafa onaa keessa in
geggeesse;
gaarummaan isaa bara baraan
in jiraata*.

¹⁷ Inni mootota gurguddoota in
dha'e;
gaarummaan isaa bara baraan
in jiraata.

¹⁸ Inni mootota surra-qabeeyyii in
ajjeese;
gaarummaan isaa bara baraan
in jiraata.

¹⁹ Sihoonin mootii Amoorotaa in
qoome;
gaarummaan isaas bara baraan
in jiraata.

²⁰ Oogin mootii Baashaan in ajjeese;
gaarummaan isaa bara baraan
in jiraata.

²¹ Inni biyya isaanii dhaala godhee
kenne;
gaarummaan isaa bara baraan
in jiraata.

²² Israa'el garbicha isaatiif
dhuunfaa isa godhe;
gaarummaan isaa bara baraan
in jiraata*.

*16 Kes 29:4-6

*17-22 Lak 21:23-35; Far 135:10-12

²³ Yeroo gad deebii keenyaatti isatu
nu yaadate;
gaarummaan isaa bara baraan
in jiraata.

²⁴ Warra nu cunqursan harkaa
isatu nu baase;
gaarummaan isaa bara baraan
in jiraata*.

²⁵ Inni foon kan uffate hundumaa in
soora;

gaarummaan isaa bara baraan
in jiraata*.

²⁶ Waaqayyo, gooftaa bantii
waaqaaf galata galchaa!
Gaarummaan isaa bara baraan
in jiraata.

*23-24 129:4

*25 104:27-28; 145:15

Boo'lcha Warra Biyya
Baabilonitti Booji'amanii

137 ¹ Nuyi biyya Baabilonitti
lagoota bishaanii bira
teenyee,

yommuu Xiyoonin yaadanne in
boonye.

² Kiraarota keenya
alaltun achi jirutti fafaunifne.

³ Achitti immoo warri nu booji'an
akka nuyi isaaniif weeddifnu,
warri nu dhiphisaniis
gammachuudhaan akka isaaniif
faarfannu
nu irraa barbaadan;

"Weeddnu Xiyoon keessaas
tokko
nuuf weeddisaa!" jedhan.

⁴ Wanta Waaqayyoof weeddifnu,
attamitti biyya ormaatti
weeddisuu dandeenya ree?

⁵ Yaa Yersaaleem, ani yoon si
irraanfadh, harki koo mirgaa hojii isaa haa
irraanfatu!

⁶ Ani yoon si yaadachuu
dhaabaadhe, wanta ani itti gammadu
hundumaa irra
Yersaaleemin yoon caalchifachuu
dhaabaadhe,
arrabni koo laagaa kootti haa
gogu*!

*5-6 Er 51:50; Far 122:3-9

⁷ Yaa Waaqayyo, gaafa
Yersaaleem diigamte,
warri Edoom, "Diigaa,
hamma hundee isheetiitti diigaa!"
akka jedhan yaadadhu*!

*7 79:12; Oba 10:15; His 35:1-15

⁸ Yaa mandara Baabilon,
yaa barbadeessituu!

Waan ati nu irratti hojjetteef,
isa dugda siif baasu sanaaf baa
tolu*!

⁹ Mucoolii kee qabee
isa dhagaa irratti caccabsu
sanaaf haa tolu!

*8 Er 50:1-51:64

Deebii Argatanliff Waaqayyoon Galateeffachuu

(Kan Daawit)

138 ¹ Ani garaa kno
guutuudhaan,
galata siif nan galcha,
yaa Waaqayyo!
Waaqayyolii durattis jajuu kee
nan faarfadha.

² Ani gara mana qulqullummaa
keetti garagalee nan
sagada;
wanta ittiin maqaan kee
beekatee gararraatti
ati abdii kee waan ol kaafteef,
gaarummaa keetiif
amanamummaa keetiifis,
maqaa keef galata nan galcha*.
³ Guyyaa ani si waammadhetti na
jalaa owwaatteetta,
ati na jabeessite, lubbuun koos
humna godhatte.

*2 5:7

⁴ Dubbii afaan kee keessaa ba'u
waan dhaga'aniif,
mootonni biyya lafaa hundinuu
galata siif in galchu,
yaa Waaqayyo!

⁵ Ulfinni Waaqayyoo guddaa waan
ta'eeef,
isaan waa'ee karaa
isa Waaqayyo ittiin hojjetuu in
weeddisu.

⁶ Waaqayyo akkas ol ka'ee utuma
jiruu,
warra gad deebi'an in ilaala;
warra of gurguddisan garuu
inni fagootti in beeka*.

*6 Isa 57:15

⁷ Ani gidiraa keessa yoon
deddeebi'e iyyuu,
ati lubbuu anatti in deebifta;
dheekkamsa diinota koo irrattis,
ati harka ol in fudhatta;
harki kee mirgaas ana in
oolcha*.

⁸ Waaqayyo akeeka isaa anaaf in
raawwata;
gaarummaan kee yaa
Waaqayyo, bara baraan in
jiraata,
hojii harka keetii ati hin
dhiisin!

*7 Isa 43:2

Waaqayyo Waan Hundumaa Beeknu Isaa, Iddon Hhundumaattis Argamuu Isaa

(Geggeessituu warra faarfattootaaf;
faarfannaa Daawit)

139 ¹ Yaa Waaqayyo, ati qortee
na ilaalteetta,
na beektas*!

² Taa'uu koo fi ijaajuu koo in
beekta,
fagoodhaas yaada koo in
hubatta.

³ Ka'ec adeemuu koo fi ciisuu
koos gargar in baafatta,
karaa jireenya koo bundumaas
keessa in beekta.

⁴ Utuma dubbiin afaan kootii hin
ba'in,
isa ani jechuuf ture bundumaa
ati dur illee beekte,
yaa Waaqayyo!

⁵ Ati karaa hundumaan naannoo
kootti argamtee,
harka kee ana irra qabdee jirta.

⁶ Wanta dinqisiisaa akkasii kana
beekuun bumna koo gararraa
dha,
anaa ol, isa bira ga'uus hin
danda'u.

*1 17:3; Er 11:20

⁷ Hafuura kee duraa eessa nan
dhaqa?
Fuula kee duraas eessatti nan
baqadha?

⁸ Bantii waaqaatti yoon ol ba'e,
ati achi jirta!
Iddoo lafa jalaa keessa yoon
ciises,

ati achittis immoo in argamta*!

⁹ Ani baallee baasee akka ifa
bariitti balali'ee,
galaana dhidhimaa qarqara
utuun qubadbee,

¹⁰ silaa achitti immoo harki kee na
geggeessa,

harki kee mirgaas jabeessee na
qaba ture.

¹¹ Ani, "Dukkanni ana irra baa bu'u,
ifni guyyaas
naannoo kootti halkan haa
ta'u!" yoon jedhe,

¹² dukkanni iyyuu si duratti hin
dukkanaa'u,
balkan akkuma guyyaa in ifa;
dukkanni immoo akkuma ifaa
in ta'a*.

*8 Amo 9:2; Iyo 26:6

*11-12 Iyo 34:22

¹³ Keessa namummaa koo situ uume,
gadameessa haadha koo
keessatti situ na tolche;

¹⁴ isa ati guddaa dinqisiisaa gootee
na uumteef,
ani galata siif nan galcha;
gochaau kee waanuma raajii ti,
anis kana ba'eessa godhee nan
beeka.

¹⁵ Ani dhoksaatti yommuun
hojjetame,
gadameessa [isa akka lafa gad
fagootti ilaalamu]
keessatti yommuun tottolfame
lafeen koo iyyuu si duraa hin
dhokanne.

¹⁶ Nama ta'uun koo utuu bin
beekamin
iji kee na arge,
dhaladhee barri jireenya koo
lakkaa'amuu
utuu hin jalqabin,
guyyoonni anaaf yaadaman
guutummaatti macaafa kee
keessatti caafaman*.

¹⁷ Yaadni kee maal maal anatti
jabaata, yaa Waaqayyo!
Guutummaattis maal maal
baay'ata*!

¹⁸ Ani lakkoobsa isaa himuu utuun
yaalee,
cirraha irra in baay'ata;
kana yaaduu keessaa yeroon
dammaqs,
amma iyyuu sii wajjinan jira*.

*16 Iyo 14:5; Far 31:15

*17 40:5

*18 63:6

¹⁹ Nama jal'aa utuu ajjeeftee,
yaa Waaqayyo!
Warri dhiiga namaa
dbangalaasanis

anattii haa fagaatan!

²⁰ Isaan hamaadhaaf waa'ee kee in
dubbatu,
warri siin mormanis
akkasumaan maqaa kee in
kaasu.

²¹ Yaa Waaqayyo, ani warra si
jibban hin jibbuu ree?
Warra si irratti ka'anis ani hin
ciigga'uu ree?

²² Jibba guutuu isaan nan jibbe,
isaan diina anatti ta'aniiru.

²³ Qorii na ilaali, yaa Waaqayyo,
garaa koos beeki!
Na fonqolchi, yaada koos
beeki!

²⁴ Karaa nama miidhu irra bu'een
jira yoo ta'e ilaali,
karaa bara baraan jiraatu irra
na geessi*!

*24 25:4

Kora Jal'ootaa Jalaa Ba'unf Kadbacbuu

(Geggeessituu warra faarfattootaaf;
faarfannaa Daawit)

140 ¹ Yaa Waaqayyo, namoota
hamoota jalaa na baasi,
warra bumnaan nama irratti
ka'anis ana irraa eegi!

² Isaan wanta hamaa
garaa isaanii keessatti yaadanii
io qopheessu,
walitti fufaniis lola in kaasu;
³ isaan arraba isaaniitiin akka
bofaa nama in iddu,
hidhii isaanii jalas hadhaa
mar'ataatu jira*.

*3 58:4; Rom 3:13

⁴ Harka warra jal'ootaa ana irraa
eegi, yaa Waaqayyo!
Namoota bumnaan nama irratti
ka'an,
warra miilla koo qabanii
na gufachiisuuf akeekkanis
na baraarii!

⁵ Namoonni waan guddaatti of
ilaalan
futtaasaa anaaf dhoksaniiru,
kiyyoos funyoodhaan diriirsaniiru;
meendoos karaa irra anaaf
dhaabaniiru*.

*5 31:4

⁶ Ani immoo gooftichaan,

- "Ati Waaqayyo koo ti"
nan jedha,
yaa Waaqayyo,
gurri kee sagalee himata koo
haa dhaggeeffatu*!
- ⁷ Yaa Waaqayyo gooftaa ko,
gargaarsa koo isa
aango-qabeessaa!
Ati guyyaa lolaatti mataa koo
anaaf golgiteetta.
- ⁸ Nama jal'aadhaaf hawwa isaa
hin baasiniif, yaa
Waaqayyo!
Waan inni koratus fiixaan
hin baasiniif!
- ^{*6 22:11}
- ⁹ Warri na marsanii jiran mataa
yoo ol qabatan,
hamaan afaan isaanii keessaa
ba'u
itti deebi'ee isaan irra haa
daabali'u*!
- ¹⁰ Barbadaan giimiin isaan irra
haa bu'u,
ibiddatti, boolla deebi'anii
keessaa hin baane
keessattis
haa kuffifaman!
- ¹¹ Namni maqaa namaa balleessu
biyya keessatti hundee hin
godhatin!
Isa humnaan nama irratti ka'us,
wanti hamaan adamsee haa
dhadha'u!
- ^{*9 34:21}
- ¹² Waaqayyo dubbii warra
dhibamanii
duukaa akka bu'u ani beeka;
warra dhabaniifis dhugaa in
baasa*!
- ¹³ Egaa warri qajcelonni maqaa keef
galata in galchu,
warri yaada qajeelaa qabanis
fuula kee dura in jiraatu.
- ^{*12 9:12}
- Yeroo Qoramanii Fi
Yeroo Ari'ataman Akka
Hin Kufneef Kadhachuu**
(Faarfannaa Daawit)
- 141** ¹ Yaa Waaqayyo, ani sin
waammadha,
ati ariifadhuu na bira ga'i!
Yommuun si waammadhu,

- gurra keetiin gara sagalee koo
dhaggeeffadhu!
- ² Kadhanni koo akka ixaana
aarfamuutti,
harka koo gara keetti
ol qabuun koos
akka aarsaa galgalaatti
si duratti anaaf haa
fudhatamu*!
- ^{*2 Bau 30:7; 29:39; Mul 5:8; 8:3-4}
- ³ Yaa Waaqayyo, eegduu afaan
koo eegu,
tiksee saaqamuu hidhii kootii
tiksus
anaaf dhaabi*!
- ⁴ Hidhata namoota dabaa hojjetanii
ta'ee,
jal'inaan waa akkan
hin raawwannetti,
garaan koo gara wanta hamaatti
akka hin jal'anne godhi!
Nyaanni isaanii inni namatti
tolus anatti haa hafu!
- ^{*3 34:13; 39:1; Yaq 3:2-11}
- ⁵ Namni qajeelaan na rukutuun
anaaf gaarii dha,
na ifachuun isaas akka dibata
mataa kootii ti;
mataa koos kanaan dibamuu hin
didu;
hojii warra hamaa godhanii
irratti garuu,
ani amma iyyuu kadhachuu hin
dhiisu*.
- ⁶ Abboonni firdii isaanii
kattaa irraa yeroo gad
darbataman,
wanti ani dubbadhe
akka namatti tolu jaratti in
dhaga'ama.
- ⁷ Akkuma nama lafa qotee
garagaggalcheetti,
lafeen isaanis iddoo lafa jalaa
dura
tatamsa'ee jira.
- ^{*5 Fak 27:5-6}
- ⁸ Iji koo garuu gara kee in ilaala,
yaa Waaqayyo gooftaa,
ani kooluu sitti galeera, ati
lubbuu koo hin gatii!
- ⁹ Futtaasaa isaan anaaf kaa'an irraa,
meendoo warra hamaa
hojjetanii irraas na eegi!

- ¹⁰ Ani jalaa nan ba'a,
warri jal'oonni immoo kiyyoo
isaaniitti haa kufan*!
- ^{*10 7:15-16}

- Kadhata Nama Ari'atamaa**
(Mararoo Daawit, isa yeroo inni holqa
keessa ture; kadhata)
- 142** ¹ Ani sagalee koo ol fuudhee
gara Waaqayyootti nan
iyyadha,
Waaqayyo akka anatti araramuuf
sagalee kootiin nan kadhada!
² Ani dhibee koo isa duratti nan
dhangalaasa,
rakkina koos isa duratti nan
himadha!

- ³ Hafuurri koo yeroo ana keessatti
laafu,
ati gara ani itti adeemu in
heekta!
Daandii ani irra adeemu keessa,
isaan futtaasaa anaaf
dhoksaniiru.
- ⁴ Ani gara mirga koo nan ilaala,
nan eegas;
garuu namni na yaadatu hin
jiru;
iddoon ani kooluu itti galu
tokko illee anaaf hin hafne;
namni tokko illee dhimma koo
hin qabu!

- ⁵ Yaa Waaqayyo, ani gara keetti
nan iyyadha,
"Ati isa ani kooluu itti galuu
dha,
biyya warra jiraatoo keessattis
qooda koo ti" nan jedha.
- ⁶ Ani baay'isee waanan mataa
buuseef,
iyyata koo anaaf
dhaggeeffadhu!
Warri na ari'atan baay'ee waan
anatti cimaniif,
ati isaan jalaa na baafadhu!
- ⁷ Maqaa kee akkan galateeffadhatti,
mana hidhaa keessaa na baasi!
Yeroo ati waan gaarii anaaf
deebiftettis,
warri qajeelonni anatti in
tuuta'u.

**Gaarummaa Isaa Abdatanii
Araara Isaa Kadhachuu**
(Faarfannaa Daawit)

- 143** ¹ Yaa Waaqayyo, ati
kadhata koo anaaf dhaga'i,
gurri kees himata koo haa
dhaggeeffatu!
- Amanamummaa keetiin,
qajeelummaa keetiinis anaaf
deebisi!
- ² Garbicha kee firdiitti hin
dhi'eessin!
Nama ta'ee kan jiraatu keessa
tokko illee si duratti qajcelaan
hin jiru*.
- ^{*2 130:3; Iyo 9:2; Rom 3:20}
- ³ Diinni na ari'ee, jirenya koos
lafatti dabale;
akkuma warra kanaan dura
du'aniitti,
lafa dukkanaatti na galche.
- ⁴ Kanaaf hafuurri na xinnaatee,
garaan koos na'ee in hadoode.
- ⁵ Guyyoota bara durii nan
yaadadha,
wanti ati goote hundinuus
yaada koo keessa jira;
hojii harka kees
irra-deddeebi'ee itti nan
yaada*.
- ⁶ Harka koo gara keettan hal'isa;
lubbuun koo si duratti
akkuma lafa gogee bishaan
barbaaduu ti*.
- <sup>*5 77:5-11
*6 42:1-2; 63:1</sup>
- ⁷ Hafuurri koo wal qaqqabuu
dadhabeera,
ariifadhuu na jalaa owwaadhu,
yaa Waaqayyo!
Akka warra boollatti gad bu'anii
akkan hin taanetti,
fuula kee achi ana irraa hin
qabatin*!
- ⁸ Ani waanan si amanadheef,
ganama bariidhaan
gaarummaan kee akka anatti
dhaga'amu godhi!
Lubbuun koo ol gara kee waan
yaadduufis,
karaa irra adeemuun anaaf ta'u
ana beeksisi*!

*7 102:2

*8 59:16

9 Warra diina anatti ta'an jalaa na baasi, yaa Waaqayyo!

Ani si jalatti nan baqadha.
10 Ati Waaqayyo koo ti, egaa fedha kee gochuu na barsiisi!
Hafuurri kee inni gaariin,
lafa wal qixxee irra ana haa geggeessu*!

*10 Nah 9:20

11 Maqaa keef jedhii lubbuu anatti deebisi, yaa Waaqayyo!
Qajeelummaa keetiinis rakkina keessaa na haasi*!

12 Anoo garbicha kee ti, ati gaarii waan taateef,
warra diina anatti ta'an fixi!
Warra na cunqursan hundumaas balleessi!

*11 115:1

Sahul Goofticha Waaqayyo Isaa
Godhate Gammadu Isaa

(Kan Daawit)

144 Waaqayyo, inni harka koo lolatti,

quba koos waraanatti barsiisu,
kattaa koo ulfinaan haa jajamu!

2 Inni gaarummaa anatti in argisiisa,
inni masaraa koo, da'oo jabaa koo, oolchaa koo,
gaachana koo isa ani koolun itti galuu dhas;
inni saba lafa irraa' ana jalatti in abboomsisa*.

*2 2:8; 18:2

3 Yaa Waaqayyo, ati akka waa'ee isaa yaadduuf namni maali?
Ati akka yaadaan isa qabduufis ilmi namaa maali*?

4 Namni akka qilleensa shuf jedhuu ti,
barri jireenya isaas akka gaadidduu darbuu ti*.

*3 8:4; Iyo 7:17-18

*4 39:4-6; Iyo 14:1-2

5 Yaa Waaqayyo, bantiwwan waaqaa kee gad qabi,

ati as kottu;
akka aarri isaan keessaa ba'uttis tulloota tuqi!

6 Bakakkaa balaqqeessis, warra mormanis bittimsi;

xiyyoolii kee gad ergi,
gara itti goran isaan wallaalchisi!

7 Ol gubbaa sanaa harka kee hiixadhuu na furi,
hishaanota baay'ee keessaa, harka warra ormaa keessaas na baasi*!

8 Afaan isaanii dubbii hundee hin qabne in dubbata,
harka mirgaa wal rukutuun isaanis kan sobaa ti*.

*5-7 18:9-15

*8 55:20; His 17:18-19; Far 144:11

9 Yaa Waaqayyo, ani weedduu haaraa siif nan weeddisa,
mi'a ribuu kudhan qabuunis sin faarfadha*.

10 Ati moototaaf mo'icha in laatta;
Daawitin garbicha kees billaa sodaachisaa jalaa in oolchita*.

11 Anas na oolchi,
harka warra ormaa keessaas na baasi!

Afaan isaanii dubbii hundee hin qabne in duhhata,
harka mirgaa wal rukutuun isaanis kan sobaa ti.

*9 33:3; 96:1

*10 18:50

12 Ilmaan keenya ijooltummaa isaanitti
akka biqila guddina tolee, intaloonni keenya akka utuhoota golee irraa,

warra ijaarsa mana mootii miidhagsuuf
qiinqimamanii haa ta'an!

13 Gombisaan keenya haa guutu,
midbaan garaa garaas isa keessaa haa baafamu!
Bushaa'een keenya kumaatama haa ta'an,

wal horanii kumaatama kudhaniin bakkeetti haa yaa'an!

14 Horiin keenya haa dodorroban,

gatachuun, iddoo hin ga'in dhalachuun

itti hin dhufin!

Karaa keenya keessattis rakkatanii iyyun hin argamin!

15 Sahni akkasitti jiraatu haa gammadu,
sabni gooftichi Waaqayyo isaa ta'eef haa gammadu*!

*15 Kes 33:29

Iji Hundinuu Waaqayyoon
Abdiidhaan Eeggachuu Isaa

(Faarfannaa jajachuu; kan Daawit)

145 Yaa Waaqayyo mootii ko, guddina kee nan beeksisa,
yeroo hundumaa baruma baraan maqaa kee nan cebbisa.

2 Guyyima guyyaan ulfinaan sin jajadha,
yeroo hundumaas baruma baraan maqaa kee nan jajadha.

3 Waaqayyo guddaa dha, guddisee kan jajamuu dha;
guddinni isaas qoramee bira hin ga'amu.

4 Dhaloonni tokko hojii kee dhaloota isa kaanitti in jaja,
hojii aangoo kees in labaa*.

5 Isaan waa'ee simboo ulfina kee, waa'ee surraa kee,
waa'ee hojii kee isa dinqisiisaas itti yaadanii in dubbatu*.

6 Isaan waa'ee aangoo hojii kee isa guddaa sodaachisaa in dubbatu;
anis guddina kee nan hima.

7 Isaan seenaa baay'ina arjummaa kee

gad in jijjigsu,
qajeelummaa kees sagalee gammachuutlin in dhageessisu.

*4 78:4

*5 19:1-6

8 Waaqayyo araara-qabeessaa fi oo'a-qabeessa;
aariitti suuta in jedha,
gaarummaan isaas guddaa dha*.

9 Waaqayyo nama hundumaaf gaarii dha;

hojii harka isaa hundumaafis in oo'a.

10 Hojiin harka kee hundinnu galata siif in galchu, yaa Waaqayyo,

warri siif of kennan hundinuus ulfinaan si jajni!

11 Isaan waa'ee ulfina mootummaa kee in dubbatu,
waa'ee hojii aangoo kees in himu.

12 Hojii kee isa aango-qabeessa, ulfina mootummaa kee isa simbo-qabeessas,
ilmaan namootaatti beeksisuudhaaf kana in godhu.

13 Mootummaan kee mootummaa baraa fi bara hundumaa ti,
mo'uun kee dhalootaa hamma dhaloota hundumaatti;
[Waaqayyo dubbii isaa hundumaatti amanamaa dha,

hojii isaa hundumaattis gaarummaa in argisiisa.]

*8 Bau 34:6

14 Waaqayyo warra kufuuf jedhan hundumaa qabee in oolcha,
warra gad deebi'an hundumaas ol in kaasa*.

15 Iji hundinuu abdiidhaan si eeggata,
atis soora isaanii yeroo ta'utti isaanii in laatta.

16 Ati harka kee in diriirsita,
fedha warra lubbuu qaban hundumaas in quufsita*.

*14 9:12; 146:8

*15-16 104:27-28; 136:25

17 Waaqayyo karaa hojjetu hundumaatti qajeelaa dha,
bojii isaa hundumaattis gaarummaa in argisiisa.

18 Waaqayyo warra isa waammatan hundumaatti,
warra dhugaadhaan isa waammatan hundumaatti dhi'oo dha*.

19 Inni fedha warra isa sodaatanii fiixaan in baasa;
iyya isaanis immoo in dhaga'a, isaan in oolchas*.

²⁰ Waaqayyo warra isa jaallatan
bundumaa in eega,
warra jal'oota hundumaa garuu
in balleessa*.

*18 Kes 4:7; Isa 58:6-9

*19 Fak 10:24

*20 1:1-6

²¹ Afaan koo jajannaa Waaqayyoo
haa dubbatu!
Foon kan uffate hundinuus
yeroo hundumaa,
baruma baraan maqaa isaa isa
qulqulluu haa cebbisu!

Waaqayyo Isa Gargaarsi Biraa
Dhufu Irra Abdii Kaa'achuu

146 ¹ Waaqayyoon jajadhaa!
Waaqayyoon jajadhu,
yaa lubbuu ko!

² Ani jireenya koo guutuu
Waaqayyoon nan jajadha,
hamman jirutti jajuu Waaqayyo
koo nan faarfadha!

³ Amanannaa keessan gurguddoota
irra,
ilmaan namaa
warra gargaarsi bira hin jirre irras
hin kaa'atinaa*!

⁴ Yeroo hafuurri isaa keessaa baatu,
inni deebi'ee biyyoo in ta'a;
guyyuma sanas akeeki isaa in
bada*.

*3 118:8-9; Er 17:5-6

*4 Uma 3:19; Lal 3:20

⁵ Namni,
Waaqayyo inni kan Yaaqoob
gargaarsa isaa ta'eef,
abdiis isaas
Waaqayyo isaa goofticha irra
inni kaa'ate haa
gammadu*!

⁶ Gooftichi isa bantii waaqaa fi lafa,
galaanaa fi wanta isaan keessa
jirus uumee dha;
inni bara baraan
amanamummaa in eega.

⁷ Inni warra cunqurfamaniif
dhugaa in baaga;
warra beela'aniifis soora in
kenna;
Waaqayyo warra hidhaman
hiikee gad in dhiisa.

*5 Er 17:7

⁸ Waaqayyo jaamotaaf agartuu
isaanii in deebisa;
Waaqayyo warra gad deebi'an
ol in kaasa;

Waaqayyo warra qajeelota in
jaallata*.

⁹ Waaqayyo galaa biyya ormaa in
eega;
inni ijoollee abbaan irra hin
jirree fi
haadha hiyyeessaa in jiraachisa;
karaa warra jal'ootaa garuu
irraa in kaachisa*.

¹⁰ Yaa Xiyoon, Waaqayyo kee
gooftichi,
dhalootaa hamma dhalootaatti,
bara baraan in mo'a!
Waaqayyoon jajadhaa*!

*8 145:14

*9 Bau 22:21-22

*10 93:1; 96:1

Gocha Isaa Hundumaaf
Waaqayyoon Faarfachuu

147 ¹ Waaqayyoon jajadhaa!
Waaqayyo keenya
jajatanii faarfachuun
attam gaarii dha!
Isa jajachuun namatti in tola,
in ta'as*.

² Waaqayyo, Yerusalemin
deebisee in ijaara;
namoota Israa'el
warra bittimfaman walitti in
qaba*.

³ Inni warra garaan isaanii cabe in
fayyisa,
madaa isaanis walitti qabee in
bidhaaf*.

*1 92:1

*2 Isa 44:26-28; 43:5-7

*3 Isa 61:1-2

⁴ Urjoota isatu lakkaa'ee kaa'e,
hunduma isaanis maqaa
maqadhaan in waama*.

⁵ Gooftaan keenya guddaa dha,
aangoo guddaas qaba;
hubannaan isaa hammana hin
jedhamu.

⁶ Waaqayyo, warra gad deebi'an
ol in qaba;
warra jal'oota garuu lafatti in
dabala*.

*4 Isa 40:25-26

*6 146:7-9; Luq 1:52

⁷ Faarfachuudhaan Waaqayyoof
galata galchaa,
kiraara rukutuudhaan
Waaqayyo keenya
faarfadhaa!

⁸ Inni waaqatti duumessoota in
uffisa,
lafa bokkaa in argachiisa,
tulloota irratti marga in
biqilcha.

⁹ Inni horiidhaaf nyaata isaanii
in kennu
ilmaan qurruus yeroo iyyanitti
isaan in soora*.

¹⁰ Inni jabina fardaatti hin
gammadu,
miillaan fiiguun namaas isatti
hin tolu.

¹¹ Warri Waaqayyoon sodaatanii
gaarummaa isaas abdiidhaan
eeggatan garuu
isatti in tolu*.

*9 104:27-28; Iyo 38:41

*10-11 20:7-8

¹² Yaa Yerusaleem, jajuu
Waaqayyoo faarfadhu!
Waaqayyo kee jajadhu, yaa
Xiyoon!

¹³ Innoo danqaraa balbala kelloota
keetii in jabeessa,
ilmaan kee kella kee keessatti
in eebbisa.

¹⁴ Daarii kee nagaa in godha,
qamadii isa caaluunis si quufsa.

¹⁵ Abboommii isaa gara lafaatti in
erga,
dubbiin isaa ariifatee
waliin in ga'a*.

¹⁶ Cabbii akka jirbii in diriirsa,
qorra akka hurrii addaatus
akka daaraa in facaasa.

¹⁷ Inni cabbii akka dhagaatti gad in
daddarbata,
qorra sanas eenyutu obsee
dhaabachuu danda'a?

¹⁸ Inni dubbii isaa in erga, cabbii
sanas in baqaa;
qilleensi akka qilleensa'u in
godha,
cabiin sunis bishaan ta'ee in
yaa'a*.

*15 33:9

*16-18 Iyo 38:22-30

¹⁹ Waaqayyo dubbii isaa
Yaaqoobitti, seerrata isaa,
wanta qajeelaa ta'ee isa duratti
fudhatames
Israa'elitti in hima.

²⁰ Inni saba biraatiif akkas hin
goone;
wanta qajeelaa ta'ee isa duratti
fudhatame sana
isaan immoo hin beekan!
Waaqayyoon jajadhaa*!

*19-20 Kes 4:5-8

Waaqoii Fi Lafti Jajuu
Waaqayyootti Waamamuu

148 ¹ Waaqayyoon jajadhaa!
Bantiwwan waaqaa
keessaa Waaqayyoon
jajadhaa,

ol gubbaa sanatti isa jajadhaa!

² Ergamoonni isaa
warri waaqa irraa
hundinuus isa jajadhaa;
macci isaa hundinuus isa
jajadhaa*!

*2 103:20-21

³ Biiftuu fi ji'i isa jajadhaa,
urjoonni calaqqifanis isa
jajadhaa!

⁴ Bantiwwan waaqaa warri ol
fagoon,
isiin bishaanonni bantiwwan
waaqaa irra jirtan,
isa jajadhaa*!

⁵ Inni abboomnaan waan
uumamaniif,
isaan maqaa Waaqayyoo haa
jajatan*!

⁶ Inni yeroo hundumaaf
baruma baraan cimsee isaan
dhaabe,
seerrata isaan irra darbuu hin
dandeenyes
isaaniif in kenne*.

*4 Uma 1:7; Far 104:3

*5 33:9

*6 Iyo 38:10-11; Er 33:25-26

⁷ Isin bineensonni akka jawwee
galaanatti galtan,
tuujjubni galaanaas,
lafaa Waaqayyoon jajadhaa*!

⁸ Isin ibiddii fi qorri,
cabiinii fi hurriin,
bubben qilleensaa inni
abboommii isaa raawwatu*.

- ⁹ Tulloonna gaaronnis hundinuu,
mukkeetiin ija godhatan,
gaattiraanis hundinuu,
¹⁰ bineensonni, horiin qe'ees hundinuu,
warri lafa irra munyuuqan,
warri baalleedhaan ka'anis,
¹¹ mootonni lafaa, sabnis hundinuu,
gurguddoonni, warri biyya
seerratanis hundinuu,
¹² dargaggoonni, durboonnis
akkasuma,
jaarsoliinis ijoollee wajjin,
¹³ hundumti isaanii maqaa
Waaqayyoo haa jajatan!
Maqaan isaa kophaan ol ka'ee
waan beekameef,
surraan isaa lafaa fi bantii
waaqaa gararraa dha.

*7 104:26

*8 104:4

- ¹⁴ Jajuu ijoollee Israa'el,
warra isatti dhi'aatani,
isaaf of kennan hundumaaf,
inni gaanfa mataa saba isaa
ol qabeera.

Waaqayyoon jajadhaa*!

*14 Kes 4:7-8

Faarfannaa Galataa

- 149** ¹ Waaqayyoon jajadhaa!
Faarfannaa haaraadhaan
Waaqayyoon
faarfadhaa!

Walga'ii warra isaaf of kennanii
keessatti

jajuu isaa dhageessisaa*!

- ² Israa'el isa isa uumetti haa
gammadu,
ijoolleen Xiyoon
mootii isaaniitti gammaduu
isaanii haa roul'isan*!

- ³ Sirhanii maqaa isaa haa jajatan,
dibbee fi kiraara
rukutuudhaanis isa haa
faarfatan!

*1 33:3; 96:1

*2 100:2

- ⁴ Waaqayyoo saba isaatti in
gammada,
warra gad deebi'aniifis
mo'icha kennuudhaan
ulfina in argachiisa*.

*5 Warri isaaf of kennan

ulfina kanatti haa gammadan,
afata isaanii irrattis guddisanii
haa faarfatan!

- ⁶ Waaqayyoon jajatanii ol himuun
afaan isaanii keessaa,
billaan gar lamaan qaramaanis
harka isaanii keessaa hin bu'in!

- ⁷ Saba lafa irraa irratti ija
ba'uudhaaf,

saba warra kaanis adabuudhaaf

- ⁸ mootota isaanii fuuncaadhaan,
ulfina-qaboota isaaniiis
funyoo sibiilaatiin hidhuudhaaf,

- ⁹ firdii caafamee jiru isaan irratti
in raawwata,

kun warra isaaf of kennan
hundumaaf ulfina!

Waaqayyoon jajadhaa*!

*4 147:6

*9 Isa 63:4-6; Yoe 4:2-14

Faarfannaa Jajachuu Isa Guddaa

- 150** ¹ Waaqayyoon jajadhaa!
Iddoo isaa isa qullullaa'aa
keessatti Waaqayyoon
jajadhaa!

Bantii waaqaa isa

humna-qabeessa keessatti

isa jajadhaa!

- ² Gocha isaa isa
aango-qabeessaaf isa
jajadhaa;

akka guutummaa guddina
isaatti isa jajadhaa!

- ³ Sagalee fiinootiin isa jajadhaa;
kiraaraa fi maseenqoodhaan isa
jajadhaa!

- ⁴ Dibbeedhaa fi sirbaan isa jajadhaa;
mi'a ribuu qabuun, ululleedhaanis
isa jajadhaa!

- ⁵ Sibiila walitti rukutamee
sagalee ol kaasuun,
isa jajadhaa!

sibiila walitti rukutamee sagalee
guddaa dhageessisuun,
isa jajadhaa*!

- ⁶ Wanti hafuura baafatu hundinuu
Waaqayyoon haa jajatu!
Waaqayyoon jajadhaa*!

*3-5 98:4-5; 2Sam 6:5

*6 Mul 5:13

Macaafa Fakkeenya

Bu'aa Fakkeenyonni Kennan

- 1** ¹ Fakkeenyonni Solomoon ilma
Daawit, mootii Israa'el kanatti aa-
nanii jiru*. ² Isaanis namoonni ittiin
ogummaa fi barsiisa akka argataniif,
dubbii beekumsa of keessaa qabus
akka hubataniif in gargaaru; ³ akkasu-
mas qalbifachuudhaan, qajeelummaa fi
wanta seeraan eegame, wanta dhugaa
ta'es akka argataniif, ⁴ wallaalonni ma-
la, ijoolloonis beekumsaa fi dubbii
gargar baasuu akka qabaataniif kenna-
man. ⁵ Namni ogeessi in dhaggeeffata,
barumsas in dabalata, namni dubbii
gargar baasuu beekus mala in argata.
⁶ Dubbii fakkeenyaan dubhatamu, haa-
saa sookaa, wanta ogeeyyiin dubbata-
niif hibboo in hubata.

- ⁷ Waaqayyoon sodaachuun jalqaba
ogummaa ti,
gowwoonni garuu ogummaa fi
barsiisa in tuffatu*.

*1 1Mot 4:29-32

*7 8:13; 9:10; Iyo 28:28; Far 111:10;
Lal 12:13

Dargaggeessaaf Gorsa Kennuu Isaa

- ⁸ Yaa ilma ko, gorsa abbaa keetii
dhaga'i,
barsiisa haadha keetiis hin
tuffatin*.
- ⁹ Isaan mataa keetiif akka daraaraa
battee dha'amee ti,
morma keetiifis mi'a
miidhaginaa ati dirattuu
dha.

- ¹⁰ Yaa ilma ko,
cubhamoonni yoo si
wallaalchisuuf jedhan,
tole hin jedhiniif*;

- ¹¹ isaan, "Nuu wajjin kottu,
dhiiga namaa
dhangalaasuudhaaf
dhaqqee riphnee eeggannaa;
nama balleessaa hin qabnes
sababiidhuma tokko malee,
miidhuudhaaf karaatti in
eegganna;

- ¹² akka iddoo lafa jalaatti,
akka warra fayyaatii
boolla gad fagoo keessa
buufamaniittis

guutummaatti isaan in
liqimsina.

- ¹³ Nuyi wanta gati-jabeessa
hundumaa

in arganna,
manneen keenyas wanta
saamneen in guuttanna;

- ¹⁴ hirmaata keenya walitti in
dabalanna,
korojoon keenyas tokko haa
ia'u!"

yoo siin jedhan,

- ¹⁵ yaa ilma ko, isaanii wajjin hin
adeemin,

karaa isaanii irras hin bu'in!

- ¹⁶ Miilli isaanii hamaatti in fiiga,
isaan dhiiga dhangalaasuudhaaf
in ariifatu.

- ¹⁷ Warra baalleedhaan ka'an
qabuudhaaf,
erga isaan arganii
kiyyoo diriisuun waa'ee hin
baasu.

- ¹⁸ Namoonni kun riphanii
ceggachuun isaanii,
dhiiguma ofii isaanii
dhangalaasuutti in geessa;
kan biraa karaatti ceggachuun
isaaniis
jireenya ofii isaanii in
balleessa.

- ¹⁹ Jireenyi nama bu'aa jal'inaa
buufatuu

kana in fakkaata;
qabeenyi akkasii
lubbuu namichaa in balleessa.*8 6:20; 23:22; 30:17; Bau 20:12;
Kes 21:18-21

*10 16:29; Kes 13:7-9

Ogummaan Namoota Waamuu Ishee

- ²⁰ Ogummaan bakkee keessaa
guddiftee in iyyiti,
walga'ii karaa keessaa
sagalee ishee in dhageessifti;
- ²¹ mataa lafa namoonni
itti wal ga'anii irraa,
sagalee ishee ol fudhattee in
iyyiti;
karra kellaa mandaraatiis in
dubbatti*.

*20-21 8:1-3; 9:3

- ²² Isheen, "Isin wallaalota nana,